

74  
E 44



Ex Bibliotheca  
majori Coll. Rom.  
Societ. Jesu

7.-8.D. 67

78  
3.34  
78  
E  
44  
78







ANNALIVM

BOICORVM

PARS PRIMA.

*Ex legato*

*M. Cocini*




COMPLECTITVR PRIMA PARS  
ANNALIVM  
FRAGMENTA HISTORIÆ VETÈ-  
RIS VNDECIM SECVLORVM  
ET AMPLIVS.  
AB VLTIMA GENTIS  
BOICÆ LITERARVMQVE  
MEMORIA.  
ANNOS ANTE CHRISTVM NATVM  
D C.  
POST EIVSDEM NATALEM  
DCCLXXXVIII.  
EX FIDISSIMIS MONIMENTIS  
GRÆCIS ROMANISQVE.





MCNAETH  
LAVD HERTSROYANOS  
HAEREDS, ET  
CORNELIVM LEYSSERIVM  
ELECTORALEM TYPO-  
GRAPHVM.  
ANNO M. DC. XXVI.



ANNALE  
VIRTVTUM  
MUSEORUM  
ROMANORUM  
VITTORIO EMANUELE

SERENISSIMO

*Biblioth.* PRINCIPI *Cur.*

ET

BOIORVM DVCI


*Coll.* POTENTISSIMO *Hom.*

MAXIMILIANO

COM. PALATINO RHENI

S. R. IMPERII SEPTEMVIRO

*Soc.* ET



ARCHIDAPIFERO

PATRIAE PATRI.



Ost impletum Tui No-  
minis Famâ orbem terra-  
rum, MAXIMILIANE  
PRINCEPS, provoca-  
tâmque, ad verissimas  
Laudes Tuas, felicium Ingeniorum

)?( 3 Elo-




Eloquentiam; satiaveras Tu quidem  
vota Patriæ, fecerásque, vt nemo Ci-  
vium Tuorum spei suæ irasceretur,  
quæ non ausa est cuiquam tantum  
promittere, quantum ingentibus fa-  
ctis repræsentasti; & BOIARIA Tua,  
quæ nullo se Principe meminerat fe-  
liciolem, vltra sortem suam, SERE-  
NITATIS Tuę manu perducta, exhau-  
stis penè ipsis etiam desiderijs, in qui-  
bus sibi animus semper prolixè in-  
dulget, vix habuit, quod precaretur,  
nisi, vt quo SERENITAS Tua optimi  
status auctor Remp. loco constituif-  
set, eo staret inconcussa, & ad præ-  
sentem felicitatem Æternitas admi-  
graret. Tuæ verò SERENITATI reli-  
ctum jam nihil credebatur, præter  
modestissimū suspirium, quod etiam  
Alexandro suo Fortuna concessit,  
quo scilicet Homerus revocaretur,  
inventurus alterum Achillem, qui  
majus divino carmini argumentum  
dare



dare, & fatigare etiam illud ingenium  
posset. At enim non steterunt intra  
orbem nostrum curæ Tuæ; egressus  
es etiam hoc theatrum impar magni-  
tudini animi Tui, & extra hunc cir-  
cum, reperisti locum adhuc capacem  
Tuæ Pietatis. Pios nimirum Tuorum  
Majorum Manes, & nobilissimos  
Heröes, quibus sua jam pridem Vita,  
& Fortuna peracta est, è Beatis sedi-  
bus, & veluti Elysio nemore excitos  
ostendere Orbi gestiebas, reductu-  
rus cum ijs, si posses, totum Seculum  
Aureum, cujus nobis jam aliquē gu-  
stum propinasses. Agitaverat idem o-  
lim animo Augustus, qui, cūm proxi-  
mo, post Deos, honore, eorum me-  
moriā coleret, qui Imperium po-  
puli Romani ex minimo maximum  
fecissent; illorum omnium statuas,  
triumphali imagine, in vtraque sui  
fori porticu dedicavit, rationēque  
consilij sui eam edixit, vt illorum  
)? (

velut



velut ad exemplar, & ipse, dum viveret, & insequentis ætatis Principes, à Civibus exigerentur. Verùm ille satis habuit, suos Romæ Duces marmoreos ostendere; aut spirantes in ære; quæ quidem misera vita est; Tu optabas Tuis animam dare, quam olim Patriæ impenderant; eosdémq; loquentes, & cum reliquis pristini moris notis producere, vt non tantum oculis, sed animis suorum Civium admoventur; dùmque ipsimet magni Heroës totam Virtutum suarum scenam explicant, admissa ad spectaculum Posteritas coram agnosceret, & adoraret Principes suos, non illud tantum factura operæ precium, vt dicere possit de singulis,

*Sic oculos, sic ille manus, sic ora ferebat;*  
sed ad virtutem magnis rapienda exemplis; dum vtique verecundia est, plebejo pede nolle præeuntes Reges sequi. Sed cum hoc neque Apelles  
pin-

pingendo, neque Lyfippus fingendo  
confequi poffet, itumelt ad Bonas Li-  
teras, quibus vnis, ex omnibus hu-  
mani ingenij artibus, quadam quafi  
Divinitatis æmulatione, concessum  
elt, etiam mortuis Vitam reddere, &  
Immortalitatem: Ab his animati, &  
rediyivi prodeunt in Lucem, SERE-  
NITATIS Tuæ inclyti Majores, BOIA-  
RIÆ Principes, Palatino totius Gen-  
tis fuæ comitatu ftipati; & quia libe-  
ri ab invidia immortales animi funt,  
cujus etiam caufas procul habent, ad  
primum veteris Patriæ aspectum, ne-  
gant fe illam vnquã vidiffe pulchrio-  
rem: quàmque nos in illis venera-  
mur ætatem & caniciem, fola ante  
nos fecula menfi, ij modeltiùs Infan-  
tiam, & cunabula appellant B O I A-  
R I Æ, ad hoc ævi, floris, vigorisque  
eductæ, eo fucco & fanguine, quo  
ipfa nutritur, & viriliter formofa elt  
Virtus: neque putant Posteritati fuæ

fas esse, his quidquam temporibus  
objicere, & prisca secula repetere,  
cùm ætas, quæ sub optimo Princi-  
pe agitur, non possit non Aurea vo-  
cari: Nam ipsi quidem non patiun-  
tur SERENITATEM Tuam, MAXI-  
MILIANE PRINCEPS, exigi ad annos  
suos; nolunt aliquod Tui exemplar  
extra Te quæri; cùm & Tua incre-  
menta Tibi debeas, eodem jure, quo  
Patria Tibi ornamenta sua assignat,  
quam Tu multò veriùs, quàm Augu-  
stus, gloriari possis, marmoream Te  
reddidisse, cùm lateritiam acceperis.  
Vides ergo, quid assècutus sis, dum  
Majorum gloriæ studes, Tuæ penè  
oblitus, quam meruisse contentus,  
captare humilis animi putas; primùm  
enim amplissima Virtutis supellex,  
cujus privilegio Majores Tui æterni-  
tatem nominis sunt indepti, quan-  
tacunque ea à nobis intelligi, & lau-  
dari potest, tota Tua est, familiari &  
opti-

optimo jure, & ad Te cum ipso sanguine migravit: deinde quia Tu  
*Et genus, & proavos, & quæ non fecimus ipsi,*  
Vix Tua putasti, & erubuisti alienæ  
famæ incumbere, cum Tua Te Vir-  
tute posses involvere, illud nihilomi-  
nus, ex illorum præsentia, ad Tuam  
gloriam accessit, quòd nunc demum  
theatrum nactus dignum animo  
Tuo, plausum ab augustissimo tot  
Regum Principumq; recipis cōfessu;  
quorum nemo est, qui non optet,  
novo more, Tuarum Virtutum hæ-  
res esse; quo tanto judicio non po-  
test major, aut certè jucundior mer-  
ces Benefactis dari: nam si viles, &  
modicos animos quocunque digito  
monstrari delectat, & duo minutula  
verba, HIC EST, Demosthenis pe-  
ctus tam grato palpo destrinxerunt,  
credam certè & Heroum filios illo  
acroamate capi, cum ijs Reges ad lau-  
dem linguas commodant, qui non  
nisi

nisi maxima, id est, sibi æqualia mi-  
rantur. Vnicum Priami Patris enco-  
mium, infelicissimi Regis, Hectori  
pro triumpho fuit, & masculo pe-  
ctori decantatum illum apud Nævi-  
um versiculum expressit, Lætus sum  
me laudari abs te pater LAUDATO VI-  
RO; sed hîc totâ Majorum Tuorum  
conspirante serie, & quodam quasi  
Semideum choro in Tuas effuso lau-  
des, suas in Te spargente Laureas,  
gloriosos jactante Titulos, quos cum  
illi singulos meruerint, deberi Tibi fa-  
tentur vniversos, adornatus Tibi  
certè triumphus est, quo illustriorem  
Virtus nunquam habuit. Quem qui-  
dem explicare his libris aggredior,  
totam à primordio Gentem BOICAM  
evocaturus, trahentem secum tot  
trophæa, tot victarum Gentium titu-  
los, domitarum Urbium imagines,  
ipsamq; adeò veterem Romam pro-  
pè in angustijs Capitolij expirantē,  
&

& reliquias animæ ad libellam auro  
redimentem; tum deinde omnem tot  
seculorum fortunam, & magnos in  
vtraque animos, candidissima, & mi-  
nimè fucatâ pompâ producturus,  
semper aurigante Veritate; cujus mi-  
hi prior vbiq; cura, quàm Eloquen-  
tiæ, quæ ijs in supplementum vocan-  
da est, qui cum rerum tenebris & ina-  
nitate luctantur; nam alioqui ipsa se  
Virtus satis ostendit, suo colore, &  
pro se loquitur: Et si ne id quidem pu-  
dori mihi futurū est, si oppressam in-  
gentium mole rerum Orationem,  
velut sub magni Æneæ dextrâ, fatear  
succubuisse; mediocris virtus fuit;  
cujus fastigium dicendo potuit exæ-  
quari. Quam ego habuisse causam  
Veteres existimo, cur sola Heroum  
Templa taciti præterirent, ipsa reli-  
gione silentij professi, Semideorum  
facta non modò supra exemplum,  
sed etiam eloquentiam esse; quò ad-  
mi-

mirabilior est Humanitas Tua SERENISSIME PRINCEPS, Tuam, Majorumque gloriam, resque adeo omnes, domi forisque, in Toga & Sago, applaudente orbe terrarum, gestas rudi calamo subijcientis, velut incuria Famæ, cui animam, linguamque dare nisi bonus Scriptor non potest. Quanquam ea confidentia verius est, sincerâque Heroicorum facinorum æstimatio, ad quorum magnitudinem, quantumvis culpâ imparis ingenij detritam, nunquam humiles animæ se tentabunt expendere; tametsi id maximum SERENITATIS Tuæ studium est, ea, in Virtutis studio, tamque luculenta vestigia relinquere, quæ Posteritas non adoret tantum, sed premat etiam, eadem cum SERENITATE Tua operæ pretia meritura, & pares Coronas, quas nunc quidem SERENITATIS Tuæ



Tuæ Capiti, cādidiſſimis votis, com-  
ponimus, ſed Dei olim manus im-  
ponet Pio, FELICI, VICTORI, &  
verè PATRIÆ PATRI. Monachij,  
Bojorum Metropoli. Kal. Sept.  
Anno Chriſtiano M. I D C XXVI.

**SERENISSIMO NOMINE**

**Tuo**

**Devotiſſimus**

*Andreas Brunner. Societatis IESV*

*Sacerdos.*

# A V C T O R I T A S

## R.<sup>di</sup> P. PROVINCIALIS.



**C**VM Sacra Cæsarea Ma-  
jestas, Legelatâ; Multâ dixerit om-  
nibus Typographis, & Bibliopolis,  
qui Libros à Societatis IESV Patribus  
vulgatos vulgandosque, citra Aucto-  
rum voluntatem, Superiorumque pu-  
blicam approbationem, vel ipsi recuderint, vel alibi recu-  
sos, intra S. Rom. Imperij, aut Provinciârum Regno-  
rumque S. Cæs. Majestati, Hæreditario jure, subjecto-  
rum, fines importaverint, venumque dederint: Ego  
Gualterus Mundbrot Societatis IESV, per Superiorem  
Germaniam, Præpositus Provincialis, pro potestate,  
ab admodum Reverendô P. N. Mutio Vitellesco uni-  
versæ Societatis IESV Præposito Generali, acceptâ, Cor-  
nelio Leysserio Civi & Bibliopolæ Monacensi, & Ty-  
pographo Electorali, edendæ Primæ ANNALIVM BOI-  
CORVM Partis, quam P. Andreas Brunner Societatis  
nostræ Sacerdos scripsit, & quatuor ex eadem Societate  
nostra Arbitri recensuerunt probaruntque, facultatem  
impertio, eamque Chirographo meo & officij Sigillo  
obsigno. Monachij VIII. Kal. Quintil. D. Ioannis Ba-  
ptistæ Natali. Anno Christiano M. DC. XXVI.

*Gualterus Mundbrot,*

I  
VIRTVTIS ET  
FORTVNÆ GEN-  
TIS BOIORVM  
LIBER PRIMVS.

Breuiarium.



*Rigo BOIORVM incom-  
perta, oblitterarum silen-  
tium. In Gallia tamen  
Celtica, eorum Nomen,  
Sexcentis, ante Christum  
Natum, annis, inclauit. quo tempore  
eorum pars in Herciniam sylvam, Si-  
goveso Duce; pars in Italiam, privatis  
a spicijs, commigravit.*

I.

*In Italia sedes sibi, ultra Padum, Bel-  
lo, & Victorijs parant, veteribus colo-  
nis expulsis: & laudatissimis moribus  
ingens nomen adipiscuntur.*

II.

*Boiohamum, quod hodie Bohemia  
est, a BOIIS eo transgressis, nomen acci-*

III.

A

pit:



pit : BOII inde profecti TOLISTO-  
BOII, aucto nomine dicti sunt.

IV. BOII Italici secundis rebus florent.  
Melpum expugnant, eodem die, quo  
Camillus Veios cepit. Vicum nobilem,  
qui Laus Pompeia postea dictus est,  
condunt.

V. Expeditionem Romanam, Brenno  
Duce, suscipiunt; Romanos ad Alliam  
fundunt. Urbe potiuntur, eaq; incen-  
dijs deformatâ, Capitolium obsident.  
Romæ Captivæ pretium ad Libram exi-  
gunt, & salvi in patriam deportant.

VI. Dionysio Syracusano federe jungū-  
tur. cū Romanis bella, vario eventu, pa-  
ce subinde interpolata, gerunt. à C. Sut-  
pitio Petico magna clade afficiuntur.

VII. Cum Alexandro M. Macedonum  
Rege amicitiam contrahunt, Heroica  
potissimum voce illi conciliati, cū præ-  
ter Celi Ruinam, negarent quidquam  
se metueret.

Aliquot

*Aliquot eorum cum Romanis bella à Livio, & Polybio variè narrata: eius discordia cause indagantur.* VIII.

*Senones BOIORVM vicini à Romanis Italiâ eiekti; BOII, duplici praelio, ab iisdem victi, quadraginta, & ampliùs annos quiescunt.* IX.

*TOLISTO BOII interim in Pannoniâ, Illyricû, Thraciâ, Graciâmq; aliquot expeditiones suscipiunt, Res memorabiles gerunt, quas Brenni Avaritia, & Impietas corrumpit; qui templum Delphicum spoliare aggressus, digno scelere suis exitu, exstinguitur.* X.

*TOLISTO BOII à clade, & scelere Brenni immunes in Asiam migrât, eâmq; sibi vectigalem faciunt; & Bithyniæ partem, Originis Gallicæ memores, Galatiam appellant, in eâq; novam Reip. formam constituunt.* XI.

*Idem Pyrrho, & Antigono auxiliantur. Lacedæmonem, & Argos oppugnant.* XII.

*A a pugnans.*

*pugnant. Seleucum iuvant, iterumq;  
deserunt. Asiam vexant. tandem ab  
Attalo, qui primus Regum illis vectigal  
negare ausus est, miro strategemate vin-  
cuntur. Nihilominus Camma Regij a-  
nimi, sanguinisq; femina, Pudicitiae  
Coniugalis insignem Triumphum agit.*

GESTA SVNT HÆC  
ab Anno ante CHRISTVM NA-  
TVM Sexcentesimo, vsq; ad du-  
centesimum trigesimum  
sextum.

Qui



Vi fiducia Ingenij animū ad scribendum ap-  
pulerunt, vel suo sæculo  
prodesse meditati sunt,  
vel alio victuris; eoque dili-  
gentiæ suæ hæredem totum orbem fece-  
runt, magni sine dubio viri, & publico  
bono, etiam ex tumulto, consulturi. In-  
ter quos Nomen meum non profiteor,  
familiaris inopiæ conscientiam à spe tam  
ambitiosa depulsus. De mortuis bene me-  
reri, facilius duxi, qui fastum, & fasti-  
dia (si tamen aliquando nostræ ætatis vi-  
tiji aspersi sunt) pridem in cinere suo se-  
pelierunt: horum iustis desiderijs, para-  
bili sumptu, sperabam me parentaturum:  
Ego enim ita censeo, amorem extenden-  
di nominis, non heri demum, humanos a-  
nimos invasisse; imò priscos mortales,  
cum suo orbe propè recentes, calidiùs  
luctatos esse ad Æternitatem; neque facile  
vllum tam arctis terminis circumscri-  
psisse ævum suum, ut non diuturniorem  
famam, quàm vitam sibi exoptaret; adeo  
mihi persuasum est, neminem totum vo-  
luisse mori: At enim pleròque, quantum-  
vis indignantes, & obnixos, profunda al-

titudo temporis obruit, & ineluctabilis oblivio oppressit. quæ iniuria non in singulos tantum homines bacchata est, sed totas Gentes involvit, cum suo etiam nomine mortuas. Vnicum adversus communia fata præsidium Literarum fuit; quarum animam quisquis non vivit, is verò jure dici potest occisissimus. Certè tanta hodie populorum omnium fama est, quantam ij esse voluerunt, quibus res eorum gestas literis consignare in mentem venit. Ita alijs horum indulgentiâ parata gloria est, plures silentio plectuntur; cui calamitati irasci qui velit, operam perdat; ignoscere multò æquius puto, & id deputare in lucro, quod communi Gentium ruinam non est obtritum; ex qua si vel una fortis viri promineat manus, legenda est, & mactanda honoribus, quos agnitus vel ex vngue Heros merebatur. Et sanè hunc piæ Humanitatis affectum deprehendebam in maximis Viris, qui sibi gloriæ ducerent, inter Antiquitatis rudera consenescere; qui cum seipsum velut in latomias damnassent, omnem lapidem movebant, & evolvebant, & verò gestiebant gaudijs, sicubi excusum aliquod in literato



terato marmore nomen reperere, fortasse hominis triam literarum; rati veteris ævi gloriam, etiam in rubigine, & ultimâ lineâ, adorandam. Quo mihi honestior labor visus est, quem toti Boicæ Genti impenderem, quam ego nôssem, ingentis animi impetu, ad immortalitatem nominis grassantē, usq; in contemptum ferri, & ignium exarsisse. Sed negotiosi homines, & fortiter facere, quàm benedicere, peritiores, cū manum cæsim, & punctim ferire doctam, disertâ linguâ potiorē ducerent, reliquis hostibus formidandi, Temporis iniurias minùs feliciter propulsabant, quibus, communi plurium populorum fato, succubuissent, nisi Barbaras pertæsi victorias, vocatâ incertamen gloriæ Italiâ, & Græciâ, de fortissimis juxtâ, ac eloquentissimis populis triumphassent; meruissēntq; ut sua ipsi fata narraturi, Boicæ Virtutis non possent non meminisse; cū eorum silentium capta, & ardens Roma tam luculentè posset revincere; quod ferè primum de hac Gente in literas missum est, compensatq; suâ magnitudine jacturam omissorum; sed id ipsum parcius fortasse

æquo, quia ab inimico calamo est, qui nunquā infacundior est, quàm cùm laudat hostem; rigidè tamen sincerum, ut in quo nihil minùs timeas, quàm adulationem: sed quaecunq; est, meruit; ut Capitolio parceretur; nani aliòquì mille auri pondo, redemptæ libertatis Romanæ præcium, tanti non erant, ut Boii victores ab Vrbe iam suâ recederent, nisi hoc auctarium ab Eloquentia petitum Roma adiecisset, quâ BOIORVM nomen æternitati consecravit; ad quam cùm sibi primam hanc viam gladio stravissent, nulla deinceps temporum iniquitate, de partæ possessione gloriæ amplius deijci potuerit; sed ipsi etiam nobilitati cladibus, illustribus accessere exemplis, quæ inter alternantes vtriùsq; Fortunæ triumphos recensentur; atq; proinde ea in luce poni, & posteritati innotescere, Reipublicæ interest. nobis quoq; pulchrum erit, à quibus vitam acceperimus, eam illis ipsi, fortasse cum fœnore, reddidisse.

I.

BOIORVM  
ORIGO IN-  
COMPER-  
TA:

PRIMA BOICÆ Gentis Origo irreperita adhuc, & ultra hominum, literarumq; memoriam sita, quia olim indicem, præconemq; non reperit, neq; hodie ostendi

di potest; nisi auspicari à Fabulis libet, quarum neq; nostros Scriptores puduit, communi superioris ævi corruptelâ, & lue, quæ penè omnium Gentium historias inquinavit, cùm nulla se satis laudatam crederet, nisi origines suas Cœlo infertas, & inter Maiores suos, aliquot Semideos videret; hinc etiam nostri, ut plausum ferrent, maluerunt subinde poëticè, quàm humanè loqui: Et alij quidem ex fœcundis Herculis nuptijs personatum sibi BoiVM rapuere, quem tamē nec pater, nec vlla Danaïdum, pro suo agnosceret; alij ex Equo Troiano BoiorVM Parentem extraxerunt; quasi quidquid vsquam Heroum fuit, ligneo illo ventre genitum esset. In ipsa adeò Armenia, prima Gentis cunabula nonnemo, immani confidētiâ, monstrat; quia, credo, editissimis illius Regionis montibus olim reliquiæ generis humani adhæscere, cùm vindex DEVS orbis scelera clemento aquæ sepelisset. At enim patiamur hos in suo foro inter lanificas regnare, Veritatis modestiâ contenti, quæ sine verecundia quædā ignorat, quódq; ipsa nescit, bonâ fide, tradit alijs nesciū;

PRIMÆBO-  
RIORVM IN  
GALLIA  
CELTICA  
SEDES.

Quā nos duce, primas, de quibus constet,  
Boicæ Gentis certas sedes in Celtis col-  
locamus. Eo nomine multò maxima Eu-  
ropæ pars olim censa est; sed cū priva-  
tæ deinde appellationes, arbitrio Gentium  
inventæ, vulgò evaluissent, Germanis &  
Gallis, qui illud pertinaciùs tuiti sunt, e-  
ius possessio libera transcripta est. Postre-  
mò & Germanis fastiditum, & à Gallia  
plerâq; proicctum, agrè in illius parte ter-  
tiâ hæsit, quæ postea Lugdunensis dicta  
est; in cuius complexu etiam Boii conse-  
dere: quos tamen certis circumscribere  
finibus non ausim, quorum mascula illa,  
& iniquis Virtus impatiens fuit; pars Li-  
bertatis eredebatur, eaq; optima, nullo  
loco claudi. Hinc tam promptè sedes  
fortunarum suarum, quàm castra transfe-  
rebant, patriam ibi esse rati, ubicunque  
bene esset: quò vel amœnior cespes, vel  
fertilior seges invitabat, vel deniq; ani-  
mi impetus facilè obsequentes rapiebat,  
in modica spe causas inveniebant mi-  
grandi. Et videbatur saltem Natura limi-  
tem opposuisse audaciæ, Rhenum, qui  
Gallos, Germanosq; medius interflue-  
bat, ut ingentis alvei, & aquarum divor-  
tio

tio coërciti, & divisi vtrinq; populi suas sibi res haberent. Sed néque hoc impetratum est; quæfita per flumen via, & inventa, & in Germanorum agros, pro libidine, excursum; inter quas veluti prolusiones audacia crevit, felicitate adiuta; animos ex successu capiebant, quibus iam præsentia paria non erant, velut inter angustias deprehensis, ex quibus probrum esset non cluētari; vt proinde illis ad maxima quæque properantibus, nihil, præter idoneum ducem deesset, quem ipsum Fortuna fatigata votis, ijs ex hac occasione obtulit.

*Tacit. de mor.  
Germ. Ind.  
Ces. lib. 6.*

TARQUINII PRISCI ævo, anno ab Urbe cōditâ ferè cētesimo quinquagesimo, ante Deum in terris visum Sexcētesimo, Galliæ Celticæ, cuius partem Boios diximus, Ambigatus cum summo Imperio, Regio nomine, præerat, vir incertū prudentior, an felicior: adeò sub illo res Galliæ effloruerant, opibus, viris, & viribus auctæ, vt ea iam nulli vicino populo posset invidere: ita enim fertur, terram ipsam solito indulgentiorem, communem fertilitatis suæ modum egressam, plus frugum dedisse, quàm imperabatur:

sed

*Lin. I. 5.*  
PRIMA  
MIGRA-  
TIONIS  
OCCASIO  
SEX ANTE  
C.N. SÆCV  
LIS.

sed hæc suspicienda alijs dona, soli Regi  
erant suspecta. Animadvertibat, subie-  
ctis sibi populis cum paupertate, quàm  
opibus rectius convenire; duris innutri-  
tos animos mollè Fortunam agrè ferre;  
illam fertilis terræ luxuriam, ab agro in  
mores immigrare; assuescere interim,  
indiligentiæ, & ab ignavia minùs abhor-  
rere; cùm dormientibus propè omnia  
conficerent Dij; vnde etiam sibi impe-  
rium in illos reddi sentiebat difficilius;  
cùm & inimicissima res disciplinæ sit  
Otium; & molestè mandata accipiat, qui  
obedire cœpit Voluptati. Nondum ta-  
men erat insanabile malum, si remedium  
properaretur; quod quidem Ambigatus,  
solerti consilio, tale reperit. Otij vitia ag-  
gressus est negotio dispungere, sed quàm  
honestissimo, & quod etiam sublangui-  
dis allubesceret. Expeditionem edicit ad  
novas terras, sedésq; quærendas, quas  
Dij daturi essent, Celticâ etiam beatio-  
res, quam non tam suo merito, quàm  
melioris soli ignorance amarent; & ob  
titulum patriæ, qui fortes viros nunquã  
magnopere moverit; humilis esse sensus,  
qui se ignobilis vici, quàm mundi civem  
malit

malit dici; humanum animum Cælo cognatum, more siderum, quietem odisse, gaudere raptatione, & velle in spectaculum emitti; torporem videri non tam virium, quàm virtutum, nolle currere ad gloriam. Adijciebar insuper, esse etiam *Iustin. l. 24.* invitis impositam necessitatem migrandi; angustam esse patriam incolarum multitudini, in immensum efflorescēti; turpe esse viris, iam néque corporibus parem locum possidere; cùm interim in manu ferrum sit, quò illæ angustia tam, facilè possint rescindi; irent proinde, & patriam, famamque, vtrâmq; in arcto sitam fortibus factis extenderent. Addidit orationi Regis ingens pondus res exigua cæteroqui, per idem tempus famam hominum celebrata, sed vt solent nova, & mustea, iactata cum plausu. Helico *Plin. Hist. nat. l. 12. c. 8.* quidam ex Helvetijs, quæ & ipsa Gallica Gens est, arte fabрили clarus, in Italiam, transgressus operam suam aliquamdiu Romæ locaverat. Is ex intervallo patriam revisens, civibus suis adhuc rudibus deliciarum, perpetuum Italiae ver, & Hortorum opes facundè narrabat; ructabat vina, quæ bibisset, & fastidita olim  
poma

poma suspirio repetebat; ficum, oleam,  
 & cætera gulæ irritamenta, néque de no-  
 mine suis nota, per Italiam assè venalia  
 attonitis depingebat; & ne hæc videre-  
 tur mendacio condire, & efferre in ma-  
 ius, ficum siccam, & Vvam depromit, &  
 quæ præterea in amcenitatis Romanæ ex-  
 emplum condiderat; propinat etiam vi-  
 num; sed quo sitim accenderet, non ex-  
 tingueret: & hæc solâ, eâque parcissima  
 libatione adeò Gentis suæ animos prori-  
 tavit, vt nemo dubitaret hæc tanta bona,  
 velut humanis maiora, etiam bello quæ-  
 rendæ. Sunt, qui ab Arunte Clusino vini  
 illicio invitatos in Italiam Gallos dicant,  
 pudendo errore, cùm ducentis, non mi-  
 nus, ante Arûtem hunc, annis, Galli inter  
 Italiæ vineta confederint. Hæc igitur  
 cùm latis vbique auribus cantarentur,  
 multò promptiùs in Regis sententiam  
 itum est; ferocissimus quisque Iuvenum  
 voluntarius adfuit, eius expeditionis so-  
 cius futurus, quâ ad Fortunatas sibi vide-  
 retur. Insulas migraturus; tantùmque  
 hominum confluit (Justinus trecenta  
 millia fuisse auctor est) vt Ambigato plu-  
 res Provinciæ viderentur in sortem con-  
 iiciendæ

*Plut. in Ca-  
 mella.*

*Just. l. 24.*



ijciendæ ; Duces etiam, qui sortirentur, dedit, Bellovesum, & Sigovesum sororis suæ filios, magna indole Juvenes, & illustrius aliquid præsentē Fortuna, animo complexos. Belloveso illa ipsa tot deliciarum parens Italia obtigit, quem magno numero Bituriges, Arverni, Senones, Hedvi, Ambarri, Carnutes, Auler-ci secuti sunt, qui omnium mortalium primi, aut certè ( vt aliquid Græcis decimus, quibus etiam in hac re opus fuit ad Deos currere ) proximi post Herculem, porrectas ad cælum Alpes, eoque inexuperabiles creditas transgressi, nullam virtuti viam esse in viam probarunt. In agro Insubrum deinde confederunt; postquā illum armorum jure, quod illis longè æquissimum visum, Thuscis ademptum, sibi vindicarunt. Mediolanum in cocondidere, æternam Urbem, & à tot deinceps funeribus suis redivivam, atque adeò ab aratro, quod illi, hostili odio, impressum est, renatam. Felicitas boni eventus & æmulatio gloriæ, etiam Elitovium in pares Belloveso ausus accendit, vt & ipse, Cenomannos secum trahens, Alpes iisdē vestigijs transcenderet, eoque loco,

*Lin. l. 5.*

loco, vbi Verona, & Brixia pòst conditæ sunt, sedem figeret. Hos insecuti Salluvij, inter Ligures, qui citra Ticinum, amnem incolebant, consedere.

## II.

BOIORVM  
EX GAL-  
LIA INL-  
TALIAM  
DEDUCTA  
COLONIA.

Boii demum, Lingonésque dedignati jam tritum tot populis iter, iugo ipsi Pennino superato, cùm inessam, ad Padum vsque, frequenti cultore, còque cognato, Italiam reperissent, ne in angustias, quas domi oderant, foris compingerentur, aut à popularibus suis, in descriptum, & velut Agraria lege divisum, fundum precariò immitterentur, cùm reputarèt quémq; fortunæ suæ optimum esse fabrum, ne quidquam alienæ benevolentiae potius, quàm suæ virtuti deberent, traiecto ratibus Pado, Hetruscos,

PRIMA  
BELLA ET  
VICTORIAE.

Umbrósque agro pepulere. Erant Umbri auguriorum observantiâ, peritiâque per Italiam nominatissimi; Hetruscorum verò nomen, & æstimatio non ex opibus tantum inclaruerat, quæ iam ante Romam natam validæ; sed studio maximè religionis, & quodam velut cum Dijs commercio. Portentorum illic exercitatissimi interpretes, eaque non nisi ex illorum disciplina explanari, procurarique posse

vulgò

vulgò persuasum fuit: quin Sacrorum ritus, vti & Imperij maiestatisque insignia ab Etruria jam olim Roma petierat, neque turpe putauit Iuuentutis suæ principes sex, decemve, singulis Etruriæ civitatibus dare in disciplinam. Constat insuper Etruscorum duodecim populos numeratos fuisse, vt facilis æstimatio sit, nihil illis minùs, quàm militum multitudinem defuisse, quibus BOIORVM vel pares copias, vel maiores certè animos opposuerunt; centum quidem & duodecim BOIORVM tribus fuisse, Cato autor est; *Plin. hist. nat. sur. lib. 3.* sed quo quæque capitum numero censeatur, indictum reliquit: neque nos anxie inquirimus, quando de victoria constat, in qua neque victor, neq; victus copias numerat. Amplum deinde in ijs oris BOIORVM imperium fuit, cùm quidquid inter Padum, Apenninum, & Ariminum interjacet, in potestatem rede-  
*Lin. d. 3. l. 5.*  
gissent; reliqua tractus illius Ananibus, Ænonibus, Senonibusque cedere. Atque in hunc modum Italiâ ad Apenninum vsque Gallici juris factâ, licuit novis incolis à belli artibus ad pacis studia converti: hostem enim tum neque pro-

B

voca-

*Polib. l. 2.*

BOIORVM  
FRUGALI-  
TAS ET  
LAUDATI  
MORES.

vocabant, sed neq; timebant; hoc ipsum  
primo æstu, & torrente, victoriæ con-  
secuti, vt vicini populi omnia mallent,  
quàm Gallica arma experiri, ipsâ jam no-  
minis claritate domiti, & ad parendum  
inclinati: timebantur ergo, etiam ubi  
gladium numquam strinxerant, & sua  
pro illis fama pugnabat. Id illis publicè  
gloriosum fuit; inter domestica verò de-  
cora hoc palmarium, fortes illos viros,  
bello indomitos, & ijs, quas Italia propi-  
nabat, delicijs inexpertos, & insuetos,  
cùm in voluptarium illud Italiæ solum  
immigrassent, illecebris, in quas ex in-  
solentiâ auidius se videbantur immersu-  
ri, captos non fuisse; sed blandum hunc  
hostem eodem animo tulisse, quo arma-  
tum exceperant, vtrunque victores: sive  
ab Hetruscis vltra Apenninum submo-  
tis hic saltem adhuc metus erat, vt ne il-  
los ignaviâ suâ fortiores, aut audaciores  
facerent; sive illis recentis gloriæ gustus  
animos, palatùmq; immutaverat, vt epu-  
lis, cupediisq; iucundiores crederent vi-  
ctorias, quas quia ab hoste profligato re-  
ferre non licuit, domi inter debellatas  
voluptates quæsiere, de quibus incruē-

tus

tus quidem, sed speciosissimus agitur triumphus, Dei, hominúmque invidiæ securus: Quem quidem illis optimæ fidei auctor Polybius decrevisse videtur, dum *Polyb. l. 2.* antiquos Gallorum in Italia mores, & rigidam frugalitatem luculento testimonio prosequitur, quod posteritas admireretur, si æmulari pigeat. Pagis vicísque distincti habitabant; pericula fortitudinis, non manibus depulsuri; cum nollent quidquam præter se, & sua arma timeri. Tecta ipsa, & domus, quæ nunc ingens negotium facta sunt, sine arte, & cura, satis ampla, si pecus, & dominum communi umbrâ clauderent; ubi suffugium hyemi esset, ubi pluvias sicci riderent. Somnus in viridi porrectos cespite, aut gramineo suffultos thoro, facilis, & invocatus occupabat, nihil sollicitos de plumâ, sine quâ tamen placidas, sine suspirio, noctes transigebant. In sobriam mensam dapes inemptæ, spolia silvarum, lassitudine condita veniebant. Amabant enim venationem, ut quæ illis in pace belli esset meditatio. Nondum credebatur rusticitas, prandium cum fame finire; parvo bene vivebatur. Naturam se-

quebantur incorrupti; delicata artificia,  
 quæ hodie munditiæ appellantur, co-  
 nerosius contemnebant, quòd ea ad vir-  
 tutem nihil prodesse verè credebant.  
 Duabus dūtaxat artibus, audaciâ in bel-  
 lo; vbi pax evenerat, agri colendi scien-  
 tiâ, rem privatam, & publicam curabant;  
 reliquas supervacuas, aut certè indeco-  
 ras viris ducebant. Marmoris cælati, &  
 & rudis eadem æstimatio; tabularum, si-  
 gnorumque nullus intellectus; divitiæ in  
 auto, & pecore, ad necessitatem scilicet  
 naturæ quæsitæ, & quæ peregrinantem  
 dominum non ægrè sequerentur; maxi-  
 mum autem, & certissimum ex parsimo-  
 nia vestigal. Sed qui opes honestas, ij-  
 dem gloriam ingentem volebant, hone-  
 stissimè tamen partam; amari volebant  
 à plurimis; numero clientum frequen-  
 tari, primum illis votum; nulla foedior vi-  
 sa, quàm amicorum, inopia. Durant  
 adhuc nomina, quædam etiam veterem  
 linguam prodentia, imposita his clientibus;  
 Devoti, Comites, Soldurij & Am-  
 bacti vocabantur. Æterna his in domi-  
 nos fides; dominis mutuum facientibus,  
 quibus Clientum greges diutius utique  
 cordi,

*Ces. de Bell.*  
*Gall. l. 3. § 6.*  
*Tacit. de mor.*  
*Serm.*

cordi, quàm vsui. Amicitiam illam negabant fuisse, quæ aliquando desineret; hinc fidei apud illos illustriora exempla, & plura, quàm apud ceteras Gentes. Duo aut tria paria Græci fastidiosè numerant, eaque vix à fabulis liberant, ex ijs tamen sæculorum suorum felicitatem jaçant; hîc quotidianum fuit spectaculum, & ipso vsu extra admirationem positum, sese pro charo capite mucronibus obicere; alienam animam suæ impendio emere; se suâque jaçtare, quocunque domini salus desiderasset; cum amico sanguine confundere suum; vulnera vulneribus innectere, inhærere morienti, & mortuum sequi. hoc enim illi amorem interpretabantur, maximum sine dubio humani pectoris bonum, neque immeritò ab illis tam ambitiosè conciliatum.

## III.

VERVM de Belloveso populisque eius auspicia in Italiam secutis, aut factum ex intervallo æmulantibus, quorum pars magna, ut vidimus, Boii fuere, ad necessitudinem rei satis dictum. Bellovesi fratri Sigoveso, in nobili illa provinciarum sortitione, Hercinij saltus obueneret; quos, quibus viris, viribusque instructus

ALTERA  
BOIORVM  
AD HER-  
CINIAM  
SYLVAM  
in COLONIA



exspiret, silvæ nomine amisso: respondet longitudini latitudo, quam expeditus viator novem diebus si permeet, officium fecit. Credi igitur non potest, Sigovesum etiam animosissimum, hanc omnem sibi provinciam depoposcisse. Enimvero ex Gallicis Gentibus, quarum ad Herciniam silvam nomina innotuerent, conjecturam non nimis præfidentem duci posse existimem, quas oras invaserit Sigovesus. Tacitus enim rerum Germanicarum apprimè sciens, Helvetios inter Herciniam silvam, Rhenumque, & Moenum amnes, collocat; Boios vltiora tenuisse affirmat, incinctos nempe perpetuâ arborum coronâ ingêtes campos, quos ludens Natura in Amphitheatri morem, velut alterum orbem inclusit. Loci nomen vetus non proditur; sed Boii cum immigrassent, quasi dignum fortunæ suæ domicilium, & alteram sibi patriam reperissent, in sui nominis gloriam adoptatum indulgentissimo affectu, Boiohamum appellarunt, æterno cognomine, quod etiam irata Fortuna numquam potuit convellere, dominis toties mutatis, ut in humanis rebus usu-

*Tacit. de Mor.  
Germ.*

FIXÆ IN  
BOIOHEMO  
SEDES, ET  
DATVM  
LOCONO-  
MEN.



venit, quæ de manu in manum eun-

*L.6. de bell.  
Gall.*

Tectosages denique Iul. Cæsar circum  
Herciniam silvā statuit, quibus alij Vol-  
cas adjiciunt, non novum, vti ego existi-  
mo, populum, cum iidem Tectosages  
Volcæ appellarentur; quemadmodum in  
eâdem Narbonensi Gallia, ex quâ hi pro-  
diere, etiam Volcæ Arecomici collocan-  
tur. Horum ergo trium Galliæ populor-  
um cum ad Herciniam silvam coloniæ  
monstrari digito possint, causa nulla est,  
quin triplicem hanc Sigoveso manum in-  
comitatum demus, vnâque opera de ter-  
minis constituti, fundatîque ab eodem  
imperij pronunciemus. Nam Boios qui-  
dem (vt pro cæteris laborem mihi non  
sumam) cessasse credi non potest, cum  
tota propemodum Gallia suis excita sedi-  
bus, partim per obstructas Alpes irrum-  
peret, velut in alterum orbem terrarum;  
partim Herciniæ silvæ laxare tenebras il-  
lustribus factis cogitaret. Amolitur hanc  
ignaviæ infamiam generosa BOIORVM  
virtus, adeò inter Celtas eminens, vt ma-  
gnus Auctor omnium Gallorum ferocis-  
simos appellarit, quanquam ille militares  
viros, & manu nimis seriò vsos horridio-

*Appian. in  
Celt.*

tis injuria nominis aspersit; & verò tales oportebat Sigoveso commilitones dari, qui non ad Italiæ vineas, ad ficum, & oleam, sed in asperos Herciniæ saltus properarent, quorum incolæ, & accolæ inter patria durati robora, Gallicis armis alios animos, aut certè majora corpora, quàm Italia, videbantur opposituri. Neque verò, quia Boios in Italiam trajecisse suprà commemoravimus, idèd à Sigoveso jam abjungendi sunt. Quarta enim illa demum à Bellovesi expeditione profectio fuit, & fortasse aliquam multis annis posterior; credamque Boica Gentis reliquias, juventutemque nondum exhaustam, vel subinde annis, & animis auctâ, & idoneam bello, popularibus excitatam trophæis, hoc jam alterum virtutis Boicæ quæsisse theatrum, ne ab Italicæ consortio gloriæ excluderentur, indigni rati, usquam, sine Boiis triumphari. Quemadmodum etiam Senones, qui in Bellovesi exercitu suum nomen professi inter primos sunt, suis deinde auspiciis, privatum, & familiare suæ Genti decus illaturi, cuius totum sibi assensum vindicarent, suis opibus, viribusque freti, justum,



speciosumque ex domestica juventute agmen conflarunt, & trepidanti Italiæ infuderunt; ubi cum proximas Boiis sedes occupassent, Romana deinceps arma, ad desperationem usque, exercuerunt.

Quando igitur certum est, Boiorum ad Herciniam silvam amplum, diuturnumque imperium fuisse, neque antiquior usquam profectiois extat memoria, quæ quidem tanto apparatu, molitionibusque adornata sit, ut quæ non tumultuantis populi, & cupidi rerum novarum suscepta furore, aut temeritate fuerit, quem egestas, aut conscius animus exagitaret & proscriberet; sed Ambigati Regis adjuta, & promota consiliis, quibus ille florem Provinciæ conspirantis, tanquam ver sacrum, auspiciatò in novas terras emisit; credibile omnino sit, hoc potissimum tempore Boios, Sigoveso duce, in Herciniam silvam penetrasse; id quod recèti rerum Germanicarum Scriptori non indiligenti adeò persuasum video, ut miretur, id quibusdam dubium videri: & quia pugnare Cæsarem Tacito existimat, dum pro Boiis Volcas Te-  
ctosa-

Tectosages nominat, qui ex Gallia trans-  
 gressi, ad Herciniam sedes fixerint, ipse  
 solâ ingenij confidentiâ, veteri apud Cæ-  
 sarem statione Tectosages deturbat, Bo-  
 iosque succenturiat, quod ego bono  
 jure, vel more factum nego; neque enim  
 Tectosagibus clausum iter ad similem  
 gloriam fuit, ne & ipsi abundantiam virium  
 novas sedes quærent, & suam Hercinię  
 silvę coloniam affigerent, plurimum sine  
 dubio accolarum patienti, & qualiacun-  
 que naturæ beneficia publicanti promif-  
 cuè utenda. Et sanè Tectosages viros fuis-  
 se acres Strabo indicat, qui virtutem in  
 patria non paterentur consensescere,  
 quam cum haberent opulentissimam, &  
 abundantem auro, aurum illi alijs è flam-  
 mâ petatum post famam habuere, hanc  
 ex ipsâ usque Phrygia armati rapuerunt:  
 Neque verò illud nullum argumentum  
 est conspirantium in hanc migrationem  
 consiliorum, quando etiam posteriori-  
 bus annis, quod suo loco demonstrabi-  
 tur, iidem cum Boiis Tectosages, socii,  
 in ipsam usque Asiam, arma promove-  
 runt, robore juventutis ex confinibus  
 Imperijs delecto, & communibus auspi-  
 cijs

cijs in famosissimam expeditionem auctorato. Stabit ergo sua Cæsari auctoritas, & contermina Herciniæ silvæ Tectosagum colonia, præsertim cum ea Boris fraudi non fuerit, ipsum umbilicum silvæ obsidentibus: quem qui populiante Borios habuerint (vacuum enim cultore repertum credi vix potest) nescire nos veteris ævi silentium cogit; quod ipsum etiam longas Scriptori ferias indicit, cui necessario tota sæcula vno saltu transmittenda sunt, quæ ad historiam nullam symbolam conferunt, sed brevissimâ epitome, & compendio duum prægnantium verborum, absolvi possunt, Borios interim Fortiter Fecisse: nam quæadmodum clamantium voces in auram emissas venti raptim differunt, jugulantque, simul atque ab ore exciderunt, nisi in benignam fidelémque delapsæ vallem, ad vocale aliquod saxum impegerint, unde magna sæpe sui parte multatæ reciprocantur; sic fortium virosum facta, antiquorum temporum barbaries absorpsit, nisi quando cum Romanis Græcisq; collisi, aliquot ab illis syllabis, & qualicūq; admurmuratione cantentur.

## IV.

Ad Boros igitur Romæ viciniore; in Italiam reuifamus; cuius imperium facile illi iisdem artibus retinere, quibus initio partum est, animis nimirum, armisq; concordibus; ita enim comperio, Galliarum populos, qui eò immigrauerant, etsi sedibus distinguerentur, cetera fere communia, amicos præfertim, & hostes eosdem habuisse; ut qui vnum aliquem injuriâ læssisset, nosset se conjurata in perniciem suam omnium arma concitasse: hoc illis aduersus omnia, quæ timeri poterant, turissimum munimentum fuit, uti verè Concordia domestica pro muro aheneo est; atque hac maximè re vicinis formidabiles evasere, ut etiam inermes timerentur, utque ij, qui Gallum vicinum oderant, tamen nollēt eundem sibi inimicum capere. Quæ illorum gloria neque cum tempore clanguit; nam ducentesimo ab adventu Bellovesi in Italiam anno, Veienti bello, quo demum Veijà Romanis deleti sunt, illustre in hanc rem exemplum editum est. Nam cum Falisci communem Etruriæ populorum opem pro Veientibus flagitarent, Etrusci quo minus auxilia pollicerentur, domestica pericu-

Liu. 5.

ricula excusabant, gravi se hoste premi dictitantes; nam postquam Galli suæ viciniae commigraverint, sibi cum illorum ingenijs identidem conflictandum esse, etsi bellum non sit; nunc cum illis pacem esse, sed quæ ægrè ætatem ferat, & facile exspiret; eos nonnihil sopitos, mox ad sua commoda evigilatuos, simul atque bellum pace utilius visuri essent: neque id admodum mirum videri; nam quemque sibi proximum esse, sibiq; omnes melius cupere, quàm alteri. Quare delectum apud se haberi vetuere; voluntarijs duntaxat, siqui ire vellent, facta eundi potestas. Porro quorum vicinitatem ita Hetrusci pertimescebant, Senones & Boii fuerint oportet, hi enim proximi confederant; & Boii quidem tanto timendi magis, quòd illorum quondam armis ultra Apenninum fugati erant, jamque constabilitis domi rebus multo periculosius lacefferentur. Obtulit tamen circa hæc ipsa tempora Boii nobilem Fortuna victoriam. Melpum erat in Insu-  
 ribus præcipuâ opulentiâ Oppidum; id Gallorum populi tres, iique fortissimi, A.C.N. ccc Insu-  
 bres, Boii, & Senones, conjunctis viri-

MELPVM A  
 BOIIS EX-  
 PVONA-  
 TVM ANNO  
 A.C.N. ccc  
 XCIV.

viribus, oppugnarunt, durante adhuc bello Veiente; evenitque ut eadem dies Vejis, & Melpo summa, & fatalis esset; ea ipsa enim, quâ Camillus Dictator Vejos jam decimum annum obsessos cepit, ij quos diximus populi Melpum delevere, ita simili utrobique felicitate, Romana, virtus Gallicæ exæquata: quanquam Galli ad Romanam hoc etiam contulisse victoriam videntur, quòd illorum metu, uti antè memoratum est, Hetruria in officio contenta auxilia laborantibus Veijs non submisit: quod quàm opportunum Romanis fuerit, vel ex eo clarè intelligitur, quòd cum ex Hetruscâ juventute volones aliqui Veijs subsidio venissent, eorumque numerus famæ ludibrio non nihil auctus esset, jam etiam Romæ cœptum sit trepidari.

Boii non procul Melpo in eadem Insubria nobilem vicum statuere, qui postea mœnibus cinctus, & gloriâ urbis auctus Laus Pompeia dictus est: id propè in hoc tempus rejiciam, quo circa Melpum hæere Boii: & posset benignioribus conjecturis animari opinio, nisi pigeret in re non magnâ, operâ abuti. Aventinus

LAUS POM-  
PEIA OPVS  
BOIORVM.  
*Plin. l. 3. c. 17*



nus manifestè vanus etiam Mediolanum,  
 & Ticinum Boiis conditoribus tribuit,  
 toti antiquitati obluſtatus; pluribus de-  
 inde Oppidis, quorum conditores non  
 produntur, veluti vacuum poſſeſſionem  
 naſtus, Boicum nomen, vt herbam pa-  
 rietariam affigit; ſed miſerum adulandi  
 genus eſt, cuiquam laudem ex mendacio,  
 & furtivis coloribus quærere, qui ſince-  
 ris ſuiſque abundet; neque de Bononia,  
 quanquam auctores habeo, facile pro-  
 nunciem, eam id nomen Boiis debere,  
 cum Felfina antè diceretur. Illud propius  
 verò, fluvium, qui non magno de vectus  
 alveo Bononiam ſtringit, & Ferrariæ in  
 Eridanũ ſe exonerat, quem Plinius Rhe-  
 nũ, Silius Parvum Rhenum appellat, pa-  
 trij fluminis deſiderio tam ſuperbum no-  
 men, nullo ſuo merito, à blandientiſſimis  
 Gallis naſtum; quorum vernaculam lin-  
 guã etiam illud arguit, quod Padum, quã  
 ſumma illius altitudo incipit, Bodincum,  
 quaſi fundo carentem, & adſitam urbem  
 Bodincomagum appellarunt; cuius aſpe-  
 ritatem vocis horruiffe illo exiſtimo, qui  
 poſtea nomen Vrbi Induſtriam fecere.

V.

PROXIMO à Melpi expugnatione ſex-  
 canio,

ennio, dignus tandem Gallis repertus hostis est; nam Hetruria tot attrita cladibus, etiam Veteris potentiae famam amissam, timebat hostilem animum in acie explicare: Roma supererat in spe Imperij orbis terrarum assurgens, quae cum Vejos, & ignobilem e vicinia hostium turbam, velut humiles candidatos, jam ex Campo Martio submovisset, cum potentioribus deinceps commissa competitoribus, solius saepe Fortunae sublevata suffragio, evitavit repulsam: & primam quidem illi de Imperij dignitate litem Galli movere, spreto initio hostes, & eodem, quo reliqui anniversarii turbines, Falisci, vel Latini, loco aestimati; quem tamen contemptum grandi deinde poenitentiam luere. Marcus Cæditius plebejus vir ad Senatum retulerat, vocem humanam clariorem audivisse se, quae Magistratibus dici juberet, brevi in Urbe Gallos futuros esse. Sed indicem sua paupertas ridiculum fecit; & Galli, quod Apennini jugo a se arcerentur, velut toto orbe divisi, vltimil hominum credebantur; nempe quos summæ Alpes non fatigassent, ad reliquos montes erant suspiraturi: subsecuta brevitas

FORTUNA  
BOIOS CUM  
ROMANIS  
COMMIT-  
TIT.

*liv. lib. 5.*

OBSIDIO  
CLUSII.

CUM RO-  
MANIS LE-  
GATIS AL-  
TERCATIO.

Ita Clusinarum legatio nunciavit, Gallos non tantum Apenninum superasse, sed etiam Clusio perniciem allaturos, nisi Romani opem ferre maturarent. Ab Arunte Clusino eo vocati Galli dicuntur, qui domesticæ injuriæ impatiens, privatam iram ruinâ patriæ solari decreverat. Auxilia Romæ negata sunt: legati tamen ad Gallos missi M. Fabij Ambusti tres filij; quasi viri illi facundâ oratione Clusio abigi possent. Auditi tamen sunt modestè, quamdiu modestè loquebantur; ejusdemque præsentibus, & arbitris, pacem se compositueros Galli pollicebantur, si partem agri, Clusini sibi volentes cederent, quem latius possideant, quam colant: id, si aliter non possent, armis se impetratu-  
ros; invitabantque Romanos ad spectaculum, qui deinde in patriam nunciarent, quam scitè Galli gladio vterentur, & quanti in hastam insurgerent. Hic jam commotiores Romani quærere, quo jure alienum agrum peterent, cum tantis minacijs? & quid omnino Gallis in Hetruriam accessio esset? Ridenda visa Gallis de jure disputatio, inter pueros potius agitanda, qui par impar luderet; se enim,  
inter-

interfrepentibus armis, Legum vocem  
 exaudire non posse. Et Brennus Rex ma- *Plur. in Ca-*  
 nu ad capulum admotâ, ecquid ille sa- *millo.*  
 tis peritus legislator videretur, vicissim  
 quærebat; deinde quo tandem jure præ-  
 miâ fortium virorum ignavi posside-  
 rent? Nam fertilis soli opulentiam mili- **BRENNI**  
 tare stipendium esse, quod natura Impe- **BOIORVM**  
 ratrix armatæ virtuti numeret; sic ipsos **REGIS FE-**  
 Romanos ditatos esse, suâq; omnia non **ROCIA RE-**  
 stricto juri, sed stricto gladio debere: pro- **SPONSA.**  
 inde & se manus extendere, ejusdē juris  
 viriūmque conscientia: adversantium  
 Legum nodos gladio se soluturos. Parum  
 apta componendę paci oratio visâ est; re-  
 vera classicum fuit, & cruda Brenni clo- **EIVSDEM**  
 quentia vtramque partem ad pugnam **POENA ET**  
 animavit, in quâ & legati Romanorum **MINÆ.**  
 probarūt, meliores se milites esse, quàm  
 juris interpretes: obliti enim muneris  
 sui, ex legatis duces Clusinorum facti,  
 Gallis virtutem Romanam alio loco pul-  
 chrius probandâ, intempestivâ audaciâ  
 ostentarunt. Quin imò Q. Fabius Gallū  
 nobile ferocius in Hetrusca signa inve-  
 ctum adortus, hastâ trāsfixit; quem Bren-  
 nus Rex spolia legentem clarè agnovit, &

violatorẽm juris Gentium Dijs, hominibúsq; ostentans, vtrosq; obtestatus est, vt hanc impietatem vltum irent; móxq; facti infamiam abominãs, è prælio scelesto suos reduxit, charo capiti, Manibúsq; cõmilitonis, ad Romanæ vrbis bustum, parentaturus; atque, vt erat extra dilationem positus, ac consulta factis conjungens, eã ipsã die infestum agmen, & recenti calidum irã Romam rapuisset, nisi moderatior sententia vicisset, quæ suasit Romanos priùs justitiã, quàm armis vincendos: Legati irent, qui Fabios sibi dedì postularent; nisi dederentur, crederent Urbem Legatis suis nihilo meliorem. Erubuere sanè Patres, Romanis violatum Jus exprobrari, de quo ipsos Gallos commonefieri iusserant: sed, præter colorem morsúmque; verecundiæ, nihil expressum; non placuit esse rigidis in tam nobilem Fabiorum sanguinem; absoluti sunt tres fratres, quasi trecenti illi his cognomines, pulchrè olim pro patriã mortui, horum scelere essent patrocinati: sed quod indignissimum fuit, Gallisq; cor exussit, quasi novum Fabiæ familiæ decus intulissent, summa impietas, summo, qui  
tum

tum Romæ erat, Magistratu honorata est: & proximis comitijs, Triumviri illi planè Capitales, Tribuni militares creati. Hac re intellectâ Galli, jam non trium hominum, sed publicû totius Urbis flagitium ferro, & flammâ excisuri, rapidi torrentis more, eò feruntur, triste illud carmen meditantes, quod postea victis occinuerunt. Tantis itineribus profecti sunt, ut propè Famam præverterint; ad Alliam tandem irruentibus occursum cum exercitu, qui præter arma nihil haberet Romanum; virtus omnis à dextra in pedes migraverat; horum maximus usus; cætera obtorpuerant; neque os adeò ad clamorem suffecit; nam Gallis ab ululatu pugnæ auspicantibus, quasi jam in voce illâ fulmen veniret, attoniti Romani, & muti, mox terga præbuere cædenda, ut nemo honestum saltem vulnus domum referret. Quamplurimi etiam patriæ oblitii (& verè Romani non erant) Veios cursu petiere, illis cuniculis abdendi, quos nuper ad capiendam Urbem generosiùs subierant. Neq; ausus est ex ijs quisquam hoc saltem Romam nunciare, animam se adhuc Veijs trahere, vel agere. Quos

EXPEDITIO ROMANA QVIBVS CAUSIS, ET IRISSESCRIPTA.

ROMANORVM FUGA ET STRAGES.

DESPERA-  
TIO.

vel Gallicus ensis, vel Tiberis non hausit  
nec metus exanimavit, fœdiôrve his om-  
nibus fuga abstulit, Romam se recepe-  
re, & neq; portis quidē clausis (quod ne-  
mo nisi Romanis scribentibus crederet)  
in arcem, imò carcerem se coniecêre; de-  
sperata illius noctis, & nihilo saniora se-  
quentis diei consilia, ridicula & persona-  
ta triumphalium senum ad victimam se  
exornantium pompa, ordinum, ætatū-  
que omnium confusa comploratio, &  
verissimæ lachrymæ, in publico civitatis  
funere, suas sibi exequias celebrantium,  
ærumnosissimum lustrum, & paucorum  
habiti delectus, qui in Capitolium com-  
pingerentur, ardentem urbem, ex editio-  
re loco, spectaturi, & reliqua tam inusita-  
ta illi populo non assucto vinci, luculen-  
tè testantur, Virtutem Fortunamque,  
Romanis desertis, tunc apud Gallos ha-  
bitasse; qui urbem nudam præsidio in-  
gressi, per trecentos & sexaginta annos  
semper triumphantem, cæde, incendiisq;  
deformarunt. Subnotatus est fatalis dies,  
quo Roma ardere cœpit, isque decimus  
ante C.N. quartus ante Kal. Sextiles fuit: cujus ne  
unquam excidere memoria posset, fax  
patriæ

VIRI CA-  
PTA ET IN-  
CENSA.

ANTE C.N. quo Roma ardere cœpit, isque decimus  
ante C.N. quartus ante Kal. Sextiles fuit: cujus ne  
unquam excidere memoria posset, fax

patriæ suæ Nero, eodem die, renovato  
spectaculo, Romam iterū bustum fecit.  
Inter hæc, sola patientia Capitolio clau-  
sorū victa non fuit; nam ij cū in manu  
ferrum haberent, maluerunt tamen Gal-  
los cum patriâ, quàm secum pugnare; ne-  
que ipsum ad eò Capitolium stetisset, nisi  
ab anseribus defensum esset, qui subeun-  
tibus Gallis classicum cecinere, vt ex tan-  
to intervallo Romanus aliquis facinus  
ederet, quod dignū esset nominari; Mar-  
cus Manlius is fuit, qui, quòd Gallum  
vnum jam arci insistentem è fastigio de-  
turbasset, deinceps Capitolinus dictus  
est, levi impendio pulcherrimum nomen  
adeptus. Tandem post menses septem,  
cū miseris etiam difficile esset perire,  
quòd illos hostilis gladius clementius,  
quàm lentum malum, intestina fames ha-  
beret, tunc vehemētissimè irritata, quan-  
do illius dissimulandæ gratiâ, panes; non  
ex copia sanè, de Capitolio in hostes ja-  
culati sunt; cū obsessos & patientia, &  
quæ vltima mortales deferit, spes defice-  
ret, & esurientes ferri jam vsum nesci-  
rent; atq; interim Galli jactarent, se auro  
ab obsidione abigi posse, coacti sunt Ro-

*Tacit. 25. an-  
nah.*



ROMA AD  
LIBELLAM  
APPENSA.

*Hist. nat.* l. 33.  
*cap. 7.*

Romani se suamque fortunam, & reli-  
quias urbis sub hasta & gladio venales re-  
dimere. Desponsa auri pondo mille; siue  
plus effici non potuit, ut Plinius scripsit,  
cum modestior adhuc mundus mulie-  
bris esset, qui Urbi etiam tunc pro ærario  
fuit: siue Brennus Romam omnem, &  
quidquid auctiori subiecerat, pluris non  
æstimavit. Id ipsum tamen, militari inso-  
lentiâ, ad iniquam exactum est libram,  
gladio insuper prægravatam, depressam-  
que; quæ tamen Romanis missitanda  
injuria fuit; nam cum voces liberiores  
erumperent de fraude conquerentium,  
eæ mox miserrimoludibrio sopitæ, suffo-  
catæque sunt, cum ridens Gallus, Væ Vi-  
ctis, ingeminaret; quæ voce tristior nulla  
unquam Romæ audita est: atque hæc ob-  
signarunt Galli nobilem victoriam, se-  
ptimo tandè mense, cum auro redemptæ  
Romæ precio in patriam regressi; nisi for-  
tasse illis hoc per Livium non licet; is e-  
nim Camillum hîc interijcit, qui victo-  
rum abeuntium iter moretur; ab hoc e-  
nim extortum Gallis aurum scribit, pro  
quo ipse ferrum objecerit, nudosque gla-  
dios, quibus Gallos duplici prælio ita  
con-

*Polyb. l. 2.*

LIVII DE  
CAMILLO  
NARRATIO  
REIECTA:

concederet, ut ne vnus quidem superesset, qui inflammata à se urbem Romam iactare posset. Sed veniam nobis dabit Livius, si hoc illi nō credimus; verecundiam cladis Romanę abstergere hoc lenimine voluit; ita attemperatè Camillum ab exilio revocavit, in illam ipsam horulam, qua Romanos Libripendes aurum defecit, ut in eo articulo Gallos opprimeret. Atqui nec Romæ, Suetonio teste, aurum receptum esse, prius est creditum, quàm illud Drusus pro Prætore in Galliam missus, publicè illic asservatum, recepit, & patriæ refudit. Confirmat id ipsum luculentè Massiliensium factum, qui simul atque Urbem à Gallis captam, inflammata, eaque quibus ferrum & flamma pepercerāt, redempta auro cognovere; cū & ipsi Gallos hostes paterentur, & omnia illorum incrementa sua detrimenta crederent, Romanæ urbi domesticas ipsi exequias duxere, qui suorum etiam funera sicci, fletu suspenso, spectabant; & ne solis oculis liberales, ad urbis extinguendum incēdium viderentur lachrymas annuerasse, aurum insuper, argentūque ex publico ærario de-

ROMANÆ  
V. PRETI-  
VM IN GAL-  
LIA ASSER-  
VATVM.

Suet. in Tib.  
63.

Infin. l. 43.

MASSILI-  
ENSIVM  
SYMBOLA  
AD CONF-  
CIENDAM  
AVRI SUM-  
MAM.

promptum, & privatis etiam opibus egestum, insigni & commemorandâ benevolentiam contulere, ut, quod ad auripondus Gallis debiti deerat, inde suppleretur, tandemque Romani ex suorum hostium ære exirent. Quâ collatitiâ stippe quid opus fuit, si etiam illud, quod appensum jam erat, Camillus Gallis extorsit? Et verò tanta opportunæ humanitatis apud Romanos gratia fuit, ut iis & decreta immunitas, & locus inter Senatores in theatro datus, ipsique amici appellati sint. Quin imò cum Romanis tandem armis ipsa etiam Massilia petita est, cuiusque imago in triumphum ducta, nemo bonus vir Romæ fuit, qui non ingemuerit, veteris fidei memoriâ hoc quantumvis impar officium exprimente. Florus cætera Livio consentiens, in Gallorum cæde recensenda mitior est; duobus præliis non omnes, uti Livius, jugulat; neque tantum cladis nunciū, sed copiosas reliquias dimittit, post plures demum annos conficiendas. Urbi verò exustæ consolationis genus multò ambiciosius reperit, dum Dijs immortalibus gratias agit, & supplicationes decernit,

*Cic. Philipp. 8.  
& 2. de Offic.*

*Flor. l. 2. c. 13.*

cernit, quas Roma, re bene gestâ, vsurpare solita est; abolitam enim esse probrosam Romanæ Urbis paupertatem, barbaros manum commodasse ad diruendas pastorum casas, vt ex flamma, & cinere lustrata, & illustrata Vrbs, imò aurea resurgeret. Cæterum ex Polybio constat certissimo Scriptore, qui Livium etiam ætate antevenit, quique veritatis studio antiquissima monimenta, neque ipsis satis intellecta civibus suis, ex Capitolina æde eruit, & Romanis proceribus homo ipse Græcus iura suæ patriæ interpretatus est, Gallos victores nullo incommodo affectos, victoriam integram in patriam retulisse, cum illos domestici tumultus ab obsidione Capitolij avocarent. Veneti enim, qui ad mare Adriaticum Gallis vicini adsidebant, tempori insidiati, & absentiam Gallorum rei bene gerendæ occasionem interpretati, cum infesto exercitu, in eorum fines populabundi erant ingressi; cuius rei fama ipsos vel invitos & frendentes domum retraxit. His proinde Romani, non Camillo, debent salutem suam, & quidquid illis victor Gallus præter animam reliquit. Verum Livius,

BOII CVM  
SOCIIS IN-  
TEGRAM  
IN PATRI-  
AM VICTO-  
RIAM RE-  
FERUNT.

vius, qui blandâ hac narratiunculâ majestatem Romani nominis sepultam ruderibus Urbis, & Gallicis afflatam incendijs iterum erexisse, & recreasse visus est, aliâ quapiam re eandem multò validiùs prosternit, colliditque, dubitare ausus, solâne Senonum Gens, an ab omnibus Cisalpinorum Gallorum, adjuta populis, Clusium, atq; indè Romam petierit; tantilla scilicet illi Roma visa est, ut à quocunque hoste posset contemni; nimirum Melpum, cujus neque nomen sciremus, nisi illud ex Cornelio Nepote Plinius exscripsisset, à fortissimis tribus Gallorum populis, Insubribus, B o r i s, Senonibus oppugnandum fuit; nunc cum Apenninus (puta novas Alpes te audire) superandus, cum Hetruriæ solum calcandum, ubi nemo non ex professo hostis, cum Clusini Vejentium consanguinei, & denique Romani, quorum utique fama ultra Apenninum porrecta fuit, bello petendi, Senones, quasi ad ignobilem vicum pabulatores excurrerent, soli ad triumphum proficiscuntur, & cōtra hos non jam trecenti Fabij emittuntur, sed tota Romana juvenus effunditur, eaque ipsa

ipſa primo impetu proculcanda, cui pudori non ſit, tali hoſte tantum viſo, imò ne viſo quidẽ, pedẽ referre, deque tuenda Vrbe, & ipſã adeò vitã deſperare; credi certè non pòteſt, Romam vnquam fuiſſe tam imbellem, ne tum quidem, cùm illius mœnia Remus ſaltu tranſmitteret. Sed enim vt Boios oftendam Senonum ſocios fuiſſe, video id Græcis olim adeò decantatũ fuiſſe, vt quanquam totius rei ſeriẽ minùs exploratam haberent, de Boiis tamen, illis dubium nullum eſſet. Id ex Poëta Græco Simylo, quem Plutarchus in Romulo laudat, manifeſtum ſit; qui cùm Urbem ſemel duntaxat, idque à Gallis, captam crederet, Tarpeia Virginis proditionem, ob ſperatas non Tati, ſed Brenni, vt ipſe exiſtimavit, nuptias, huc traxit, eamque armillis clypeis que Boiorum, quos ex Celtis ſolos nominat, ſuperobrutam cecinit. Ex quo etiam illi ſententiæ pondus adijcitur, quæ Brennum Boiorum Regem facit, vt ij non jam Senonũ Socij, ſed capiendæ Urbis duces fuerint. Sanè Silius, qui bellũ Punicũ ſecundum ſcripſit, quique Poëtæ nomẽ ægre tuetur, quia nihil

men-

BOII EXPE-  
DITIONIS  
ROMANÆ  
DVCEs, AVT  
CERTÈ CO-  
MITES.

*Simylus apud  
Plutarch. in  
Romulo.*

mentitur, & historiæ veritatem simplici metro ligavit, Chrixum Boiorum Duce[m] Brenno atavo gloriantem, Heroicò versu sic repræsentat.

Sil. l. 4.

Boiorum ante alios, Chrixo duce, mobilis ala  
Arjetat in primos, obicitque immania membra;  
Ipse tumens atavi Brenni se stirpe ferebat  
Chrixus, & in titulos Capitolia capta trahebat;  
Tarpejoque jugo demens, & vertice sacro  
Pensantes aurum Celtas umbone ferebat:  
Colla viri fulvo radiabant lactea torque,  
Auro virgata vestes, manicaq[ue] rigeant  
Ex auro, & simili vibrabat crista metallo.

Atque hic certè Chrixus cùm Boios eo prælio duceret, quos Brenni Populum ipse appellat, apud eundem Silium, alienos triumphos, & suæ Genti non debitos scuto suo nunquam pinxisset; Imago illa libram Romanam ferens Chrixum furti accusasset, quòd in se Boiosque suos captæ Urbis gloriam transmoveret, si tota illa Senonum fuisset. Porro neque illud temerè oscitanti Poëtæ effluxit, quòd virgatas Boio vestes tribuit, nam Virgilius in verbis vsque ad superstitionem religiosus, eodem cultu Gallos induit Capitolio adrepentes.

Virg. l. 8.

Galli per dumos aderant, arcemque tenebant  
Defensi tenebris, & dono noctis opacæ.

Aureo

*Aurea Cæsaries ollis, atque iurea vestis;  
 Virgatis lucent sagulis; tum lactea colla  
 Auro innectuntur, duo quisq; alpina cornu scani  
 Gesa manu, scutis protecti corpora longis.*

Neque inscitè Velserus opinatur, inspe- *Velserus l. r.*  
 xisse diligentissimum Poëtam in veterem *Rerum Boica-*  
 tabulam pictam, in qua obsessi Capitolij *rum.*  
 pictura inesset, atq; indè hoc Gallicæ ve-  
 stis exemplum sumpsisse. proflare enim,  
 Romæ ejusmodi monimenta solita, etiã *Plin. lib. 35.*  
 pueri sciunt. Et constat, Marianum illic *c. 4.*  
 scutum pependisse, quod pictum Gallum *Cic. 2. de orat.*  
 ferret, ex quo non nemo, ridiculo errore, *Quintil. l. 6.*  
 Gallinaceum fecit. Atque ab his virgatis *cap. 3.*  
 sagulis, quæ coloratis tessellis distincta,  
 & discurrentibus decussatim lincis virga-  
 ri formam calathi, aut apertum maculis  
 rete referrent, Boicæ Gentis insignia  
 manasse, non infeliciter eruditi viri omi-  
 nantur.

Gallos ab Vrbe regressos, post Vene- *Polyb. l. 2.*  
 ros etiam motus compositos, cùm exter- *INTESTI-*  
 nus hostis deesset, Fortuna tot trium- *NVM GAL-*  
 phos aliquâ labe contaminatura, ipso- *LORVM BE-*  
 met inter se cômisit, gladiosque cognat- *LVM.*  
 o sanguine infecit. Causæ traditæ non  
 sunt, neque necesse fuit. Tales ferè sunt  
 bello,



bellorum reliquæ; nec eorum infelicitas  
 omnis in hostes effunditur; quædam  
 mala etiam victores sequuntur, qui sæ-  
 pius corpus integrum, quàm animum  
 referunt. Ego ita existimo, Romam ar-  
 dentem etiam Gallorum animis faces  
 subdidisse, ut facilè in mutua odia exar-  
 descerent: nam & in solo hostico fiunt  
 multa non optimè, impunè tamen; quo-  
 rum mox etiam in patria minor verecun-  
 dia est. Victoria deinde ipsa insolentes  
 facit, quæ inter plures ægrius ex æquo,  
 quàm præda dividitur; etiam modesti, &  
 quod foedius est, ignavi quoque de laude  
 sibi quàm plurimū arrogant; quæ amu-  
 lantium lites donec fervent, gladij bonâ  
 fide non conduntur. Invidia deinceps  
 alios Gallis hostes subornavit; Inalpini  
 populi vicinas eorum prope se opes in-  
 valescere, dudum iniquis animis sense-  
 rant: jam verò post Romanâ victoriam,  
 res illorum, & multò maximè spes in im-  
 mensum auctas, etiam cum suo periculo  
 rebantur. Itaque jam palàm felicitatem  
 eorum maledicentiâ admordebant, ho-  
 stilem animum linguâ professi, eundem  
 mox manu probaturi: Ex quo in Italiam  
 patria

*Polyb. l. 2.*

MOTVS A-  
LII EVICI-  
NIA.

patriâ extorres transgressi sint, addendo,  
 & bella ex bellis ferendo magnos factos,  
 nullâ à quoquam injuriâ irritatos, adver-  
 sus omnes tamen reperisse causam bel-  
 landi; ubicunque vel latiore, vel pin-  
 guiore agrum vidissent, illuc animum,  
 deinde & manus adjecisse: hodiéque in  
 populorum exitium levi compendio du-  
 ci, dummodo ex alieno damno quæstum  
 faciant, & soli esse felices possint: Nihil  
 apud ipsos inter jus, & vim interesse; po-  
 tiores eos haberi, non qui meliores, sed  
 qui fortiores sint. Neque suis se Alpibus  
 satis tutos fore, adversus eos, qui iter ad  
 has tantas opes sibi per Alpes etiam in-  
 clementiores straverint, ut probarent,  
 suis cupiditatibus nihil esse inaccessum:  
 solâ ergo virtute esse arcendos, securita-  
 rémque sibi illorum excidio quæren-  
 dam. His calumniis sufflatum exarsit bel-  
 lum; sed quo id gestum successu, aut exi-  
 tu finitum sit, ab Auctoribus non tradi-  
 tur: Gallos superiores fuisse, ex eo pro-  
 babile fit, quod ingenti deinceps appa-  
 ru bellum cum Romanis sit renovatum;  
 quos utique, si res domi imminutæ fo-  
 rent, secum habitare Fortuna domestica

D coëgis-

ROMA A  
CINERE  
RESURGIT.

coëgisset. Ex his interim turbis Romani id maximè lucri cepere, quod averso à suis cervicibus hoste, tempus nacti sint, ex suo, & Civitatis funere respirandi; cuius ea facies fuit, ut vix esset, qui illam ut Patriam, & non potius tanquam sepulchrum aspiceret. jamque adeò de illà deserendà cogitatum; & penè persuaserant Tribuni, Vejos migrandum, & à miserrimo spectaculo etiam oculos esse abduccendos; nisi eà potissimum ratione Camillus abitionem disturbasset, quòd nimis læta Gallis victoria futura esset, si Romani factò ipso profiterentur, fortiores hostium vires ad urbem evertendam fuisset, quàm suæ essent ad eandem restituendam; adeoque à Gallis non patriam, aut Capitolium; sed egram animam auro esse redemptam, cum quo illi & Romanam Fortunam, & ipsam adeò spem meliorum abstulerint. Evicit ergo Camillus, ut urbs è suo busto extraheretur: sed festinatio tumultuario opere ædificantium (non plus enim anno vno impensum est) & confusa, abolitâque vetera in cinere vestigia, urbis elegantiam obliquis ædium flexibus denormant: nullâ enim distinctione,

atione, neque dimensis vicorum ordinibus, sed vt cuilibet maximè commodum fuit, ædificatum est: Cæterum illustriorem à Ruina surrexisse Romam Florus gloriatur, & tum demum dignam euasisse, quæ Deorum, atque hominum domicilium esset, vt illi etiam incendium gratuletur; qui si ex animi sui sententiâ loquitur, magnam rem Galli incogitantes, imprudentesque præstiterunt.

Quibus ne interim sine bello otiosa ætas efflueret, dum Romani respirant, quærendus alius hostis fuit: hoc quoque ex virtutis magisterio, quæ vbi nihil agit, animam agit. Circumspicientibus Dionysius Siciliæ Tyrannus occurrit, qui hac ipsâ tempestate in ea Italiæ parte, quæ magna Græcia dicta est, cum Crotoniatis bellum gerebat. Commodares Gallis visa est, Italiam pluribus bellis fatigari, & se ubique inter hostes censeri, timerique. Igitur Legatos ad Dionysium mittunt, qui amicitiam cum illo, societatemque inirent; non indecores se fore Regi; Virtutis & Fortunæ suæ testimonium posse ipsum ex vrbe Româ petere: neque procul abesse se ab eius hostibus, in vtrum-

VL

Iust. l. 20.

GALLI

DIONYSIO

FOEDERA-

TI,

que paratos, sive à tergo, sive à fronte illos à se cædi jubeat. Dionysius sibi de societate fortium virorum gratulatus, Gallorum copijs auctus, bellum velut ex integro restaurat: sed hujus fœderis successum vetustas suppressit, diligentiam omni in Româ excolendam absumptâ; cui quot omnino annos ad quiescendum, virisq; refocillandas, Fortuna, Gallique indulserint, auctorum pugnae, & variantes sententiae prohibent liquidò affirmare; ad quem inevitabilem scopulum antiqua omnis impingit historia, ipsius adeò veritatis naufragio infamè. Polyænus, & Plutarchus quindecim annos intercessisse à captâ Vrbe ad proximam cum Gallis pugnam affirmant; Livius indulgentior decem alios annos adjicit: Polybius post trigesimum demùm annum Gallos domo educit; vnde cum ingenti exercitu profectos, & Albam usque progressos Romani excipere ausi non sunt; quia, nondum discussio veteri metu, viribus diffidebant: sociorum verò auxiliares excire copias, hostis imparatis repentè superveniens, & jam è viciniâ impunè insultans, passus non est. Moenibus ergo se

tenue-

SECUNDVM  
CVM RO-  
MANIS  
BELLVM.  
*Polyænus.*  
*Plutarch. in*  
*Camillo.*  
*Liv. l. 6.*  
*Polyb. l. 2.*

tenuere, eadēque patientiā Gallos in Albano agro omnia miscētēs, & foedis populationibus vastantes tulere, quā pridem illos in suæ viscera patriæ grassantes, è Capitolio, pristinae virtutis immemores, aspexere. Cujus rei apud Livium, sepulta omnis est memoria, credo quia ad Romani nominis gloriam nihil admodum faciebat; cui bonus ille vir non tantum eloquentiam, sed in tempore etiam silentium videtur accommodasse. Officiose ejusdem auctoris linguæ benignum exemplum, quia Gallico splendori, veritatique officit, & ad hæc tempora spectat, placet adtexere: M. Manlius, is qui ab an-

seribus excitatus Gallum ex arce deturbavit, cum & gloriosum Capitolini nomen, quo se Jovi exæquatum credebat, & illustrem victoriam, ex præcipitato vno homine relata concoquere non posset, immodicus animi, illius tumorem nulla neque mensura, neq; modo coercēbat: ignobilem, & inhonoratum ire se credens, nisi in vrbe, quam solus servasset, solus regnaret. Quod cum studio, & favore plebis se affecuturum confideret, illam affectatā popularitate suam facere,

LIVII DE  
M. MAN-  
LIONAR-  
RATIO  
EXAMI-  
NATUR.

& profusis largitionibus sibi reddere obnoxiam, impensè studebat. Et inciderat sanè in ea tempora, quibus nihil erat Româ indigentius; nam ob conflatum ædificando ingens æs alienum, demersa fœnore, & vsuris plebs, divitibus obligata, mœstâ quasi servitute atterebatur; ut proinde opportunæ lenocinio liberalitatis inescata, Manlium non aliter, quàm communem parentem, & benignum aliquod sidus intueretur. Impellebat ille jam sibi morigeros etiam blanditijs eloquentiæ, quâ magis instructus erat, quàm auro: & factum est Livij diligentiam, ne ignoraremus, cujusmodi illius ad plebem conciones fuerint; imò ipse de suo auctarium adjicit, quod homini quantumvis turbulento non potuit venire in mentem: narrat enim jactasse illum ad invidian, atrum Gallicum, per Camillum, si Superis placet, olim receptum, apud avaros defossum Patres, & prædæ instar, quæ inter latrocinantes dividitur, illorum lucra augere, quibus nihil satis sit, cum suis civibus vix miseras animas reliquerint; Quam fabulam uti Livius necessitate confinxit, ne sui prorsus oblitus vide-

videretur, ita malè fultam tandem penitus evertit: Fatetur enim, Dictatorem, cum is Manlium juberet claro indicio Gallicum illud aurum evolvere, nihil ab eo, præter odiosâ dicta potuisse exsculperre: adeò Livium in pertexendâ aureâ fabulâ, filum defecit. Cæterum is Manlij exitus fuit, vt ob affectati crimen regni, eodem saxo, vnde Gallum deturbarat, dejiceretur, partâque præcipitio gloriam, ipse præceps datus supplicij famâ obrueret. Sed ad Gallos nostros revertamur.

ROMANI jam alterâ clade docti adverte- ROMANO-  
rant, sibi cum hoste rem esse, qui proba- RVM CON-  
rit ipsos & vinci posse, & Romuli oracu- TRA GAL-  
lum pridem irritum reddiderit, vatici- LORVM VI-  
nâtis, nullas opes humanas armis Roma- RES APPA-  
nis restituras; multò deinceps majori ap- RATVS,  
paratu sibi opus esse, non modò ad famam, sed & vitam tuendam existimarunt. neque hoc, quantumvis sese amarent, dissimulare ausi sunt, Gallis de robore se  
concedere; & linguâ, manûque optimi *Salust. bell.*  
Romanorum, etiam postea professi sunt, *Iugurth.*  
omnia cætera virtuti suæ prona esse, cum *Cic. de arusp.*  
Gallis pro salute, non de gloriâ certari; *resp.*  
*Ca. l. 5. bell.*  
*Galli*



quinimò cùm jam propè terrarum orbem subegissent, & ex omnibus populis triumphassent, omnium robore penetrato, belli virtute, ante omnes Gentes Gallos posuere. Igitur ad leges militiæ, quas habebant optimas, rigidissimâsque, non paucula propter illos addidere: nam cùm ætatis, dignitatîsque privilegio, vel quinquagenario majores, vel Deorum ministerio addictos, militiâ solverent, tumultibus tamē Gallicis, nullâ vacationis veniâ, & hi ab aris abstracti, & illi caniciem premere galeâ jussi: opificum quoque fex, & sellulariorum bello inepta turba excita, ne vlla præsidia viderentur neglecta, quæ vel numerum facerent; cùmque externorû hostium vim, quantacunque ingrueret, belli nomine appellarent, Gallicos solos motus Tumultus dixere, ipso nomine publicam consternationem confessi. tum denique, vt summa omnia experirentur, consuetis magistratibus plerunque diffisi, ad Dictatorem currebant, simul ac Gallus sese movisset. Quæ singula cùm Gallicæ virtuti tam potenter suffragentur, subtimidè profectò perpetuos Livij triumphos numero,

mero , quos ille ex Gallis identidem ducit; neque enim credo tantum illis glorię apud hostem partum, solâ pugnandi pertinaciâ, quòd toties, velut gladiatores in arenam, proflirent, Romanum ferrum, accepturi, semper inulti: & verò scio ab ipso M. Cicerone quindecim plurisque de Liguribus, & Gallis posteriùs actos triumphos irrisos esse, vt diceret, malle se Lucij Crassi vnâ pro M. Curio dictionem, quàm Castellanos ejusmodi triumphos duos, à minutis Imperatoribus impetratos: quanquam & illos jam fessâ fractâq; Gallicâ virtute, coacervare facilius fuit, Senonibus jam deletis, vel fugatis, Boiisq; ex Italia migrantibus; integris autem etiamnum rebus, eosdem, ante bellum, & tubam, Romanis tantę formidini, in prælio ludibrio fuisse, vereor, vt cuiquam cordato vero possit simile videri; præsertim cùm apud Polybium alia omnia legam; is enim quadragesimo demum secundo post captam urbem anno, irrupentes iterum magnâ vi Gallos, non tam Romanis armis, quàm terrore Panico, intestinisque discordijs retrò actos, domumq; nocturnâ fugâ dilapsos

TERTIA  
IN ROMANOS  
EXPE-  
DIDIONIS  
EVENTVS.

*Polyb. l. 2.*

disertè scribit: domi denique, cùm adhî-  
bita in consilium suâ, Romanâque For-  
tunâ, neutram vel convellendam, vel ir-  
ritandam temerario bello censerent, pa-  
cem nullo sanguine laceffitam perpetuis  
tredecim annorum feriis coluere; quibus  
exactis, cùm illos neque tum otij satias  
cepisset, cum Romanis etiam fœdus iniê-  
re, vt pacem jam longo charam, proba-  
tâmq; usu, etiam ex lege tuendam sibi  
scirent. Et Romanis quidem etiam in  
parte felicitatis fuit, Gallos habere, & di-  
cere amicos, & illorum dexterâs contin-  
gere, qui nuper eorum patriam incende-  
rant; imò patriæ causâ hoc faciebant, ne  
triste in illam exemplum repeteretur.  
Triginta ipsos annos fœdus religiosè  
cultum, eâ demum occasione ruptum  
est, ex qua Gallis plus utilitatis, quàm ho-  
nestatis accessit; cuius quanquam melior  
est causa, facilior tamen æstimatur jactu-  
ra, hominum vitio, qui malunt vt suæ  
eos fortunæ pudeat, quàm pigeat. Qui  
trans Alpes incolebant, nullâ provoca-  
ti injuriâ, impetu animi, & grandium  
commodorum spe, armati, transilierant  
in Italiam, pro hostibus habituri, quos-  
cun-

FOEDVS  
CVM RO-  
MANIS  
ICTVM,  
CULTVM.

cunque fors ruentibus obtulisset. Primi Galli occurrere, communione generis, nominis, & patriæ, alio sine dubio loco, quàm hostium habendi: sed quæ reverentia sanguinis, apud armatos? aut quid virium haberent jura necessitudinis ultra Alpes querendæ? cujus vincula facilè diffiliissent gladio rupta, nisi Galli concitata in se vim aliò avertissent; & quidem, quod adjunctam habet infamiam, in fœderatos, & Romanos. Neque contenti amicum hosti prodidisse, & velut expositum prædæ destinasse ad gladium, & laniendam; in majus insuper scelus animorum levitate inclinati, jam spontè furentibus duces se offerunt, idoneos utique, qui Romanum iter jam victorijs emensi erant. Sollicitant etiam Hetruscos ad arma, quos norant fluxâ fide, temporariam cum Romanis amicitiam colere, quoties rebellare contusi non poterant, post cladem modesti. Sic in Romanos investiti fines, in pessima causa optimam invenere Fortunam. Prædæ is demum modus fuit, quem exsatiata, & sudans sub spolijs avaritia sibi statuit; sed hæc ipsa, quæ fidei oblitos in arma, sociasque terras Gallos

RUPERTVM

INIQUI  
BELLIVL-  
TOR DEVS

tru-

truserat, domum, reversos dignissimo supplicio affecit. In illo enim ingentis prædæ congestu, cum nulli quidquam satis esset, nec ex æquo dividi posset, quod per summam iniquitatem erat partum, jus sibi gladio dixere, & in vlciscendo scelere, Romanis arma, & manus commodantes, ipsi se prædones mutuis vulneribus cōfecere, ne impietas, quantumvis fortunata, longâ impunitate gloriari posset. Atque hæc octoginta quinque annis à capta Vrbe Polybius gesta memorat, pleraque omnia secunda Gallis, & ad exemplum primæ Fortunæ: cuius propè constātiā accusare libeat, quod, cum Galli fœdus fregissent, ipsa non mutarit fidem, sed illos etiam in præda adjuverit. At Livius compensat, qui interim Romanis triumphos, & victorias agglomerat, & illos etiam annos, quibus Gallos quievissè Polybius memorat, Gallicis tumultibus implet, & negotiosos facit. Primum enim vigesimo tertio ab Vrbe capta anno ( Polyb. trigessimum nominat ) in Albanum agrum irrumpentibus Gallis ipse Camillum Dictatorem opponit, qui multis millibus cæsis, castris in-

super

*Liv. lib. 6.*

LIVII ET  
POLYBII  
DISCOR-  
DES NAR-  
RATIONES

super hostem exuerit, & ob rem bene gestam, hunc jam alterum ex Gallis triumphum reportarit. Post sex deinceps annos (Polybius duodecim interjunxit) ad tertium ab Vrbe lapidem Viâ Salariâ trans pontem Anienis Gallos castra locasse auctor est; adversus quos T. Quinctius Penuus Dictator creatus armatâ omni iuventute Romanâ ingentē eduxerit exercitum: quo viso Gallos metu perculsos, pedem, fugientibus similes, de nocte, retulisse, ex Polybio suprâ retulimus; Livius subiti pavoris certam causam assignat, pluribus decantatam, & dignam, hîc inseri: Anio vtraque castra interfuebat, ponte vinctus, qui rixis potiùs, quàm prælijs Romanos, Gallósque aliquamdiu exercuit, quæ victoriæ nomen, vel non merebantur, vel dubiam suspendebant: sed uti justam pugnam non capiebat, ita gladiatoribus poterat in theatrū sufficere. Hunc ergo vacuum Gallus occupavit stolidè ferox, tantúsque sui admirator, ut Romæ non crederet virum, esse, qui secum ferro decernere vnus vellet. Si quis tamen esset tam prodigus animæ, qui suam vitam post patriæ famam, ponere-

*Liv. l. 7.**Polyb. l. 2.*

DVELLVM  
GALLI  
CVM ROMANO  
AD  
ANIENEM.

poneret, illum ad singulare certamen magno clamore vocabat, vel moriendo probaturum, quantopere Galli Romanis in pugna præstarent. Et verè non erat in Romano exercitu, qui se ad illam molem, & vasti corporis spacia posset expendere; etiam de animo suo dubitabant, possèntne hujus insanix parem opponere. Igitur terror longum silentium fecit, donec T. Manlius facta à Dictatore potestate prodijt in medium, quem Gallus oculis permensus, & à corpore non magno æstimans, veluti miseratus, buccis fluentibus, & ejecta linguâ ridebat periturum. Romanus tacitum furorem consilio moderatus, in magno corpore locum potenti vulneri quærebat; Gallus mole corporis obumbrans imparem hostem, vires omnes, irasque, præceps, cum gladio, quem strinxerat, effudit; quem in se ruentem Manlius oculis, & flexi corporis obsequio exiens, hostem, dum consumptas vano ictu revocat manus, sine tumultu cõfossus, exanimemque in ponte porrexit. jacenti torquem detraxit, à quo ipsi posthac, & familiæ Torquati nomen adhæsit, jam alterum

Man:

Manliorum ex duobus Gallis decus. Galli cum fortunam totius belli ex hac pro-  
 lusione æstimatam, parum sibi prospe-  
 ram ominarentur, proximâ, vt dixi, no-  
 ãte se subduxêre, & teste Polybio, sponte  
 animi, primùm per annos tredecim, de-  
 inde ex fœdere, per triginta alios, pacẽ à  
 belli studijs averſi coluere: Livius tamen  
 proximo iterum anno, Gallos ad portam  
 vsque Collinam, per quam vrbi olim exi-  
 tium intulerant, progressos, Romam ad  
 ipsa mœnia vexasse, auctor est, agrèque  
 ingenti editâ strage averſos; quos, cum  
 Tyburpalantes peterent, Petilius Con-  
 sul exceptos, intra urbem, cum ipsis Ty-  
 burtibus, compulerit, tantâmq; sibi rem  
 præstitisse visus sit, vt vno triumpho æ-  
 quarî facta sua posse non crederet; igitur  
 geminum egisse; quî non immeritò Ty-  
 burtibus irrisui fuit, dicentibus, se ad spe-  
 ctaculum non pugnæ, sed fugæ Gallo-  
 rum, per otium, vrbe egressos, indè vio-  
 lentiâ Romanorum, qui omnes homines  
 hostes crederent, velut ex theatro gladijs  
 in urbem pulsos; hanc scilicet victoriam  
 ex inermibus relata, materiam fuisse  
 non vnius triumphi, & dulcium Romæ

ANN. AN-  
 TE C. N.  
 CCCLVI.

Feria-



*Liv. l. 7. Eu-  
rop. l. 2.*

*Oros. l. 3. c. 6.  
Frontin. l. 2.*

*c. 4.*

*in Celtic.*

Feriarum, cui plausus de nihilo nascerentur. Post duos deinceps annos, Caijs Fabio & Plauto Coss. ingens iterum Livio contra Gallos bellum, per C. Sulp. Peticum Dictatorem gestum, cui Magister Equitum M. Valerius additus. Ex Gallis Boios tantum nominat Appianus, sive solos id bellum gessisse significat, sive ut Duces præfuisse; magno documēto, bella pleraque, quæ Livio, aliisq; Gallico nomine, celebrantur, cum eandem causam habeant, potissimum ad Boios pertinere. Eadem tempestate ambo Consules in armis erant, suo uterque hoste districtus, qui tamen præ Gallo contemni posset. Igitur Dictator omne robur militiæ, & fortissimam manum ab utroque exercitu abducit, suumque conflatur, ex ipso flore juventutis Romanæ, gnarus adversus quem hostem iret, quem jam audierat circa Pedum consedisse, & pugnam in voto, in spe victoriam, consilia in præcipiti habere: similes ipse prope Gallis milites habebat, qui suis viribus, & honestissimo freti iudicio, quo ipsi potissimum lecti essent, qui Gallis obicerentur, optabant quamprimùm posse ostendere, in delectu suo

non

non esse erratum. Dictator neque fortuna, neque militum ardori credere tutum existimans, ægrè ferebat, suos, & hostes eadem velle, à quibus ille etiam animi proposito censebat esse dissentendum: vtrisque properationem illam utilem esse non posse; suos, si prælium urgeant, pro hoste pugnatos, cui spes non in suis tantum, sed alienis etiam armis sit; cætera omnia ipsi adversari; loco, inopiâ com meatu, & maximè tempore deteriorem fieri; neque fortius contra illum telum esse, quàm moram: proinde sedendo posse se vincere, & ad maturitatem victoriæ tacitis consilijs adrepere. Hæc quanquam erant verissima, non placebant militi armato, qui aliter, quàm manu, nesciebat victoriam parari; dicta hæc curiæ, quàm castris aptiora esse, velando timori inventa. Igitur quia ab hoste arcebat, Dictatorem linguâ, & odijs impugnabat, utique postquam Boii vallo, & fossâ clausos, semiviros, & feminas, per contumeliam, appellabant. Cujus nominis infamiam cum ingrato otio, & alienâ ignaviâ sibi partam vidissent, Dictatorem adeunt, & pugnæ potestatem propè

E con-

convicio exposcunt, certi, si negare per-  
sisteret, ex castris discedere, Romæ com-  
modius sessuri, quando hoc jam agen-  
dum militi Romano esset; sic everberata  
est Dictatoris constantia, & pugnam, non  
ex animo suo, in sequentem diem edicit.  
Timebat tamen etiam, tam fervidis suorū  
animis posse se vinci; quidquid igitur ar-  
te, & consilio adjici potuit ad vires, in e-  
vētum pugnæ præparavit. Equitatum in-  
primis callido ludibrio auxit; nam cū  
mulis onera detrahi jussisset, ijs agasonū  
imbellem turbam, sed ad ostentationem  
armatam, imposuit; his equites immi-  
scuit; ad quorum nutum fungi illi flecte-  
rentur: sic beneficio noctis tectos jussit  
in montem evadere, & mendacium sil-  
vis tamdiu occultare, donec ipse signum  
dedisset ad eruptionem. Pedites ita in-  
struit, ut qui primi pila in hostes sparsis-  
sent, loco eodem subsiderent, donec se-  
cundi, & post hos tertij, quartique misis-  
sent, idem post jactum facturi; sic neque  
tergum, neque nudum latus hosti præbi-  
turos. Altero die ad radices montis latè  
aciem explicat, Boiis non credentibus,  
in planicie sui copiam facturos: post ubi  
id

id quoque factum vident, totis effusi castris in Romanos irruere, ut suus cuique ardor pro signo pugnae esset; tantaque vi in dextrum cornu injecti erant, ut hesternae Romanos audacia nihil iuvaret. Actum erat, nisi verecundia inclinatam aciem restituisset. Dictator enim cedentes objurgans, quarebat, ubi illa heroica dicta essent, quibus hostem heri jugulassent? pravo more illos, in castris mala lingua, in acie timidis pedibus triumphum querere, manibus interim otiantibus: audaciam illam seditionibus probatam in tempus praelij differendam fuisse, ad coarguendum Dictatorem, vanum illius heri metum fuisse. irent nunc, & moras illius accusarent, qui primus in praelio, propior sit hostibus, quam fugitivis militibus suis. Sic retractus pavidus miles, & victoria cum Dictatoris vocibus in alterum cornu translata. Tum deinde, cum signo dato, etiam personati illi in mulis Equites de monte deruerent, & rudem, dolum, ferociam, & incondito clamore animarent, veriti Boii, ne etiam castris pellerentur, illuc precipitem fugam intendere: sed aditus illos Magister Equi-

INFELIX  
BOIORVM  
CVM ROMANIS  
PUGNA.

tum occupaverat prior, ut nihil præter  
 silvas & montes pateret: sed & hîc ab im-  
 belli mulionum turba, quam neque victi  
 timere honestè poterant, excepti, tur-  
 piùs quàm in agie cecidere; atque hunc  
 in modum totum illum BOIORVM  
 exercitum occidione deletum Appianus  
 auctor est. Præda etiam ingens relata, &  
 magnum auri pòdus quadrato inclusum  
 saxo Dictator in Capitolio dedicavit,  
 quod illius auri iacturam solaretur, quod  
 Roma Brenno ad libram appendit. Post  
 octo ab hac pugna annos, Gallos in agro  
 Latino à M. Popilio Lenate concisos, &  
 castris exutos auctor est Livius. Itidémq;  
 anno, qui hunc proximè secutus est, in a-  
 gro Pomptino à L. Furio Camillo ingen-  
 ti strage afflictos, apud eundem reperio.  
 Quo bello durante M. Valerius Gallum  
 ex provocatione secum viritim pugnan-  
 tem occidit; tantæque eius dignatio vi-  
 ctoriæ fuit, ut quanquam Corvus eo in  
 duello Romano suppetias tulerat, alis,  
 rostro, & vnguibus Gallum impetens, aureâ  
 nihilominus coronâ, & decem bubus, &  
 sequentis insuper anni Consulatu, cum  
 viginti trium etiamnum annorum esset,  
 &

*Liv. lib. 7.*

M. VALE-  
 RII TOR-  
 QVATINO-  
 MENVNDE

& Corvini nomine in familiam inferendo, donatus sit, æquale decus Manlio consecutus, quem ipsum etiam anseres, sacræ Junoni aves, clangore adjuverunt. quominus autem Corvinus, vti & ante ipsum Torquatus Jovi Feretrio spolia, *Val. Max. l. 3. c. 2. Liv. l. 8.* opima ferrent, non æstimatio facti obstitit, sed quia alienis auspicijs rem tantam gesserant. Sedecim proximos annos Gallorum otio concedit Livius, post quos fama reparati ab inquietâ Gēte belli, protumultu valuit; & creato eam ob rem M. Papirio Crasso Dictatore, multo majore curâ delectus, quàm adversus finitimos, habiti; cūmq; instructum agmen in procinctu esset, quærendus per exploratores hostis fuit, neque vsquam est repertus. Maluere tamen Romani mentienti famæ ignoscere, quàm dormientem Gallum excitare.

PORRÒ BOIOS sociosque populos, ne VII. belli tantum artibus inclarescerent, per BOII ALEXANDRO hæc ipsa tempora comperio Regis non. XANDRO eâ solum tempestate, sed omnibus retrò M. MACE- sæculis maximi amicitiam ambijsse, & DONI CON- impetrasse. Hi enim illi anni sunt, quos CILIATI. Alexander Macedo immortalibus victo-

rijs illustravit: cui vni homini orbis angustus, & major animus rerū naturā fuit; cum quo nemo vnquam comparatus est, vt non ad illam laudem erubesceret, cū maximum propè mortalium votorum esset, vel tantillum illius simile habuisse. Enimvero quanquam hic Sol in Asia potissimum luxit, pleræque tamen Gentes aliquem illius ad se radium rapere jam olim sunt conatæ. Livius certè, cū aliud nihil haberet, illud tamen sibi curiosissimè sumpsit disputandum, quinam eventus Romanis rebus, si cum Alexandro foret bellatum, futurus fuerit: & quia haud difficile est, barbam mortuo Leoni velle, regij nominis, famæque contemptor, multos illi duces opponit, quasi scilicet, Roma non vnum tantum habuisset Alexandrum: copias etiam copijs, facta factis comparat, & vbique vincit, illumque orbis triumphatorem nullo negotio debellat: cuius ego litis vti iudex esse nolo, ita BOIORVM, Sociorumque factum his plausibilibus dictis haud paulò pulchrius existimo: hos enim necessariò fuisse interpretor Gallos illos, quos Ptolemæus Lagi perpetuus expeditionum Alexandri comes,

*Liv. l. 9.*

*Strabo l. 7.*

comes, ab Adriatico mari, cui adside-  
bant, venisse narrat, famam nominis exci-  
tos, ad amicitiam cum tanto Rege jungen-  
dam, & hospitium faciendum: quos cum  
ille comiter accepisset, & in convivio  
percontaretur, quidnam maximè omniū  
metuerent, certus nihil aliud responsu-  
ros, quàm præter ipsum Regem, timere  
& omnino neminem: illi renidete vultu,  
tam unam rem sibi sollicitudini esse dixe-  
re, NE CÆLVM RVAT, quo libero, fortiq;  
dicto neque Rex indelectatus est, posteri-  
tas verò illud etiam adoravit, cuiusque  
gloriam, plures ad se populi ambitiosè  
traxere; hodièque fertur in primis, & cer-  
tè meruit, ut à me suis auctoribus redde-  
retur. Scio Aventinum illud ex suo ad-  
didisse, Boios Alexandro bellum indi-  
xisse; sed vir ille eâ fronte fuit, ut ad nul-  
lum dictum erubesceret, semperque an-  
nalianum, aut anilium potius carminum,  
auxiliares copias in promptu habuit,  
quas ad testimonium, vanitatis opidò  
obsequentes, ubi libuit, vocaret. Mi-  
hi Gentis Boiæ, sociorumque po-  
pulorum gloria neque tali tibi cine qui-  
dem fulcienda videtur: quando hæc tria

BOII QUID  
VNVM ME-  
TUERENT,



Legatorum generosa verba satis magni animi argumentum præbent; cur illū regem bello lacefferent, nihil erat; ostenderunt tamen, si lacefferentur ipsi, supereffe sibi vim, & voluntatem resistendi: dubitamus scilicet viros dicere, qui ante cæli ruentis fragores causam se negant habere timendi.

## VIII.

DVM hæc foris, per Legatos, amicitia quæritur, conciliaturque, domi neque illis annis, quibus vel fœdera, vel privati vota Romam à Gallis tutata sunt, idem otium alijs Gentibus concessum. Nam quod de Patavinis Livius memorat, eos propter Gallos accolas arma numquam exuisse, id ad alios quoque transferendum, qui Gallis adsidebant; difficile erat tam irritabili Genti non dare causam bel-  
landi, quæ lites etiam civiles ferè milita-  
riter decideret, & Legum forique com-  
pendium ferro faceret. Et quanquam ne-  
cessariò tot bellis, quæ Livius nec pauca,  
nec sicca memorat, accisam esse oportet  
Gallicam sobolem, tantum tamen per-  
petuâ felicitate in supplementum subna-  
tum est, ut illis solæ ferè essent de finium  
angustijs querelæ, magna iterum bello-  
rum

rum causa, quibus fortes illi viri titulum necessitatis prætexerent; eius rei illustre exemplum annus CDLVI. ab V.C. præbet, quo tandem cum Polybio Livius in concordiam redit. Eo igitur anno, quo Gallos jam veteres Italię incolas, novis ex Transalpina Gallia advenis duces ad Romanos fines invadendos fuisse supra ex Polybio retulimus, Hetruscum agrum ipsos ex itinere invasisse Livius auctor est, quibus in Romanos perpetua vel bella, vel odia; & commodum contra inducias tum bellum parabant; cuius cursum illa Gallorum inundatio stitit; quos tamen Hetrusci maluerunt auro, quàm ferro expugnare, quo fidem societatis, & communium contra Romanos armorum emere optabant; etsi illud de Romanis, in tabulis conventionis non erat expressum. Cùm aurum numeratum esset, indixere ijs velut obnoxijis, & stipendio conductis profectiorem Hetrusci in Romanos; Sed ea Gallis cordi non fuit; auro vim suam duntaxat redemptam esse ditantibus; hoc pauxillo sibi persuasum, ne ferro vterentur in Hetruscos; id si in Romanos stringendum sit, maiorem spem

*Liv. lib. 10.*

HETRUSCI  
GALLICVM  
BELLVM  
AVRO RE-  
DIMVNT.

ostendendam esse, quàm stipendij; si se in partem agri admitterent, commilitones se fore, & eosdem hostes, & amicos habituros. Sed Hetrusci Gallum belli socium optabant, non domi vicinum: ita Hetruscis aurum perijt Gallis in stipendium otij persolutum, qui novâ arte, etiam cùm nihil facerent, rem tamen faciebant. Roma interim trepidabat, cùm repens fama tumultum Gallicum cum Hetrusco bello involveret; eoque majoribus Hetruriæ viribus imminebat, ut jam infelicitatem consilij sui Hetrusci palam accusarent, quòd Gallorum auxilia non etiam parte Patriæ suæ emissent, de qua jam tota periclitentur; ergo cùm illis nec in suis, nec alienis armis spes esset, studiû belli simulatione pacis texere, quod commune astutiæ de successu desperantis scutum est, sub quo illi quidem latere; sed Samnites totâ belli mole pressi, oppressique sunt, neque castris solum, sed etiam patriâ pulsi; Ij fugitivas exercitus sui reliquias in Hetruriam traxere, armatis precibus Hetruscos expugnaturi, ut pro communi libertate arma caperent, & honestum periculum tuto servitio

tio potius ducerent; quandoquidem, Samnitibus oppressis, non finis belli futurus sit, sed ipsi ad resistendum infirmiores, velut alterâ manu capti. Habere ipsos accolas Gallos, Gentem innatam, innutritamq; armis, & quidem fatalibus Romæ; Hetruscis ipsis hæreditarium in Romanos odium à Porfena relictum, & artem domandæ superbix toti Italiæ insultantis; facilè duos populos, si animos, & arma, quibus singuli olim triumpharent, jungerent, probaturos, se à maioribus non degenerasse; se verò non ita victos esse, quin præter arma grandes iræ supersint, quibus calamitas pro core fuerit; certè spem adhuc animo ali, duorum felicitate populorum, domesticam fortunam suam posse emendari: de qua tum demum questuri sint, si ab Hetruscis deserantur: Hetrusci miseram causam suscipiunt bello tuendam, in cujus societatem non tantum Gallos, sed & Umbros illorū accolas pertraxere: quos ubi Roma audiit, sibi hostes parari, primum omnium, maximum bellum maximo demandatum Duci, quo tum res Romana potissimum nitebatur; is Q. Fabius fuit,

BELLUM  
SOCIALE  
GALLO-  
RVM, HE-  
TRUSCO-  
RVM, ET  
SAMNI-  
TVM CVM  
ROMANIS.

fuit, magno jam natu, & canâ prudentiâ in sago & togâ triumphante. Is sibi P. Decium Murem adscivit Collegam, ita tamen vt crederet se solum bello parē fore: cōque in Hetruscos, Gallos, & Samnites iturus, non nisi quatuor peditum millia, & equites sexcētos Româ eduxit; triumphos suos, & magni nominis famam in supplementum trahens, nimis blandē de hostibus cogitans, si illos veteribus pugnis speravit se concisurum. Rebus tamen propiùs inspectis, passus est sibi persuaderi, vt Publium Decium non jam vt umbram, sed verē Collegam belli administrandi caperet, cum quo dum à castris abest, ingentem ea cladem accipere à Gallis; nam illorum eam propriam gloriam Livius facit. L. Scipio pro Prætore ijs præerat, in agro Clusinatorum, qui & Camartes olim dicti: qui cū Gallos adventantes sensisset, vt loco sibi & suis caveret, aciem in colle erexit, quem jam alio itinere abdito ab aspectu, Galli subierant, priorēque jugum ceperant; indē pariter se à tergo hosti ostendēre, & in medium invec̃ti agmen totam Romanorum legionem delevere: cūque nemo  
super-

superesset, qui adventantibus Consuli-  
bus indicium faceret, Galli capita cæso-  
rum lanceis præfixa, & pectoribus equo-  
rum suspenſa ferentes, in conspectum  
Consulum se dedere; his mutis nuncijs  
clades intellecta, in qua describenda Li-  
vio tandem cum Polybio convenit; sed;  
in proximæ eventu pugnæ ab eodem rur-  
sus discedit. Polybij sententia clara est,  
& Perotto rectè intellecta; illam etiam  
pugnam fugâ Romanorum finitâ; quan-  
quam novus interpret oscitantiâne, an  
quo alio studio invitum suffragari Livio  
eogit, qui victoriam Romanis transcri-  
bit, non quidem lætam illam, & incruen-  
tam, sed alterius Consulis, & octo mil-  
lium ducentorum morte funestam: Nam  
cùm Apennino transito in Sentinatium  
agro hostem essent consecuti, duosque  
dies velitationibus absumpsissent, justo  
tandem prælio congressi, cùm fatigare  
ruentem hostem Decianus Eques, pedes-  
que summâ vi connixus non posset, Gal-  
licæ ex essedis pugnantes, quacunque  
inveherentur, stragem maximam ederēt,  
P. Decius in caput suum aversurus com-  
munem calamitatem, & consularis im-  
pendio

P. DECII  
DEVOTIO.

pendio animæ empturus Collegæ triumphum, Dijs se Manibus devovit; Galli devotam Orco victimam suis manibus ceciderunt; ibi versa Fortuna belli; Decio scilicet post mortem viribus aucto, & involutam suis execrationibus aciem ad se raptante, ut dira illa verba viribus Romanis potentiora fuisse videantur. Fabium porro in dextro cornu curantem ingenio vicisse Liv. narrat; nam cum illi persuasum esset, Gallorum corpora cognata Alpibus, ingenium à cælo, & nivibus suis trahere, quarum rigor omnis sole mitescat, sperabat feroces illos impetus calore solvendo, virtutemque paulatim exudandam: hinc extracto in serum diei certamine, jam lassitudine victos Gallos integris suorum viribus adortum stravisse. Enimverò perpetuas Livij cum Polybio pugnas Lectori me cum fastidio ingerere pridem intelligo, indignanti, Græcum, & Latinum hominem stilo inter se digladiantes, dubias omnes victorias facere, & jam neque Gallis, neque Romanis satis esse in acie vicisse, cum hi triumphos pro libidine, velut pueri pilam de manu in manum transferant;

Scd

CAUSÆ DIS-  
CORDIA-  
RUM LIVII  
ET POLY-  
BII.

Sed hæc non hujus loci tantum querela est; bene cum Historia ageretur, si hæc lites hinc finirentur. quanquam de aliis suo loco videbimus, ne veritati, gloriaeque Gentis Boiæ plus calami, quam gladij nocuisse videantur. Polybius, de quo hinc agitur, nec indiligentiæ, nec malæ fidei causam vnquam dixit, vt Livio nihil magis, quam hujus integritas obesse videatur. Quanquam neque Livium existimo scientem, prudentemque voluisse fallere; sed cum in turbam Scriptorum incidisset, qui res Romanas ante ipsum celebraverant, illorum fidei incubuisse. Atqui erant inter hos ipsos jam tum pugnae plures, quam Pop. Rom. fuere pro Imperio orbis terrarum; quas Livius non dissimulat, & aliàs apertè producit, aliàs ipsâ anxietate confitetur, & credendi verecundiâ, quæ priscis in scribendo defuerit. Quid quod ex clarissimis familijs historici prodire, qui deinde plus Genti suæ, quam patriæ irent consultum; ita certè Marci Licinij narrationes ipse Livius elevat, ob quæ sitam alicubi propriæ familiæ laudem. Fabij verò Pictoris magnis in Rep. sua honoribus functi, quique plera-

LIVII DE  
FENSIO.



pleraque visa sibi scripsit, cōque nos oculis suis credere iussit, tanta in scribendo vanitas fuit, vt ipsa se confutet. Erant præterea privati Romæ commentarij illustrium familiarum, non ex vero scripti, quorum tamen auctoritas vetustate, & ævo suo evaluit, & historiam maculavit; audacis sententiæ invidiam Ciceronis auctoritas levabit, cuius verba operæ puto, adscribere ex Bruto: Ipsæ familiæ, inquit, sua quasi ornamenta, ac monumenta servabant, & ad vsum, si quis ejusdem generis occidisset, & ad memoriam laudum domesticarum, & ad illustrandam nobilitatem suam; quanquam his laudationibus historia rerum, nostrarum facta est mendosior; multa enim scripta sunt in eis, quæ facta non sunt, falsi triumphi, plures Consulatus, genera etiam falsa, & ad plebem, transitiones, cū homines humiliores in alienum ejusdem nominis infunderentur genus. Neque verò fuit hujus levitatis verecundia, decoras fabulas, sed pro historia valituras, fallacibus chartis illidere; ipse ille Cicero, qui apud Catonem jurare ausus est, neminem vnquam

&c

& naturâ, & magis etiam ratione, & doctrina ab inani laude, & sermonibus vulgi se ipso fuisse remotiorem, Luceium rerum Rom. scriptorem, quàm blanda *L. 5. Epist.* epistola demulcet, vt sui Consulatus Acta literis mandet, ornētque vehementiùs etiam, quàm sentiat, & in eo leges historię negligat. Quæ vitica hunc virum si momordit, multò magis communem illorum temporum morbum arguit, & nescio quomodo infirmam subinde historiam facit: quanquam cùm scriberetur, sua illam Fortuna defendit, vt immodicas illas laudes cum suo conjunctas probro Gētes humanæ tam æquo animo paterentur, quàm ipsum imperium, ferebant. quæ excusandi Livij causâ attuli, cui vtcumque de se merito BOICA omnis operæ pretium, numquam reddiderit; quādo, sine illo foret, tota BOIORVM sæcula caliginosa nox premeret; quæ si illius luce non semper, ex merito, perfusa sunt; at certè radijs perstringi Principis Historicorum invidendæ fortunæ fuit; & in æternæ hereditatem glorię post Pop. Rom. vel in vltima cera, admitti, quanto emptum clarissimæ hodie Gentes vellent!

## IX.

*Polyb. l. 2.  
Orosius.*

BELLVM  
ARETI-  
NVM.

SED à diverticulo repetatur narratio. Decem elapsis à novissima pugna annis, Galli Aretium Hetrurię validissimam urbem obsidione cinxere. Ea ante annos novem, L. Posthumio Megello, & M. Atilio Regulo Coss, missis Romam Oratoribus, inducias in quadraginta annos impetraverat. Romani igitur sociam urbem non deferendam rati, L. Cæcilio Consule urbi obsessę auxilio venerunt, quos sub ipsis mænibus Galli adorti, ingenti prælio vicere; ipso adeò Consule occiso; septem, insuper Tribunis militaribus, & Nobilibus permultis, & tredecim hominum millibus desideratis; captivis etiam magno numero abductis, ad quos redimendos M. Curius, qui in locum occisi Consulis subrogatus erat, Legatos fide publicâ misit. Sed Galli felicitate suâ ebrij, oblitique communia jura humanitatis, honestum superante flagitio, Legatos per summum scelus occidunt; cujus facti infamiâ non modò pulchrę gloriæ victoriæ obruere, sed eodem ferro, quod in Legatorum cervicibus eruantur, Gallici roboris nervos, & constantem Fortunę benignitatem succiderunt,

meri-

IVRIS  
GENTIVM  
VIOLATI  
PENA.

meritò posthac infelices, cùm impij esse  
 cœpissent. Romani enim proximo anno  
 P. Cornelio Dolabella, & Cn. Domit.  
 Coss. ulturi nefas, fines Gallorum ingres- SENONES  
 si, Senones, ad quos potissimùm scelus ITALIA  
 pertinuisse credam, ingenti strage op- RIECTI.  
 presserunt & impetu victoriæ vsi, vi-  
 ctos solo patrio eiecere, vt bona cau-  
 sa, & vindicata iustitia in illorum fuga,  
 amplissimè triumpharent; quin imò vt  
 omnem illis spem reditus præciderent,  
 coloniam in eorum agrum deduxere,  
 quæ de Gallis Senonibus SenaGallica di-  
 cta est; in quod nomen omnis illa fortis-  
 simi populi gloria resedit, documento  
 futura posteris, frustra armis tegi nudum  
 virtute, cum qua ferè Fortuna exuitur.  
 Centum annos, & ampliùs Romam, vel  
 vi, vel metu Senones versarunt; viola-  
 tum à Romanis Legatis jus Gentium, in  
 bello Clusino, flammâ, & ferro Gallico,  
 Deo vindicante; & quantillum aberat, vt  
 septem Romani montes nudarentur.  
 cùm sex jam arsisent. Sed cùm ad Gallos  
 transisset impietas, ausa etiam in Legatos  
 sævire, mox Romanus jure potior, etiam  
 fortior evasit, & Senonibus de patria ne-

que cespitem reliquit. Igitur illis suo scelere proscriptis, experti sunt Boii, Romanorum imperio Apenninum, animis eorundem ingentem fiduciam acceperisse: Gallos fortem socium, Romanos acrem hostem amisisse: si incendium in Senonibus coeptum latius serpat, parietem suum proximum esse, nisi illud hostili sanguine, quam suo malint restinguere: certe tam vicino hoste vel habendum metum, vel faciendum; nam Romanos ipsos felicitati suae frenum non injecturos: raro modestiam victori accidere, nisi nomine perduto: Igitur ne hostis in solo suo vel pedem poneret, vel signa explicaret nuper victricia, ipsi suopotius, quam hostium voto pugnaturi, raptis secum Hetruscis, quibus semper promptæ in Romanos iræ, ad Lacum usque Vadimonis progressi, cum Romanis acie concurrerunt, ingenti animo, nullo successu; Hetrusci maximam partem cæsi, Boiis paucis fuga salutis fuit. Eadem clades eorum vires non nihil attrivit, ingenium non mutavit: quinimò curam duplicavit, bellum omnibus opibus reparandi, ne semel victi extremam necessitatem,

INFELIX  
BOIORVM  
PVGNA AD  
LACVM  
VADIMONIS.  
A. ANTE C. N.  
CCXXCI.

tatem, aut duras victoris leges viderentur. muliebri ignaviâ expectare: ambiguum fieri Romanorum victoriam credebant, si ipsi priores arma sumpsissent, cum id vix audeant victi. Igitur armatâ <sup>Polyl. l. 2.</sup> omni iuventute suâ, proximo anno, C. Fabricio & Q. Emilio Coss, Hetruscis iterum reliquias virium suarum admiscen-<sup>ANTE C. N. CCXXC.</sup> tibus, cum Romanis congregiuntur, vincunturque, iterum ab æterna illius Gëtis <sup>BOII ITERVM VICTI A ROM. PACEM PETVNT.</sup> felicitate plexi: illud tamen consecuti sunt, vt Fabricius Consul pacem petentibus non negaret, quod Hetruscis non contigit, de quibus sequente mox anno iterum est triumphatum: Sed BOIORVM ea virtus, etiam infelici bello cognita est, vt neque victos liberet laceffere; ita pacis, belliq; arbitrium, in vtraque Fortuna, penes Boios fuit; quod rarum etiam Victoris est privilegium. Pax igitur, cum illis facta, triennio prius, quàm Pyrrhus in Italiam trajiceret, & quinquennio ante Delphicam cladem, cum conjurata in perniciem Gallorum fata illorum jugulum etiam in Græcia peterent; vt eadem Gens agendo, patiendóq; fortia, per omnia humanæ vicissitudinis ja-

*Polyb. l. 2.*

Ætata exempla, vtramque paginam faceret, vtriusque victrix Fortunæ. Quadraginta deinceps, & ampliùs annis, à Gallis Romano otium fuit, qui profectò quamdiu inter Veientes, & Faliscos, cæterosq; minorum Gentium rorarios bellatores hæsit, tyro fuit, & velut ad palum exercebatur. Gallia illum militem fecit, Polybij vox est, Pyrrho, & Annibale meliorem, induratúmque cladibus, ad patientiam vulnerum, & sanguinis contemptum perduxit: vt quidquid ex Epiro, & Africa conuectum est malorum, tolerabile, esset graviora, passo: certè Capitolum deinceps obsessum non est, & Italia Annibalem luscum, non canum fecit. Galli ci verò belli non tantum centum annos jam numeravimus, & tamen summa victoriæ est, Senones expulsi, Boii quieti, sed iterum pugnaturi. Ab his proinde nunc otiosis ad negotiosos aliò divertamus.

X.

SVpra à nobis commemoratum est, alteram Gallicæ Gentis coloniam, Sigoveso duce, in Hercinios saltus ductam, Boiisque illic latam, & æternâ arborum coronâ incinctam planiciem pro patria

tria fuisse: sed illa ingentium sine dubio  
 conscia factorum, præter superbum Bo-  
 IOHÆMI nomen, quo hodièque trium-  
 phat, nullum BOICÆ virtutis monimen-  
 tum ad nos misit, jam tum prospiciente  
 Deo, Maximum olim BOIORVM Princi-  
 pem vetera Gentis suæ decora, & fortem  
 iuxta, ac felicem manum Boiohæmo re-  
 præsentaturum; cuius triumphos cum  
 vno ore, magnus præco, cantaturus esset  
 orbis terrarum, veniam hanc verecundæ  
 antiquitati dandam esse, si primorum fa-  
 cta Principum, hujus Sæculi, Virique ob-  
 ruendavictorijs, Boiohæmo sepeliret, ut  
 illis quidem nomen, appellationemque,  
 huic autem gloriæ, famæque æternita-  
 tem debere sese, fateretur. Verum qui BOIÆ  
 BOIORVM Italiam incolentium Genius HERCINIA  
 fuit, ut virtutem suam neque Pado, ne- SYLVA ET  
 que Apennino claudi paterentur, idem BOIOHÆ-  
 etiam his, quos nunc loquimur, Herci- MO COPIAS  
 niæ silvæ orbem aperuit. Tempus prode- EDVCUNT.

re vetustati curæ non fuit, melioribus oc-  
 cupatæ: Sigovesi nulla deinceps extat  
 memoria, sive ille fatis jam concesserat,  
 sive, constabilitis in Boiohæmo rebus,  
 exundantem multitudinem emisit, do-



mesticâ ipse gloriâ contentus. E Bojohæmo tamen in Illyricum, Pannoniam, Thraciâque emigratum esse, atque hinc aliò, atque aliò diversum, rebus necessarijs omnibus ostendemus. Nam qui ex Justinianarctâ epitome, gesta, annorum, locorumque intervallis divisâ in vnam lineam compingentis, evincere laborât, ex Italia portionem Gallorum in Illyricum, atque indè aliò concessisse, ut alia omnia deessent, solis populorum nominibus, à quibus ea expeditio suscepta est, poterant ab errore deduci; nam cum Tectosages in ijs disertè nominentur, eos profectò ex Italia educere non possunt, cum eò numquam commigrarint; quos tamen ad Herciniam silvam, fertilissima Germaniæ loca insedisse, jam suprà ex Cæsare demonstratum est: quanquam, quia salvo eo Cæsaris loco, languere audaciam censurę suę videbant, Tectosages indè, insigni, ut diximus, temeritate, eraserunt. Præterea, cum Livius Galliæ populos tam sollicitè memoret, qui Bellovesum, aut privata auspicia secuti in Italiam sunt, si qua ab illis avulsa portio in Illyricum abiit, mirum est, nullius

Ilus illic nomen vnquam auditum. Atqui  
 præter Tectosages Boiis Hercinianis  
 finitimos, Trocmi, & Tolistobogij no-  
 minantur, quos Strabo cùm Gallos esse  
 non dubitet, negat tamen, vltos, eo no-  
 mine, totâ Galliâ, populos reperiri; rectè  
 omnino; quia ad Herciniam demum sil-  
 vam nata hæc nomina sunt; Et quidem  
 vt pro Trocmis non laborem; Tolistobo-  
 gios tamen fidenter, Genti Boicæ asse-  
 ro; Caroli Sigonij viri doctissimi, & sine  
 dubio non emancipati Boiis, fidei inni-  
 xus, affirmantis, se in veteribus M. S. Cod.  
 TOLISTOBOIORVM nomen exertè scri-  
 ptum reperisse; quamquam necesse non  
 est, alienis tantùm oculis credere; ipsi nos  
 in Livij exemplaribus doctâ manu in  
 membrana exaratis, & Bibliothecâ Pala-  
 tinâ abditis, quæ captâ nuper Heidelber-  
 gâ, spoliū facta est, TOLISTOBOIO-  
 RVM nomen constanter scriptum inspe-  
 ximus, jam alterum nostræ sententiæ ful-  
 crum. Ipse tandem Strabo Tolistobo-  
 gios (vñ ille eos appellat) à Duce nomen  
 sortitos auctor est, vt verosimillimum  
 sit, illos Boios eo signficari, qui Tolisti  
 cuiuspiam signa sequerentur; quanquam  
 F 5 nec tvm.

Strab. l. 12.  
 TOLISTO-  
 BOIORVM  
 NOMEN  
 VNDE NA-  
 TUM.

nec vernacula vocabuli origo infeliciter inventa est, vt quando omnium **BOIORVM** spectatissimi, totiúsque populi delibatus flos expeditioni huic nomina dedere, inter inconditos militariter jocularium plausus **TOLISTE BOIOS** voce patriâ, quæ omnes illas laudes significat, dictos esse, prouum sit creditu; quomodo deinde, qui ex certis causis Ostrogothi & Wisogothi dicti sunt, iidem nihilominus Gothi fuere. Porro Hercyniæ silvæ, ante hanc profectiorem à Gallis habitatæ, apud Justinum memoriam non extare, is sanè miretur, qui nescit illum Epitomen fecisse, non tam scribendo, quàm silendo; quo utroque nobis Trogum perdidit, numquam elugendâ jacturâ, vt vel eo nomine adoranda Livij diligentia sit, qui vtriusq;, & Italicæ, & Hercinianæ expeditionis explicato consilio, nominatisque Ducibus, Justiniani omnia confarcinantis non Historiæ, sed Satyræ, auctoritatem, & fidem detraxit; vt illius, hac quidem in re ratio habenda nulla sit, nisi obscurâ jejunæ narrationis breuiloquentiâ ex Liviana copia locupletatâ: Quod ipsū nobis in reliqua illius narratione omni, quâ

quâ Gallicas res perstringit, necessariò est faciendum; quam in morē labyrinthi implicatam ad Pausaniæ filum, facémq; extricabimus. Ex quo palàm fit, haudquâ Gallos ex Illyrico in Pannoniam abiisse, atque indè divisis agminibus, alios Græciam, alios Macedoniam petiisse, quod præposterè Iustinus, & oscitanter scripsit. Primam enim Gallorum expeditionem Duce Cambaule susceptam, in ipsam vsque Thraciam, commemorat, quam Iustinus ne attigit quidem. Ad alteram demum evigilavit, multò majore apparatu repetitam; sed & illam tenebris implicat. Illa, referente Pausaniâ, ejusmodi fuit: Ij, qui Cambaulem, olim secuti fuerant, cùm ebrij fortunâ suâ, quæ se illorum animis superfuderat, ad domesticam paupertatem rediissent, odisse cœperunt inopem patriam, tenerrimos naturæ affectus avaritiâ mergente: durum erat, agris ingemere, aut cibum exsculperè è patrio solo, in alieno dulciore, eumque hilari labore, id est, prædando parabilem. Dum ergo prioris bona militiæ, alter umque Cambaulem suspirant, & civibus suis velut faces admovent, quampluri-

*Paus. l. 10.*

PRIMA ET  
SECUNDA  
GALLORVM  
EXPEDITIO.

SECUNDA  
TRIPAR-  
TITA.

*Paus. l. 10.*

*Iust. l. 24.*

ANNO V.

C. 471.

ANTE Chr.

N. CCXXC.

RES CVM

PTOLO-

MÆO CE-

RAVNO

GESTÆ.

plurimi horum dictis, vel egestate, vel denique cupiditate accensi, tam blandas secuturi spes conveniunt; peditum, equitumque tantus numerus, qui tripartito agmini sufficeret. In Thracas & Triballos moturis Cerethrius dux datus: in Pannoniam contendētibz Brennus, & Acichorius cum summo imperio præfecti; in Illyricos tandem, & Macedones agmen traxit Bolgius, seu Belgius. Videbatur hic ante se pauorem, & formidinem agere, quibus Regum, Populorumque animi externati ab honestis consilijs ad tutam præcipitabantur; nulli in viribus spes: pacem auro, non ferro pacti, sub nomine amicitiae turpem servitutem emebāt. Unus omnino Ptolomæus Ceraunus Furij scelerum suorū rapiebatur in arma, & necem suam; divina, & humana jura tandem invidiæ erepturus, quæ ad ipsius scelera nimis diu videbantur. dormitasse; Erexerat stolido Regi animos, quod Macedonibus imperabat, quorum parentes nuper triumphum ex orbe terrarum egissent, & ultra quorum victorias neque Sol viam nosse credebatur: adeoque existimabat ipso, Alexandri fortunam, ad se cum

cum reliqua hæreditate, & regno deuolutam. Cùm igitur Galli Legatos misissent, qui Regi pacem venalem, suo more, offerrent, vanus ille timeri se ratus, Gallos vim deprecari vulgò jactitans, nihil medioere cogitabat, loquebatúrque: Legatos deniq; Gallorum cum his responsis dimisit; precariam pacem se his conditionibus concessurum, si Duces obsides, & arma traderent. Id enim vero Gal-  
lis luculentum visum est delirium; proinde mox furioso illi sanguinem à cerebro missuri, pugnam incunt, & Macedonibus fufis, fugatisque, Ptolomæo stolidum caput amputant, præfixumque hastæ, totâ acie circumferunt, vt quem vivus Gal-  
lis incutere metum non poterat, suis mortuus immitteret. Attoniti tristi spectacu-  
lo Macedones, in Vrbes suas dilapsi, despera-  
tionem salutis ijsdem intulêre. Omnes igitur ad lamenta, & obtestationes  
uersi, vagique per delubra, Deos, Deasq; supplicijs, & votis fatigabant; & cùm neque in ijs satis spei esset, invocati etiam, Philippus, & Alexander, vt præsentia Numina, vt qui illis ducibus orbi jugum imposuerant, nunc in patria possent vel vi-  
eti

PTOLO-  
MÆO CÆSO  
MACEDO-  
NUM CON-  
STERNAT-  
IO.

SOSTHE-  
NES MA-  
CEDONES  
CONFIR-  
MAT.

Et vivere; nec Macedonia esset Gallo-  
rum, cum nuper Mundus fuerit Macedo-  
num. Vni expurpuratis Sostheni in com-  
muni desperatione aliquid animi super-  
erat, qui, castigatâ popularium, inertia,  
non id tempus esse imbellium lacryma-  
rum aiebat; movendam potius cum Deo  
manum, & Alexandri fortunam Alexan-  
dri virtute quærendam; non agniturum  
illum, Macedones, qui ad vnius Gentis,  
indignæ, quæ à se olim vinceretur, ejectionem  
turbulam trepidarent, cum ipse  
plures populos domuerit, quam nunc  
propè in exercitu hostili homines sint.  
Ita recreatos ex metu contra Gallos ipsâ  
victoriâ incautiores eduxit, eo operis pre-  
tio, vt Galli progredi non ausi, sese in-  
tra suos fines receperint. Brennus Bel-  
gium vicisse lætus, ringebatur tamen,  
eundem victoriâ vti nescivisse, cumque  
provinciam onustam spolijs orbis terra-  
rum, & Alexandri rapinis ditatam, dextro  
pede accessisset, ab aurea messe modico  
spicilegio contentum abiisse: Parcentes  
ipse dexteris perosus, ad tertiam expedi-  
tionem suos armat. eosque non meditatâ  
oratione animat, cum neque eloquentiæ  
tanta

TERTIA  
EXPEDITIO  
BRENNI  
DVCE, AN-  
NO ANTE  
C. N. CC.  
XXI.

tanta apud armatam Gentem esset existimatio, neque verbis compositis ignavo virtutem addi posse, Brennus crederet; vafro potius spectaculo illos irritare aggressus est. Ex Græcis captivis ignobilissimum quemque, luridissimumque seligit, omnes vel invidiâ naturæ, vel fortunæ iniquitate deformes; enormiter breves, calvos, aut de industria rasos, ne quæ fortis viri pilum ostendere possent, siccos, exangues, & jam pridem morti debitos, umbras denique, & simulachra verius, quàm homines: Hoc capulare agmen cùm produxisset, componit cum singulis ex juventutis Gallicæ robore, ut quisque vel corporis mole, aureâ cæsariæ, gloriâ armorum, viriûmque præstabat; verbo, Gigantes cōtra pumilos educit, atque hoc ludo occupatis suorum animis, ad talem ipsos hostem ituros affirmabat: hos Græciæ esse defensores, hos nuper cum Alexandro orbem subjugasse, eidemque nomen Magni peperisse; proinde nihil magis se timere, quàm ne derideri se fortissimi Galli putent, qui contra hos nanos ducantur, quos, quantumvis terrarum orbis victores, vicisse, ignominia,

*Polyan. l. 7.*

BRENNI  
STRATE-]  
GEMA.



*paus. l. s.*

EQVITA-  
TVS GAL-  
LICI SIVE  
TRIMAR-  
CISIAE QVAE  
FORMA ET  
RATIO.

miniae, quàm gloriæ propius esse videatur. Hac arte Brennus peditum centum quinquaginta duo millia, Equites vicies mille, & quadringentos contraxit, siquidem merum Equitatus florem numerest: nam reuera si omnes ad calculos revo- ces, supra sexaginta millia Equitum trahebat. Nam vt primarium illud agmen velut immortale redderet, ita instituerat, vt singulos Equites Accensi duo, itidem in equis, sequerentur, ad omnem Fortunæ euentum parati; vt si primario illi equus perisset, prior ex comitibus suum subjiceret; si Eques ipse, in acie occidisset, vel quo alio fato abriperetur, tum viro vir succenturiaretur; quem ipsum si eadem fortuna abstulisset, tertius ad vicariam operam vocaretur: Atque hunc equestris disciplinæ tergeminum ordinem ipsi Trimarcisiam appellabant, ab equorum triga, quomodo hodieq; Germani Equum Marcani, Marramque vocamus. Cum hoc ille formidando exercitu Macedoniam primùm invasit, Sothenemque prioris fortunæ spe contrà egredi ausum nullo negotio profligavit, totamque regionem latè populatus, cum præ-

prædam tot populorum vcheret, & splendidas illas gloriæ, opumque Alexandri M. reliquias convasasset, visus est illarum, contactu etiam Regis illius avaritiam inducere, ut quò plura haberet, acrius, quæ non habebat, concupisceret; quòdque foedius est, jam humanarum opum fastidians, spoliare Deos, & sacrilegijs discescere properabat, quæ scurrilibus jocis protegere illi voluptati erat; (nulli enim sceleri, à mala lingua potest patrociniū deesse) aiebat non debere quemquam à Deorum oculis tristem inopemve discedere, qui benefaciendo orbi innotuissent: manum ijs ad dandum porrectam, convenire, contractam etiam in hominibus odio esse. Ad templum Delphicum maximè animum adjecerat, quo, propter Oraculorum fidem, nullum erat, eâ tempestate, opulentius: eò igitur contendenti Brenno Græci in Thermopylarum angustijs sese opposuere, loco à natura ita factò, ut trecenti quondam Lacones Xerxi illic negotium facessiverint, cum totum ille Orientem armasset; sed Brenno, ut quem præ Xerxe metuerent, peditum viginti tria millia, centum &

BRENNI  
AVARITIA  
ET IMPIETAS.

RES AD  
THERMO-  
PYLAS GE-  
STÆ.

nonaginta; equitum tria millia obiectere.  
Ex his ad Sperchium amnem, Equitum,  
Peditumque expedita manus præmissa,  
qui Gallos transitu prohiberent; iique  
pontibus solutis in adversa ripa consiste-  
bant. Brennus impetum animi ingenio  
moderatus, ne suis cum amne rapido, &  
hoste duplex bellum esset, dena millia ex  
toto agmine subducit, robore omnes, &  
natandi peritiâ, atque ipso habitu corpo-  
ris insignes; ijs negotium dat, uti secun-  
do littore fluminis cursum secuti, quâ  
spatiosior alveus segnes aquas volvit,  
placidiùs stagnantem Sperchium nando,  
vel sicubi vadum reperissent, pede supe-  
rarent. cum reliquo exercitu ipse subsi-  
stens à sensu consilij sui hostem averte-  
bat. Galli de nocte pars vado, pars scutis  
incumbentes, quæ ipsi vernaculâ voce  
Thyr, à quadrata uti existimo forma, &  
valvarum januarumque similitudine ap-  
pellabant, transmissio flumine, hostibus  
tùm se ostendissent, ij spe suâ delusi, ne-  
que ausi sui periculum facere, nuncium  
vicini hostis non ferocis tantùm, sed et-  
jam callidi in sociorû castra tulere. Bren-  
nus relictis pontibus reliquum exerci-  
tum

tum transportavit, & Thermopylis ad-  
 movit. Et hætenus quidem felix fuit: re-  
 liqua deinceps omnia illi adversa, & di-  
 gna scelere concepto. Primum omnium  
 bona illum mens, & consilium destituit;  
 ex quo factum, vt hostem numeraret,  
 non æstimaret; & ex suis copijs illius pau-  
 titatem contemneret. neque veniebat  
 in mentem, locum illum non magnos  
 exercitus, sed magnam virtutem capere:  
 & Græcis vtique satis esse militum, qui  
 pro Thermopylis aliàs sufficere trecen-  
 tos crediderint; quoties ergo hic nume-  
 rus ex præsentè Græcorum exercitu re-  
 staurari possit, toties novum prælium in-  
 cepturum; & ægrè Gallos in omnibus su-  
 periores fore, cum supra fortunæ patien-  
 tiam sit, tamdiu servare fidem. Denique  
 non videbat, equitatus vsū omnino nul-  
 lum esse, in saxo, & lubrico; adeoque op-  
 timam sui exercitus partem, jam ante pu-  
 gnæ, iniquitate loci victam. Porro in-  
 pugna ipsa accidere multa posse non præ-  
 visa; Græcos verò jam vsu didicisse, in il-  
 lis angustijs, magnos exercitus cadere, &  
 semper eam victoriæ occasionem fuisse,  
 quia ab hoste contemnebantur: & certè

BRENNI  
 IMPRO-  
 DENTIA  
 ET INFE-  
 LICITAS.

cùm ad manus ventum est, vera esse hæc omnia Brennus expertus est. Hostes Galli nullâ re, nisi furore vincebant, qui raro confert ad victoriam, consilio, etiam inter arma, quærendam: videres illos bipennibus divisos, dimidio tamen corpore pugnare, & præsentem mortem, & suam vlcisci; si ad manum aliud non esset telum, ex suo evulsum corpore, cum ipsâ anima, remittebant hosti, irrito plerumque cõnatu, quod Græcis par sui tegendi, & hostis feriendi cura fuerat, cùm impetus Gallis neutrum permetteret. Tandem cùm Athenienses etiam, per cœnium classe eluctati, supervenissent, Brennus suos undique premi videns, receptui cecinit: Sed neque tunc quidquid ex lege, vel more factum: non receptus fuit, sed fuga: ad quam locus iniquior erat, quàm ad pugnam. Igitur dum sibi quisque viam vi, etiam per amicos facit, etsi non tam hostis, quàm suus cuique, metus instaret, mutuò sese vel in præcipitia impellebant, vel demergebant in paludes, vel in cursu obtereabant; ut multis neque honestæ quidem mortis copia fuerit, sine hoste, occisis, & in cœno, non  
san-

GALLO-  
 RVM CÆ-  
 DES ET  
 FUGA.

sanguine exspirantibus. Septem proximi  
 dies inter consiliorum pugnas absumpti,  
 quæ tandem in novi molitionem sceleris  
 eruperunt. In Oeta monte Minervæ tem-  
 plum erat compertæ opulentiæ; hoc quia  
 facilius credebatur expugnari posse,  
 quam infames nuperâ clade Thermopy-  
 las, montem invadunt abscissum vndi-  
 que, neque nisi abruptâ semitâ, cæque  
 perangustâ adeundum; ut si religio tem-  
 plum non defenderet, tutum præstaret  
 ipsa natura, certè, siquid apud avaritiam  
 hæc duo nomina possent; scelus tamen  
 reperit ultorem. Nam subeuntes Gallos **NOVA**  
 Telefarchus, cui tutela montis deman- **CLADES.**  
 data erat, excepit, & impiam cupidita-  
 tem ferro compescuit, suæ tamen victo-  
 riæ ipse immortalis. Fregerat hæc jam al-  
 tera clades Gallorum animos, & Bren-  
 nus, si humanis remediis sanari posset,  
 debebat sapere, bis ictus. Sed templi Del-  
 phici spolia jam impiâ spe devorata, non  
 patiebantur ipsum quiescere; ergo perti-  
 naciâ suâ fatigare Fortunam perrexit, &  
 utique se per Thermopylarum fauces,  
 aut aliam rimam, etiam indignante na-  
 turâ, ad divitem Apollinem, & sacrum

aurum perreptaturum confidebat; præfertim si Ætolos, robur sine dubio Græci exercitus, à reliquo agmine abstraxisset; ad quam rem ingeniosa cupiditas hoc consilium reperit. Quadraginta peditum millia, equites octingētos in Thessaliam primum, deinde in Ætoliā irrumperē jubet; iisque Orestorium & Combutinū præficit, non tam fortitudine, quàm immanitate, magnum, potius, quàm clarum nomen adeptos; & quales omnino Brennus voluit eius expeditionis Duces, in qua abundare tristia exempla, nulliq; rei minùs parci, quàm sanguini optabat; ut Ætoliæ flammâ, & ferro, non tantum suspiria, & gemitus exprimerentur, sed ut vltimis fessam malis, & extrema auxilia inelamantem, Ætoli, qui ad Thermopylas pugnabant, exaudire possent, ut ad funus patriæ, & commune incendium, cogerētur etiam nolentes discedere. Ita, uti Brennus cogitârat, evenit. Nam ingressi duo Duces Provinciā, probarunt sanè, se exercendæ crudelitatis præcepta accepisse; nulli ætati, aut sexui parsum; usurpata etiā in mortuos carnificina, illos maximè, qui ut molliissimè morerentur-

tur, suâ se manu interfecerant: in quos  
 ideo scivitum, ne dici posset, quemquam  
 Gallorum ferrum evasisse: Callium ma-  
 ximè Ætoliæ urbem ea clades pervasit,  
 quæ ne suorum funeribus civium super-  
 esset, exusta, & suo cinere sepulta est. Hæc  
 demum flamma Ætolos à Thermopy-  
 lis abduxit, & superstitum animos ita ac-  
 cendit, vt invalidi etiam senes, reliquias  
 sanguinis in pugnam colligerent, & fæ-  
 minarum greges viribus non suis, & vir-  
 tute planè masculâ, facto in hostem fune-  
 stum impetu, ægros animos insigni via-  
 dictâ sint solati, vt Galli dimidiâ exerci-  
 tus sui parte multati, plus vulnerrum  
 quàm prædæ ad Thermopylas referrent.  
 Interea Brennus impatiens moræ, ex He-  
 racleotis, & Ænianibus, quos metus im-  
 pulerat, vt patriam post sua commoda  
 ponerent, intelligit, superesse alium in  
 Græciam aditum, neque tam asperum, vt  
 Thermopylarum, & etiam exercitus pa-  
 tientem, cum ipsum scilicet, qui olim  
 Medo Hydarni proditione simili apertus  
 est, in perniciem trecetorum Laconum.  
 Hunc igitur cum delecta quadraginta  
 millium manu invadit, relicto in castris

BRENNVS  
 SIBI ADI-  
 TVM DEL-  
 PHOS APE-  
 RIT,



Acichorio, cum mandatis, vt simul ac ipse circumventos Græcos à tergo adortus esset, ipse à fronte premeret; & fortè ita euenerat, vt sordida nebula, quæ solem absconderat, etiam Brenni consiliū, & iter occultârit; vt Phocenses, qui aditum præsidio occupauerant, vix antè, quàm opprimerentur, hostem senserint. quos cùm locus non ampliùs tueretur, invalida etiam illorum virtus fuit, ex æquo collata cum Gallis; desertâ igitur statione, notis callibus, ad Thermopylas evasere nuncij novæ calamitatis. Græcis non placuit hostem illic opperiri, quantumvis semel victum: satis sibi gloriæ partum priore victoriâ rati; constantiæ, & pulchræ mortis laudem trecentis Laconibus remisere: ipsi rebus secundis semet servaturi, in classem Atheniensium recepti, suam quisq; domum diffugère. Brennus vbi nudatas intellexit Thermopylas, neque tantisper quidem moratus, donec Acichorius sibi jungeretur, rectâ ad templum Delphicum homo sacer contendit; nam cùm non ad prælium, sed ad prædam iret, solus quantæcunque capacem animum afferebat, futurus ex asse Apollinis.

spo-

spoliati hæres. Vbi in conspectum templi venit, inauratos currus, & collosceas statuas itidem inductas auro, procul à muris eminentes strenuè commonstrabat suis, earumque precium mendacio excandefaciens, aurea omnia jurabat, utque major esset mendacio fides, captivis, quos interceperat, mortem minatus est, si verbulum vllum de admixto statuis ære facerent: quin imò eosdem subornavit, ut in Ducum concilio, in quo ipsos super eadem re rogaturus esset, nihil nisi purum aurum loquerentur. Itaq; ad animandos milites aliâ oratione opus non fuit, cum satis eloquens digitus esset, qui aurea spolia ostendebat. Sed victoriam ipse morâ corruptit. Nam cum Thessalonus, & Emanus (Justinus Euridanum nominat) è vestigio, metu consternatæ ubi admovendum exercitum censuissent, noctem illam quieti, & temulentia concedit; cujus irritamēta per agros, & compita Delphi studiosè straverant, à Deo, ut creditum est, moniti, militi corrumpendo. ita dum Galli græcantur, laboranti Apollini auxiliares copiae è Græcia affluerent, quæ templum ipsâ loci naturâ mun-

*Polyb. l. 4.*

ACCEPTA  
AD TEM-  
PLVM DEL-  
PHICVM  
CLADES.

nitissimum, à rapaci Brenni manu rutar-  
 tæ sunt. Addunt Græci manifestas Apol-  
 linis, & Sororum iras, & arcus stridentes,  
 pugnantes Semideos, Panicos terrores,  
 nives, saxeos imbres, grandinem, & quæ  
 alia Poëticæ tempestates mala habent,  
 omnia in noxium Brenni, comitumque  
 caput effusa; quæ vt in benigna materia,  
 & vicina Parnasso, vbi fabularum patria  
 fuit, sine dubio auxit in majus blandita.  
 Dijs suis vetustas; si quæ tamen manus  
 fortior humanâ Brennum plexit, passus  
 est id fieri justus Deus, non in suffragium  
 erroris, & impietatis, quæ Numen inesse  
 aliquod Apollini credebatur, sed furibus  
 tristi exemplo coercendis, & ijs maximè,  
 qui ex omni Historia Heröem nullum,  
 Brenno libentiùs imitantur, & illam ejus-  
 dem militarem tesseram frequenter in o-  
 re habent:

*Dicite Pontifices, in Sancto quid facis aurum?*

Certè totus ille tanto paratu instructus  
 exercitus, postquam sacro admoliri ma-  
 nus ausus est, odijs immortalium, mor-  
 taliùmque exagitatus, & cum flammâ,  
 ferro, fame conflictatus, & per omnia  
 humanæ calamitatis tormēta tractus in-  
 terijt,

terijt. Brennus, miseriarum compendiū  
 suā sibi manu fecit; Sed ne sobrius mo-  
 reretur, hausto temeti poculo, simul vi-  
 vere & bibere desijt. Nimis minutæ dili-  
 gentiæ, & de Lectoris iudicio diffidentis  
 videri possit, si monere velim, Brennum  
 hunc diversum ab illo fuisse, qui Romam  
 cepit, cū centum non min⁹ annis hic  
 à primo abfuerit: tamen quia hic error  
 etiam in libros irrepsit, placuit hanc tan-  
 tam inscitiam vnâ liturâ coërcere: No-  
 minis iste, & Virtutis etiam hæres fuit, si  
 non ingentis bonæ animi turpi avaritiæ  
 vitio deformasset. Siqua etiam Clito-  
 phonti, Gallicarum rerum Scriptori Græ-  
 co, fides est, tertium ab vtroque hoc *Plut. in Pa-*  
 Brennum fuisse necesse est; quem ille in *ralleis.*  
 Asiam transgressum, cū Ephesum ob-  
 sideret, in Plebeia Virginis amorem in-  
 cidisse narrat, quæ & vsuram sui corpo-  
 ris, & ipsius adeò Urbis proditionem,  
 Brenno promiserit, si aureis armillis do-  
 naretur; cuius ille avaritiā detestatus,  
 vt cui tantillo auro & patria, & pudicitia  
 venalis esset, vivam ingesto auro iussit  
 obrui; ad exemplum Tarpeia Virginis,  
 in Capitolina arce idem ausæ, idemque  
 pas-

passæ: nobili prorsus exemplo, ne quis vnquam proditor aurum sperare, nisi mortuus, possit.

## XI.

lib. 4.

Polyb. l. 38.

TOLISTO-  
BOII A SCÉ-  
LERE ET  
CLADE  
BRENNI  
IMMUNES.

Strab. l. 12.

A morte Brenni, Acichorij etiam exercitus dira fata sortitus est, vt neq; hinc quisquam vel ad memoriam cladis euasisse feratur. Comontorium tamen Gallorum Ducem Polybius memorat, Delphicis calamitatibus superstitem, ad Hellespontum, cum manu non contemnenda, delatum, cò potentia, subitis incrementis, accessisse, vt subactis Thracibus, totâ illâ regione potiretur, Regni sede Tulæ constitutâ. Propontidis ora omnis vectigalis facta, stipedium Gallis pendebat, vt Byzantini soli tandem annua talenta auri LXXX. tributi nomine conferre cogerentur, nisi funditus perire mallêt. Eadem fortuna TOLISTO-BOIOS, Tectosages, & Trocmos communi cladi eripuit, cum etiam à Brenni scelere abfuissent. Eorum viginti millia numerabantur, qui militari dissidio jam in Dardanis exorto, à Brenno avulsi, Lomnori, qui Straboni Leonorius dicitur, & Lutarij Regulorum auspicia sequebâtur. Justinus insuper aliud militum præsidium

recen-

recenset, à Brenno ad terminos Gentis  
 tuendos relictum; sed Gentem, cujus tu-  
 telam egerint, indictam reliquit nostræ  
 indagini: Equidem præter opinionem,  
 quæ sua cuique conjectanti esse potest,  
 afferre certi nihil possum; si tamen di-  
 versi ab ijs fuere, quos in Dardanis con-  
 sedisse dixi, eò impellor, vti credam, Bo-  
 johæmi potissimum limitibus tutandis  
 præfectos; neque enim viciniore alij  
 Gentis Gallicæ fines, quorum cura ad  
 Brennum posset pertinere; quos ipsos  
 Pausanias designasse videtur, cum tripar-  
 titum illud agmen, quod in Illyrios, Pan-  
 nonios, & Thracas excurrerat, re bene  
 gestâ, intra suos fines rediisse commemo-  
 rat. Nam ipsam Galliam intelligi quis cre-  
 dat? cui præsidaria Brenni cohorte nihil  
 opus fuit suo robore tutæ, & illius utique  
 hostis incursiones avertendæ erant, quem  
 priori expeditione fatigârat, ne ille par-  
 pari relaturus nudam Brenni auxilio Pro-  
 vinciam invaderet. Atque hi ipsi erant  
 Illyrij, & Pannonæ, & hi quidem Bojo-  
 hæmo prorsus imminentes. Jam cum  
 constet à Boiis, extra Herciniam silvâ,  
 ad Oeni, & Danubij confluentes, moni-  
 men-

BOJODU-  
RVM CIR-  
CA HÆC  
TEMPORA  
EXTRV-  
CTVM.

mentum illustre positum; quod de suo nomine Bojodurum dixere, nihil sanè dubitem eius molitionem ad hæc ipsa tempora referre; quando certum est, ijs frequenter locis, quæ castris metandis lecta, diutiùsque aliquanto infessa sunt, militari opere firmiora excitata præsidia, fossâ, vallo, turribus munita, quæ inde etiam nomen castrorum, castellorumq; accipere: cuiusmodi multa hodièque visuntur, nondum suo ævo victa, clarèque restantia, industriam antiquitatem laborasse æternitati. Verùm utcunque se hæc habeant, illi ipsi defendendis limitibus præfecti, cùm ab hostibus vndiq; otium esset, tempore & animis vsi, Virtuti gloriam, cupiditati prædâ quæsivere. Quindecim peditum, equitum tria millia de præsidio deducunt, & latè omnia, ad Getas, & Triballos vsque populantur, & hos obsistere ausos in fugam conjiciunt. Ipsam deinde Macedoniam carpūt, quod nōrant Sosthenem à Brenno contusum, Antigonum autem in Regnum nuper reuersum, inter infirma luctantem primordia, modicum animi, & virium esse suspicabantur, cūque ipsum jam Brenni bel-

*Iustin. ibid.*

GÆTÆ,  
TRIBAL-  
LI, MACE-  
DONES  
VEXATI.

lo implicatum; ne tamen solam spem,  
 eamque inexploratam sequerentur., Le-  
 gatos destinant ad Regem, qui pacem illi,  
 uti nuper Ptolomæo, venditarent, quasi  
 ea è sinu, manibúsq; Gallorum emen-  
 da, vel emendicanda etiam Regibus esset.  
 Durum id Antigono, novum mercimó-  
 nij genus non probanti: neque merx, ne-  
 que institores placebant, qui novâ au-  
 ctione pacem hastæ, & gladio subjecif-  
 sent. Sed enim cùm secum reputaret, pe-  
 cuniam in loco perdere maximum inter-  
 dum esse lucrum, cœpit liceri, & ne il-  
 los sibi hostes faceret, accipit ut hospi-  
 tes, convivium luxu regio instruit, men-  
 sas auro extruit, cuius famem Gallis nul-  
 lus ciborum apparatus potuit eximere:  
 ipso contactu efferati, & prorsus avidi, à  
 dubia coena surrexere. Admissi deinde  
 ad longum regię opulentię spectaculum,  
 avidiores vndique oculos, & animos re-  
 ferebant. Castrorum etiam lustrando-  
 rum copia facta: plus illic propè auri ar-  
 gentique, quàm ferri viderunt, non bel-  
 li, sed luxurię apparatus; milites ipsos  
 cælatas Deorum statuas, non homines  
 diceres: Abducti ad naves, novam illic  
 pom-

ANTIGO-  
 NI OPES  
 NOVA BEL-  
 LI ILLE-  
 CEBRA.



pompam priori certantem inveniunt; prorsus illuc terræ, huc maris spolia videbantur congesta. Elefantos etiam produci Rex jusserat, novâ bestię formâ Gallos territurus; sed quando illi bestias timerent, postquam homines contempnissent? Igitur suspensis rebus, animisque redeunt ad suos, & faciliè suadent aureâ eloquētiâ instructi, pacem huic Regi neque vendendam quidem; hîc demum militiam omni nundinatione esse quæstuosiorem. Narrant cum ijs sibi fore negotium, per quorum scuta, galeas, thoracēsque nunquam sanguis fluxerit; cum illis diligentius, quàm vitæ parcat, nequa guttula obfuscet nitorem: credi non posse, latere vllum virilem animum, sub illo verè muliebri mundo; posse se singulis spolijs ditescere; si Gallus quisque semivirum Macedonem exarmasset; nam illum hastâ aureâ neque didicisse quidem facere vulnus; proinde Regem, bestijs quibusdam confidere, quæ aureum agmen, vt satellites, custodiant; sed vtique in tam vasto corpore reperturos se locū vulneri, cōque fortasse non magno magnam illam molem casuram: certè bipedum  
dum

dum inertissimos, propter feras quadrupedes, non esse timendos. His accensi Galli, optabant quamprimùm suum hostem videre; nam miles nulli avidius congregitur, quàm qui aureo gladio pugnat, & in quo aliquid pulchrius ferro videtur.

Ergo, communi consensu noctem, invadendis tam felicibus castris, destinant.

Sed Antigonus qui ex vultu, & duriori- ANTIGON-  
bus Legatorum responsis conjecerat, se NI ASTVS.

hospitalitate suâ amicum non conciliasse, sed fovisse hostem, dolo correxit primam imprudentiam: jubet eximia quæque castris efferri, frivola duntaxat illic relinqui; elata in proximam silvam abdi; eadem se miles silentio teneret, in omnem occasionẽ intentus. Novum genus defensionis, castra deserendo tutari; sed nihil poterat ad rem præsentem salubrius reperiri. Galli ubi vacua castra vident, nemine etiam pro portis excubante, dolum suspicati sunt, quo in insidias præcipitarentur; sed ubi nihil vispiam se movet, custodijs dispositis irrumpunt, & transportatæ reliquias opulentia, non sine horrore, subtimidia auferunt. Iter deinde ad naves intendunt, easque despo-

H liare

GALLIIN-  
TER PRÆ-  
DANDVM  
CÆSI.

liare aggrediuntur: factum id turbatissi-  
mè; nam quis, dum prædam venatur, or-  
dinem servat? aut quidquam aliud timet,  
quàm ne quis alius in melius spoliū in-  
cidat? Igitur dum Fortunam ipsam se tra-  
here captivam putant, & corporis etiam  
munimenta jactant, vt deonerati spolijs  
sufficiant; fessos, sudantésque sub furto,  
remigum turba, & militum promptissi-  
mus quisque, qui in imas naves se cōjece-  
rant, aggressi; Gallos, velut è mari repen-  
tinus sibi hostis emerisset, trepidantes,  
opportuniissimo loco & tempore nacti,  
miserè concidunt; tantâque eius victo-  
riæ arte quæsitiæ gloria fuit, vt Antigono  
posthac ad pacem à Gallis emendam nu-  
mo opus non fuerit. Qui cladi superfue-  
runt, an ad vetera castra redierint, incer-  
tum est; similis vero videtur, vel Com-  
montorij, vel Lutarij, Lomnoriique co-  
pijs conjunctos in Thraciam abiisse: imò  
propè id necessariò dicendum videtur,  
nisi Justinum oscitantiae & oblivionis ar-  
guere volumus; nam cùm is Delphicæ  
cladis neque nuncium relictum rigidius  
antea dixisset, exercitūque reliquo con-  
ciso, præter hoc præsidium, & quos non  
su-

*Justin. l. 32.*

fuolo loco nominat, Tectosages, nihil haberet reliquum, paulò post benignior, partem Gallorum à Brenno, & Delphis, in Asiam; partem in Thraciam abire patitur, tantis quidem copijs, vt Asiam velut examine quodam ab ijs impletam esse fateatur; quæ quia ab illo properate confusa, obscuratæque sunt, ea ad illustrium Auctorum faciem, planius explicabimus.

Quæ etsi ad TOLISTO-BOIOS privatim omnia non pertinent, quia tamen illorum rebus innexa sunt, neque narratione sejungenda fuerunt: quando excusare diligentiam, quàm negligentiae accusari multò malumus. Præter Comontorium igitur, quem supra in Thracia sedem posuisse commemoravi, viginti hominum millia, Lutario & Lomnorio ducibus, eodem ex Dardanis, vbi à Brenno secessionem fecerant, concessere; Exercitus omnis ex tribus conflatus Gentibus, TOLISTO-BOIIS, Tectosagis, & Trocmis fuit, *Memnon apud Phot. biblioth. c. cxxv. c. 20. f.* quibus Principes septendecim imperabant; sed duum tantum nomina inclaruerunt. Tolistum, an Tolistonem inter Regulos censum fuisse, id documento est, quod TOLISTO-BOIOS Strabo à Duce

*Polib. l. 4.*

TOLISTO-  
BOII-CVM  
SOCIIS IN  
ASIAM  
TRANSMI-  
GRANT.

*Liv. l. 38.*

nomen trahere auctor est. Hi terrore nominis & armorum, cum Thraciam, Propontidis oram, ipsumque adeo Byzantium perdomuissent, frenandæ, & in imperio continendæ vrbi, regionique, Comontorium præposuerê; & sanè satis id erat ad gloriam Gallorum, si felicitas suo arbitrio consistere, aut quiescere humanus animus, quamdiu crescendi spes est, posset. Stabat ad Europæ fines nondum fessa Gallorum virtus, neque oculos ad patriam retorquebat occupatos in aspectu, & desiderio Asiæ, quam tantillo a quarum à se abjunctam divortio, vt littora etiam vocis commercium, permittant, cum populis jam alterius orbis, implendam, qualicunque fortunâ suâ suspirabant: interjaceti freto à Boum transitu Bosphoro nomen factum, incusante hominum ignaviâ naturâ, si sequi ad gloriam, neque Boves ausit. Iam non asperos, & insuperabiles montes oppositos contendentibus in delicatissimam, orbis partem, sed æquoris planiciem, quod emetiri sedentes momento vnus horæ possint; tristissima omnia in egressu patriæ occurrisse; per ferocissimas Gentes mol-

molliendum sanguine iter fuisse, & fortunæ ipsi tot capitibus parentandum; semelioribus servatos, felici dissidio, à Brenno abstractos, dum Delphis parcūt, pro spolijs vnius templi, Thraciam, sine Deorum invidia accepisse; & jam Asiam promitti, si ipsi vltra breve maris spatium manus vellent porrigere. Jamque nihil illorum desideria, præter navium inopiã morabatur, cum Antipater eius oræ Præfectus in promisso nimis lentus esset; præterea inter animos irritabiles oratio, Lutarium, Lomnoriũque in partes distraxerat; hic cum majore hominũ

parte Byzantium, vnde venerat, regressus est; Lutarius inceptum, constantiã prosequens, Macedonibus duas rectas naves, & tres lembos adimit; his Antipater exploratores imposuerat, sub falso Legatorum nomine latentes: sed dolus indoctior fallere Gallos non potuit, qui eo in suam rem abuli sunt; sic Antipater, dum fidem maximè vult fallere, promissum etiam invitum solvit, Lutarium lætus successu maximam rem ausus, manipularum exercitum suum Macedonicis navibus imponit, & per vices in littus Asiæ

*Liv. Dec. 4.  
lib. 8.*

PLENA  
AUDACIÆ  
TRANSPOR-  
TATIO.

nullâ fide cognitum transportat. Plenum temeritatis factum, non lubet in iudicium jam mittere, felicitate, suâ defensum. Quis nesciebat, quid Galli in Asia quærerent, qui in Thracia Regnum constituerant? neque poterant sub mercaturæ titulo latere armati, & quos constabat nihil nisi pacem vendere, quæ certior sit inempta. Certè periculosus hospes Asiæ illis navibus vehebatur, non nisi suo arbitrio tam amabile solû relicturus. Poterāt ergo etiam à timidis particulatim opprimi, si quis vincere voluisset: quantillæ operæ erat, singulas, vt transvectæ erant, cohortes conficere, & dum altera sequitur, acutere ferrum in novâ lanienam? sed Fortuna pro consilio valuit, & audax factum, quia ex voto successit, nomē fortitudinis reperit. Mirissimū est, quod Pausanias exacte diligentię Scriptor, annotavit; vnâ ætate prius, quàm Galli trajicerēt, Phaënnidē Chaonij Regis filiam, quæ Sibyllarum more vaticinabatur, Gallorum in Asiam adventū disertissimè prædixisse; versus oraculi hanc sententiam ferebant:

*Paus. Phoc.  
l. 10.*

ORACU-  
LUM DE  
GALLO-  
RUM IN  
ASIAM  
TRANSMI-  
GRATIO-  
NE.

*Thracius angustus quæ stringit Bosphorus oras,  
Tempestas Asia gravis infundenda vehetur,*

*Gal-*

*Gallus fulmineo miles quam proruet ense;  
 Hos tamen urgetis magis illatibile fatum.  
 Qui posito affines posuere in littore sedes.  
 Sed Tauri sobolem submittes mitior olim  
 Iupiter, huic meritas solvet Gens Gallica poenas.*

Tauri sobolem Attalum Regem Pergami dixit, cui quas Galli poenas dederint, suo loco narrabitur. Commodum hæc Gallorum manus in Asiam transgressa erat, cum Fortuna Lomnorio eodem viam aperuit. Imperabat eâ tempestate Bithyniæ Nicomedes, cui cum Zypæte Bithyno (Livius Zybæam nominat) græves simultates intercedebant, eò quòd hic, occupatâ Thynniacâ Thraciâ, Nicomedi, & fœderatis civitatibus molestus erat, & bello etiam superior evaserat. Huic ergo ut novum hostem Nicomedes objiceret, reliquam etiam Gallorum partem Byzantio evocavit. Tunc iterum cognatæ acies confluxere: nam cum viderent Gallicam gloriam, in Asiæ solo, inter odia, & arma, recenter satam, si-  
 tamque, non nisi concordiam posse cre-  
 scere; radices altas numquam acturam, si  
 ipsi sese mutuò carperent, convellerent-  
 que; & hostium torâ Asiâ satis esse, in-  
 quos iræ verti possent; ultro absterfis pri-

FOEDVS  
 CVM NICO-  
 MEDE RE-  
 GE BITHY-  
 NO ICTVM.



*Memnon  
ibid. c. 20.*

stinis offensionibus, amicitiam redintegrant. Vbi in gratiam revētum est, Nicomedi contra Zypætem auxilia dant, eorūmq; maximè operâ ille devictus est. Cū Nicomede ipso fœdus his conditionibus iētum est: Galli cum Nicomede, eiūsque posteris societatem constanter colunto; Absq; Nicomedis sententiâ operam suam nulli addicūto. Eosdem amicos, & inimicos habento. Byzantinis, vbi vsus erit, adsunto. Tianos, Heraclienses, Chalcedonios, Cieranos socios appellant. Asię civitatibus parū grata initio Gallorum accessio fuit; sed cū vsu ipso didicissent liberam, eam Gentem esse, & populo, quā Regibus addictiorem; pro tyrannis habere, & odisse eos, qui Rebuspub. libertatem ereptum irent, & magnam, potentiam, alieno servitiō quærerent, molliores deinceps in Gallos animos ferebant. Ij cū Bithyniam à Zypæte liberatam Nicomedi tradidissent, & ingens sibi eo bello nomen comparassent, nullā mediā gloriā contenti, de totius Imperio Asię cogitabant. Viginti non, amplius hominum millia, sub signis habebant; eorū dimidium, præter insignem aud-

audaciam, nulla arma ferebat; hunc tamen illi exercitum parem rati tertiæ orbis terrarum parti subijciendæ, ostentabant Asiæ vires suas, nemine vel paucitatem contemnere, vel virium periculum facere auso. Ita verissimum est, bella famâ constare, & primos omnium oculos decipi. Gentes omnes, quas adissent, quasque non adissent, solâ æstimatione virtutis, non experimento victæ, imperata faciebant. Galli publicâ populorum, cōfessione invicti, velificati fortunæ suæ, Asiam omnem in tres diviserunt partes. Trocmis Hellesponti ora data; Tolisto-Boii Æoliam, & Ioniam, sortiti sunt. Tectosagis mediterranea celsere. Ex his ipsi vectigal, & gratuita stipendia accipiebant, ut publicis Asiæ sumptibus recentes advenæ alerentur. Equidem existimo, Fortunam Gentis humanæ ad rationem vocanti, semper ad tristem partem plures superfore calculos; & nomen Felicis nulli ex vero datum, non modò Populo, sed ne homini quidem; nisi quæ hoc dignum titulo putamus, qui rariores habuit causas plorandi, vel non omnes vidit. Si tamen abuti tam ambitiosâ voce

TOLISTO-  
BOII CVM  
SOCIIS  
ASIAM SI-  
BI VECTI-  
GALEM  
FACIUNT.

FELICITAS  
TOLISTO-  
BOIORVM.

licet, veniam mihi ex Populis Romani, ex hominibus singulis Alexander dabunt, qui Fortunam videri volunt in potestate, & numerato habuisse, si inter, aut fortasse ante illos, TOLISTO-BOIOS, Trocmos, & Tectosages, barbara, ut ipsi existimant, nomina colloco. Certè Alexandr ad Columnas, metasque orbis fessus venit, & decem annorum felicitatem, non tantum sudore emit; subinde & sanguis illi, inter animæ deliquia, fluxit: Roma etiam rarò sedendo vicit, & triumphos sæpe nefasti dies interpolarunt, qui illam, cogere vestem mutare, & atram fortunam colore togæ fateri; & ut facta factis opponantur, tres orbis terrarum partes in censum veniunt, quas ut omnes Romanis concedam, tam facilis certè de nullâ earum fuit victoria, quæ Asiaticum Gallorum triumphum exæquet; nam illa felicissimi Rom. Imperatoris vox, qui se Venisse, Vidisse, Vicisse, exclamavit, in hac ipsa quidem, de qua loquimur, Asiâ, nata, & audita fuit; sed vnum duntaxat ▲ sic Regem perculit; at enim TOLISTO-BOIIS, sociisque populis, dena hominum millia, propè otiose, ut in Deorum pom-

EXISTI-  
MATIO ET  
FAMA.

pompâ, circumductâ, totam vëstigalem  
Asiam fecêre. Jam ipsi Reges, sine merce- *In Ant. 25.*  
nario Gallorum exercitu, nulla beila vel  
intulerunt, vel propulsarunt: quin imò,  
si regno excidissent, ad hos velut patro-  
nos superbi clientes confugiebant. Tan-  
tus terror Gallici nominis, eâque armo-  
rum felicitas fuit, vt suum illis Diadema  
acceptum referrent, neque his nolenti-  
bus quisquam felicem, neque volenti-  
bus miserum esse se posse putaret. Super-  
est eius rei illustre exemplum, oblivioni  
creptum diligentia Memnonis, & id qui-  
dem TOLISTO-BOIORVM totum est. *C 23. apud Photium.*  
Zeilas, hujus quem commemoravimus,  
Nicomedis filius, crescebat in certam  
spem paterni Regni adipiscendi, donec  
illam Etazeta noverca dubiam fecit, tri-  
ste privignis nomen, & rarò successurum  
in affectus maternos: oderat illa Zeilam  
etiam cum nondum mater esset, neq; ha-  
beret quem in vicem illius amaret. Aucta  
verò liberis, non contenta simplici odio,  
conabatur etiam ex patre Zeile, vitricum  
facere, tantumque effecit novercali in-  
genio, vt filius aulâ ejiceretur, in qua illi  
naturæ lege regnandum erat. Zeilas ad  
Ar-

Armeniorum Regem profugit, vt longif-  
 fimè abeſſet à noverca. Virum illa inte-  
 rerim nimis vxorium, & ægrum amore,  
 cò blanditijs impulit, vt Zeilâ præterito,  
 natos ex ipſa liberos ſcriberet hæredes; ijs  
 curatores dat Ptolomæum, & Antigo-  
 num Reges; Populum inſuper Byzanti-  
 num, Heraclienſem, & Cianum; quo  
 cōſtituto, illum mors occupat. Nihil mi-  
 nùs erat è re Bithyniæ, quàm hoc teſta-  
 mentum, cum pietatis, jurisq̃ue damno,  
 diſtante Novercâ, conceptum; regnum  
 certè ad iniuſtos dominos transfereba-  
 tur, eòſque ipſos adhuc inter cunas va-  
 gientes, neque aptos ſolio; cùm interim  
 Zeilas viveret, pro cuius jure natura pu-  
 gnaret, juſtior vtique quàm noverca. Ea  
 ratio apud Tolisto-Borios tantum va-  
 luit, vt Zeilæ ipſorum opem imploranti,  
 contra tres Reges, totidémque populòs  
 fauerent, illúmque armis, & opibus co-  
 narentur. in Regnum introducere: ſed  
 Bithyni victi curatorum conſenſu, pri-  
 mùm illam ipſam Zeilæ novercam Nico-  
 medis fratri in matrimonium collocant;  
 ipſi autem Tolisto-Boris cum exerci-  
 tu obuiam eunt. Multis prælijs dubio  
 Mar-

TOLISTO-  
 BORII ZEILAM IN  
 REGNUM  
 BITHY-  
 NIÆ RE-  
 STITVERE  
 CONAN-  
 TVR.

Marte gestis, tandem ab armis, ad conditiones æquas pacis discessum est, ipsi Zeilæ ferendas. TOLISTO-BOII autem, quia Heraclienses maximè hoc bello acres senserant, studiisque suis adversos, illorum agrum latè populati, abductâ illos prædâ multarunt. Non erat in Heracliensibus tantum animi, ut vim apertâ vi retunderent; igitur vanam sine viribus iram in opportuna dolis tempora taciti premebant. Fortè evenerat, ut Ariobarzanes Ponti Rex decederet, Mithridate filio impubere relicto; cum hoc Galatis lites primùm, deinde bella intercessere, haud ægrè suscepta, quòd viderent viris pugnam cum puero fore, quem proinde non tam ferro, quàm fame censuerunt, vexandum: jamque omni comiteatu interclusum ad summam inopiam redegerant, cùm Heraclienses, ut Galatis ægrè facerent, Regi, ad trahendum bellū, frumentum submitunt, quod illis mox magno stetit; irritati enim importunâ benevolentia Galatæ, omissō Rege, ad Heraclienses bellum transferunt, in quo illis nec frumentum, nec ferrum præsidio fuisse: nam TOLISTO-BOII tamdiu omnia

CVM HERACLIENSIBVS, ET MITHRIDATE PVGNANT.

*Ibid. c. 25.*

mi-

miscuere, donec submissâ Heraclien-  
 sum legatione sunt mitigati: cui quan-  
 quam eloquentissimus vir Nymphis, no-  
 bilis eâ tempestate Historicus præfectus  
 est, nihil ille doctis dictis profecisset apud  
 iratos, nisi meditatæ orationi magnum  
 auri pondus adjecisset, quinque aureo-  
 rum millibus in exercitum, divisis, du-  
 centis insuper in Duces profusis; tum de-  
 mum impetrabilis Orator visus, aureâ

**GALATIÆ  
 A GALLIS,  
 SIVE GA-  
 LATIS NO-  
 MEN IN-  
 DITVM.**

oratione Galatas exarmavit, & à patriæ  
 excidio abegit. Porrò Galli Asiatici eam  
 Bithyniæ partem potissimum incolebāt,  
 quæ de ipsorum nomine Galatia, aut et-  
 jam Gallogræcia nuncupata est: vnde &  
 ipsi aliàs Galatæ, aliàs Gallogræci dicti,  
 quibus nominibus etiam nos promiscuè  
 vtemur. Et quamvis neque linguâ, neque  
 moribus, institutisque differrent, tamen  
 pro Gentium numero Regionem om-  
 nem in tres divisere partes: in earum sin-  
 gulis, quatuor tetrarchias instituere; in  
 quavis harum Tetrarcham, sive Regulum  
 vnum, Judicem itidem vnum, vnum præ-  
 terea supremum rerum militarium Præ-  
 sectum, ducemque constituere, cum ip-  
 sum tamen Tetrarchæ parere iustum: Du-  
 cibz

*Strab. l. 12.*

cibus militaribus vicarios, vel legatos duos adjunxere; commune Tetrarcharum duodecim consiliū Drynæmetiangebatur; id trecentis viris constabat, ex totâ Gente lectis; ad hos causæ capitales referebantur; reliqua Tetrarchæ, & Judices, ex æquo, & bono decidebant. TOLISTO-BOIORVM civitates Ptolomæus numerat Pessinuntē, quam Matris Deorum sedem, & domicilium antiquitas venerata est; Germam, Vindiam, Andrum, Megistum, Tolaſtam, haud dubiè à Ducis, aut ipsius populi nomine dictam. Strabo Blucium addit (quod fortasse Ciceroni Luceium dicitur) & Peium. Memnon etiam Tabiam adjicit, quanquam eam Strabo & Plinius Trocmis assignât.

**GALATARVM RES-PVBLICAE**

**TOLISTO-BOIORVM VRBES.**

*Cic. pro Deiot.  
Strab l. 12.  
Plinius l. 2.  
cap. 32.*

## XII.

**GALATIS** interim partæ opes, & potentia propè votis major ipsam etiam Asiam angustam reddebant; Regum inprimis obsequia, quos sibi invictis armis obnoxios reddiderant, ingentes ijs animos faciebant; & est sine dubio res omnibus triumphis illustrior, coronatos vertices, & Magni successores Alexandri, non tam inter socios, quàm clientes numerare. **Pyrrhus** certè Epiri Rex, quidquid post suum

*Plutarch. in  
Pyrrhus.*



GALLI  
PYRRHO  
ET ANTI-  
GONO HO-  
STIBVS  
INTER AV-  
XILIA.

suum ex Italia discessum magnæ rei egit,  
& eo iudicio dignum, quo Alexandro M.  
belli gloriâ, & felicitate propè exæquatus  
est, non tam suâ, quàm Galatarum, fecit  
manu. Octo peditum non amplius millia  
& quingentos Equites ex Epiro in Mace-  
doniam traxerat; cum Antigonus illi to-  
tius Regni opes, & mercenarium Gallo-  
rum agmen, opponeret; vt nihil certius  
fuerit, quàm cum illic graviora, quàm  
in Italia passurum, nisi in illo articulo de-  
prehensum Fortuna respexisset, eiq; Gal-  
lorum opportunum subsidium adjunxis-  
set, quo fretus æqualia Antigono sperare  
posset. Fama ne viri illos traxerit, an Ro-  
manorum in eo odium, speciosum utiq;  
apud Gallos titulum, amaverint, an repo-  
sitæ etiamnum altâ mēte Antigoni frau-  
des, quas suprà memoravi, Gallis exitio  
fuisse, ad hoc factum illos impulerint,  
non audeo asseverare. Pyrrho quidem eâ  
ratione victoria, sed Gallis infamia para-  
batur; cum vincere ijs, & vinci, ex æquo  
turpe fuerit; Nimis illi jam fortes, quibus  
verecundia non suppeteret, vires in po-  
pularium suorum sanguine probandi; &  
stolida ambitio erat, duobus Regibus sibi  
mutuò

mutuò inimicis velle animos augere, vt  
 inuictum vterque se crederet, quòd Gal-  
 los sub suis signis haberet. quod vt eous-  
 que verum fuerit, cogitandum ijs erat,  
 existimationem, famamque illam, quam  
 oportet æternam esse, suis ipsos viribus  
 convulsuros; nam quoquo versum res  
 casura esset, Gallos non ampliùs insupe-  
 rabiles fore, à seipsis victos. Vbi ad pu-  
 gnam ventum est, Pyrrhus, qui belli peri-  
 tià Antigoni longè superabat, Regem,  
 & Macedones faciliè compescuit; duæ  
 tantum res formidandæ erant, Elephan-  
 torum feritas, & illis ipsis terribiliores  
 Galli; vbi verò & hi cecidèrunt, nec in Ma-  
 cedonica phalange, quâ Alexander or-  
 bem subjugarat, præsidij quidquam fuit;  
 nullus pudor erat, post Gallos vinci: ne-  
 que dissimulavit Pyrrhus, illud palma-  
 rium facinus suum fuisse; proinde totâ a-  
 cie, perquisita Gallorum, qui sub Anti-  
 gono meruerant, scuta legi iussit, & æter GALLO-  
 num gloriæ suæ trophæum in templo Mi- RVM SCV-  
 nervæ Itonidis sacravit, addito hoc Epi- TA DEDI-  
 grammate:

*Hæc Pyrrhus Gallis detracta ferocibus arma  
 Vindex spoliis Palladis esse jubet.*

*Scili-*

*scilicet Antigono penitus pereunte, probatum est,  
Nunc etiam Aeacidas esse, quod ante, Viros.*

GALLI SE-  
PVLCHRO-  
RVM VIO-  
LATORES.

SPARTA  
A GALLIS  
OPPVGNA-  
TA.

Perpetrato praelio, cum vrbes reciperet Pyrrhus, illis in fide servandis Gallorum praesidium imposuit; sed profana sacris apud ipsos tutiora fuere: nam antiquorum Regum tumulos perfodere aggressi, thesauros illic conditos exhumarunt, diripueruntque, cum censerent inculti homines, modestis illis mortuis auro nihil opus esse, quo nec pulchriores, nec letiores fierent, molliusque in pulvere, quam metallo cubarent. Id quanquam pro eo ac debuit, Macedonibus gravissimum fuit; Pyrrhus tamen, cui fortis miles, quam religiosus charior fuit, factum elevabat, ne, dum mortuos Reges servaret, vindicaretque, Regnum perderet. Lacedaemonem deinceps venit Pyrrhus, quam suam, id est, Spartanam virtute defensam, etsi non cepit, Galli tamen in extremum adduxere discrimen. Fossam Spartani fecerant sex cubitos latam, quatuor. altam; pro vallo currus objecerant, eosque non tantum inter se implexos, sed ad axes usque rotarum in tenaci luto defossos. Ptolomeus Pyrrhi filius, impigerrimus juvenis duo Gal-

Gallorum millia fortitudinis annulario-  
ne sibi devincta, cuius mutua ipsis docu-  
menta dederat, acceperátque, rapuit se-  
cum in audacissimum facinus: Fossá su-  
peratâ ipsam conabantur vallum trans-  
mittere; sed cùm operam perderent, Gal-  
li connixi rescindunt, disjiciuntq; plau-  
strorum retinacula, & illa ipsa ex coeno  
protracta provolvunt in flumen, & viâ vi-  
factâ vrbi imminebant; quos tamen A-  
crotatus Lacon, cum globo generosissi-  
morum juvenum, tandem submovit.  
Pyrrhus vbi virtutem omnem vrbis fatò  
succumbere vidit, exercitum indè abdu-  
xit, Gallis vltimum agmen claudere ius-  
sis; vt si Spartani abeuntium tergo hære-  
rent, impetum omnem robur exercitus  
exciperet: & sanè cùm Rex Lacedæmonis  
Areus ex insidijs vltimos identidem la-  
cesseret, perpetua pugna fuit, in quâ Pro-  
lomæus ipse, commilitonibus suis com-  
mixtus, tandem occisus est. Postea cùm  
Rex Pyrrhus exercitum Argis admovis-  
set, Galli primi omnium in urbem irru-  
père, ibique cum civibus & subsidario  
Cretensium, Lacedæmoniorum, & An-  
tigoni exercitu, quæque omnia terribi-

ITEM AR7  
GOS.

8.11.21  
50. 6. 21. 21

liora reddebat, nocte, congressi, soli pugnam tantisper sustinuerunt, donec illi tristem Pyrrhi occisi mors finem imposuit, & cruentam Antigono victoriam reliquit. Victori Regi, virtutis, in Gallis nuper amicis, nunc etiam hostibus, par admiratio, faciles in victos iras, imò eosdem iterum beneficio cognoscendi, adiungendique consilium suggererat; præsertim cum sciret debellatum non esse, quod Pyrrhus etiam post mortem fautores haberet, desiderio eius nondum extincto. Jam Lacedæmonij, jam Ptolomæus Rex movebant; & timēdi nihilominus etiam illicerant, qui inter ambigua fluctuantes consilia, fortunæ comites, felicioribus erant accessuri. Igitur cum Gallis foedus renovat, & mercenaria eorum auxilia pactus, in Spartanos, & Ptolomæum movet. Galli supplemento domestico aucti, dum maximè ad Regem properant, mutata repente voluntate, Antigono ex socijs hostes fiunt, sive prioris cladis dolor, & veretundia fide datâ potior fuit, sive maioris commodi spes, pessimo mortaliū more, falsos illos fieri subegit; quod quanquam Justinus non expressit, tamen

ANTIGONVS CVM  
GALLIS  
PAVLO ANTE  
HOSTIBVS FOEDVS  
RENOVAT.

ID ILLI  
RUMPVNT.

ex

ex argumento, quod Trogi libris olim præfixum adhuc extat, clarè colligitur, vbi Galli desertores vocantur, Antigonus re animadversâ, etsi Gallorum arma, fortunâque metueret, consilium tamen à præsentî necessitate capit, Gallosque aggreditur prior; ratus sibi non cum Gallica virtute, sed perfidiâ pugnanti, vires in bona causa sitas; illis verò post violatam fidem, nullum Numen favere posse: rarò impium quemquam diu invictû fuisse. Igitur de exercitu suo, quidquid floris & roboris fuit, quàm occultissimè potest, detrahit, castra sua non tam militate, quàm errore, & frustratione rura deserit, & rectâ in Gallos adventantes movet, quibus in scelere deprehensis, ipsa perfidiæ conscientia, tristem belli eventum præsagiebat, Igitur ad sacrificia conversi, *Iustin. l. 26.* flagitium suum hostiarum sanguine elucere properabant; sed cùm nusquam lita-  
rent, & omnia exta portenderent, ipsosmet ad victimam deposci ( vt in præcipiti omne scelus stat ) ad inauditæ crudelitatis facinus devolvuntur; Coniuges, & liberos in bellum secutos, impiâ manu jugulant, ne quis superesset, cui vel hostis

EORVM  
BARBARA  
CRUDELI-  
TAS.

CEDES.

parceret: sic jure divino, humanoque omni, per summam immanitatē, & perfidiam, proculcato, non tam ad prælium, quam supplicium, ruunt, non simplici morte digni: qui quanquam ad vnum, omnes cæli sunt; nimis tamen molliter perierunt, cū hostilis gladius castigandæ fortasse perfidiæ, sed non item paricidio sufficeret.

GALLO-  
RVM IN  
ASIA RES  
GESTÆ.

Justin. l. 27.

Atque hæc extra Asiam, quam in tantum probrum nihil necesse erat relinqui. Sed neque domi multò meliora; cū eadem vtroque causa esset, nimis bona; scilicet Fortuna, quæ rarò meliores facit; imò bonos ægrè patitur; hinc quoties illam mortales non accusant, cogimur. nos de malis moribus queri. Exarserant illic inter Seleucum Antiochi filium, Syriæ Regem, & Ptolomæum Ægypti, capitales inimizitiæ; Nam Seleucus Beronice novercam suam, eandemq; Ptolomæi sororem cum parvulo fratre, ex ea genito, de medio sustulerat; turpissimum factum! nam cū Reges vilissimi etiam sanguinis parsimonia deceat; iste regium, & sibi cognatum fudit, quasi à parricidio Regna securitatem acciperent. Ptolomæus

neus ergo sorori parentaturus ingentem exercitum parat, tantò studiosiùs, quòd præter pietatis laudem, spes etiam, Asiæ potiundi erat; sed pulchrior ille, & à sorore vindicanda petitus titulus cupiditatis obtentus est; vt bellum pium, & sacrum crederetur. Fefellit ea dissimulatio totam ferè Asiam, vt Ptolomæi studia, quibus ipsa petebatur, vltro adjuvaret, rata parricidij, vltionē ad totum orbem terrarum pertinere, cū in fraudem generis humani perpetretur: sed Ptolomæum magna molientem, domestica seditio in Ægyptum retraxit. Seleucus isto metu liber, comparatā classe, civitatibus imminabat, quæ cum Ptolomæo sensissent. Sed impio nec hostis deesse, nec vindictes possūt; classis illa tota fœdissimo disiecta naufragio, calamitatem suam non ventis, sed Deo vltori imputavit. Seleucum, cui præter animam à naufragio nihil superfuit, ne fūditus periret, id ipsum curabatur, quia perierat; nam ipsis hostibus miserabilis evaserat; cū mare omnium illius scelera videretur abluisse. Illorum igitur opibus restitutus, & iam dampni suis diſior factus, vltro ipse Ptolomæo



ANTIO-  
CHO SE-  
LEUCI FR.  
GALLIAV-  
XILIAN-  
TVR-

mao bellum infert; sed infelicior in pugna, quàm priùs in naufragio fuit; cùm janiper suorum ipsi sanguinem propè enatandum esset. Debile tantùm fratris Antiochi auxilium supererat, decimum quartum etiamnum agētis annum; hunc in subsidium per literas evocat, Asiam omnem, quæ cis Taurum est, pollicitus, si illius auxilio restitueretur. Antiochus consilium init, quod nec puerum, nec fratrem deceret; cur Asiam potius fratri, quàm sibi recuperaret? an ideo sibi dimidiam offerri, ne frater totam iterum possit amittere? an quòd credat, toti regendæ se per ætatem parem non esse? quæ verò quam turbulentam à puero armis domari posse speret, pacatam puer non possit regere? Armatur igitur se, & Gallici auxilijs conductis, puer sibi viros adiungit. Ptolomæus non ducem, sed exercitum metuens, cum Seleuco decennale fœdus icit; sed Seleucus, conciliato hoste, fœdus adversus fratrem non repetit, cùm is etiam fœdera naturæ rupisset. Pier ergo Antiochus plùs quàm virili scelere, & Gallo milite fortis, fratrem bello petit, & inclinatas illius opes funditus præ-

opi-

cipitat. Galli cùm crederent Seleucum  
 eo prælio cecidisse; quasi à Rege puero  
 sapere didicissent, existimabant se com-  
 pendium reperisse, quo totâ Asiâ poti-  
 rentur, si Antiochum è medio sustulif-  
 sent; eodem enim jure, quo ipse Seleuco  
 successerit, posse se Antiochi hæredes  
 esse; neminem enim è toto illo exercitu  
 non esse puero illo fortiozem. Sed An-  
 tiochus vbi sibi sensit insidias fieri, in-  
 genti auri summâ vitam & Regnum redi-  
 mit, cósque, qui antehac mercede con-  
 ducti sub illo militaverant, coactus est  
 deinceps socios appellare. Ibi Eumenes,  
 qui Bithyniæ præerat, cùm attritos mu-  
 tuis cædibus fratres vidisset, ipse, quasi  
 ad legenda spolia accurreret, dum ij re-  
 spirant, totâ impunè Asiâ grassatus est:  
 nam fratres effusis, non suo loco, viribus,  
 in semet fortes, adversus hostem invalidi  
 erant. Galli iterum illustre imitati exem-  
 plum, cum Eumene certare videbantur,  
 ne ille credi posset Asiam fortiùs depo-  
 pulatus: ea enim in medio quasi prædæ  
 relicta erat, & quod Reges deliraverant,  
 sola plectebatur: quò ferè omnia bella  
 tandem recidunt; carò omnibus provin-

EIDEM IN-  
 SIDIAN-  
 TYR.

ASIAM  
 POPULAN-  
 TYR.

eius, regnisque constat, humanum aliquibi sanguinem bibisse, quocunque enim Fortuna belli inclinaret, Regna ipsa etiam inter victorias sunt miserissima. Quæ hoc loco Eumeni à Justino tribuuntur, propè credam ad Attalum pertinere. Argumentum enim libro vigesimo septimo Trogi præfixum, ex quo Justinus hæc sublegit, Attalum expressè nominat, non Eumenem. Atque hic ille Attalus est, quem in Phaënnidis Oraculo Tauri filium dictum esse, ex Pausania suprà retuli. Hic, autore Livio, primus omnium Asiam incolentium stipendium dare Gallis abnuit, eosque bello aggressus, aspirante Fortunâ devicit. Bellum id circa Pergamum gestum, ingenti famâ, mirante Asiâ, Gallos tandem potuisse vinci. Attalus successu elatus, Diadema ex illo tempore, & Regium nomen sumpsit, idemque ad posterum transmisit. Pergamenis ipsis satis non fuit, Gallorum spolia, honestissimo Urbis loco, suspendere, sed ut vivam, spirantemque belli imaginem oculis etiam posteritatis subjicerent, prælium illud pictoris arte, & penicillo animatum publi-

Dec. 4. l. 38.

ATTALVS  
PRIMVS  
GALLIS  
TRIBV-  
TVM NE-  
GAT.

Paus. l. 1.

publicè proposuere; nam cum tria omnino facta numerarent, quibus æternitatem nominis sibi meruisse videbantur, potissimum hoc jactabant, quod virtute suâ ille cõmunis Asiæ terror non nihil mitigatus, & à Gallicorum trium populorum, effusis populationibus maritimæ vrbes defensæ, ipsique tandem in eam Bithyniæ partem, quam à Nicomede acceperant, redire compulsi essent. Plinius etiam quatuor statuarios; *l. 34. hist. nat. c. 8.* Ifigonum, Pyromachum, Stratonicum, & Antigonom nominat, qui Attali & Eumenis adversus Galatas prælia, arte & ingenio æterna fecere; humanissimâ ambitione, quâ etiam victis gloria adhæsit. Non ausim pro certo ponere, an ad hunc Attalum (plures enim eo nomine fuerunt) pertineat nobile strategema, quod Polyænus Attalo attribuit, etsi à Frontino Eumeni adscribitur. *Polyæn. l. 4. Front. l. 1.* Attali in bello Gallico strategema. Attalus consternatas copias suas, visâ Gallorum multitudine; quibus etsi maxime numero exæquarentur, sciebant se robore impares esse, qui fortunam insuper adeò semper obsequentem habuerint, ut illorum non tantum virtuti, sed etiam

etiam temeritati suffecerit. Attalus igitur ut animos militum pavore liberaret, eosdem religione occupandos sibi censuit, quæ ad impellendam quoquo versum multitudinem, omni ævo, plurimum posse, credita est; commodum Sudinus Chaldaus vates apparato sacro, victimâque cæsâ, exta profecabat; ea Rex manu suâ excepit, quam grandibus literis impleverat, quæ hoc epigramma conficiebant, REGIS VICTORIA; id à fumantibus imbibitum extis, clarèque expressum cum sacrificulus reperisset, primùm ipse exilire gaudio, tum Regem, quique illum circumstabant, invitare ad inauditum oraculum, moxque, quod fidelissima loquebantur exta, totis vulgatum est castris; ita miles paulò antè ignavus, timidusque, jam ultro pugnam poscere ausus est, & vincere; tantum duo verba Regis potuerunt; qui ipsam etiam victoriam non tam armatæ, quam literatæ dexteræ debuit acceptam referre. Atque hæc ferè à Tolisto-Bois vel solis, vel communiter cum alijs Gallorum populis in Illyrico, Pannonia, Græcia, Thracia, & Asia, per annos pro-

pò

pè quadraginta, maiore Fortunæ, quàm  
 Virtutis constantiâ gesta, crepta obli-  
 vioni sunt, hostium diligentia; quibus  
 etsi facile fuit gladium Gallicum calamo  
 vindicare, illud tamen potiùs credamus,  
 TOLISTO-BOIIS, sociisq; populis curæ  
 non fuisse, ea solùm agere, quæ ij etiam  
 laudarent, à quibus metui, & odio habe-  
 ri gloriosum ducebant: vtcunque se res  
 habeat, id literarum imperium est, ut  
 semper vincant, subinde etiam in mala  
 causa. Antequam tamen ex Asia in Eu-  
 ropam iterum ad viros transeo, virtutis,  
 etiam hoc sæculo, raræ, laudem alteri  
 sexui non invidemus. Annus proditus  
 non est, sed nobilitas exempli omnia  
 tempora decet; & vtinam quotidianum  
 fiat! neque elapsis demum aliquot secu-  
 lis, vt Phœnix videatur. Jam suprà dixi-  
 mus, Galatiam omnem sub Tetrarchis  
 fuisse, quos inter potentissimi censeban-  
 tur Sinatus, & Sinorix, sanguine, eoque  
 nobilissimo juncti. Sinato vxor Cam-  
 ma fuit, in qua miraculum formæ mi-  
 nima erat laudum, cùm omnia foemi-  
 narum decora illi Deus contulisset: vi-  
 rilem animum diceres in non suo cor-  
 pore

*Plutarch. de  
 Virt. Mu-  
 lier. & in  
 Erotico.*

TRIVM-  
 PHVS CA-  
 SITATIS  
 A CAMMA  
 GALLO-  
 GRÆCA  
 RELATVS.

pore habitasse; quando ita vulgò creditur, sexum illum magnæ Virtutis capacitatem non esse. Dianæ addicta sacris (ita tempora ferebant) majestatem Numinis, quoties pompam duceret, ipsa representabat, os, humerosque Deæ similis, neque tantum illius sacerdos, sed vivum simulachrum. Magnam omnibus virtutibus apud reliquos venerationem collegerat; apud Sinorigem verò amorem etiam; sed qualem ipsa odisset, & detestaretur; Sinorix verò tegeret, premeretque, non suâ, sed Cammæ verecundiâ, quam etiam impudicus horruit; cum nosset intractabilem illius animum nullis ingeniosæ nequitiae artibus vincendum, & Cammam præter Sinatum nihil amaturam. Ingens profectò pudicitiae testimonium, desperatio tam potentis amatoris. Sed cum hætenus insanum animum imperio, si non vicisset, rexisset, certè, tandem tamen à recto præceptis, septâ pudore Cammæ domum ferro sibi aperire decrevit, & occiso Sinato eam suis nuptiis vacuam facere. Patrato scelere, adhuc madidam lachrymis Cammam procius latro, cruore vixdum

absterſo, adit, & ( tanta eſt non amoris, ſed amentię viſ ) videbatur ſibi modeſtiſſimè ambire, cùm diceret, Vide mea Camma, quàm te amem; occidi maritum tuum, vt vxor eſſes fortioris; amor tui in hanc me crudelitatis ſpeciem tranſiit, & honeſtiſſima cauſa propè me impium fecit. Vter tuo conjugio dignior eſſet, Dij decidere; ſtant pro victore. non patieris tu me faciliùs Sinati vitam, quàm tuum animum expugnaffe. Etiam te ferro vici, & iure belli mea es. Neque dubitabat, ſe tam fortem, & eloquentem Cammę cordi eſſe, vtique poſtquam ea allevari ſe paſſa eſt, & rariores per genas lachrymę viſę, neque vox tam frequenti interrupta ſingultu, mitigatum pectus probabat minore pertinacia pugnaturum amoris. Itaque tunc quidem, cum ſpe abiit, & gaudebat jam Cammę ſponſus ſalutari: neque deſtitit ab ambitione, conciliatoribus, & communibus amicis interpretibus uſus, donec expugnata Camma viſa eſt annuere, dictâ etiam die, & loco, quo cum illo in manum conveniret, quâ Sinatum jugulaverat. Templum ipſum Dęæ deſtinavit, vt illâ



auspice, & arbitrâ quàm sanctissimè nuberet latroni. Sinorix sibi in cælo esse visus est, cùm Cammæ manu ad aram deduceretur. Illic arreptâ paterâ, Deæ primum libavit, precata, ne quis præter mortem divideret mutuò tam amantes. tum ipsa partem hausit; ad reliquias Sinorigem invitavit; quas ille continuo duxit haustu, nectâr ratus se bibere, & meros amores; sed revera pestis fuit; nam mulsam Camma præsentissimo veneno temperaverat: quæ y't vidit Sinorigem jam mortem intra viscera recepisse, manibus ad Deam protensis, Feliciter! inquit, jam & Fidei, & Sinato meo satis; mihi enim nimis quàm diu vixi; cùm marito meo vel momentum, superfui. Hanc ego, Diva, victimam vltimam aræ tuæ applico; pulchriùs nunquam litavi, quàm cùm tibi hoc monstrum immollo. Age latro Diris devote, Hymenæo Lessun, junge; hodie Nuptiales faces in tuo tumultu extinguentur. Genialem tibi torum vel Furia, vel Vespæ in sandapila sternent; meum adhuc Sinatus habet; quem ne extinctum putes, ego illius animâ vivo; satis fortem me  
jam

jam moriturus dices, Manes etiam tuos, scelerate, persequar, & Sinato meo te sistam, apud quem latrocinij tui causam dices. Non erant hæc Bona Verba, quæ nuptias commendarent, & tum demum miser Sinorix advertebat, se non cum sponsa, sed cum vindice sceleris sui consistere: proinde illius fatali fulminatus sententiâ, & intestinæ mortis sentiens morsum, ex templo se corripit; & conscenso essedo raptatur. velocibus equis, si fortè liberior aër, & illa jactatio discuteret imbibitam pestem. Sed venenum prævaluit; & execratio à castissima fœmina, in noxium caput detorta, indignantem animam, ante Solis occasum, Sinorigi intertraxit. Canina ubi impurum hominem fato suo functum intellexit, quasi pulcherrimè finitâ vitæ fabulâ, amicos valere jussit, & plaudere: illam noctem, inter lentitudinem grassantis mortis, sine suspirio exegit, non aliter, quàm nuptialem, & quæ iterum se cum Sinato conjungeret. Fœmina sine dubio nostro ævo digna, cui ipsa pudicitiae normam daret, ut tamen vicissim accipe-

ret legem melius moriendi. Sed hæc in-  
felicitas illius temporis fuit, maximas  
virtutes aliquo scelere commaculan-  
tis. Cammam igitur Magistram Casti-  
tatis statuo, quamdiu veneno non est  
vsa.



VIRTVTIS ET  
FORTVNÆ GEN-  
TIS BOIORVM  
LIBER SECVNDVS.

Breviarium.

**D**VO BOIORVM Italico-  
rum Reges, Ates, & Ga-  
latus, totam Gentem, ad  
novum contra Romanos  
bellum, post quadraginta  
quatuor annorum pacem, concitant, ex-  
citatis etiam Transalpinis auxilijs; à qui-  
bus cum BOII haud minora damna,  
quàm ab hoste paterentur, Reges suos,  
populari seditione coortâ, occidunt.

Ob legem à Flaminio latam, de BO-  
IORVM agro dividendo, ingens bellum  
nascitur, inusitato utrinque apparatu,  
susceptum. Gesatorum ad id auxilia.

K 2 stipen-

I.

VI

II.

ret legem melius moriendi. Sed hæc in  
felicitas illius temporis fuit, maximas  
virtutes aliquo scelere commaculan-  
tis. Cammam igitur Magistram Casti-  
tatis statuo, quamdiu veneno non est  
vsa.



VIRTVTIS ET  
FORTVNÆ GEN-  
TIS BOIORVM  
LIBER SECVNDVS.

Breviarium.



*Vo BOIORVM Italico-  
rum Reges, Ates, & Ga-  
latus, totam Gentem, ad  
novum contra Romanos  
bellum, post quadraginta  
quatuor annorum pacem, concitant, ex-  
citis etiam Transalpinis auxilijs; à qui-  
bus cùm BOII haud minora damna,  
quàm ab hoste paterentur, Reges suos,  
populari seditione coortâ, occidunt.*

*Ob legem à Flaminio latam, de BO-  
IORVM agro dividendo, ingens bellum  
nascitur, inusitato utrinque apparatu,  
susceptum. Gesatorum ad id auxiliâ.*

K 2

stipen-

I.

VI

II.

*stipendio conducta. Britomarus BOIORVM Regulus voto se suosque obligat, Baltheum non, nisi in Capitolio, posituros. Pugnatum primò feliciter, sed tribus Romanorum exercitibus, miro Fortune ludo, conjunctis, BOII cum socijs fusi, fugatique sunt, & cum Rege suo in Capitolio discincti, pacem deinceps aliquamdiu coluere.*

## III.

*TOLISTO-BOII interim, sociique Galli in Asia, & Europa, domi, militiaq; bellando, pacificandq; famam nominis sui latè propagant. Nihil neque à Regibus, neque à Populis, absque illorum opera, magnæ rei gestum.*

## IV.

*BOII Italici novis in agrum suum deductis Colonijs exasperati, iterum arma corripiunt; Romanis etiam in Gallia Transalpina odia conflant. Placentiam, & Mutinam infestant; neque à Legatis quidem abstinere; Rom. copias iteratò concidunt.*

*Mata-*

V.

*Matalus, seu Magilus BOIORVM  
Regulus ad Annibalem adhuc in Gallia  
hærentem profectus, Pænis Alpium supe-  
randarum desperationem adimit, du-  
cémque se professus, eos in Italiam ducit.*

VI.

*Annibal primo ad Ticinum prælio Ro-  
manos superat, BOIORVM maximè  
virtute nixus, quos Chrixus Gentis Re-  
gulus adduxerat, qui tamen eo bello oc-  
cubuit.*

VII.

*Flaminius Cos. capitalis BOIORVM  
hostis in prælio ad Thrasymenum lacum  
gesto, manu Ducarij BOII occiditur:  
Posthumius etiam Prætor Rom. cum to-  
to exercitu, à BOIIS, in insidias præci-  
pitatus, incisarum arborum ruinâ op-  
primitur.*

VIII.

*Asdrubali & Magoni Annibalis fra-  
tribus BOII auxiliantur, ipsique adeo  
Annibali ex Italia retracto non desunt.*

IX.

*Appium Præfectum cum frumenta-  
toribus in suo agro opprimunt. Amilcare*



*Pano duce, Placētīā potiuntur. Cremonam obsident: magno etiam praelio à Lucio Furio Pr. Victi, tamen de capienda Roma deliberant, neque spes illas antè deserunt, quàm à socijs fœdè proditi essent.*

X. *A Corolamo, Dorulaco, & Boiorum Regulis suis excitati, Fortunam, resumptis armis, iterum tentant, parum plerumque propitiam experti.*

XI. *A Consule Corn. Merula insigni clade affecti deditionem faciunt, & in fidem Pop. Romani concedunt, constanter illam culturi, nisi Flaminij Consulis crudelissimo factò, qui nobilem BOIVM transfugam super mensam occiderat, irritati, ultimas vires in novum bellum coëgissent; in quo tamen optima causa Fortuna Romanæ succubuit.*

XII. *Sed cum insuper parte agri multati, eam opum libertatisq; suæ imminutionem ferre non possent, desperatis melioribus,*

*bus, ex Italia ad Tauriscos commigrant;  
 cum ducentis amplius annis, diuturnio-  
 ribus odijs, quam ullus alius hostis, Ro-  
 manam potentiam fatigassent.*

GESTA SVNTHÆC  
 ab anno ante CHRISTVM NA-  
 TVM Ducentesimo trigesimo se-  
 xto, vsque ad centesimum  
 octoagesimum sextum.

In

I.



IN Italia interim pax cum Populo Romano anno V. C. quadringentesimo septuagesimo secundo inita, quemadmodum supra commemoratum est, quatuor annos supra quadraginta, Boios quietos habuit. Videri poterat, à tota Boiorum Gente res ex pacto geri, Boiosque Italicos ingenti gloriæ spatio decurso, lampadem popularibus suis ex Herciniæ silvæ tenebris egressis tradidisse, ut etiam altera pars orbis terrarum Boios agnosceret; & sanè latere illorum virtus in obscuro non potuit, cum tota bello arderet Asia; & Pannoniam insuper, Illyricum, Macedoniam, Dardaniam, Ætoliam, Græciam, Thraciamque fax illa militaris omnia pervagata inflammasset. Mox tamen, ubi Asiaticus ille ardor refrixit, Virtus in vetus revocata theatrum, illic gladiatoria munera edidit. Anno igitur Urbis DXXVI. rursus in Italia ad arma decursum est. Causam Polybius in stultitiam ingenij humani conjicit, quæ neminem patitur suâ sorte contentum vivere, & orbem terrarum puerilibus votis

AN. ANTE  
C. N. CC.  
XXXVI.  
*Polyb. l. 2.*

tis implet, dum quisque suum ævum accusat, & quia centum annis seriùs natus est, putat se aureum sæculum neglexisse.

Hic morbus tum Boios ceterosque Gal-  
los invaserat, felices cæteroqui, si sua  
bona nossent; sed quis ea æstimat, nisi ma-  
lis comparata? quando etiam sanitatem  
soli ferè ægri laudant, quos morbus, &  
medici torquēt. Igitur hi longam pacem  
idem jam censebant, quod longam cru-  
cem: utique postquam ij ferè obierant,  
qui cicatrices ostendere possent, & belli  
incommoda laceris corporibus circum-  
ferrent. Nam fervidi juvenes, qui nihil  
adhuc de sanguine amiserant, non cre-  
debant, in tota parentum hæreditate,  
aliquid sibi armis melius relictum; ca ve-  
rò rubigine consumi, vti & gloriam, quæ  
ijs parta esset, id scilicet maximum esse  
probrum. Hæc inter nobiles potissimum  
agitata, quos ab agri cultu semotos, in-  
quietum otium, & strenua inertia exer-  
cebat, & semper præsentibus inimica le-  
vitas ad incognitæ experientiam Fortunæ  
trahebat. Idem erat Regum ingenium,  
qui apud Boios duo tum simul imperi-  
tabant, Ates, & Galatus dicti. Nolebant

CAVSSÆ  
NOVORVM  
APVD BO-  
IOS MO-  
TVVM.

DVO BO-  
IORVM RE-  
GES, ATEŠ  
ET GALA-  
TVS.

ij Regnum sibi, viramque nihil agentibus elabi; cupiebant aliquid grande in, fastos, & posteritatis memoriam mittere; cumq; scirent famam nusquam certiùs, quàm bello quæri, quod etiam victos celebres facit; honestam illius causam circumspiciebant, quam nemo diu quasi- vit, quem pacis cœpit pœnitere. Remer- go ante annos triginta, à Romanis, ne- mine reclamante, gestam, conantur in, vulgus odiosam reddere; Ariminum ij, devictis Picentibus, coloniam deduxe- rant; id Boni finitimi tunc fieri passi sunt; in quorum oculis colonia illa crevit: post tot denuum annos, feri litigatores circū- scriptos se ab avaritiâ Romanorum que- sti, fraudem, dolum, injuriam, & cætera mala nomina, quæ Romanorum facto impingerentur, vbique vsurpabant, vt colorem Justitiæ suis armis inducerent; atque inter hæc erupit bellum. Et initio quidem visa est malæ causæ Fortuna pa- trocinari; nam P. Valerius Falto Consul primo congressu improspere pugnavit, tribus millibus amissis, & quingentis; quod vbi fama Romam tulit, illico de- speratum est de reliquo Consulis exerci-

*Zonar. l. 2.  
Ann.*

tu: itaque novi confestim delectus habiti: de quibus ubi Consul certior factus *Oros. l. 4. c. 32.* est, mori malle se dicebat, quàm alienâ manu vincere, sanè vel propter dicti stultitiam, secundo infortunio plectendus: perniciosissima enim superbia est, aliquid in bello, quàm certam victoriam malle.

Vicit tamen felix temeritas; BOIORVM, VICTORES sociorumque quatuordecim millia cæsa, BOII VIN- duo millia capta. Nihil movit ea clades CVNTVR.

Boios, quin mox sequenti iterum anno exercitum educerent, cui Romani prioris anni periculo moniti, vtrumq; Consulē opposuere; ij L. Cornelius & Q. *Zon. l. 2.* *A. V. C. 517.*

Fulvius fuere: qui quamdiu concordibus animis, armisque rem gessere, impetum hostis feliciter fortiterque sustinuerunt. Sed enim cùm duo exercitus Consulares eodem loco tenderent, communisque ager pabulationi tantum sufficeret, sed non item prædæ; perinde, quasi Ducum diligentia incumbere, etiam avaritiæ locum circumspicere; gratam rem militi suo, sed hosti utiliore faciant; diducunt copias, & castris separantur. Non fugit id Boios, Flaccumque coronâ cinctum in suis castris obsedere; eluctatus tamen est Con-

REGVM  
INGRATA  
BOIIS  
STVDIA.

ANTE Ch.  
N. CCXXXIV.  
*A. V. C. 528.*  
*Polyb. l. 2.*  
BOIARI-  
MINEN-  
SEM A-  
GRVM A  
ROMANIS  
REPE-  
TVNT.

Consul, pulſique Galli ad maiora domo accerſenda auxilia, abiere. Interea enim ingentes ex Tranſalpinâ Galliâ copiæ ad- venerant, quas Ates & Galatus Reges clam plebe, exciverant; eæ jam Arimi- num vſque progreſſæ, BOIORVM agro conſedère. Ibi demum patuit, Reges bel- lum potiùs, quàm illius exitum quære- re; privatamque cupidinem Repub. po- tiorem ducere: populo pulchris diſtis os ſublutum eſſe, quem jam antehac à belli conſilijs abhorrentem, damna, duobus annis, ab hoſte capta, jamq; nihilo propè minora ab auxiliario importata milite, graviter commovebant; cùm horum po- pulationes tantò moleſtiores eſſent, quò minùs eas vlcisci licebat; cùm prædo ipſe amicus vocaretur: Atq; hinc factum eſt, vt multò jam etiam magis ad pacis ſtudia inclinarentur; id tandem effectum eſt, vt Legati ad novos Coſſ. C. Licinium Va- rum, & P. Cornelium Lentulum irent, qui agrum Ariminenſem repeterent: cre- debant enim ſine bello eam rem confici poſſe, & jus ſuum facilè Romanis ſe pro- baturps, in quorum oculis ea vis mili- tum ſtaret, quæ ingratham, ſiqua ferretur, ſen-



sententiam, ferro esset correctura. Consules cùm & rem tantam, inconsulto Senatu, cōcedere nollent, & conflagere tamen, ob paucitatem militum suorum, dubitarent, medium consilium, secuti, inducias cum hoste paciscuntur, & Legatis Gallorum potestatem faciunt Romanam eundi, re integrâ ad Senatum rejectâ. Hi dum eunt, & infecto negotio, redeunt, res suas domi afflictissimas reperere. Nam Transalpini, cùm ad bellum gerendum, non sancienda fœdera, venisse se jactarent, eoque ferocius agerent; infana plebs, cùm omnium barbarum auctores Reges detestaretur, impetu facto utrumque obtruncat; in molestos deinde conversa hospites, cum, iisdem collatis signis congregitur, eo exitu, ut ingenti vtrunque clade acceptâ, Transalpini reliqui miserabile stipendiũ in patriam reportarint; Boii verò non tantũ à spe Arimini, agrique augendi depulsi, sed illius etiam, quem otiosè, sine lite, & invidia diu coluerant, magnâ parte multati, bellum si non gerere, certè agnoscere didicerint.

REPEL-  
LYNTVR.

REGES  
SVOS ET  
AVXILIA  
RES CO-  
PIAS OC-  
CIDVNT.

SED incidit mox quinto post hanc cladem



dem anno res eiusmodi, quæ Boiorum quietem rursus turbavit, tantumque Romanis bellum conflagavit, ut si apparatus magnitudinem spectes, neges Populo illi, qui cum toto orbe terrarum pu-

*ANTE Ch.* gnavit, maius unquam fuisse. Concitator  
*N. CCXXX.* illius C. Flaminius Trib. Pleb. fuit, is qui

*A. V. C. 522.* postea Consul, ad Thrasymentum, ab Annibale cæsus, prope Romanum Imperium, quod per omnem vitam furiosis consul-

*Polib. Cicero.* tis, factisque diu laceraverat, sepelivit: hic M. Emilio Lepido, & M. Publicio Malleolo Coss. legem ad Populum tulit, de agro Gallico (illū intelligo, qui Boiis nuper ademptus fuerat) viritim dividendo. Hanc ille gratam plebi conciliandæ

*Valer. Max.* offulam objiciebat, cuius se favore adversus nobilitatis potentiam muniebat.

*Lex de Agro Boiorum Dividendo*  
*Rome lata nova belli*  
*Fax.* Senatus, cum prospiceret, quantum ea lex offensura Boiis esset, totis viribus obnitebatur: sed ille neque exercitu contra se conscripto movebatur; donec pater illius, manu injectâ, de Rostris concionantem detraxit: lex tamen nihilominus perlata est, quæ Boios, & Gallicos populos omnes non aliter commovit, quam si ipsa eorum vita peteretur. Quid enim aliud

aliud restare, etiam terra, soloque sub pedibus subtracto? & hoc quidem, lege æquissimâ sine dubio, utpote, quam Pop. Romanus iusserit, qui artem invenerit, quâ latrocinia, & furta speret se Dijs, & hominibus probaturum: brevi ergo BOIORVM, in Italia, præter nomen nihil reliquum fore; eam enim Romanorum esse modestiam, ut illud in titulum relinquunt sui triumphi, ut nomen sepulcrarum Gentium, velut in tumulo, legatur: sic nuper Senam coloniam dictam, ductamque esse, ne obliviscerentur, olim ibi Senones confedisse. Si majores sui his moribus vti essent, Romanos jam nec patriam habituros; Romam certè ab ijs redditam, esse, gloriâ, & pauxillo auri contentis: Romanos, quo loco pedem posuerint, gladiumque strinxerint, mox Agrariam legem reperire, quâ in illius possessionem immittantur. Factum quidem id ad Boios, sed exemplum ad socios omnes pertinere; simul atque novæ iterum tabulæ confectæ sint, etiam reliquos Gallos novis Dominis cessuros, qui sibi totius terræ, velut matris, hæreditarium jus vendicent. Intercedendum esse  
istis

istis rogaionibus, & tales leges ferro confodiendas: ne stilius gladio potentior fuisse videatur. His stimulis Boii Insu- bres maximè viribus, & potètià sibi pro- ximos impulerunt, ad belli secum socie- tatem incundam: reliquos enim popu- los, vel suum, vel illorum nutum nove- rant esse secuturos: de ipsa belli gerendi ratione consultantibus placuit, iterum, externa auxilia advocare. Celebre erat eà tempestate Gæsatorum nomen, qui- bus ætatem bello conterere, & fortem, animam, non nisi per vulnera, emittere, inter prima decora habebatur; turpissi- mum, aliter quàm pugnando mori: cum ducem sequebantur, qui æs dedisset; vn- de etiam ijs Polyb. & Plutarchus nomen esse existimant. quibus vt non valde pu- gnem, ita illud alterum verius videtur, à Gæsis, quod hastæ vel pili Gallici genus est, hoc nomen accepisse, ad eum ferè mo- dum, quo hodièque stipendiarium mili- tem, à suis quemque armis denomina- mus: quò etiam illud Servij facit, qui eo- dem nomine telum, & fortem virum, Gallis Gæsum dici alicubi adnotavit. Por- rò Gæsatis cùm à bellis respirarent, sedes  
inter

GÆSATI  
IN ITA-  
LIAM A  
BOIIS AC-  
CITI.

*Polyb. l. 2.  
Plutarch. in  
Marcell.*

*Servius in 2.  
Æneid.*

inter Rhodanum, & Alpes fuere: duobus tum Regibus parebant, Aneroësti, & Concolitano. Ad hos communi fœderatorum nomine Legati ire iussi, qui eos ad belli societatem invitarent. Legatis, ne sola verba afferrent, magnum auri pondus Regibus ferendum datum, potens militaribus animis irritandis illecebra. Aurei insuper promissi montes sua nomina daturis in id bellum, quo Roma peteretur, non suis tantum, sed Italiae, Siciliaeque opibus potens, & commune plurium jam populorum spoliarium; nec dubitari de successu posse; fatale illi vrbi esse, à Gallis vinci; communes olim utrorumque maiores, sex illius montes in potestatem jam redegisse; septimum ipsum etiam auro redemptum: promittunt seduces fore, & veteri notoque itinere ad Collinam portam præituros, quæ olim ad signa Gallica spontè patuerit. Reges tam benignâ spe excitati condicunt; sed vel apparatus cura, vel aliqua ex transverso incurrens infelicitas expeditionem in plures annos morata est. Porro non erat tanta vel occultandi consilij ars, vel silentij fides, ut fama Gallos Romæ non,

ROMÆ  
GALLVS  
ET GALLA  
VIVI DE-  
ROSSI.

Zenarast. 2.

proderet. Igitur illic primùm omnium  
ad Sibyllinos libros, vnicum laborantiū  
consiliorum asyllum, decursum, & sce-  
leratum indè arcanum evolutum, sine  
dubio pessimo ore dictatum: promitte-  
batur rebus Romanis melius fore, si Dijs  
humanâ hostiâ fecissent; illi obsequen-  
tes, in foro Boario, quatuor homines,  
Græcum, & Græcam, Gallum, & Gallam,  
vivos defodere, insigni impietate, qui  
Deum crederent homini lupum factum  
talem sanguinem sitire, cū verius sit,  
optare illum etiam hominem homini es-  
se Deum: quod si illa Romanos ad hoc  
immane factum causâ movit, quam Zo-  
naras attulit, tum impietati etiam stulti-  
tiæ infamia aspergitur. Is enim Oraculum  
datum Romanis memorat, Urbem olim  
à Gallis, & Græcis capiendam esse, cujus  
tam tristis vaticinij sortem, vt vel clude-  
rent, vel quoquo modo implerent, vi-  
vos homines earum Gentium terram  
subire coëgisse, vt in illius velut captæ si-  
nu, dicerentur exspirasse, ipsique grandi  
periculo, cum risu, perfungerentur. Il-  
lud deinde ab iisdem, haud sanè stolidè  
cautum, ne quis omnino homini Gallo

aurum

aurum argentumve datum vellet; quòd  
 M. Æmilio Barbula, & M. Junio Pera ANTE Ch.  
 Coss. cognitum erat, Boios, vnde cunq; N. CCXXVIII  
 possent, pecuniam facere, ex venditio- A. V. C. 524.  
 ne maximè corporum captivorum; vnde  
 non vanè suspicati sunt, illos bello, quod ROMANO-  
 contra se pararèt, nervum quærere: quia RVM OB  
 denique ab ingenio suo descivisse Gallos FAMAM  
 videbant, neque jam impetu, & ferociâ, NOVI BEL-  
 malis consultoribus vti, sed bellum mo- LI METVS  
 rà coquere, multò indè magis formida- ET APPA-  
 bant, quòd illa ingentia corpora, & vires RATVS.  
 propè humanis majores, jam demum a-  
 nimâ, & ratione regi viderentur. Itaque  
 tristiora veteribus malis animo occurre-  
 bant, quæ ab his passi essent, nondum  
 consilio, sed tantum manu temerè vsis.  
 Ergo & ipsi se ad ingens bellum parant,  
 delectusq; haberi cœpti, non Romæ so-  
 lùm, sed etiam per Italiam, apud socios  
 populos; quin imò ex ipsis etiam Gallis  
 quidam legationibus sollicitati sunt. Ce-  
 nomanni ij fuere, qui cum vicinis Vene-  
 tis à Gallorum consilijs erant alieni: su-  
 pra fidem propè est, quantum hominum  
 censum sit, qui arma ferre possent; nam si  
 Fabio veteri Historico credas, qui rebus Fabius apud  
 Oros. l. 4. c. 13

præfens interfuit, octingenta armatorum millia numerabantur. Polybius, qui numerum particulatim init, peditum septingenta & amplius, equitum septuaginta millia recenset. Plinius verò exclusis etiam Trans-Padanis auxilijs, quæ Polybius adnumerat, tamen peditum tantundem, equitum verò octoginta millia conficit; atque hanc ipsam delectuum curam non vanè trepidationis maximæ argumentum esse auguratur; quamquam neque tum quidem timere Roma desijt, cum his tantis copijs circumvallaretur; cumque omnis propè, pro Vrbe vnâ, staret Italia, vt illa quemcunque hostem, non ex vna tantum Gente delectum, sibi vltro deberet deposcere; sed tantum abfuit ab hac audacia, vt subinde, cum Boii, sociique nondum domo exissent, Romani famæ ludibrio excitati, ad fines vsque procurrerent, iras nequidquam in aërem effusuri. Anno tandem Urbis

*Plin. l. 3. c. 20.* DXXIX. C. Atilio Regulo, & L. Aemilio Pappo Coss. post septennij molitionem, maturuit bellum: Gætatorum Reges ambo, transcensis Alpibus, Boios, & Insu-bres cum exercitu, ad Padum, ex condito,

ANTE CH.  
N. CCXXIII.

ERVMPIT  
BELLVM.



cto, paratos offendere: & nisi in numeros vitium irrepset, conjunctis copijs, non supra quinquaginta peditum millia, Equitum, Essedariorum viginti censa sunt; qui minor sine dubio Romanorum expectatione numerus est; minorem effecit Cenomannorum defectio, qui cum socijs, quadraginta hominum millia sub signis habebant, & vastando Boico agro relictæ erant; quibus proinde pars copiarum opponenda fuit. Romanorum, præter hæc auxilia, triplex exercitus fuit: vnus Atilio Consuli, in Sardiniam, ad provinciales motus componendos profecto, additus: secundus cum Æmilio altero Consulum Arimini confederat: tertius cum Prætorè in Hetruriam missus, quâ parte potissimum, hostes irrupturi credebantur: cæque opinio vera fuit; nam Galli per Apenninum in Hetruriam ingressi, fœdis omnia populationibus obte-  
rebant: illic cum se hostis in conspectum non daret, ferociore facti, Romam con-  
clamant, veteremque fortunam ducem, comitemque itineris invocant. Brito-  
marus etiam Boiorum Dux se suumque  
populum jurejurando obligat, thoracem,

*Flor. l. 2. c. 4.*

*Zonar. l. 2.*

BRITOMA-  
RI BOIO-  
RVM DVCIS  
VOTVM.



& balthcum neminem ipsorum, nisi in Capitolio, positurum; tam largè illis plana omnia gestiens animus promittebat. Jam Clusium venerant auspiciatissimam Genti suæ urbem; indè enim quondam à majoribus ipsorum Romæ captivitas erat importata. Approbantibus omen, nuncius affertur, hostem tergo innere; illi pugnae avidi, repentè conversâ acie, confidentissima hosti pectora obijciunt; sed quia Sol in occasum pronus magnæ rei fieri nihil sinebat, junctis Romano castris adsedere. Nocte concubiâ, equitatu illic relicto, & ad Solis ortum se subsequi jussu, crebris accensis ignibus, cum reliquo agmine, Fesulas iter intenderunt; Romanos & tenebræ & faces fefellerè, ut abeuntes non senserint. Vbi coorta lux solos equites ostendit, discessionem Gallorum, fugam interpretati, undique coorti illos insequuntur: donec imprudentes in pedestre agmen inciderunt. ibi atrox oborta pugna est, magnis utrinque animis gesta, donec Romani, sex millibus amissis, effusi in fugam, vicino tumultu succedere: quem quò minùs Galli oppugnarèt, pervigilata prior nox, &

SIMVL-  
TATVGA.

PVGNA  
GALLIS  
FELIX.

& itinere, pugnâque collecta lassitudo prohibuere. Spes etiam erat, spontè deditorem facturos, ad quam extorquendam equitatus ad collem relictus; ipsi ad curanda corpora concessere. Interea Æmilius Consul, qui hoc tantum cognoverat, hostem pervastatâ Hetruriâ, concitato agmine, Romam properare; ne patriâ deesset, quantis potuit itineribus, Arimino profectus, illâ ipsâ nocte, non procul tumulo, quem Romanorum reliquæ occupaverant, consedit. Eius adventus Gallis juxtâ, Romanisque ignium indicio, proditus, utrorumque animos variè affecit. His velut ad lapsum cælo in tempore auxilium respirare non nihil ex desperatione licuit; illis splendida victoriæ parùm commoda nubes videbatur. inducâ, unde etiam sibi impluere malum posset: & Romani quidem, quâ laxior custodia, & densius nemus fuit, emittunt, qui Consuli totam illius diei fabulam explicet; qui ex re ipsa capto consilio, rectâ cum equitibus ad tumulum contendit: Tribunis imperat, simul cum die, peditem in aciem eduçant, certus prioris diei fortunam altero prælio cor-

ANEROE-  
STIS RE-  
GIS PRV-  
DENS CON-  
SILIVM.

corrigere. Implicatioꝝ apud Gallos consultatio fuit, quæ Aneroestis tandē Regis sententiā est expedita. Summā fuit, bellū in præsens abstinendum. Quid enim illū quæri? gloriam? opes? spolia? at enim earum rerum tantum partum esse, quantum vix avidus animus, & avara manus capiant. Facturos se injuriam Fortunæ, si de ipsius liberalitate videantur dubitasse: eius poenitentiam potius timendam esse, nunquam satis constantis, præsertim cum in dando excessit modum: & fortasse hunc exercitum, alienissimo tempore, ab illa conductum, per quem munera sua repetat. Commendandam illius benignitatem modestiā esse, & tantas opes in tuto collocandas; excusso auro, si videatur, cum ferro redituros ad novam messem: militem illum confidentissimè pugnare, qui præter animam nihil possit amittere; neque enim gratis spolia impedimenta dici, quæ qui plurima habeat, ut plurimum cogitare de fuga. Approbatā ab omnibus sententiā; neque Romanorum motu, neque luce expectatā, de loco profisciscuntur. Æmilius ultimum subsecutus agmen ad iustum

justum prælium descendere non ausus, id tantum agebat, ut Fortunæ, & tempori in loco non videretur defuisse. Interea Atilius alter Consul, pacatâ Sardiniâ, rerum omnium ignarus, exercitum reportabat; is exceptis, ad Telamonem Hetruriæ promontorium, Gallorum pabulatoribus, per illos omnem rei gestæ seriem intelligit; & cætera quidem parum læta; illud subcommodum, Consulem alterum Gallis à tergo pedetentim incubere. Adoravit Atilius Fortunam Patriæ, quæ hostem duobus consularibus exercitibus integris objectasset; eam ipsam jam aciem instruxisse, Romana agmina à tergo, & fronte collocasse, compactum in medio hostem stare, quid nisi ad laniendam? si secus accidat, neminem nisi ignaviam suam accusaturum. Ipse cum collem sibi notasset viæ imminentem, quæ hostis iter facturus erat, cum equitatu illum occupat; Tribunis mandat, aciem in frontem, quantum per viam liceret, explicent, & gradu militari subsequantur. Galli, Atilio viso, existimabant, Æmiliū, noctu circumductis equitibus, loca opportuna præoccupasse; de Atilio

CONSULIS  
ALIENIS-  
SIMO TEM-  
PORE, AD-  
VENTVS.

ipso nihil, ne per somnium quidem. Igitur & ipsi suum equitatum præmittunt, qui collem nudet, & Romanos dejiciat: verum ubi ex captivis intellectum est, alterum Consulem adesse, capto in arena consilio, aciem bifrontem instruunt; & Gæsatos quidem cum Insubribus Æmilio subsequenti obvertunt; Boios & Tauriscos Attilio objiciunt; plaustra, & effeda ex acie submovent; prædam in proximo tumulo cum præsidio relinquunt. Neque dum Æmilius sciebat alterum Consulem adesse; id vnum nôrat, eum Pisas cursum tenere: ubi verò pugnam ad eum, quem diximus, collem vidit, ratus id, quod erat, equitem Collegæ auxilio misit, ipse quadrato agmine in hostem processit. Equestris pugna Gallicis ab initio felicior fuit, in qua Attilius ipse temerè in hostem investus cecidit: cujus caput à trûco avulsum, Regibusque allatum, gratum spectaculum præbuit, animosque adeò auxit, ut Gæsati, veste omni abjectâ, ante prima signa, scuta quatientes, plausu pedum, & incondito ululatu non speciem pugnae, sed Bacchi triumphum repræsentarent; aurei in illorum

BOIORVM,  
SOCIO-  
RVMQUE  
CVM TRI-  
PLICI  
ROM. EX-  
ERCITV  
PVGNA.

GÆSATI  
NUDIPRÆ-  
LIVM IN-  
EVNT.

lorum collo torques, aureæ in manibus  
armillæ Romanorum oculos perstringe-  
bant; vt illos minùs mors Consulister-  
reret, quàm stolidus hostis animabat, in  
quo quamvis nudo tantum esset prædæ.  
Gæsatos in hunc furorem levislima ratio  
præcipitaverat. Impeditus senticero cam-  
pus erat, in quo pugna conferenda fuit;  
censebant ij induta vepribus sagula suæ  
virtuti moram factura: intactum expedi-  
tissimè pugnare; torosos lacertos, & spa-  
tiosos armos, arma esse naturæ: ignavum,  
neque si totus in ferro stet, esse invulne-  
rabilem: ostensuros se Romanis, quid  
nuda Gallorum virtus possit. Sed brevi  
temeritatem illam sparsus à Romanis ter-  
lorum imber confixit. ibi demum Gæsa-  
ti se non tantum nudos, sed etiam miser-  
rimos esse senserunt; nam simul atque  
gæsa sua, manu emisserant, in scuto, quod  
non erat pro mole corporis, præsidij pa-  
rum, in gladio vsum nullum omnino re-  
periebant; cùm Romanus pedem non  
conferret, quòd eminus pugnando vi-  
deret se tutiùs, certiusque posse vincere.  
Igitur inter illa confossi corporis tor-  
menta, furens animus nihil Gæsatidis, præ-  
ter

FUGAN-  
TVR.

terturpem fugam, aut insanam in hostes irruptionem suggerebat: & pars quidem posterius consilium, ut honestius secuta est, nullo tamen ferè successu; nam neque ordine id faciebant; & misera ipsa pugna est, in qua desperans miles suam potius, quàm hostis mortem quærit. Sic Gæfati pugnando hosti parum, fugiendo socijs plurimum nocuere, seroque experti sunt, se solâ feritate neque armatos satis, neque tutos fuisse. Porro ubi tandem ad statariam pugnam, & gladium ventum est; Insubres, Boii, & Taurisci fortiter quidem fecerunt, virtute Romanis pares, sed armorum genere inferiores: nam scuta Gallis nec firmata ferro, neque nervo commissa, sed viminum textus, aut debilis cortex, gladium usque ad corpus facile transmissurus. Gladius etiam unam tantum vehementem plagam habet, post quam non modò obtunditur facile, sed etiam curvatus hærebit in manu inutilis, nisi pede connixus miles illum corrigat; neque in mucronem desinit, ut non nisi cæsum eo ferire liceat. Romani contra acutâ cuspide facile vulnus, mortemque inferebant; cum, ut militaris

ARMA BO-  
IORVM,  
SOCIORVM-  
QVE.



litaris Scriptor loquitur, puncta duas vñ-  
 cias adaſta mortalis ſit. Neque tamen ea  
 armorum iniquitas pertinaciã pugnan-  
 di, moriendique in Gallis fregit, quam-  
 diu cum pedite ſolo reſ fuit. Sed cùm e-  
 ques inſuper de colle defluxit, Gallicus  
 equitatus terga vertit; ſed conſtantior  
 etiam tunc pedes loco ſuo non ceſſit,  
 eundẽque etiam amiſſã animã, corpo-  
 re textit. Aneroẽſtes Regum alter paucis  
 comitantibus prælio clapſus eſt; ſed de-  
 decoris impatiens, & ne hoſtis augeret  
 triumphum, ſe, ſuõsque ferro peremit.  
 In pugna quadraginta Gallorum millia  
 cãſa feruntur, decem millia capta, intẽr-  
 que hos Rex alter Concolitanus. Præda,  
 quæ internofci poterat, ſuis dominis red-  
 dita eſt; ſpolia reliqua Romam miſſa. Vi-  
 ctor Conſul ſecundũ Ligurum, fines  
 proſectus, in B O I O R V M agrum exerci-  
 tum immiſit, eũque depopulandum  
 militi dedit, tandẽmque ſatiatum prædã  
 Romam duxit. Armillas & torques au-  
 reos Capitolio intulit, captivos & ſpolia  
 in triumpho præ ſe egit; cũque ſuper-  
 bum illud Britomari, B O I O R V M V Q E VO-  
 tum emanafſet, baltheum & thoracem

*Veget. l. 2.**cap 12.*GALLIVI-  
CTI, CÆSI,  
CAPTI.

COS



BOII IN  
CAPITO-  
LIO DIS-  
CINCTI.

*Flor. l. 2. c. 4.*

ANTE CH.  
N. CCXXII.

*A.V.C. 530.*

BOII IN  
FIDEM P.  
ROM. CON-  
CEDVNT.

*Polyb. l. 2.*

cos non nisi in Capitolio posituros, Cōsul religione illos solvit, & miseros ipse discinxit. Hunc nobilis in paucis expeditio exitum habuit, Gæsatorum maximè stultitiâ everſa, quorum auxilia tantâ ambitione empta fuerant: magno documento, vim consilij expertem mole suâ rucere, temperatam provehi. Sequens annus non nihil latior fuit, quo Boii paratum sibi à Romanis malum, prudenti constantiâ depulerunt. Persuasum Romanis erat, contra Boios jam non arma, sed leges se laturos, ad quarum patientiam prioris anni clade committigati videbantur. Igitur ambo Consules trans Apenninum ire jussi, ad totum circum-Padanum agrum populo Romano ascendendum: sed res dictu, quàm factu faciliior fuit: mox apparuit, Boios non ita victos esse, ut, si de aris & focis suis ageretur, arma & animi ijs deessent. Igitur in præsens nullâ immitiore sententiâ exulcerandos rati, illud, à non invitis imperarunt, ut in fide Senatus, Populique Rom. esse vellent. Reliquum anni pestilentia infame, & gravi imbris continuis cœlo, mœsto silentio, inter funera dome-

domestica absumptum est: quanquam alij pugnas cædēsque narrant, ne mitiùs arma, quàm pestilitas in homines grassarentur. Proximo anno (Flaminio & Pub. Furio Coss. cùm vtriq; eorum Gallia provincia decreta esset) belli omnē molem Insu-*Zen. & Oros.*  
 bres Ariovisto duce excepere; qui *Ante Ch.*  
 bis victores, ad necessitatem ineundi fœ-*N. CCXXI.*  
 deris Romanos compulere: sed id serva-*A. V. C. 532.*  
 rum est, quamdiu ex usu Romanorum fuit; nam mox, capto commodiore loco, ubi rem gladio geri posse credideret, contempta fœderis religione, etiam invitos ad arma Insu-*Polyb. l. 2.*  
 bres traxere; præsertim cùm Flaminius ille, Deorum, hominū-*Flam. l. 6. 4.*  
 que contemptor, in castris cum imperio *a. Afronico.*  
 esset, qui atroces iras, quibus in Gallos omnes, Boiosque maximè ferebatur, quos nuper, uti diximus, Agrariâ lege perditum iverat, non nisi totius Gentis excidio placaturus videretur: vnde neq; prodigijs ullis territus, quorum religiosissima apud Romanos observatio fuit, cùm fluvius Picenum agrum interlabens sanguineus flueret, & Arimini tres Lunæ visæ essent, & augures palàm pronuntiarent, Consules vitio creatos videri, Flaminius

*Flor. l. 2. c. 4.*

GARGE-  
NVS BOIO-  
RVM REX,  
*Sil. l. 5.*

minius tamen. Senatus literas, quibus cum Collega in urbem revocabatur, non antè aperuit, quàm cum hoste conflisset, & quidem, quod mireris, feliciter; alente insaniam illius Fortunâ, & ad di- riores casus reservante, cum suâ propè Repub. periturum. Ante prælium, Galli de spolijs Rom. militum Marti suo tor- quem voverant; sed id votum aliorum, cecidit; nam Flaminius ex Gallorum tor- quibus Jovi trophæum ornavit. In hac ipsa pugna Gargenum vel Garganum BO- IORVM Regem huius ipsius Flaminij de- xtrâ occubuisse Silius auctor est, imò bel- li totius maximam partem Boios fuisse, superbâ apud eundem oratione, Flami- nius commemorat; horum à se impetus iterum Capitolio pavendos repressos, & ingentia corpora vix profundis vulneri- bus animam amittentia à se fusa, jacta- bundus illic deprædicat: verùm quia hu- ius rei testimonium solus Poëta dicit, hi- storix verecundia illo subtimidè nititur; etsi jam aliàs monui, Silium, etiam cùm id arrogantissimè cuperet, vix potuisse Poëticè loqui. Insubres tandem, damna- tâ armorum infelicitate, pacem per Le- gatos

gatos petunt, ijs legibus, quas dare victor populus vellet; sed ea neque æquis, neque iniquis conditionibus impetrari potuit; quod novi Consules M. Claud. Marcellus, & Cn. Cornelius Scipio, otioso anno, triumphum sibi periturum vererentur: igitur privatae illorum ambitioni publico iterum discrimine fuit parentandum. Insuaves suis viribus diffusi rursus Gæsatorum auxilia evocarunt; quorum triginta millia, cum Rege Virdomaro in Italiam transcenderunt. Regem ipsum genus à Rheño jactantem Propertius describit: vel, ut, ex vetere libro, Passeratius emendat, à Brenno; certè eodem vestis genere usus est, quo supra Chrixum. BOIORVM Regem, itidem atavō Brenno gloriantem, indutum vidimus; nimirum virgatis brachis. Sed etiam horum virtutem Fortuna Romana triumphavit. Rex ipse Virdomarus, cum admissō equo infestam in Marcellum hastam direxisset, gloriam, & arma, quæ ex Consule sperare ausus est, ipse dedit. transfixum Consul despoliavit, & tertia illa opima spolia Jovi Feretrio suspendit: interceptum iterum aliud militum votum est, qui Ro-

ANRE CH.  
N. CCXX.  
A.V.C. 532.

Propertius

EX VIR-  
DOMARO  
OPIMA  
SPOLIA  
RELATAS

M mana

mana arma Vulcano promiserant; nam  
 castris, armisque exuti sunt. Mediolanum  
 etiam totius Gentis caput in potestatem  
 redactum; quo facto, se suaque omnia.  
 Insúbres Romanis dedidére: quibus ta-  
 men pax non iniqua cōcessa est. ad eumq;  
 modum Boiis, & Insúbribus domitis,  
 omnis togata Gallia quievit. Nos proin-  
 de in aliam orbis partem Boiorum vir-  
 tutem spectatum; eamus; nam revera ad  
 Boios omnis illa Gallorum in Asia, Græ-  
 ciæque historia pertinet; quando, ut su-  
 præ ostensum est, ex ipso Boiorum Re-  
 gno, ea in illas terras educta expeditio est;  
 quod quidem etiam à Sabellico, non in-  
 diligenti Scriptore, tanquam indubita-  
 tum video affirmari.

*Ennead. 4.  
 lib. 8.*

### III.

*RES GAL-  
 LORVM IN  
 GRÆCIA.*

EODEM igitur anno, quo hæc in Italia  
 gesta sunt, in Græcia bellum Cleomeni-  
 cum finitum est, non sine operâ Gallo-  
 rum; Antigonus enim, qui solis promif-  
 sis dives, omnium hominum debitor e-  
 rat, ideoque Doson vocatus fuit (nobis,  
 Daturus, diceretur) cum Cleomene Spar-  
 tano Rege, in sextum jam annum, vario  
 eventu, bellum gesserat; atque hoc illum  
 demum anno ad Selasiam debellavit. An-  
 tigo

*Polyb. l. 2.*

tigo

tigonus, instructâ acie, Gallos ipse ducebat, vt quibus plurimum confideret; ilq; in amborum Regum conspectu memorandum edidêre prælium; cùm pulchrum crederent, talibus oculis, etiam moriendo, spectaculum dedisse. Victoria penes Antigonum fuit; quâ cùm multis Græciæ civitatibus libertas parta sit, certum est, eius partem gloriæ ad Gallos pertinere. Post duos ab hoc prælio annos, inter Byzantinos, & Rhodios bellum, ingenti apparatu, exarsit; cuius causas operæ precium est explicare. Galli, vti suprâ à me demonstratum est, post expeditionem Delphicam, Comontorio duce, in Thraciam appulsi, bonitate agri illecti, illic confederant; subactisq; Thracibus, latè imperabant; ipsis Byzantinis adeò timendi, vt octoginta talenta annua, stipendij nomine, Gallis numerare cogerentur, nisi eorum arma experiri mallent. id Byzantini, quibus poterant animis, ferebant: sed, ærarium, sub illo exactio- num onere, tandem succubuit; cui levando instituerunt vectigal è navibus exigere, quæ in Hellespontum in- herentur: eius rei novitas cum civitati-

bus, quæ mercaturam faciebant, gravia  
accideret, Rhodios, penes quos eâ tem-  
pestate maris imperium fuit, impulere,  
vt missâ Legatione, Byzantios à senten-  
tiâ deducerent. illi quanquam pro liber-  
tate mercium fortiter agerent, ærarij ta-  
men expirantis causa non minùs facun-  
dè est disputata: infectâ proinde re dis-  
cessum, & à lite ad bellum ventum est;  
in cuius societatem Rhodij Bithyniæ Re-  
gem Prusiam haud difficulter pertraxere,  
Byzantini, vt & ipsi partes suas Regû au-  
xilio potentiores redderēt, Achæum, qui  
omni ferè cis Taurum Asiâ pôtiebatur,  
& Attalum Pergami Regem sibi concia-  
liare nitebantur. Et Achæus quidem au-  
xilia promisit; sed Attalum accisa res pri-  
vatæ ipsummet alienæ opis indigum fe-  
cerant, vti pòst narrabitur. Igitur in il-  
lius locum Tibiten è Macèdonia evocāt,  
cuius copijs adversum Prusiam se muni-  
rent. Sed omnia consilia Byzantinorum  
irrita fuere; nam Achæi auxilia, intra  
spem, & magnificas promissiones stete-  
runt, Rhodiorum astu; qui cùm animad-  
verterent, Byzantios Achæi maximè so-  
cietate niti, eam illi omni ope dissuere  
labo-



borarunt; in eamque rem Achæum officiosis obsequijs delinire aggressi sunt; uæ ferè ad Reges expugnandos fortissima tela esse solent; cum magnus animus grîus se beneficijs, quàm armis vinciatatur. Erat apud Ptolomæum Regem Achæi pater Andromachus captivus, quem si Rhodij liberaissent, filioque reddidissent, sciebant facti sui maximam gloriam, gratiamque futuram: & quanquam Andromachum in ultimos casus Ptolomæus studiosè servabat, sperabant tamen Rhodij illum amicitia sue dandum, id ex animi sui sententiâ impetratum,ellent: nam olim quidem, cum filij minor usus esset, patris liberatores videri,unc esse volebant; more Gentis humanæ, quæ pridem ex amicitia mercaturam fecit suarum utilitatum. Igitur abductum Ptolomæo Andromachum Achæo reituunt, quâ benevolentia, & honoribus lijs, non tam ab affectu, quàm ingenio etitis, quasi lenibus admotis tormentis,acilè Achæum exarmant, & à Byzantijs bducunt. Per eadem tempora Tibites, quem è Macedonia Byzantini exciverāt,ato functus est, ut in illos cojnurasse for-



CAVARVS  
GALLO-  
RVM REX  
PACEM IN-  
TER DISSI-  
DENTES  
CONCI-  
LIAT.

tuna videretur, cum omnia ijs auxilia invideret, & nudos tot potentissimis hostibus objiceret. cum repente, vnde minimè sperari poterat, salus desperantibus affulsit. Cavarus Gallorum Rex, per eadem tempora Byzantium venerat, & jam Prusiam, jam Byzantios aggressus, consulendo, hortandoque tantum effecit, ut pax utrisque volentibus esset; quod ubi Rhodij intellexere, ne soli sub cultro, quod dicitur, relinquerentur, Legatis missis significaverunt, neque à pace, neque ab arbitro se abhorrere. Id Cavarus, & Gallicæ Genti gloriosum, Reges, Populosque potentissimos ad suum nutum arma ponere, pacemque velut è manu, & sinu suo accipere: leges ipse dixit, secundum quas pax conveniret. Byzantij ne portorium aut vectigal à nautis exactum vellent; à Prusia vim dolumque abstinerent; Prusias bello capta, bonâ fide, dominis, sine precio redderet. Illudque diserte additum, ut marmora, tegulas, lateres è locis sacris ablatos reveheret. Eo pacto justitiæ & pietati consultum; Cavarus pacis auctor, discusso periculosissimo bello, solus, sine armis triumphavit

phavit. In eadem tempora bella quæ inter Achæum & Attalum gesta sunt, incidere. Attalus, ut superius docui, Asiæ, Syriæ, Macedoniæque Regibus inter se digladiantibus, fatigatam Regum suorum armis Asiam integer ipse invasit; & velut imparem nactus luctatorem, facile in potestatem redegit. Pergami antea Dominus, aut si multum, Regulus, mox Rex, & diadematis capax, jura toti ferè cis Taurum Asiæ dabat, & quod ante illum nemo ausus erat, fortunæ suæ confidentiâ, *TOLISTOBOIOS*, sociosque, longâ felicitate insolentes ad modestiam deduxerat: sed, quæ rerum humanarum conditio est, ut frequenter dominos mutant, pluribus illusuræ, fors Attali, cum invideri posset, mox reperit non modò æmulum, sed & hostem. Seleucus enim Ceraunus Attalum in alieno regno se jactantem oppressurus, in Asiam properè abiit, comitem trahens Achæum, regiæ stirpi cognationis vinculo innexum. Sed Seleuco nova somnianti imperia, & armanti exercitus, mors etiam vitam abstulit, duosque illi fatales gladios objecit: nam Gallus quidam Apaturius & Nica-

nor dolis appetitum intèremère; causæ non produntur; proclive creditu est, ab Attalo esse ad hoc scelus armatos: quod ne diu impunitum maneret, comprehēsi ab Achæo, quæ fecere, passi sunt. Neque Attalus ipse tutior fuit, vno hoste sublato; cū nulla magna felicitas vnum tantum inimicum habeat; nam quod Seleucus minabatur, Achæus fecit; qui recuperatâ, mirâ celeritate, Asiâ, Attalū Pergami conclusum, intra pristinæ conditionis limites compegit; agrè jam regiū nomen defendentem, quod sibi interim Achæus sumpsit; pueritiæ ludum, & vices crederes, in Basilinda, pro tralatitio Regno, ridiculè dimicantis. Sed Attalo respirandi facultatem recens Achæo hostis subnatus dedit: Selgenses illum bello appetebant; quod dum trahitur, Attalus nova auxilia circumspicere, copias contrahere, suis quàm minimū, plurimū alienis niti; in Gallos etiam meliore animo esse, veteris odij superbiam miserîâ corrigente; cū præsens necessitas optima amicitiarum conciliatrix opportunas illi fortissimæ Gentis vires suggereret, & laudaret. Ex Galatiâ tamen, vbi

TOLISTO-BOIOS habitasse diximus, auxilia non poposcit; quod, uti ego interpretor, repul'am vereretur, risu, quam auxilijs eorum dignior, quorum opera nihil se indigere, primus omnium Asiæ Regum, iactaverat. Igitur trans Hellespontum, ex Thracia, uti opinor, Gallos evocat, iique magno numero venire; quos vxores liberi que plaustris vecti sequebantur, sive ut in Asia sedem fixuri, sive id Gallorum consuetudo ferebat; nam cum illis omnis in armis vita ageretur, & domum ferè cum castris eandem haberent, facilè per varios belli casus absumpta Gens fuisset, nisi intra vallum supplementum nasceretur. Neque id foeminis durum, viros etiam bello sequi; ut quæ scirent, in omnem vtriusque fortunæ societatem se nubere; & magnarum virtutum cogitationes, periculorumque patientiam, pro dote afferrent: viris porro ipsis maximum incitamentum virtutis, & omni classico fortius, vicinos vxorum, infantiumque ululatus audire, quibus monerentur, nunquam pro vna tantum anima se pugnare: filijs ipsis denique, qui patrem non nisi armatum aspi-

NOVA  
GALLO-  
RVM MA-  
NVS IN  
ASIAM  
TRANSMI-  
GRAT.

ciebant, quique non solum tyrocinia, sed & incunabula in castris ponebant, & infantie somnos ad cantus tubarum, non nutricum nœnias carpebant, virtus ipsa innascebatur; Cadmæam sobolem posses dicere, natam cum armis, vel certè ad arma. His ergo Attalus adjutus magnam partem Æolidis, & vi, dolove perditarum, proditarumque urbium recepit, & longo triumphos suos cursu propagavit; sed miles etiam inter victorias fatigabatur; sive quia & illæ sanguine constabant, sive, quæ propria Gallorum querela fuit, tam longæ eos jam viæ pigebat, qui totas secum domos traherent. Montes difficili ascensu, & tot objecta flumina, soli jucunda Attalo, cæteris odio erant; & satiati prædâ pro Regis ambitione minùs acriter pugnabant: nam rarò iusta prodigendi sanguinis causa militi est, sola ducis gloria. Interim cum supra Megistum amnem castra posuissent, hebescebat Luna fœdato lumine, & in tenebras versa omnium in se ora convertit; uti ferè cælum spectatores plures non habet, quàm ubi Sol, vel Luna vultum mutant. Et talia oculis tantum, & non ratione com-  
prehen-

ATTALVS  
GALLIS  
SOCIIS FE-  
LIX.

prehendentibus, vt rudi illo ævo, longè  
 terribiliora accidebant: colorem hunc  
 laborantis sideris interpretabantur, &  
 velut impendente cæli ruinâ, trepidabāt.  
 Galli certè palàm militiam detestaban-  
 tur, à qua etiam cælum videatur oculos  
 auertere, & communem lucem subdu-  
 cere, non nisi pessimis consilijs negatam;  
 se quidem cælo invito non pugnatu-  
 ros, nec Elementorum ordinem turbatu-  
 ros. Attalo jam aliàs Galli graves erant; con-  
 scientiâ virium insolentes, militarem di-  
 sciplinam, quæ ferè obedientiâ constat,  
 pervicaciâ corrūpebant; separatis castris  
 tendere soliti, eoque socijs etiam timen-  
 di, velut in manifesta secessione: jamque  
 sæpiùs Regi in mentem venerat, vt co-  
 ronâ cinctos militum lanienæ objiceret;  
 nisi metus infamiæ obstitisset, sine dubio  
 crudelitatem perfidiâque detestaturæ,  
 quòd sua signa ex ipsa vsque Europa se-  
 cutos tali stipendio remunerasset. Igitur  
 præsentì terrore, quem ijs superstitio, &  
 cælum incusserant, vsus, quod casus ob-  
 tulerat, in sapientiam vertit; promittit,  
 Gallis, ad Hellespontum se eos remissu-  
 rum, & si Europæ pœniteat, in Asia agros  
 affi-

assignaturum; gratiam ijs apud se integram sēper fore; curaturumque, ne quid frustra vnquam velint. Galli cū ad Hellespontum remigrassent, oram illam omnem infestam reddebant, & prædas ex agris oppidisque agebant: Ilium tandem etiam obsidere aggressi, ab Alexandrensis non illā solū vrbe, sed totā Troade sunt expulsi: qui captā in Abydena regione Arisbā vrbe, in spem venerunt omnibus eius tractus vrbibus potiundi. Sed Prusias internecino bello omnes oppressit, neq; à liberis quidem, conjugibusque manum abstinens: vt infelix illud agmen, iniquis fati. in Asiam attractum videri possit, vt illic tumultum reperiret. Proximo anno, bellum inter Antiochum & Ptolomæū, de Cælesyria, ortum, sequenti finitum est, Ptolomæo victore; & sub hoc quidem Gallos militasse; inter Antiochi autem Duces etiam Lysimachum Gallum fuisse comperio; at enim belli illius progressū pluribus persequi, consilij nostri non est: satis fuit tot documentis evicisse, nihil magnæ rei sine Gallis in Asia patratum; quanquam cum permixta TOLISTO-BOIORVM, cætera-

Polyb. l. 5.

Polyb. l. 4.

NIL MA-  
GNE REI  
SINE GAL-  
LIS IN  
ASIA GE-  
STVM.



ferarumq; Gentium Gallicarum arma es-  
 sent, neque triumphus hodie secerni pos-  
 sunt; mihi tamen religio fuit, etiam ea,  
 quæ illis cum alijs communia fuere, in-  
 dicta præterire. Nunc in Italiam, quò nos  
 ingens bellum vocat, revertamur. Me-  
 diolano, quemadmodum suprà diximus,  
 in potestatem Romanorū redactò, Boii,  
 Insubrèsque ingens vulnus acceperant;  
 videbanturque à belli consilijs depulsi,  
 ingenium ad otij patientiam inflexuri. In  
 quartum jam annum quieverant, quò  
 Boii iterum universam Galliam excita-  
 runt. Duæ eo anno coloniae à Romanis  
 decretæ erant, Placentiam altera eis Pa-  
 dum, in ipsum Boiorum agrum; Cre-  
 monam altera, ultra flumen deducenda;  
 duodecim hominum millibus, è Latio  
 in utramque descriptis: id scilicet Boiis  
 intolerabile visum, Romanorum super-  
 biam ex eo facto æstimantibus; ab ijs se-  
 nuper in fide acceptos, sub pulchro  
 nomine, in servitutem detrudi, & turpif-  
 simam quidem illam; nam neque hoc sal-  
 tem honori suo, nominique datum esse,  
 ut Romani in agrum suum, Coloni im-  
 mitterentur, quorum Fortunæ Gallica,

*Polyb. l. 9.**Liv. l. 21.**Ascon. in**Orat. Cic.**contra Pisum**A. V. C. 530.*

COLONIA

DEDUCTÆ

IN AGRVM

GALLI-

CVM NO-

VOS MOTVS

CREANT.

Vise



Virtus minùs verecundaretur. subjeci;  
 nunc Latinos cervicibus suis impositos  
 esse, quales Dominos! quos neque ami-  
 corum, sed neque hostium quidem no-  
 mine vnquam dignati fuissent. Hæc ad  
 conciliandam novis Colonijs invidiam  
 tumidè jactata; facilem porrò vindictæ  
 spem ingens per ea tempora res ostende-  
 bat; Annibal fatalis patriæ suæ Dux, &  
 Romæ hostis, commodùm excisâ Sagun-  
 to in Italiam properabat, odia in illam  
 sua exoneraturus, quæ puer admodum,  
 tactis aris, sibi cum Romanis immortalia  
 fore juraverat; BOII novi belli famâ pa-  
 scebantur, & periclitantibus Romanis  
 tacitè insultabant; quorum felicitatem  
 tandem aliquando expiraturam omina-  
 bantur; quò ne ipsi nihil contulisse viderentur,  
 in illorum perniciem in Italia  
 bella, extra illam odia conflabant; certè  
 coloniarum indignitatem, & reliqua,  
 quæ patienda victis erant, in majus extol-  
 lentes, in ipsam vsq; Transalpinam Gal-  
 liam, veterem patriam suam, nuncios di-  
 misere, qui Romam invisam redderent;  
 quod facile fuit apud liberam Gentem,  
 quæ promptas haberet irarum causas, &  
 accer-

ANNIBA-  
 LIS FAV-  
 TORES  
 BOII.

acerrimas in eos, qui alienæ libertati infidiarentur. Quò factum est, ut cum, eadem tempestate, Legati Romani, peragrata Hispaniâ, in Galliam divertissent, & civitates, populósque adirent, ut eos à Pænorum amicitia averterent, persuaderéntque, ne Annibali per suas vrbes, regionésque transitum darent; ea oratio velut delirantium, totâ Galliâ exploderetur; quærentibus subinde Gallis, quænam ea Romanorum verecundia esset, petentium, ut Galli viles animas impendant, & pectora sua pro scuto obijciant, ne Punicus gladius Romanos possit attingere? ecquodnam illorum tantum in se beneficium sit, quòd veluti à clientibus exigant, ut ferrum ipsi stringant, aut alienum excipiant, nè malè sit patronis? nimirum caput orbis terrarum Romanæ esse, pro cuius incolumitatē manibus, pedibúsque sit laborandum; malum potius ijs deberi, qui Gentis suæ homines, iniquis armis, & iniquioribus legibus, possessionibus suis deicere ferantur: stultè illos facere, qui Gallos extra Italiam, amicos suos velint, quos intra eandem, hostium numero habeant. Ita tota legatio

Liv. l. 22.

LEGATORVM ROM.  
IN GALLIA EX-  
PLOSA  
ORATIO.

BOII PLA-  
CENTI-  
NAM COL.  
VEXANT.

Polib. l. 3.

LEGATI A  
BOIIS COM-  
PREHENS.

tio irrita, irritaque fuit. BOII interim,  
Insubribus in societatem defectionis at-  
tractis, arma corripunt, & in ipsum no-  
væ coloniae Placentinae agrum infesti ir-  
rumpunt; quorum impetu non modò  
rustica plebs perculsa est, sed & ipsi adeò  
Triumviri Romani, C. Luctatius, C. Ser-  
vilius, T. Annius, quòd mœnibus Pla-  
centiae diffiderent, Mutinam trepidi con-  
fugere. Apparebat, BOIIS, dum iræ suæ  
obsequerentur, cetera omnia neglectui  
esse; hinc neque obsidum quidem respec-  
tu commovebantur, quos nuper Ro-  
mani ab ijs exegerant; etsi illorum salus  
his molitionibus in extremum discrimen  
adduceretur. Nihilominus ipsam etiam  
Mutinam obsidere aggressi, civitatem in  
eas angustias rede gere, vt, cum aliunde  
spes non affulgeret, Triumviri collo-  
quendi sibi cum Gallis copiam fieri pe-  
tierint; quâ non difficulter impetratâ,  
vrbe egressi à Gallis comprehenduntur,  
frustra divina, & humana jura inclaman-  
tes; id enim modò à Gallis respondeba-  
tur, simul atque sui sibi obsides redde-  
rentur, eosdem liberos fore. Indignitas  
facti L. Manlium Pratorem impulit, vt

VIO-

violatam in Legatis fidem publicam vitum iret; sed eventus felicitatem, quam bona causa merebatur, ira corrumpit, quæ Prætozem incautum, cui proxima omnia tutissima videbantur, bis in insidias præcipitavit. Circa viam silvæ erant, quas Boii, cùm de adventu Manlij cognovissent, taciti infedère; in easdem Manlius <sup>ROMANA</sup> fraudis securus, in composito agmine, <sup>BOIIS BIS</sup> ingressus, hostem tum demum sensit, <sup>CÆSI.</sup> cùm jam supra caput esset. Boii enim, ubi opportunum fuit, vndique, magno numero, coorti, non antè cadendorum finem Romanorum fecere, quàm ij ex silvis in planiciem emerissent. Illic trepidi castris locum cepere, eodémque communito, operæ precium se fecisse existimarunt, quòd Boios ab oppugnatione abstinere animadvertèrent; sed illi prioris consilij felicitatem amplexi, iterum silvis se condiderant, rati, Romanos simplici malo nondum sapere didicisse: neque fefellit conjectura; per patentia primùm loca ingressus Prætor, mox quasi securitatis pigeret, iterum fatales silvas subiit: Boii occasione usi, in extremum agmen repentè irrumpunt, octingentos

N occi-

occidunt, sex signa adimunt; reliquis salutis planities fuit, & Cannetum vicus Pado vicinus, quò se pavidì recepere; qui tumultuario opere munitus, cum eodem etiam Gallorum Brixianorum auxilia confluerent, facilèmq; com meatum flumen præberet, Romanis pro munimento adversus Gallorum quotidie crescentes copias fuit. Cladis acceptæ, & præsentis periculi fama, Romanos ad ferenda in tempore auxilia impulit; missus è C. Arilius Prætor, cum legione Romana una, & quinque millibus sociorum, novo delectu, conscriptis, hostem non reperit; nam Boii, sive obsidionis tædio, sive periculi metu, Canneto, ante Prætoris adventum, discesserant.

## V.

Liv. Polyb.

MATALVS  
BOIORVM  
REX AV-  
CTOR AN-  
NIBALI IN  
ITALIAM  
TRANS-  
CENDEN-  
TI.

AD Annibalem interea, cum superato Rhodano, incertus consilij hæreret, retinebatne Italiam peteret, an potiùs Scipioni, vel cuicunque alteri Romano Duci, ubi ubi fors sibi hostilem exercitum objecisset, copiam pugnae faceret, Boiorum Legati, interque ipsos Matalus Regulus, quem Polybius Magilum vocat, accessere; à quo primùm illi omnis exempta de ratione itineris dubitatio est; dum

dum multis ostendit , consultissimum, esse, integris viribus Italiam, & ipsam, adeò belli arcem Romam petere; Jugulum hostis, non nisi in patria peti, quæ quamdiu salva sit, numquam rectè ipsum dici victum; commeatum ex hostili solo posse gratis peti, eoque sapidiorem esse; & magnam partem victoriæ videri, aliab hoste, eidemque de possessione illud saltem decerpere, quod metandis castris occupatur; id denique primum esse bel- lantium consilium debere, hosti ubique agrè facere; atqui Romanos clarè demonstasse, vbivis gentium pugnare se, quàm in Italia malle; Scipionem certè alterum Consulem exercitum in Galliam deportasse, eâ spe, vt illic cum Annibale congredetur; cuius si ipsum voti Annibal compotem faciat, amicè, non hostiliter facturum. Hæc Matali oratio vbi placita, comprobataque Annibali est, eundem etiam in concionem producit, militi confirmando, qui olim ad Alpium famam, tunc multò magis ad earundem aspectum trepidabat, horrebátque Italiam, quam natura, eductis ad cælum vsque munimentis, sepsisset. Facile fuit,

• MATALVS  
POENIS  
HORRO-  
REM AL-  
PIVM ADI-  
MIT.

Matalo hunc metum eripere Poenis, uti-  
que postquam se alas habere negavit, &  
illud ipsum iter pedibus mensum, quod  
olim Majores sui virtute sibi aperuissent,  
ingenti exercitu traducto: & nunc se in-  
super ducem fore; quanquam virtuti et-  
jam incomitata nihil esse possit inacces-  
sum: illa ipsa condita nubibus juga acue-  
re potius animos illorum debere, quàm  
minuere, cogitantium nobilis soli indi-  
cium esse, tam diligenter custodiri; pre-  
tiosissima quæq; ab oculis esse submota.  
Ingressus deinde delicias Italiæ narrare,  
facile pervicit, ut timiditas avaritiæ ce-  
deret. Sic per interpretem locutus Matal-  
lus, cum concione excessisset, & subsecu-  
tus Annibal opportunâ etiam ipse ora-  
tione apud præparatos jam animos vte-  
retur, summâ militum alacritate auditus  
est, jubentium, fortunâ suâ vteretur, pro  
illius se gloria contra hominum, loco-

• MATALVS  
POENOS  
IN ITA-  
LIAM DV-  
CIT.

rûmque iniquitatem pugnatu-  
ros. Igitur duce Matalo, cæterisque legatis, Alpes  
quintodecimo die superavit; in quibus  
etsi dira multa passus est, tanta tamen il-  
lius audaciæ fama fuit, ut historiarum,  
Scriptores quidam narrando deficerent,

&

& cùm majus humano ingenio viribûsq; id opus crederent, etiam Semideos cælo devocarent Annibali Duces; quod sine dubio vanissimum est, cùm præter Matalum BOIORVM Regulum, sociosque, Heroum nemo Annibali Alpes aperuerit.

PRIMUM illius in Italia facinus fuit, Taurinorum expugnatio, qui ad radices Alpium siti bellum Insuëtribus moverât; illos cùm ad incundam secum amicitiam pellicere non posset, tridui oppugnatione in potestatem redegit. Id multum valuit ad Gallorum animos occupandos; pleriq; omnes admiratione virtutis Pœno conciliati, illius partes secuti sunt; quosdam, ne idem auderent, præsentia Romani Consulis P. Scipionis cohibuit; qui de adventu Annibalis in Italiam certior factus, quantis maximis itineribus potuit, ad Padum contendit, ut primo quoque tempore cum hoste conflingeret; cuius ferociam, quantacunque esset, jam ab ipsis Alpibus domitam, intérque nives, & frigora ambustam, & fractâ fame, sibi persuaserat; adeoque non tam cum hominibus, quàm cum larvis credebat

VI.



esse luctandum: debuit nimirum etiam hic augere militaris stultitiæ exempla, quæ hostem nunquam sine pernicie contempsit. Robur exercitus sui Cneo fratri dederat in Hispaniam deportandum; in vicem tyrones succenturiaverat, quibus Manlius, & Atilius contra Boios nuper infelicitè vñ fuerant; cum hoc exercitu non tam ad pugnam, quàm certam victoriam properavit: Et erat sanè Punicus miles numero, & viribus minutus; nam cùm à Rhodano, octo, & triginta peditum millia, equitum octo & ampliùs secum Annibal ad Alpes duxisset; inter illas, dimidià propè parte multatus, in Italiam descenderat, vt prorsus historicâ fide à Silio narratum credi fas sit, in primo illo, ad Ticinum, prælio, BOIORVM maxime virtute, qui primam sibi aciem depoposcerant, ab Annibale victoriam stetit. Chrixus agmen ducebat, ab atavo Brenno, qui Romam olim ceperat, genus jactans, cujus etiam victoriam depictam scuto ferebat, acrem ad pares ausus stimulum: hic, cum BOIIS suis, vndarum more, vndique sese infundens, nec locum, nec spatium pugnâdi Punico agmini da-

BOIORVM  
VIRTUTE  
ANNIBAL  
ROM. PRI-  
MO PRÆ-  
LIO SVPE-  
RAT.

ni dabat, quasi suæ tantum virtuti campus ille pateret, novosque socios spectatores, quam commilitones mallet: atque hic sive ambitiosus ardor Annibali se probantium, sive vetus in Romanos furor non antè refrixit, quam Chrixus viritum cum Scipione Consule dimicans, hastâ ab illo confixus, occubuit; juvat vltima Chixi, militaris plena tumoris, verba audire, quæ vnâ cum trabali hastâ effudit,

CHRIXI  
BOIORVM  
REGVLI  
VIRTVS ET  
MORS.

*Nemône incenso captaq, superfuit urbi?  
Vt tibi, quas Brenni populus ferremus in arma,  
Narraret dextrâ; disce en nunc.*

Sill. 4.

Cui Scipio, fatale telum etiam ipse feroci dicto animans, hæc in vicem regessit morituro,

*Ferre hoc umbris, proavôque memento,  
Quam procul occumbas sæpeliâ à sede; tibi que  
Haud licitum sacri Capitolia cernere montis.*

Chrixo ergo cadente, etiam Boiis animi recedere, & in pugna, victoriæque partem tãdem Pœnus est admissus. Cùm ad Padum hæreret Annibal, vndique ad eum, è circumjacētibus regionibus, Galli confluebant, sed & illi, qui inviti Romanis immixti copijs, jam dudum animo apud Annibalem erant, eruptione tentatâ,

Liv. 69. Po-  
lyb. ibidem.

BOII AN-  
NIBALI  
FIDEM  
SVAM IAS-  
CIANT.

tatâ, vigilibus ad portam castrorum trucidatis, eorundemque capitibus præcis, ad Poenos transfugiunt, capita ipsa, velut obsides fidei suæ, gratum Duci sanguinario spectaculum apportant; à quibus ne BOII munere vinceretur, Triumviros coloniis deducēdis præfectos, Mutinæ, quemadmodum suprâ diximus, interceptos, in illius manus vivos tradunt; sed Annibal, laudatâ illorum voluntate, negabat novis constantis in se animi documentis opus esse; remissisque Triumviris, eorum permutatione liberare illos obsides suos jubet; reliquos donis, promissisque oneratos in civitates suas dimisit, ipsorum operâ ad conciliandos reliquorum Gallorum animos vsurus; eo eventu, vt omnes Galliæ Populi, præter solos Cenomannos, Annibalis amicitiam amplexi, Romanorū se hostes professi sint. Atque hoc maximè tempore, inter Gallos, & Annibalem fœdus illud ictum existimo, de quo Plutarchus, & Polyænus meminere, cuius quidem reliqua capita interciderunt; vnum tamē, quod etiamnum extat, huc apponere lubet, etsi ridiculum est: quo cautum erat, siquis

Car-

Plut. l. de  
Virtut. mu-  
lierum.  
Polyænus l. 7.  
Strateg.

Carthaginensis homini Gallo, fraude,  
 dolove malo, injuriam fecisset, cuiusce  
 iniurię auctorem apud Carthaginensium  
 Duces, præfectosque reum peragendum  
 esse: quod si quis Gallo litem intendisset,  
 causę cognitionem ad Gallorum vxores  
 pertinere, easque ex æquo, & bono arbi-  
 tras, & iudices fore. Porro cur fœminis  
 permixta tribunalia fuerint, contra Gen-  
 tium ferè cæterarum morem, apud quas  
 concessa illi sexui obsequij gloriâ, judi-  
 cia inter viriles curas reponuntur, hæc ab  
 iisdem auctoribus causa affertur. Prius-  
 quam Galli Italiam patrię charitati præ-  
 tulere, atrox universam Gentē dissidium  
 in partes distraxerat, quod plus quàm ci-  
 vilibus nutritum odijs, in apertum tan-  
 dem erupit bellum; & stabant jam instru-  
 ctæ acies; eadem vtrinque arma, & signa,  
 stultas arguentia iras, & dominis suis ve-  
 recundiora; gliscebátque jam pugna, vi-  
 ctis, & victoribus ex æquo luctuosa; cum  
 fœminæ tunc certè viris sapientiores, ex  
 transverso, impetu facto, inter vtramque  
 se aciem intulere, & apposita oratione  
 tela primùm, deinde etiam, iras maritis  
 extorsere, implicatam etiam litem, quæ

GALLO-  
 RVM Vxo-  
 RIBVS CVR  
 IVDICIA  
 CONCESSA.

bello causam dederat, quàmque velut Gordium nodum, non nisi gladio scindi posse viri rebantur, tantâ ingenij dexteritate solvère, vt jam ijs sanctum aliquid, & providum inesse crederent, & in posterum etiam decernerent, in consultationibus, de pace, bellòve, nunquam hoc tam certum oraculum esse negligendum; & lites, domi, forisq̃ue ortas, ex mulierum potissimùm sententiâ, decidendas; quòd semel non importuna locuræ, crederentur omnibus horis sapere. Scipio interim, & vulnere suo, & nuperæ pugnae insperato exitu cautior, cunctantiórque factus, Annibalem vitabundus, Trebia flumine transito, tutissimis locis castra metatus, Collegam, & melioris occasionem fortunæ opperiebatur; cœperátque jam arte iliâ vti, qua sola vinci posse Annibalem, usu deinceps plurium annorũ, & magnis cladibus compertum; sed Sempronius alter Consul tumidus animi, ne malo potiùs alieno, quàm suo saperet, cum Scipione castris conjunctus, consilij ab illo dissidebat; tanto commodior Annibali Dux, quanto avidior pugnae; nam cum Pœnus in Boiis, ceterisq̃ue  
fœde-

fœderātis Gallis magnas haberet spes si-  
 tas, optabat, primo Gentis impetu uti,  
 antequam morâ refrigeret. Vulnera-  
 tum insuper Consulem integro plus ti-  
 mebat; cōque cupiebat illum à pugna  
 abesse; denique famam, quam apud Gal-  
 los concitaret, non nisi triumphis ali  
 posse nōrat; & admirationem sui mori-  
 turam, simul atque admiranda facere de-  
 sisset; adeoque sibi minùs per amicos,  
 quàm per hostes otioso esse licere. Gallos  
 igitur ad exploranda hostium consilia,  
 emittebat, quòd & locorum erant gna-  
 riores, & minore cum periculo id facturi  
 videbantur; cū enim in vtroque exer-  
 citu Galli militarent, etiam, hostilibus  
 castris obequitare, poterant, linguâ, &  
 cultu corporis defensi. His ergo specula-  
 toribus intelligit Annibal, Sempronium  
 ardore incredibili in pugnam, ferri; qui  
 ne inteperceret, Annibal circumspecto  
 insidijs loco, & optimè instructâ acie,  
 hostem facilè obsequentem elicit, eū-  
 que, quia raptim omnia fiebant, neque  
 contra frigora jam acia id temporis, ne-  
 que adversum famem munitum; ut ma-  
 lo vtroque victum & fatiscentem Pœni  
 per

ALTERA  
 ANNIBA-  
 LIS PUGNA  
 AD TRE-  
 BIAM.

per otium propè conficerent: Gallorum tamen, quos Annibal Afrorum copijs firmandis, media acie collocaverat, magna à Romanis, quorum decem millia illic perruperant, strages facta; & cætero quietiam Annibali ea victoria multo sanguine stetit. Eo anno Annibal in Gallorum agro hybernavit, non valde æquis illorum animis; nam ij novum hospitem, vt benignum aliquod, & auxiliare fidus exceperant; eo duce, ad magnas opes, quæque alia in mortalium votis prima sunt, irrupturi; neque credebant, malo quemquam plectendum, nisi quem ipsi plexum vellent: sperabant denique ruinâ Romanæ urbis, vetera se, novaque odia satiaturus: nunc cum patriam suam sedem belli viderent, & hostem simul, hospitẽque vivere de suo, & post impensum bellis sanguinem, rem etiam familiarem, militaribus viris sanguine ferè chariorem, imminui; id scilicet, vt irritabilis est avaritia, cum cogiture esse liberalis, non tantum Gallorum benevolentiam in Pœnos refrigeravit, sed ipsum, etiam Annibalem reddidit exosum; & si illorum consilijs constantia, & silentium non

Liv. l. 22.

GALLI  
ANNIBALI  
OB HY-  
BERNA IN-  
FENSI.

non defuissent, Romam longo bello, & formidabili hoste liberassent; certè sæpius de Annibalis capite Gallorum Principum habita comitia; sed eadem levitate, qua coaluerant, evulgata; Et Annibal, ut erat ingenio vafro, facilè deprehendebat, homines, qui nullâ arte Punica instructi dolos nescirent astu colere, alieniore à se animo esse; proinde ijs fallendis tum alia plura excogitavit, tum sutilium capillamentorum crobylos, qui omnes ætates mentirentur, identidem capiti injiciebat, & novus Vertumnus aliàs ex ævo viridi in senium transiliebat, aliàs ex cano juvenescens, quotidie novus prodibat Annibal, omnibus oris notis adeò confusis, ut illum neque sui agnoscerent, & inventum tamen quærent.

ANNIBAL  
GALLO-  
RVM INSI-  
DIAS ASTV  
EVITAT.

IN proximum annum Consules creati Cn. Servilius, & C. Flaminius, & quidem posterior hic vetus BOICI nominis hostis, ut suprà commemoratum est, tandemque vexatè, injustis actionibus, Gentii, hoc anno, pœnas daturus. Annibal cum appetente vere castra movisset, moræ, quàm laboris impatientior, iniquis-

VII.

ANTE Ch.  
N. CCXV.  
V.C. 537.

fimo.



simò itinere exercitum duxit, ad eò nulla suorum cura, dum animo suo obsequeretur, ut paludibus, cænoque innatantes, & quatrìdui, trìnòcti que miserimo pervigilio tortos, ipse elephanto sublimis; qui vnus supererat, præ se ageret; quanquam castigata est illa immanitas, oculorum altero, quem fœditas spectaculi non mouerat, ex palustris cæli gravitate, extillante; dum ille oculum mavult, quàm belli occasionem, perdere, ut quamprimùm Capitolium, quò anhelabat, victum, quamvis luscus aspiceret. **B O I O R V M** eo in itinere, cæterorùmque Gallorum durissimæ vices fuere, ita enim, callidus Dux instituerat, ut in medium compulsi agmen, jam proculcato, depressòque omni, qui vîquam extaret, cespite, nullum paulò humanius vestigium aspicerent; & ne dilabi possent, Numidarum agmen, cogentium, tergòque inhærentium impulsu vrgerentur; multi cùm miseriarum finem nullum viderent, eum morte quærebant; cuius, uti & sepulchri, obvia potestas fuit, caput cæno mergentibus. Vbi tandem ex illa fatali palude eluctatus est

est Annibal, id primum curæ habuit, hostium res, & consilia, & imprimis ipsius ingenium. Ducis uti planissimè cognosceret, in quorum ultimò verti spem victoriæ haud vanè arbitrabatur; nam hostis moribus qui se non attemperet, stultius facere, quàm qui navigans velum, nolit vento obvertere; optimum, Duci consiliarium hostem esse; nam qui ex suo tantùm, & non illius etiam capite, genioque consilia depromat, nihil sapere. Intelligit igitur per exploratores, cum impotenti sibi adversario rem fore; nam, Flaminius feroci armatus linguâ, cùm in foro Romano sæpius pugnas dedisset, Patrùmque auctoritatem, in mala causa, victor profligasset, & ante sex insuper annos, Insubres, & Boios fatigasset; hoc ipso, quia à Fortuna, deceptus nunquam erat, insolenter sese eferebat. Annibal gnarus, quibus quisque artibus petendus esset, ut insaniam illius opportunâ illecebrâ inescaret, Hetruriam populabundus vastat, ratus acrem virum damna sociorum non neglecturum: tandèmq; quâ Thrasymentis lacus montes Cortonenses subit, lacum sequi-

Sill. 6.

TERTIA  
ANNIBA-  
LIS AD  
THRASY-  
MENVM  
PVGNA.

secutus, iisdem se montibus conditus,  
& dolo iterum, & virtute pugnaturus,  
aptum utriusque locum circumspicit. Fla-  
minium, ne sequeretur, omnia dehorta-  
bantur, si, quàm egens monitoris, tam  
etiam patiens fuisset. Contrariis ipse au-  
spicijs omnibus, sanioribusque consi-  
lijs BOTOS à se nuper victos opponebat;  
& si qua Silio fides, indutus Gargeni BO-  
IORVM quondam Regis galeam, & vete-  
ris triumphis monimentis insignis, eiùsce  
dici fortunam representaturum se victri-  
ci Romæ jaçtans, verborum, animique,  
immodicus, periturum agmen in perni-  
ciem trahebat. Annibal ubi temerarium  
Consulem, velut cavēā inclusum nactus  
est, dat omnibus signum invadendi; si-  
mulque in frontem, tergum, & latera  
pugnari coeptum; si tamen ea pugna di-  
cenda est, & non cades potiùs, cum Ro-  
manis ferè nihil relictum esset, præter ho-  
nestæ mortis gloriam, si non inulti ceci-  
dissent. Tres tamen horæ, impari cer-  
tamine, absumptæ, neque otiosum vl-  
lum ferrum fuit, adeoque aversus à rerum  
aliarum sensu omnium animus, ut gravis-  
simum terræ motū, qui prælio fervente,  
ne

ne simplici malo Italia quateretur, nihilo mitius eandem aggressus, vrbes, montes, flumina, maria miscuit, cuius impetum elementa suis sedibus mota senserunt, nemo tamen pugnantiũ adverterit. Verũ cũ cætera fortitudinis exempla communis pugnae perturbatio obruerit, confuderitque eorum auctores, BOIORVM tamen virtus eo prælio ita eminuit, vt cũ apud omnes constet, cæsi Consulis gloriam Gallis deberi, viri etiam nomen supersit, qui illud commune omnium Galorum odium, felici dextrâ & hastâ confixit. Is Ducarius fuit, qui Livio quidem Insuber, Silio BOIVS est, qui volitantem inter gladios Consullem, & nequidquam laborantem, quomodo lapsam aciem manu restitueret, quam antea stultitiâ suâ ipse inclinaverat, agnoscens, popularibus suis ostendit, & hic, inquit, ille vir est, qui in nos legibus & armis grassatus, agro, vitâque exturbare BOIOS jam olim studuit: nimirum hic parentes nostros in triumphum duxit, & adhuc vivit? equidem nisi hunc Orco transmitto, dignus sim, quem ipse in Capitolio discingat: simul cum dicto

BOIORVM  
EO PRÆLIO  
VIRTUS.

O

ad-

DUCARIUS  
BOIORVM  
HOSTEM  
FLAMI-  
NIUM COS.  
OBTRVN-  
CAT.

admisso equo infestam in Consulem hastam dirigit, perruptoque cuneo, quo erat septus, occisoque primùm armigero, qui se irruenti objecerat, Consul is latus hausit, detracto ex equo caput avulsi, & civium fœdè peremptorum Manibus, justoque BOIORVM dolori egregiè parentavit; id solum ad opimum decus defuit, quòd spoliare volentem Triarii repulere. Tum denique licuit ferrum condere, cùm Ducarius vnicum hunc plenæ victoriæ obicem forti manu sustulisset. Quindecim millia Romanorum in acie cæsa sunt; Thrasymenus exinde haud immeritò tertium fulmen Annibalis dictus, & Prætor Rom. populo cladem denunciaturus tristissimam vocem emisit, Pugnâ, inquit, magnâ-victi sumus. Facto Ducarij ingens apud Annibalem graria, eximia in vulgus gloria fuit, idque velut vnicum Virtutis exemplum concionabundus Annibal animando militi proponebat; hinc illa eiusdem suos ad Nollam oppugnandam accendentis vox fuit, Vbi ille meus miles est, qui erepto ex equo Caio Flaminio caput abstulit? Prolapsam Romanam rem Q. Fab. Max. cunctando

Etando restituit, novo sine dubio genere  
 pugnae usus, cum nihil agendo omnia  
 ageret, ob eam ipsam artem, qua Romam  
 servabat, ingratae patriae invisus; hanc ta-  
 men. Annibali hosti, & iratae Fortunae  
 confessionem. extorsit, Romanos hoc  
 duce vinci non posse; quod quidem tum  
 triumpho instar fuit; nam victoriā aliam,  
 rebus ita afflictis, sperare neque ipsa Ro-  
 ma debuit: id quod sequens annus tristi  
 experimento probavit, cum urbem ite-  
 rum cauti magistratus poenituit, & Con-  
 sul Flaminio, Sempronioque furiosior.  
 quaesitus est, quasi id sedulo ageretur, ne  
 ad perniciem ruentibus opportunus dux  
 deesset. C. Terentius Varro is fuit, qui  
 Cannas omni aëvo nobiles fecit; ubi qua-  
 draginta Romanorum millibus trucidatis  
 infamem tumulum struxit. Pugna ca-  
 tum demum finita fuit, cum ipse Anni-  
 bal, quo nemo Romanum sanguinem  
 intemperantiùs sitivit, hausitque, co tan-  
 dem ebrius militi imperavit, modestissi-  
 mo, quod unquam dedit, mandato, Par-  
 ce ferro; cum fluvius Aufidus plus pro-  
 pè cruoris, quàm aquarum volveret, &  
 ne pons flumini cederet, occisorum ca-

FABIVS  
 CUNCTAN-  
 DO REM RE-  
 STITVIT.

CANNAE  
 NOVA ROM.  
 CLADE NO-  
 BILITATÆ.

*Plin. l. 33. c. 1.*

ANTE Ch.

N. CCXIV.

*Polyb. l. 3.*

POSTHUMIUS PR.

ROM. CVM

TOTO EX-

ERCITV A

BOIIS CÆ-

SVS.

*Liv. l. 23.*

*Zon. t. 2.*

*Front. l. 1. c. 6.*

davera alicubi pontis vsum præberent: ahulorum, qui casis detracti sunt, tres modios Plinius non vanus auctor in curia Carthaginensi effusos in ostentationem, æstimationemque victoriæ memorat; neque dubium est, si Annibal victoriâ vti scivisset, eum, quinto, ab hac clade, die, in Capitolio epulaturum fuisse. Gallos huic pugna interfuisse certum est; de Boiis sigillatim, quia nihil ex vano haustum velim, non ausim affirmare; illud constat, L. Posthumium Prætorem Consulem designatum, hoc anno in Galliam provinciam eo consilio missum fuisse, ut omnibus bellicæ vastitatis exemplis illic editis, Boiis patriæ charitate ab Annibale avellerentur; habebat Posthumius sub signis, Romanorum sociorumque viginti quinque millia, quæ foediore clade, quam Cannensis fuit, funditus à Boiis deleta sunt, ne illius anni funera elugere Roma posset: Traducendus erat Posthumio per vastam silvam, exercitus, Litana ea Gallis dicebatur, id cum Boiis exploratum haberent, consilium capiunt hostis sine ferro conficiendi. Arbores ea in silva abscidere, tantum,

ut

vt summa species earum stantium relinqueretur; tum vbi se totus saltu condidit Rom. exercitus, arborum vltimas impellunt, eæ in proximas, atque illæ in alias, aliâsq; inclinatæ, vnâ secum omnes ruinâ traxere. Miserabilis erat calamitatis facies; arma, viri, quicquid equorum, hominûmque fuit, fortes, ignavi pariter, vivi sepulchrum nacti, sine hoste moriebantur; & quod tristissimum, armatis, nullus ferri vsus, nisi fortè ad properandam necem, relinquebatur: vix decem, novæ cladis nunciij crepsere; nam cæteros, quos ruina non sepeliverat, vbi vbi eluctati essent, Boii, qui saltum velut indagine cinxerant, exceptos trucidabant; pauculi capti, qui cum ad pontem evassissent, in hostium manus incidere, Posthumius cum & ipse è silva, emerisset, summâ vi obluctatus, ne vivus in potestatem hostium veniret, fortiter pugnans occubuit. In illius deinde corpus sævi-

Ex Post-  
humii Cal-  
va pocu-  
lum.



Præda ingens relata; quæ cuique chara  
 vel domo exportata, vel parta rapto, è  
 ruinis sine invidia, cruebantur. Nun-  
 quam omnino levioꝛe impendio victo-  
 riâ, opibûsque aucti Boiî etiam il-  
 lius nominis infamiam absterſere, quâ  
 vulgò à Romanis Galli omnes, malevo-  
 lentiâ naturæ, impetum, pro ingenio,  
 & furorem, pro ratione accepisse, cre-  
 debantur; neque enim vel Poſthu-  
 mius, vel Romanorum, adeò quifquam, in  
 hoc Boiorum consilio, ingenium, so-  
 lertiâque, quantum ſatis eſt, deſiderave-  
 rit. Solatii interim juſtum totius Galli-  
 cæ Gentis dolorem ſunt, quam latere,  
 non potuit repetitum Romæ ex fatalibus  
 libris priore anno funeſtum ſacrificium,  
 quo præter Græcum, & Græcam, Gallus,  
 & Galla ſub terram vivi demiffi, deſoſi-  
 que ſunt; cùm Boiî, pro duobus ſuæ  
 Gentis hominibus, Romanum exerci-  
 tum vivum ſepeliſſent; & quia crudele  
 factum ſuum Romani religionem inter-  
 pretabantur, poterant Boiî exemplum  
 ſecuti videri, cùm calvam Prætoris auro  
 cultâ inter ſacra cimelia repoſuere. Hu-  
 ius cladiſ fama Romam perlata, nondum  
 deter-

deterfis oculis novam complorationem imperavit; feriatuſ cætera populuſ, ſoli tritiſtiæ, per plures dieſ operabatur; donec lacrymę non ſpontè, ſed imperio publico ſiccarentur; Conſul etiam verba reperit, quibuſ Patreſ, Plebémque ſolaretur, miſero illo colore uſuſ, Graviora paſſoſ; & Deoſ olim etiam hiſ finem daturuſ; faſſuſ nullam rationem ſuppetere, exigendæ de Boiſ vindictæ; nam cum ab Annibale juguluſ Reipub. foderetur, illic ſcuta objicienda eſſe; reliqua vulnera diſſimulatione interim tergenda, tegendaque: perituroſ ſe, ſi tantum audeant, quantum dolor, & ira ſua deant: proinde vtrumque tantisper cum amiſſo exercitu ſepelienduſ, donec ſimul omnibuſ, more Romano, parentati, ex voto, & uſu publico poſſit. Ab vltima Cannenſi pugna, & ſtrage Litaniana obſcurior Boioruſ, Galloruſ quini-  
mò omnium ſub Annibale militantium, eſt memoria; quanquam id mirum videri non poteſt; cum Annibal ipſe, quaſi ad ſummum claritatis gradum veniſſet, ægre primùm conſiſteret; mox etiam non tam deſcendere, quàm decidere videretur;

**ANNIBALIS** retur; certè deinceps vinci cœpit, vitij  
**MILES VO-** primum, deinde armis; nam cùm hyber-  
**LVPTATI-** na militi suo circumspiceret, Campa-  
**BVS VICTVS.** niam corporibus quidem salubrem, sed  
 pestilentem moribus elegit; in illo volu-  
 ptatũ diversorio solutus est vigor, quem  
 neque Alpes, neque nives, neque ipsum  
 adeò Romanum ferrũ hebetavit; vt non  
 immeritò dictum fuerit, Annibali Cam-  
 paniam Cannas fuisse, tantò quidem sæ-  
 viores, quantò infamius est, à Venere, &  
 Baccho vinci, quàm à Marte in trium-  
 phum duci.

### VIII.

**ITA QVE** cùm Romanorum res me-  
 liusculè iret, Prætores iterum in Galliam  
 cum legionibus binis, pluribúve missi;  
 credo, si maioris rei gerendæ facultas non  
 daretur, vt Colonijs præsidio essent, &  
**BOIORVM**, sociorũque audacia, hoc

**ANTE C.N.**  
**CCV.**

**ASDRUBA-**  
**LIS ADVEN-**  
**TVS IN ITA-**  
**LIAM GAL-**  
**LOS ITE-**  
**RVM EXCI-**  
**TAT.**

freno injecto, frangeretur; idcirco quie-  
 ta illic omnia erant, vsque ad annum bel-  
 li Punici duodecesimum, quo Asdruba-  
 Annibalis frater, cum novo exercitu, ex  
 Hispania per Alpes in Italiam transgres-  
 sus, Romanis curam duplicavit; Gallo-  
 rum, quos ad signa sua, proposito vbere  
 stipendio, vocavit, animos auxit; crede-  
 ban:

bant nihil aufuram cōtra duos Romanos, neque vni parem; Annibalem totam Italiā Romano sanguine rigasse, fratrem jam ad vltimam messē venire, cum recenti ferro; gaudebant ab eo se ad legenda spolia, grandi pecunia conducī, cū ipsi Romanos etiam, gratuito odissent.

Enimvero Asdrubal, vt ad primum Italiæ ingressum ostenderet, quā sibi B O I I cōdi essent, vbi in illorum agrum venit, eodem quo frater studio, Placentiam oppugnauit, quæ illis, vti jam aliās dixi, oculos exurebat; sed intempestiva molitio successū caruit; eodem ex loco quatuor Gallos equites, cūque ijs Numidas duos ad fratrem cum literis mittit, qui peragratā ferē omni, quā longa est, Italiā, elusis vbique hostibus, tandem à Romanis pabulatoribus excepti, & ad Consulem perducti, metu tormentorū, consilia Asdrubalis prodiderunt, perdidēruntque; vt is à duobus Consulibus oppressus, mortē prius oppetierit, quā fratri iungeretur, longiq; itineris & operæ pretium faceret. Annibali, vt aliquid fratris videret, Asdrubalis caput ante stationes projectum, oblatūque est, qui

ASDRUBALIS  
LISERGA  
BOIOS STY-  
DIYM.

MORS.

*Horat. l. 4.  
Carm. od. 4.*

ANTE C. N.  
CCIV.  
A. V. C. 548.

BOII DVAS  
COLONIAS  
FATIGANT.

fortunam privatam, publicamque accusans, magnam spem patriæ decollasse, palam fassus; humiliores etiam ipse posthac spiritus gessit. Gallorum qui eâ pugnâ non ceciderant, vel, felici fato, prælio aberant, agmen incompositum abire, cum Censuli Romano nuntiatum esset; quanquam nullius operæ res videbatur, concidere fugientes, Malo, inquit, vivât; ut etiam hostis præco sit nostræ Virtutis.

Proximo anno Q. Manlio Prætori, cui Provincia Gallia obvenerat, mandatum, ut incursionibus in agrum Gallorum factis, castigaret perfidiam illorum, qui tam avidè Asdrubalis partes secuti in Romanorum perniciem conspirassent. BOII tamen & Insubres, mutuum faciebant; & Placentinos juxta, ac Cremonenses æternis odijs exagitabant, ut eorum metu non modò vacui colonis agri essent, sed & manibus multi diffiderent; ea super re, utriusque Colonix legati cum Romam questum venissent, in eam potissimum curam incumbere Manlius Prætor jussus est, ut coloniarum fortunas ab hoste defēderet; jussi etiam coloni, qui metu diffugerant, in agros remigrare.

Crea-

. Creati deinceps Consules P. Scipio & ANTE C. N.  
 P. Lic. Crassus: & Carthaginienses, UT CCIII.  
 omnes spes tentarent, Magonem Anni- A. V. C. 549.  
 balis, & Asdrubalis fratrem, in Italiam, Liv. 28. 29.  
 miserunt, ut qui odij in Romanos neq;  
 fratribus cederet, eaque exercere tot  
 domesticis exemplis didicisset; duode-  
 cim millia peditum, equitum duo traje-  
 cit; Genuam primo impetu cepit; Galli GALLI AD  
 neque tantisper morati, dum suos fines MAGONEM  
 ingrederetur, magno ad illum numero CONFLVUNT  
 confluebant, neque Annibalis senescen-  
 te jam famâ, neque Asdrubalis præcoci  
 cæde absteriti, quo minùs inclinatum  
 Carthaginiensium fortunam fulcirent,  
 vel ruentem sui capitis periculo excipe-  
 rent. quanquam ea domo subsidia mit-  
 tebantur, tantumque animi Mago ipse  
 indè attulerat, ut Gallis videretur, aut  
 hoc, aut nullo alio exercitu rem Roma-  
 nam esse pessundandam. Mago cum  
 Gallorum, Ligurumque concilio con-  
 vocato auxilia postularet, Galli, cum  
 prolixè cætera omnia promitterent,  
 exercitum palàm adducere se posse nega-  
 runt; Romanos intra fines suos castra ha-  
 bere (ad Boios enim Placentiâ arcendos  
 para-

paratæ legiones erant ) quos si sentirent, quidquam rerum novarum moliri, certius nihil esse, quàm, ut accitis etiam ex Hetruria copijs invaderentur. Ligures igitur militem darent, stipendia, & com-  
meatum se abundè suppeditaturos, curaturósque, ne bello, quod contra Romanos gereretur, nervus deesset.

*A. V. C. 551.  
Liv. l. 30.*

Eo tamen anno, nihil, quod constet, dignum apparatu gestum; nec sequenti quidem; tertio demùm, in agro Insubrum Gallorum, cum P. Quintilio Varo Prætor, & M. Cornelio Procos. in certamen descendit, adeò consternatis metu Romanis, ut ducum uterque ad inferenda in hostem signa, militem impellere nullâ ratione posset. Igitur equitum procella primùm in hostes effusa est, nullo operæ pretio; nam cum Mago elephantos objecisset, equi illorum neque odorem quidem tulerunt, retróque acti Numidis jaculatoribus rei bene gerendæ opportuna occasionem præbuerunt. Peditum etiam duodecima legio ægre jam locum suum tuebatur, solâ verecundiâ dedecus fugæ superante: decimatertiâ demum pugnam restauravit, cui Mago Gallos ob-  
jecit,

**MAGONIS  
PUGNA.**

jecit, quos cùm tandem nutare conspexisset, iterum Elephantos in peditem immisit; sed illi coniectis pilis vel strati, vel in suos aversi formidinem illic, & tumultum fecere; fugam tamen Mago tantisper sustinuit, donec ante signa stans femur transfixus est; eo cadente, labare acies cœpit, neque in manibus quidquam præsidij; reliqua spes omnis in pedibus fuit. Eo demum anno C. Servilius Consul, inducto in BOIORVM agrum exercitu, C. Servilium patrem, & C. Lucretium patrum, post decimum sextum annum, ex BOIORVM servitute recepit; ij, ut supra commemoratum est, cum T. Annio colonias Placentiam & Cremonam deduxerāt. Quæ Annium ipsum fortuna exceperit, à nemine proditum invenio; quemadmodum nec illud, armisne, an precio reliquos duos BOIIS Consul extorserit. Ex quo tempore adò res Romana superior fuit, ut Carthagini non jam de imperio orbis terrarum, sed de salute fuerit certandum; cùm audacissimo consilio, P. Scipio ardens in Italia bellum in ipsa Africa restingueret, & Annibalem prius vinceret, quàm videret. Tum demum

CONSUL  
PATREM ET  
PATRVM  
APVD BOIOS  
CAPTIVOS  
RECIPIT.

*Liv. ibid.*  
*Polyb. lib. I. 4.*  
*et 15.*



ANNIBAL  
EX ITALIA  
RETRA-  
CTVS.

demum Carthago cùm mutatis vicibus eadem pateretur, quæ Romam pati coëgerat, & oberrantem portis suis videret hostem, & consumptis omnibus auxilijs, consilijsque, solus cum fratre superesset Annibal, ambo per legatos domum revocati sunt, si quidem stantem patriam videre vellent; sed Mago in via ex vulnere obiit: Annibal exercitum Gallorum, Ligurum, Italicorum, pluriùmque Gentium colluvione mixtum in Africam trajecit; ex quibus quosdam metu potiùs, quàm voluntate secutos abeuntem, certum est, tristi exemplo commotos; cùm Annibal multos, Italici generis, qui militiam abnuentes in templum Junonis Laciniaë confugerant, crudeli impietate, jugulasset. Boios tamen, qui Annibali in Italiam duces se præbuere, quorùmque virtute ipsum ad Ticinum, & Thrasymenum vicisse ostendimus, spontè, in ultimæ Carthaginensium fortunæ societatem nomina dedisse, Gentis ingenium morèsque æstimantibus indubitatum videbitur. Cùm igitur in Africa duo maximi omnis ætatis Imperatores convenissent, ambitiosissimam litem, Romanæ,

an Carthago terrarum caput esset, verbis  
 primùm decidere aggressi; cùm ea succu-  
 buissent, gladium strinxêre; sed Annibal,  
 cùm omnia fecisset, neque in acie in-  
 struenda, animandisque militibus, quid-  
 quam, etiam hostis confessione, peccas-  
 set; cùm alijs alias faces admovisset, Gal-  
 los autem proprio, atque insito in Ro-  
 manos odio accendisset; Roma tamen,  
 quia fata volebant, vicit, eique Cartha-  
 go titulum Dominæ, quem salvo Anni-  
 bale nunquam posuisset, eo jam fugien-  
 te, fusoque, nihil obluctata, permisit;  
 quem cùm patriæ suâ manu peperisset,  
 Scipio, ipse quoque Africani nomen in-  
 venit, maximus sine dubio vir, qui vnâ  
 victoriâ, quam Carthagini, Annibalique  
 abstulit, id affecutus est, vt vinci posthac  
 à Romanis orbem terrarum non pude-  
 ret.

SEPTENDICIM annorum bellum pax IX.  
 excepit, eodémque, quo Carthaginen- A. ANT. Ch.  
 sibus ea à Romanis concessa est, anno, N. CIC.  
 BOI I qui in Italia remanserant, vt solen- A. V. C. 553.  
 ne suum seruarent, Romanisque agre Livius l. 32.  
 facerent, quia eorundem vexandorum  
 facultas non fuit, sociorum agros incur-  
 sioni-

sionibus infestabant, quòd scirent illam  
 quoque injuriam ad Romanos pertinere;  
 id Ælius Petus Cos. non ferendum ratus,  
 subitarias legiones duas scripsit, easque  
 cohortibus quatuor de exercitu suo de-  
 tractis, firmavit; auxitque; cum hac ma-  
 nu C. Appium sociorum Præfectam, per  
 Umbriam ire in Boios jussit; ipse recto  
 itinere per montes eodem duxit. Prior  
 cum pervenisset Appius, moræ impatiens,  
 BOIORVM agros populabundus percur-  
 savit; idque aliquamdiu impune, donec  
 clatus successu, fortunæ in se potestatem  
 fecit. Læta ad castrum Mutilum seges e-  
 rat, eaque jam matura; eò cum frumen-  
 tatoribus profectus Appius, oblitus in  
 hostico se esse, securusque periculi, arma-  
 tos inermibus, quanto numero parerat,  
 non circumdedit; cum BOII repente  
 coorti importunas operas oppressere;  
 clades etiam ad armatos, eodem impe-  
 tu propagata est; omnino millia homi-  
 num septem, caesa, & in ijs ipse C. Ap-  
 pius Præfectus; cæteris castra præsidio  
 fuere; sed cum neque ijs satis confide-  
 rent; nullo duce, sed concordia ad fu-  
 gam consensu, iniquissimo itinere,  
 per

BOII RO-  
 MANOS  
 FRUMEN-  
 TATORES  
 CADUNT.

per impedita saltuum ad Consulem pervenere.

Sequenti anno P. Sulpitio Galba, & C. Aurelio Cotta Coss. bellum in Macedoniam contra Philippum Regem decretum; in quod vnum cum vires omnes Romani converterent, repente alterum in Italia subnatum, coëgit illos curas dividere. Amilcar Poënus quidam, ex Asdrubalis, an Magonis exercitu incertum (Zonaras disertè Magonis commilitonem facit) in Liguria ad eam diem subsisterat; ne, quidquid malorum fuerat, Annibal videretur ex Italia exportasse; is cum Pop. Rom. novo implicatum bello videret, Ligures, Gallósque, quibus ad defectionem nullus non auctor placebat, impulit, vterentur tempore, & Placentiam, quam Annibale, & Asdrubale ducibus, frustra tentarant, suis auspicijs aggrederentur; animos sibi eosdem esse, qui illis quondam fuerant; Fortunam, fortasse benigniorem fore. Placentiam Boii, ut frenum, jugumque libertati sue impositum, vnicè cupiebant eversam; igitur cum Insubribus, &, quod mirè, Cenomannis etiam conspirant, quæ Gens

ANTE C.N.

CXCVIII.

A.V.C.554.

Liv. Oros. Zen.

BOII PLA-  
CENTIA PO-  
TIVNTVR.

aliàs Romanarum partium, datam fidem turbidis popularium suorum, consilijs potio- rem habuerat. In auxilium insuper Sallij Iluates, cæteri- que Ligures excitì, atque ita omnes, Amilcare duce, Placentiam raptim profecti, eadem per vim potiuntur, direptamque incendijs deformant, & cadibus implent; vix duo hominum millia ferro, & igni superfuere. Mox, ne consilium, quod felix celeritas fecisset, mora perderet, Pado trajecto, Cremonam, quæ altera Rom. colonia nihilo minus exosa Boiis fuit, properant; sed fama direptæ Placentiæ quantacunque festinationem prævenit; & hoc certè Cremonensibus contulit, vt claudere portas, præsidijs firmare mœnia, agere excubias, nuncios ad Pop. Rom. mittere possent. Quinque millia duntaxat sociorum, ac Latini nominis, provinciam tuebantur, cui L. Furius Purpureo præerat, vique adeò securis periculi Romanis, vt quasi in Gallia hostis non esset, reliquus exercitus omnis Senatus C. fuerit dimissus. Igitur Prætor, quo res locos sit, Senatui scribit; coloniarum alteram diriora, quàm Annibal, Asdrubalque mi-  
nati

CREMO-  
NAM OBSI-  
DENT.

nati fuerant, passam; alteram eadem  
metuere à quadraginta hostium millibus  
obsessam; maturo auxilio opus esse, eoque  
valido; nam in se præsidij nihil esse; nisi  
existiment, quinque millia hominum vi-  
ctoris hostis aspectum, nedum impetum  
ferre posse. His literis recitatis, decretum  
est, ut quos exercitus in Hetruriam, ad  
certum diem, Consul Caius Aurelius  
evocasset, eos Ariminum exciret, &  
vel ipse, si ex usu Reipub. id futurum exi-  
stimaret, Gallis obviam iret, vel L. Furio  
Prætori illas legiones daret, in quarum  
vicem quinque sociorum millia ab eo-  
dem acciperet, quæ Hetruriæ interim  
præsidio esset. Consuli posterius placuit;  
Furius exercitu accepto, quantis potuit  
itineribus, adversus hostem profectus,  
mille quingentorum passuum intervallo  
ab illo confedit; hoc enim maluit, quàm  
illo die vincere, quod quidem factu dif-  
ficile non fuerat, si fortunâ suâ uti voluis-  
set. Effusus ad prædam miles per agros  
palabatur; castra terrore magis nominis  
sui, quàm alio præsidio contra urbem  
munita Galli credebant, alterius hostis  
securi; & cæteroqui etiam non nimis se-

veram disciplinam felicitas laxaverat; poterat ergo Prætor in castris Gallicis pernôctare, si errore, & indiligentiâ hostium in rem suam abuti voluisset. Sed dum lassô de viâ militi parcendum putat, prolatando, spatium hosti dedit, prædatores clamore in castra revocandi. Postero die priores in aciem prodierunt Galli, tantâ aviditate pugnæ, ut Romano vix spatium instruendi fuerit; sociorum exercitum Prætor in alas divisit, ut earum dextra in prima acie staret, in subsidijs duæ Romanæ legiones essent: Alæ M. Furii, Legionibus M. Cæcilius, Equitibus L. Val. Flaccus præesse iussi. ipse duobus legatis Cn. Lectorio, & Publio Titinnio cinctus, in omnem rei bene gerendæ occasionem intentus ubique futurus erat, quò vel plurimus labor, vel aliqua spes vocaret. Gallis aciei minor cura, fiducia in multitudine fuit, & pro ordine vires; maximo errore; nam viribus pugnatur, ordo triumphat: ergo quæ prima in acie ala stabat, primos irruentium impetus excepit; quâ conculcatâ, obtrituros se quidquid proximum esset, sperabant: ubi in frontem pugna non successit, ad cingendam

INFELIX  
BOIORVM  
CVM ROM.  
PUGNA.

gendam aciem circumfundi cœpere. Id ubi animadverit Prætor, ut consilium hostis irritum redderet, ex subsidij duæ legiones educit, & alam iisdem, dextrâ, lævâque stipat; ipse insuper ædem Jovi vovet, si se victoriæ compotem, eo prælio, reddidisset. L. Valerio Legato imperat, ut in cornua hostium, hinc quidem equitatum legionum, illinc sociorum immittat, ne acies circumveniri posset; ipse cum debilitatam, tenuemque mediam hostium aciem vidisset, illuc confertos signa inferre jussit, eodemque tempore cornua ab equitibus pulsâ, & perruptis ordinibus medij in fugam versi, terga cadenda Romanis præbuere: secutus usque ad vallum eques primum, deinde pedites ipsa castra, impetu facto, cepere. Minus sex millia hominum effugere, cæsa, captâque supra quinquæ, & triginta millia; atque in ijs Amilcar ipso Pœnus huius belli fax; tres insuper Imperatores nobiles Gallorum; septuaginta signa militaria hosti ablata, carpenta Gallica prædâ omnis generis referta, ducen-  
ta: Romanorum, sociorumque ad duo millia desiderata, ex dextra potissimum



ala, quæ primis Gallorum furoribus est  
 petita. Placentinis captivi ad duo millia  
 liberorum capitum redditi: id solatij fuit,  
 pro amissis eo prælio militibus. Quæ cum  
 Prætoris literis Romam nunciata sunt,  
 omnes ingenti lætitiâ affecere; supplica-  
 tiones in triduum decretæ; Prætori in-  
 gens gloria parta. Solus Consul C. Aure-  
 lius inanis homo, insignium factorum,  
 famâ, supra bonum, atq; honestum, per-  
 cussus, dedecus suum interpretabatur,  
 quidquid, absente se, Prætor fecisset; &  
 quanquam debellatum erat, vt tamen  
 actum ageret, in Galliam profectus, vi-  
 ctorem exercitum à Prætoris accipit, eoque  
 agrum hostium depopulatus, gloriæ ni-  
 hil, prædæ aliquantulum retulit. L. Fu-  
 rius urbem triumphâs ingressus est. *a.* tre-  
 centa viginti millia æris, argenti *b.* cen-  
 tum septuaginta millia pondo in ærariū  
 intulit. Captivi ante currum nulli ducti,  
 neq; spolia prælata, neque milites secu-  
 ti; hæc enim auctaria gloriæ invidiâ Con-  
 sulis crepta Furio erant; vt is non tam de  
 Boiis, cæterisque Gallis, quàm de Con-  
 sulis malevolentia videretur triumphas-  
 se. Alios à Livio Auctores Zonaram se-  
 cutum

*Exof. l. 4. c. 20.*

*a. Coronatos*

*4266  $\frac{10}{15}$*

*b. 1700000 Coronatos.*

cutum esse, indè manifestum fit, quòd is Placentiam sequenti demum anno everim fuisse auctor est, victorum etiam à Iurio populorum legatos pacem à Romanis petijisse, quæ Liguribus data sit, à Gallis nihil esse impetratum; Consul enim Aurelius cùm bellum quæreretur, hos sibi hostes destinaverat; credo, ut eò fidentiùs Purpureonis triumphum allatrare posset; quod quidem Romam reversus insigniter præstitit, multa in ipsam Senatum vomens, quòd cōtra Majorum instituta, Prætori, nullo eius factorum conscio, aut teste præsentē, triumphum decrevisset; neque lixam quidem ullum de virtutibus vnici illius Imperatoris auditum, qui vel iocularē carmen in illum condere posset. Illud denique apud Zonaram notatum est, Amilcarem Pœnum in huius anni pugna casum non esse, id quod ex aliorum sententia etiam Livius alio loco recensuit, qui illum à Cethego ANTE C. N. Consule, triennio post, vivum captum CXVII. esse scripserant. Romanis tamen persuasum erat in Gallia debellatum esse, eoque à metu illo otiosi, proximis comitijs Cn. Babio Tamphilo Prætori Galliam pro-

P 4

vin-

ILLATA  
ROMANIS  
CLADES.

vinciam his legibus decrevere; legiones ab Aurelio Consule acciperet, retineretque usque ad novi Consulis adventum tunc milites omnes exauctorarentur, quinque millia socium tuendæ provinciæ satis esse. Bæbius ubi ad exercitum venit brevi dimittendum, institit tempore & milite uti, ne Respublica nesciret, quàm fortem virum in Galliam misisset. Sed Fortuna stolidæ temeritati exitium parabat. Vbi Insubrum fines ingressus est, inanissimus prudentiæ militaris homo, cum toto propè exercitu est circumventus, & ferociam sex millibus & sexcentis amissis luit; quæ clades Romanos monuit, ne Gallos prostratos etiam desinerent timere: Lentulo maximè Consuli res indigna ea visa est, Gentem illam unam nunquam satis vinci posse, imò plerunque Romæ sua damna remetiri; plenus ergo irarum, in Prætorem maximè, provinciam ingressus, consternatum omnem exercitum reperit; cui ut animos redderet, invidiam omnem in Bæbium est amolitus, in militibus se neque virtutem, neque adeò Fortunam Gentis Romanæ desiderare; Bæbij stultitiâ in eum  
locum

locum inductos esse, vbi neutra res ipsos  
 satis tueri potuerit : iret igitur imbellis  
 Prætor in patriam, pudorẽque suum  
 mœnibus Romanis absconderet; arma,  
 bella, & provincias viris relinqueret.  
 Hæc satis gloriosè à Lentulo dicta, si di-  
 ctis facta respondissent; sed spei, quam de  
 se acri linguâ concitaverat, manu non  
 respondit, acceptam cladem in Bæbio re-  
 prehendit, non correxit.

Neque sequens annus quidquam ma-  
 gnis apparatus dignum vidit; duos ex-  
 ercitus in Gallia Sext. Ælius Pætus Con-  
 sul habuit, quorum alterum Prætori de-  
 dit, quanquam ex S. C. pridem erat di-  
 mittendus; neuter hostem vidit; totum  
 ferè annum Cremonæ, Placentiæque  
 hæfere, in colonorum conquisitione oc-  
 cupati, qui, damnatâ vtriusque coloniæ  
 fortunâ, neque mœnibus fidebant, quæ  
 nuper Boi i evertissent, neque insudare  
 agro volebant, quem ipsi arent, hostis  
 metat. Ad hos igitur in colonias suas re-  
 ducendos industrius Consul anno soli-  
 do, & duobus validis exercitibus sibi o-  
 pus esse putavit. Boi i enim, sociiq; Galli  
 eo anno quievere, etsi Zonaras auctor.

ANTH. C. N.

CXCVI.

A. V. C. 558.

Liv. l. 32.

Zonaras l. 2.

dera iungebātur, ipsas olim terras tractura, Boii, sociique Populi Romam cogitant etiam Annibali desperatam; an quia tot victoriarum voluptatē hostibus creptum ibant, cū se patriæ illorum pares jactarent toties victi? an revera Martij illi viri bella etiam adversa pro cote habuerunt virtutis? ipsius Romæ exemplo, quæ nunquam plus habuit virium, quàm cū post quatuor Annibalis victorias minimum habuit hominum; ut illi ad triumphos ipsa videretur multitudo obstitisse: an potius, quod mihi quidem simillimū vero videtur, ætatem bellorum, recensentibus, quæ cum Populo Rom. gesserant, eorūque fortunam utramque inter se committentibus, hoc ipsum crexit animos, quod Populus ille, orbis terrarum victor, & Pyrrhum in Epirum, & Annibalem in Africam rejecerit, nullūque hostem passus sit in suo solo senescere; eundem tamen secum annos propè ducentos non tam de Imperio, quàm salute configere, singulari, & proprio quodam fato suo; ex quo in eam delapsos sententiam puto, pugnandum esse more majorum, repudiatisque exteris, peregrinisque  
auspi-

auspicijs, domesticum, sibi, idque felicissimum revocandum exemplum, quo demonstratum sit, Romanas vires in sua Vrbe debilissimas esse, & illic, aut nusquam aliàs posse vinci. In eam sententiam ex Cispadanis Gallis Boii soli, ex Liguribus Iuaves, ex Transpadanis Insubres & Cenomanni conspirant; profectiois consilia etsi tegerentur, apparatus tamen in propatulo erat, & ingentem Romanis curam injiciebat. Consules illo anno C. Cornelius Cethegus, L. Minutius Rufus fuere; ij ambo contra Gallorum copias missi, bellum eos vetuere aliò transferre. Gallis, dum famæ credunt, persuasum erat, Consules, cōjunctis legionibus, bellum id gesturos, cōque Boii etiam tracto Pado fœderatis se populis junxere, omnes vires ingruentibus objecturi. Eò repentè affertur, Consulem alterum vacuum defensore Boiorum agrum nactum, flammâ, ferro, populationibusq; illic impunè grassari, ferri omnia, rapique ex libidine hostium; nisi maturè obviam eatur, brevi illie vastitatem, solitudinēque fore. Boii contendere, omnia suo periculo posthabenda, sociorum fidem,

ANTE C. N.

CXCV.

A.V.C. 557.

Zen. l. 2.

Liv. 32.

BOII A SOCIIS DESERTI.

fidem, opemque implorare, religionem  
foederis injicere, quemadmodum ipsi  
Padum transgressi sint, quod illic sedem  
belli fore crederent, ita æquum esse, so-  
cios paria facere; ad bellum utique ge-  
rendum societatem se coiisse; id in pa-  
tria sua exarsisse; nullum esse jam vnus  
Gentis periculum; fœdus omnia com-  
munia fecisse: se ad socios rebus etiam-  
num integris transisse, ne quid detrimen-  
ti Respub. caperet; nunc socios neque ad  
ardens quidem incendium restinguen-  
dum accurrere; quousque igitur expe-  
ctandum esse? an donec ex fœderatis vna  
Gens nihil præter animam habeat? Boios  
scilicet pro Insubrum agro pugnatu-  
ros, cum ipsi suum ijs videntibus perdidisset?  
Æqua sine dubio petebant Boii, & om-  
nibus profutura: junctis viribus Consuli  
vni facile pares futuri erant; diducti in-  
prædam cessere; clamantibus Insubribus,  
non posse se aliena curæ, propria negle-  
ctui habere; quemque sibi esse amicissi-  
mum. Boii igitur deserti à socijs, ad sua  
tuenda profecti. Detractâ vnâ validissi-  
mâ Gente Cethegus Cos. consilium inijt  
etiam Cenomannos ab Insubribus abdu-  
cendi;

cendi; nam cum ad eum perlatum esset, non communi consilio Cenomanos arma cepisse; sed iuvenes audaces, rerum novarum cupidos, qui incerta certis antetulissent, quietis impatientia, & spoliolum spe, cum reliquis populis conjurasse; Principibus ad se evocatis, ab ijs impetravit, ut vel in acie quiescerent, vel postquam omnium animos, oculosque certamen occupasset, arma in Insu-  
bres verterent: hac fraude Insu-  
bres proditi sunt, cum ipsi antea Boios prodidissent; eoque non tam Romanis, quam Boiis poenas dedere; quinque & triginta millia caesa, quinque millia & septingenti capti. Eius cladis fama ad Boios ante perlata est, quam ipsi cum altero Consule Minu-  
tio congredierentur; quod quidem futu-  
rum erat, paratis utrorumque animis, nisi Boii Insu-  
brum eadem in tristioris o-  
men eventus traxissent. Igitur animis la-  
befactati, ad sua quisque tuenda dilapsi, occasionem Consuli prae-  
buere, latius om-  
nia populandi; ita dum rem privatam pu-  
blicae posthabent, utramque perdidere. Animus insuper Liguribus imminutus, qui alterius Gentis calamitate, alterius

pauo.

PUGNA  
CONSULTO  
ABSTI-  
MENT.



pavore intellecto, id, quod tutissimum erat, amplexi, in deditiōem venerē. Ea Romam Consulū literis nūciata, lætissima accidere; ob rem ex sententiā gestam, quātridui supplicatio decreta. Cornelius Cethegus de Insubribus & Cenomannis triumphavit; Minutius is honor negatus est, quod levibus cum **BOIIS** prælijs magnum numerum militum amisisset; nominabantur etiam Tribuni militum, aliique fortissimi viri, civium, sociorumque, qui eo duce cecidissent; cā jacturā, suam propē, **BOIORVMQUE** fortunam exæquatam; oppida paucula, & ignobiles vicos mala fide in deditiōem venisse, nullis obsidibus, nullo pignore dato, fidem cum fortuna, cū primūm liciturum esset, mutaturos. Minutius tamen injussu populi, & Senatus, in monte Albano suis sumptibus triumphavit, minore quidem in vulgus gloriā, famāque, spoliū magnitudinē, numerūque, pecuniæ etiam summā, in ærarium illatā, collegā, non inferior fuit. Ducenta quinquaginta quatuor. millia æris fuisse; argenti bigati quinquaginta tria millia, & ducenti; septuagenos æris militibus divisit,

visit, duplex Equiti, triplex Centurioni.

**X.**

**ANTE C.N.**

**CXCIV.**

*A.V.C. 558.*

*Liv. l. 38.*

PROXIMO deinceps anno, L. Furius

Purpureo, & M. Claudius Marcellus Cō-

sules facti, ambo cum BOIIS dispari even-

tu pugnare. Purpureo, quem ante an-

nos quatuor cū Gallis rem prosperè ges-

fisse scripsimus, assuetus BOIO hosti, Gen-

tis vires, & artes æstimare, & excipere

doctus, peritiam ex usu, fiduciam ex prio-

ris memoriâ victoriæ afferebat, cōque in-

territus ipse, talem etiam exercitū suum

reddebat. Ea Marcello cū deessent, vix

tandem, cladibus magistris, didicit vin-

cere. Cū exercitum in BOIORVM fines

duxisset, fractūque itineris molestijs,

occupato tumulo, castra ponere iussisset;

repente Corolamus BOIORVM Regulus

cum manu suorum adortus, magnâ clade

affecit: tria hominum millia occidit, præ-

terque gregarios, illustres viri aliquot ce-

ciderunt, inter quos T. Sempron. Grac-

chus, M. Iunius Syllanus sociorum Præ-

fecti, & A. Ogulnius, P. Claudius secun-

dæ legionis Tribuni. Pro ipsis etiam ca-

stris pugnatum est; quanquam, irrito co-

natu, Corolamus suos recepit. Marcellus

cū fortunam deinceps tentare nollit,

castris.

**COROLA-**

**MVS BOIO-**

**RVM REGV-**

**LVS ROM.**

**CEDIT.**

castrisq; militem, per dies aliquot, tene-  
ret, dum & pavor resideret, & faucij cura-  
rentur. BOII minimè omnium cuncta-  
tores, & assidere castris indociles, quia id  
lentum negotium videbant, in suos se vi-  
cos, & castella recepêre. Marcellus ho-  
stis beneficio vsus confestim Padum tra-  
jicit, & contra Insubres & Comenses fe-  
liciùs pugnavit. Purpureo alter Consul  
cùm per Umbriam in BOIOS venisset,  
jàmque castro Mutilo, quod Appius cum  
septem millibus, ante annos quinque, à  
BOIIS illic cæsus nobilitârat, proximus  
esset, repentè agmen vertit, eadêmque  
qua advenerat viâ abiit: nam cùm BOIOS  
& Ligures in armis esse cognovisset, ve-  
rebatur, ne itinere suo intercepto, utriq;  
hosti prædæ esset. damnatis igitur com-  
pendijs, quæ periculis ipsum objicerent,  
longo, sed tuto anfractu viarum, ad col-  
legam pervenit. Indè junctis copijs ad  
Felsinam vsque BOIORVM oppidum,  
processere; quæ postea Bononia à BOIIS,  
ut nonnemi videtur, dicta est. BOIOS  
utriusque Consulis adventus imparatos  
oppressit; nam juvenus armata domo  
aberat prædæ studio; igitur cùm aliud

*Volaterr. l. 4.  
in Gallia To-  
gara.*

*Petrus Marf.  
in Sil. l. 8.*

*Gaudent. Me-  
rula antiq.  
Gall. Cisalp.  
l. 2. c. 2.*

Q

con-

BOII SE  
ROM. DE-  
DVNT: SED  
FOEDERE  
MOX RVPTO  
CÆDVNTVR.

consilium non esset, se suâque Romanis dedidêre, tempori servientes: traductum deinde in Ligures Romanum exercitum Boii ex saltibus, quibus se condiderant, eruptione factâ, se consecuturos rati, spe suâ decepti sunt; ne nihil viderentur egisse, Pado trajecto, Levos, Libuôsque depopulati sunt; abactam indè pauperem prædam cum traherent, in finibus Ligurum incidunt in Romanos. Ibi prælium ira instruxit; locus, tempus, æquâ, iniqua Boiis, an Romanis essent, vltima curarum fuit; omnibus in id intentis, vt quod prævideri caverique consilio, vt in re tumultuariâ, non potuit, gladio corrigèretur. Romanis equiora omnia causâ faciebat; credebant se contra violatores fœderis pugnare; certè fortunam in partes suas traxere; cædendi tum demum finis fuit, cum vix cladis nuncius superesset.

ANTE C. N.  
CXCIIL.  
A. V. C. 559.  
Livius l. 34.

Mox tamen in annum sequentem satis iterum militum fuit. L. Valerius Flaccus Consul sufficere Galliæ solus creditus est; quippe debellatum esse priore anno; nisi cum larvis jam sit luctandum; tamè cum Gallis reliquis ad pugnam, vel animus, vel vires deessent, Boii ad Litanam silvam,

vam, quam ante annos admodum, viginti, incisae arboribus, Romanorum sepulchrum effecerant, educto exercitu, cum Consule signa contulere; sed illos neque audacia, neque locus iuvit; res Romana superior fuit; Boii octo millibus multati arma in praesens, non iras exuere. Credas decretum ijs, neminem aliter, quam bello moriturum. reliquum anni Consul in restaurandis Placentiae, & Cremonae coloniis insumpsit; nondum expunctis omnibus tristibus notis, quae a flamma, ferroque Boi co utrique urbi haeserant. Romani, qui nosset Boios neque sic quieturos, proximo anno utrique Consuli Galliam decrevere; ij fuere P. Cornelius Scipio Africanus, T. Sempronius Longus. Sed antequam provinciam ingrederentur, jam bellum exarserat; nam cum Insubres priore clade fracti, animis ad pacem inclinationioribus, videntur otium meditari, Boii, quibus honesta praetutis placebant, cum DORVLACO Regulo Padum transgressi, illos attrahere ad societatem belli, & virilium consiliorum volebant; neque potuit ijs oratio deesse, cum tot novae, veteresque causa sup-

INFELIX  
BOIORVM  
PRAELIUM.

A. ANT. CH.  
N. CXCII.  
A. V. C. 560.  
Liv. l. 34.

DORVLACVS  
BOIORVM  
REGVLVS  
NOVVM  
BELLVM  
CONCITAT.

INFELICI  
EVENTV  
PYGNAT.

*Liv. ibid.*  
BOIORIGE  
REGVLO  
DVCE RES  
ITERVM  
CVM ROM.  
GESTÆ.

peterent, & potētissima illa, ne morerentur inulti, & integrum, sincerumq; Romano gaudium permetterent, si faterentur se victos. Igitur Insubres ad ingenium redierunt, pace damnatâ; junctiq; Boiis cum L. Valerio Flacco Procos. circa Mediolanum signa contulere; iterum, iniquitatē fortunæ oppressi; decem millia cecidere. quæ clades Boiorvm numerum, non animos minuit: idem ille annus iterum præliantes multo maiore apparatu vidit. Boiorix Regulus cum duobus fratribus totam Gētem armavit; cūque Sempronium Consulem adventare in Provinciam cognovisset, castra opportunis locis metatus, omnia sive ad inferendam, sive defendendam vim idonea solerter comportavit, vt facilè appareret, à certamine non abhorrire, si se Romanus obtulisset. Cōsul ubi quantæ hostium copię, quantūque animorum esset ardor, intellexit, sui copiam Boiorigi non fecit, & bello se imparem fassus, ad Collegam nunciū mittit, quóq; in loco res sit, ipsum edocet; nisi aliter ei videretur, se vniverso periculo summā rerum non commissurum, donec castra secum

secum junxisset; facillè interim cunctâdo hostem ludificaturum. Boiorix ubi quiescit apud Romanos omnia vidit, suspicatus id quod erat, pro vno brevi duos se hostes habiturum, id antevertendum, omni ope censuit, confestimque aciem confligendum. Igitur suos primo, alteroque die in aciem eduxit, & in armis habuit; sed Romanus nihilo se magis movere, & fortunæ, si necessitas non cogeret, nihil permittere, prudentiâ, non vi pugnare. Boi i ubi sibi propalam concessum de virtute, & gloria viderunt, tertio die ad ipsa oppugnanda castra accessere; cares Romanos nolentes excitavit, & ad capienda arma impulit. Consul duas legiones duabus principalibus portis efferre signa iusserat; sed eas obiectis agminibus Boi i obstruxerant, & contranitentes Romanos impenetrabiles ipsi repellabant; vir viro, pes pedi, scutum scuto hærebat; ijs penè res gerebatur; gladio- rum, ut inter confertos, rariore usu. Dum nequidquam vtrinque luctantur, Romani erumpere, Boi i irrumperè, L. Victorius primi pili centurio ex secunda legione, & C. Atinius Tribunus militum quartæ

BOII CA-  
STRA RO-  
MANA IN-  
FFLICI  
EVENTV OP-  
PVGNANT.

legionis , adempta signiferis signa in Bo-  
ios jecerunt ; ibi demum amissorum pu-  
dor irâ validior fuit , viâmq̃ue reperit ; le-  
gio secunda prior se portâ ejecit. Interim  
Boii , qui Decumanam oppugnant ,  
eâ tandem potiti , L. Posthumium Quæ-  
storem , cui Tympano cognomen fuit , &  
M. Atinium , & P. Sempronium , Præ-  
fectos sociorum , & ducentos milites au-  
daciùs sese inferentes occiderunt. Con-  
sul cùm capta ab ea parte castra vidisset ,  
extraordinariam cohortem submisit , cu-  
jus virtute porta iterum obsepta , quique  
jam irruerant , cæsi , vel ejecti. Eodem  
tempore quarta etiam legio cum duabus  
extraordinarijs cohortibus erupit , vt tria  
jam prælia iisdem vbique odijs , variâ ta-  
men fortunâ gererentur ; vnde & dissoni ,  
prout lætæ , vel adversæ res erant , allapsi  
vndique clamores , vtrumque exercitum  
inter spem , & metum distrahebât. Jam in  
meridiem extractum certamen erat , neu-  
trò inclinante victoriâ ; quanquam vtrin-  
que non tantum voto , sed certâ jam  
spe rapiebatur ; donec Boii armis invi-  
cti , labore , & æstu , & sitis maximè impa-  
tientiâ expugnati , ex pugna decessere ;  
qui-



quibus se recipientibus insisti Consul noluit; quidam tamen imperio contempto, Boios vsq; ad castra insecuti, pro vallo pugnā conseruere, quorum paucitate contemptā, Boii, eruptione factā, restitantes fundunt fugantque; ita temeritate castigatā, quos tuba non potuit, Boiorum gladius ad sua castra revocavit, Romanorum eo praelio quinque millia, nostratum undecim, millia cecidere. Qui superfuere, in finium intima regressi sunt; Consul Placentiam abiit. De Africano altero Cos. non liquet, an conjunctus Sempronio, agrum Boiorum populus sit, quod quidam tradidere, an omnino in huius belli, victoriæque partem nullam venerit, Huius Consulis Fratri Lucio, qui Asiaticus dictus est, ex M. S. duobus Cod. Sexti Aur. Victoris, de Viris Illust. magna de Boiis victoria adscribitur, viginti millibus hominum caesis parta; quod ex vano haustum iudico; cum nec tempore, nec loco fabula fulciatur; & multa sibi in hunc auctorem, etiam, alibi malæ manus permiserint, ut ex non optimo, multò facerent peiorem.

*Annotavit  
Frider. Sil-  
burgius.*

## XI.

ANTE Ch.

N. CXCI.

A. V. C. 562.

Liv. l. 35.

BOII ITE-  
RVM TV-  
MULTVAN-  
TVR.

SCIPIO Sempronio circa Placentiam hærente, Romam profectus, proximis comitijs, Consules L. Cornelium Merulam, & Q. Minutium Thermum creat. Minusco anno bellorum fore frustra creditum est, donec Sempronij literæ Romanam perlatae sunt, quibus scriptum erat, quindecim millia Ligurum in agrum Placentinum venisse, & ad ipsa usque colonie mœnia populationes propagasse; BOIORVM quoque Gentem capita conferre, & rebellionem parturire; igitur Senatus censuit, causas militares eo tempore cognoscendas non esse, neque ullam vel honestæ, vel causariæ missionis flagitationem admittendam; sed & dimissi à prioris anni Consulibus ad signa revocati, & jus novorum delectuum habendorum Cornelio Merulae, cui Gallia provincia decreta est, datum; provisumque, ne quod ad Boios compescendos auxilium videretur neglectum. Atque illis quidem novum, hoc anno, belli gerendi genus placuit; subito ex ferocibus cunctatores facti, credebant, correcto ingenij sui impetu, etiam fortunam se prepitiaturos: non modò non lacescere he-

sten

stem priores, sed provocati etiam iram, in potestate habere, Romano omnia permittere, neque ad sui vastitatem agri evigilare; prorsus ut crederes, Fabium illos ducem in castris habere: jamque hoc nacti erant, quod maximè quæsiverant, ut non timerenrur; & Romanus vix meminerat se esse inter hostes. Tandem Consul, cum latè omnibus vastatis, nihil neque ferro, neque flammæ superesset, ad Mutinam in compositum agmen rapuit; id Boi suum tempus rati, silentio consurgunt, & vestigia, famamque hostis, ex intervallo, secuti, noctu illius iter prævertunt, saltuque se condunt, per **PUGNANT.** quem Consuli transcendum norant; & hætenus in fabula nihil peccatum erat; sed locus insidijs tumultuosius captus consilium nudavit. Jam neque Consul temerè quidquam agere; iter in lucem, differre, exploratores præmittere, in omnem partem intentus esse: ubi de loco, copiisque hostium per speculatores certior factus est, conferri in medium sarcinas jussit, easque à triarijs circumvallari: reliquum exercitum adversum Boios duxit: qui ubi insidias parum

processisse vident, consilium à manu capiunt, & arma expediunt, virtute nixi. Horâ diei secundâ prælium initum est; cuius initia Gallis prosperiora, nonnullâ etiam Romani Consulis inscitâ. Sinistra Sociorum equitum ala, & extraordinarij in prima acie pugnabant, iisque Consulares duo præerant, M. Marcellus, & T. Sempronius prioris anni Consul. Cornelius ipse totus in hoc erat, ut parata omnia in subsidijs haberet, potius, quam vteretur; unde monendus à Sempronio fuit, Boios jam sustineri non posse; nisi maret opem ferre, de extraordinarijs actum esse; multos occubuisse; reliquos labore, merique fractos, parum à victis abesse: ibi demum secunda legio immissa pugnam restauravit, cum undique fessis integri succederent; Boiis tamen pugnam utcunque sustinentibus, iniquior cum sole lucta fuit, qui accensissimus omnia vrebatur, ut viri illi sanguinis contemptores, sudore propè colliquescerent: tamen vel scutis innixi, vel integrioribus incumbentes, impetum Romanorum excipiebant; donec Livius Salinator, jussu Consulis, cum Alariorum equi-

equitatu, inuēctus, ordines confudit; & quanquam duces fugam inhiherent, hastilibus etiam trepidantium terga pulsantes, tamen restitui turbata acies non potuit, equitibus quaquaversum sese inferentibus. Jámque fluctuantibus acrius metus imperabat, quàm Duces; certè ad fugam, quàm bellum promptiores erāt; tamen, etiam projectâ spe victoriæ, verecundia nonnihil illos continebat, donec etiam hanc Consul expugnavit; nam cohortatus suos, ut paululùm adnixi integrum decus referrent, & priusquam se hostes colligerent, semianimes, distractosque invicem, leviori operâ conficerent; tum, denique Romanis undique coortis, nulla nisi in fuga spes fuit, quam ipsam legionarij ferè præcidebant, tergo inhærentes. Cædes ad quatuordecim, BOIORVM millia pervenit. Vivi in potestatem hostium venire mille nonaginta duo; equites ducenti viginti vnus, & tres Duces. Signa militaria ducenta duodecim amissa, carpenta sexaginta tria. Neque Romanis incruenta ea victoria fuit; quinque millia cæsa: Centuriones tres & viginti; præfecti sociorum quatuor: tribuni

VINCUM-  
TVR.

buni militum duo M. Genutius & M. Martius; Cornelius tamen de rebus à se fortiter, felicitérque gestis magnificas ad Senatum literas dedit, quibus sibi viam ad triumphum muniebat; sed cum M. Claudius legatus privatim plerisque Senatoribus scripsisset, virtute militum, non Consulis eam victoriam partam; exercitus in discrimen coniectos, lenta subsidia, fortissimorum militum iacturam, hostem è manibus emissum, & metum aliàs recrudescentis belli, hæc propria esse Consulis opera, pro quibus, si tam duri oris esset, triumphum petere posset; his literis effectum est, ut Consul Romam reversus triumphum non impetraret. Aliàs cladis illius magnitudinem, Boi ipsi qui passi sunt, sincerissimè æstimarunt, re ipsa confessi, non tantum prælio, sed bello se victos; arma, viros, & quod desperantium est, animos amiserant; id quod sequens maximè annus ostendit, quo ambo Coss. L. Quinctius Flaminius, & Cn. Domitius Ahenobarbus, per Ligures alter, alter ab Arimino in Boios duxere; sed cum omnia fecissent, quæ hostis, & victor solent,

Boio-

ANTE C.N.  
CXC.  
A.V.C. 562.

BOIORVM tamen patientiam, nullâ iniquitate, aut violentiâ expugnare potuerunt; nec ad flammam, nec ad ferrum excitati sunt, quo utroque Romani impune grassabantur; adeoque aversi à fortioribus consilijs, ad mala sua obdurerant, percalluerantque, ut Equites cum Præfectis, & Senatus vniversus cum liberis, Romanis se dediderint; mille quingenti fuere. reliqui ne sequerentur, inauditâ Flaminij Consulis crudelitate factum est, quæ & gravissima Marci Catonis oratione aliquot annis post damnata, *Liv. l. 39.*  
& tandem in Rhetorum scholis, stylo, & *Sen. l. 4.*  
acerrimis declamationibus confossa est. *Controv.*  
Flaminius non modò eo, quem gerebat, Consulatu, sed & tali patriâ indignus, in provinciam digrediens Philippum Pœnum erubescendæ patientiæ exoletum secum trahebat; is, ut turpe obsequium quàm quæstuosissimum sibi faceret, arte meretriciæ agrum amatoris animum, invidiosâ querelâ incendebat, identidem exprobrans, quantâ, dum illius amorì obsequitur, voluptate se spoliasset; perijisse sibi interim bellissimos dies; & Româ, & gladiatorum spectaculo carentum

dum fuisse: Fortè èvenerat, vt Flaminio cum Philippo epulanti nunciaretur, Nobilem BoiVM transfugam venisse, dextramque Consulis cupere contingere, & ab ipsomet fidem accipere. Jussus est ergo à temulento introduci; cùmque per interpretem Consulē alloqueretur, impurissimo homini in mentem venit, satisfacere se pueri querimonijs posse, & BoiI sanguine omnem invidiam obliterare; quærit igitur ex Philippo, quandoquidem Circi delicias neglexisset, velletne BoiVM hunc, vt succedaneam victimam morientem aspicere? cùmque ille leviter annuisset, gladio, qui super caput pendebat, stricto, BoiVM in vertice primùm vulnerat, fugiēti deinde, & Quiritium fidem imploranti latus haurit. Barbarum facinus temulentiâ, & amore, malis consiliarijs perpetratum, nemini, præter auctores, placuit; à reliquis nihil in toto scelere poterat defendi. Nobilem transfugam eâ ipsâ dextrâ, in qua Romanam fidem quærebat, cecidisse; Consulem vnî lascivo oculo donasse homicidium; ipsūque non gladiatoris, sed carnificis munus occupasse; epulas huma-

CAVDELIS-  
SIMVM  
ROM CON-  
SVLIS IN  
NOBILEM  
BOIVM FA-  
CINVS.



humano sanguine condijſſe, & in gemitu morientis ſcorto voluptatem queſiſſe; in triclinio, apud hospitales Deos, viſum, factumque, quòd in nullo Circo licuiſſet; hæc omnia eiufmodi erant, quæ non in Romani Conſulis, ſed in Thyeſte menſa quæreret, à qua etiam Sol dicitur fuiſſe. Neque potuit crudelitas hæc parietibus illis occultari; erupit non in auctoris tantum, ſed totius Populi Romani odium, BOIÓSQVE ab omni pacis cogitatione deturbavit; nam cur illam à carniſce Conſule peterent, qui eam ſine in-

**QVO IRRI-**  
**TATI BOII**  
**ITERVM RE-**  
**BELLANT.**

fami arbitro dare non audeat? qui, ſi laſcivus puer iterum annuat, ſpectaculum ſit repetiturus, illiufque benevolentiam pluribus capitibus empturus: quidni potiùs, cum videant ſe velut in Circo ad laniendam incluíos, caperent, ut boni gladiatores, in arenam conſilium, neque inermi manu, ut miſer ille, morerentur, lætiùs certè occubituri, ſi etiam ſuum gladium vidiffent cruentum. Igitur bellum, quantâ potuit maximâ diligentiam reparatum eſt; ſed interim turpiſſimus Conſul

*Liv. 38.*  
*Orof. l. 4.*  
*Zon. l. 2.*

magiſtratu abiit, quem P. Cornelius Naſica, is qui à Senatu Vir Optimus iudica-

tus

A.V.C. 563.

SED VIN-  
CENTVR.II LIVS VI-  
CTORIÆ  
MAGNITV-  
DO.

tus est, excepit, cuius virtute & æternâ  
populi Rom. felicitate factum est, vt Bo-  
ios neque optima causa, neque ingentes  
animi, & collectę vltimæ vires quidquam  
adjuverint; ingenti prælio iterum victi  
sunt. Valerius Antias duodetriginta ho-  
stium millia cæsa scribit; capta tria mil-  
lia, & quadringentos: signa militaria  
centum viginti quatuor; equos mille du-  
centos triginta; carpenta ducenta qua-  
draginta septem. ex Romanis mille, qua-  
dringentos, octoginta quatuor cecidisse;  
quem quanquam Livius in augendo  
intemperantissimum scriptorem vocat,  
tamen Nasica ipse minimè quidem lau-  
dum suarum obtrectator, neque tamen  
mendax, in oratione, quam pro trium-  
pho habuit, cui Sempronius Blæsus Tri-  
bunus plebis intercedebat, haud par-  
ciùs pro gloriâ sua est locutus; acie victos  
à se Boios, castris exutos, gentem biduo  
post totam in deditionem acceptam; ab  
ijs obsides abduxisse, pacis futuræ pi-  
gnus; & quod multò maximum sit, ne-  
minem ante se Imperatorum cum tot  
BOIORVM millibus pugnasse, ex homi-  
num quinquaginta millibus, dimidio  
plus

plus à se cæsum, multa millia capta: invalidam ætatem, pueros, & senes Boiis superesse, tenue solatium potius, quàm præsidium. Igitur illustri cum triumpho in urbem ingressus est; omnemque propè BOIORVM opulentiam eodem importavit; carpēta, arma, signa, spoliâq; omnis generis &, vasa ænea; captivos nobiles ante currum egit, equorum integros greges ostentavit, aureos torques mille quadringentos septuaginta: auri *a.* pondo in- *a. Coronatos*  
 super ducenta quadraginta quinque: ar- *27440.*  
 genti infecti factiq; in Gallicis vasis *b.* duo *b. Coronatos*  
 millia trecenta quadraginta pondo; bi- *23400.*  
 gatorum numorum, ducenta triginta-  
 quatuor. militibus qui currū secuti sunt,  
 viritim trecentos vicenos quinos asses  
 divisit, duplex Centurioni, triplex E-  
 quiti.

ATQVE ex hoc tempore Roma in Ita- XII.  
 lia Boiis timere desijt; cùm ducentis ANTE C.N.  
 amplius annis populum principem ter- CXIC.  
 rarum continuis, & anniversariis propè BOII RO-  
 bellis vexassent, nullâ virium, nullâ san- MANE PO-  
 guinis parsimoniâ; suis, & alienis auspi- TENTIE  
 cijs; vt inausum, intentatūque relin- FORTVNE-  
 querent nihil, quod ad convellendam, QVE MANVS  
DEDERVNT.

R Popu-

Populi Romani fortunam satis foret, nisi  
eam altior, maiorque vis æternam esse  
voluisset; ut pudori Boiis non sit, Deo  
& Romæ celsisse; præsertim cum exem-  
plum orbis terrarum sequerentur: nam  
Africa nuper manus dederat, Carthagne  
victâ: in Asia jam diu Romani multum per  
Regum amicitias poterant, & adhuc socij  
vocabantur, mox domini futuri; & hoc  
ipso, quo hæc gesta sunt, anno, Annibal,  
qui ex Africa in Asiam transierat, ex alte-  
ra orbis parte Romæ bellum per Antio-  
chum Regem moturus, Regi ipsi securius  
agenti magis mirari se aiebat, quod non  
jam in Asia essent Romani, quam ventu-  
ros dubitare: atque illud verissimus Va-  
tes adjecit, in Asia, & de ipsa Asia brevi,  
terrâ, marique dimicandum, Antiocho  
cum Romanis esse; & aut imperium adi-  
mendum affectantibus orbem terrarum,  
aut ipsi regnum amittendum. ut miran-  
dum non sit, si Boi, post Annibalem,  
de Italia desperarunt, atque hoc eo tem-  
pore, quo jam Italia orbi jura dictabat:  
illud potius, præter satietatem, ducen-  
torum annorum bella legenti, succursu-  
rum, & pro miraculo futurum non dubi-  
to,

to, quomodo toties victis Boiis iræ, ani- VNDE BOIIS  
 mi, milites suffecerint, quos vel inter vi- TANTVM  
 ctorias, quæ & ipsæ sanguine emi volunt, MILITVM.  
 carptim atterendos, exhauriendosque  
 fuisse, rem à nostris temporibus estimâti,  
 videbitur; quod mihi hodie regnū dabis,  
 ex quo militum educere tantum liceat,  
 quantum ex vna non magna Italiæ re-  
 gione, Boiis Romanæ potentiæ oppo-  
 suere? mortuorum examina, inter annuas  
 ferè strages, congeessimus, vt credi fas ef-  
 fet, defecisse non tantum, qui cæsos vin-  
 dicare, sed etiam qui lugere possent. ho-  
 die post tot non funera, sed vulnera in  
 vna gente numerata, non modò debel-  
 latum, sed conclamatum diceres. Sed &  
 illorum temporum æqualia, repetenti,  
 nunquam tam diuturna odia, & post to-  
 ties contusas vires, integri animi, & spes  
 à tot mortibus rediviva occurrer. perti-  
 nacissimè Carthago cum Romanis con- Liv. l. 30.  
 tendit, vna omniū vrbiū Romæ æmu-  
 la, & ambitione imperij orbis terrarum  
 armata; tamen post septendecim ferè an-  
 norum felicitatem, vnius adversæ pu-  
 gnæ casu, in qua viginti non amplius mil-  
 lia hominum ceciderunt, ita afflicta est,

ut ipse Annibal, nullam, nisi in pace impetranda, spem salutis esse palàm diceret, cùmque Gisgo vnus in tanta civitate reperiretur, qui illam, propter conditionum acerbicatem dissuadere ausus esset; arreptum ipse hominem de superiore loco detraxit; adeò civitas Africæ domina cladi non maximæ succubuit, & vnicus Imperator Annibal cum Romanis pugnare, bonis, malisque suis doctus, confessus patriæ redintegrandi spem belli deesse, ut aliquos Romanis hostes quæreret, coactus est in Asiam tertiam orbis terrarum partem discedere. Equidem in tanto auctorum silentio, qui res Boicæ obtritum potiùs, quàm celebratum ibāt, si certi afferre nihil possum, iuvat tamen etiam inuidiæ honestissimam confessionem extorsisse, rem hanc esse supra nostri, veterisque ævi exempla: quod si ad Romanos spectaret, haberemus passim in Historicis illos ab Oratoribus petitos tumores. O horribilem in tot adversis fiducia, ô singularem animum ac spiritum Populi Romani! Sed tamen præter hanc propriam, non tralatitiam Gentis Boicæ laudem, quæque id potissimum

osten-

*Polyb. l. 3.*

*Idem l. 3.*

*Idem l. 2. c. 6.*

ostendit, animorum illi satis fuisse; corporum tamen etiam in tot bella perpetuum seminarium laudata in Gente Gal-  
 lorum fecunditas præbere potuit; Gal-  
 licas certè foeminas Strabo in prole gi- *Strab. l. 4.*  
 gnenda educandâque felices appellavit: *Tonades ac*  
 cuius rei causas à castigatis illius tempo- *juvânes &*  
 ris moribus petere licet; quibus & sera *τετέφην αἰσ*  
 juvenum conjugia erant, eoque; inexhau- *θαί.*  
 sta pubertas; neque virgines festinaban- *CONTI*  
 tur, ut eadem utrique conjugum juven- *NENTIA*  
 ta, & similis proceritas esset, fortesque *BOIORVM,*  
 fortibus gignerentur; summa educatio-  
 nis severitas, deliciarum non modò nul-  
 la captatio, sed sincerissimum odium, in-  
 tegeritas naturæ, & vigor nullâ molli-  
 corruptus, in artus ingentes valida cor-  
 pora provehebant; in quam rem nobile  
 est illud ab Ephoro notatum, diligentis-  
 simè Gallos cavisse, ne turpi saginâ cor- *Apud Strab.*  
 pora diffluerent, verumque perderent *l. 4.*  
 robur; ac proinde juvenes ad cinguli cer-  
 tum modum examinari solitos, & æquo  
 ventriosiores graviter multatos fuisse.  
 Accedit, ævo illo vacationem militiæ  
 nulli fuisse, nisi quem prima, ultimâque  
 ætas, etiam invitum absolverent: reliquis

fuere, frustra in occisorum numero spes-  
 res nimis religiosos fore; de quo ple-  
 runque gloriosis militibus credendum  
 est, qui linguâ, quàm manu fortiores  
 sunt. quo maximè factum puto, vt tristi  
 censurâ insignes viros, & in ijs hunc  
 ipsum, quem sequi cogimur, Livium  
 Fl. Vopiscus sugillet, ausus dicere, nemi- *In Aureliano.*  
 nem Scriptorum, quantum ad Historiam  
 pertinet, non aliquid esse mentitum: Sed  
 vt à coniecturis narratio abeat, proxi- *A.V.C. 564.*  
 mo post acceptam cladem anno, Lælius  
 Consul in Galliam missus est; vbi turba-  
 rum quidem nihil, querelarum aliquid  
 fuit, à Placentinis & Cremonensibus, di-  
 citantibus solitudinem esse in amb-  
 bus colonijs, vtramque cladibus penè  
 exhaustam colonorum inopiâ laborare,  
 decretum non tantùm in illas duas sup-  
 plementum est, sed eodem Lælio aucto- *Liv. l. 37.*  
 re Senatus censuit, alias duas in agrum,  
 quij BOIORVM fuisset, deducendas;  
 proximòque anno, ante diem tertium  
 Kal. Ian. Bononiam Latina Colonia de- *A.V.C. 565.*  
 ducta est, trium millium hominum: E-  
 quitibus septuagena jugera, cæteris co-  
 lonis



*Sext. Pom-  
peius V. Ager  
Boicus.*

lonis quinquagena divisa. Agro à Boiis  
nomen adhæsit, etiam cùm in. Populi  
Romani potestatem venisset: Ea res et-  
si Boiis oculos exureret, hiscere ta-  
men contrà ausi non sunt; nam neque  
fortibus consilijs locus erat, in. despe-  
ratione auxiliorum; & ablatà maleficij  
occasione, mala quæ patiebantur accu-  
sare poterant, corrigere non poterant.  
Hominibus libertati innutritis, & du-  
centorum annorum gesta recolentibus,  
ille demum fatalis annus compedes in-  
jicere visus est, qui necessitatem feren-  
dæ iniuriæ attulerit, eripuerit vindican-  
dæ. Nunc demum Romanos vicisse,  
quando in. manu Boiorum ferrum  
non. videant; reliquas omnes victorias  
ijs se illætabiles fecisse; nunc illorum  
plausum suo silentio adjuvari, quo ta-  
men ipso clarè testentur, sibi victis in vi-  
ctores præter iras inermes, & non. pro-  
futuras nihil superesse. Inter has tristes  
cogitationes annus ille absumptus est;  
cùm interim Boios nec Fortuna. re-  
spiceret, & duriora in dies fata vrgerent;  
quibus fracti, fessique, proximo anno,

Marco

Marco Valerio Messalla & Caio Livio Salinatore Consulibus ut libertatem in tuto collocarent, consilium fortibus dignum viris cepere, & cedendum potius, quàm serviendum censuere. Nam sine bello Italia emigrasse Iul. Obsequens scripsit; etsi Strabo de vi mentionem facit; quod de Romanorum iniurijs interpretari licet, quibus à Fortuna sua adiutis plustamen in BOIOS non licuit, quàm ut ijs Italiam eriperent; cætera illi bona sua secum extulere, Fortes animos, libertatem, æternitatem nominis, & cuius vnus gratiâ agere, & pati omnia tanti fuit, captæ, incensæ, venditæque Romæ trophæum immortale: in hæc non est manus injectio, eaque cum nomine, & sanguine ad posteros pervenere, optima portio hæreditatis. Sedem sibi BOII, cum Italiâ excessissent, ad Danubium, inter Tauriscos legere. Tauriscorum portio sunt, qui hodie, perduto veteri nomine, Stiri nobis, voce Germanica dicuntur, quæ, ut apparet, Latinam est interpretata; locum cò maximè placuisse credo, quod ne-

M. V. C. 566.

ANTE C. N.

CLXXXVI.

BOII EX

ITALIA AD

TAURISCOS

MIGRANT.

I. de Prodigijs.

Strab. l. 5.

Strab. l. 5.

R 5 que

que Boiohæmo, quod BOIORVM totum fuit, procul aberat, & omnis illa ad Istrum ora Gallicis BOICISQUE colonijs abundabat, vt invenisse potius patriam, quàm perdidisse videantur.



VIRTVTIS ET  
FORTVNÆ GEN-  
TIS BOIORVM  
LIBER TERTIVS.

Breviarium.



*Ellum, quod Antiochus cum Romanis gessit, TOLISTO-BOIORVM eitem illigatorum fortunam corrumpit; mirofato, Scipione, & Annibale iterum in Asia inter se commissis, quorum in Europa, & Africa, praelia, BOIOS Italicos jam ante afflixerant.*

I.

*TOLISTO BOIIS, quod Antiochomilitassent Manlius Volsobellum indicit: idque in Olympo monte, quo TOLISTO-BOII, Ortiagonte Duce, conceſſerant, levo successu gestum: Capta eo*  
præ-

II.

*prælio Chiomara Ortiagontis uxor ereptam vi pudicitiam, audaci facinore vindicat. Spectata etiam Virorum inter vincula virtus, & animus servitutis impatiens. Victis tamen pax concessa.*

## III.

*Nihil o fauentiorem Fortunam TOLISTO-BOII bello Macedonico experti sunt, quamquam pro Romanis tunc contra Perseum stetissent; eaque ex causa Eumeni, cui clades suas acceptas ferebant, bellum indictum; frustra pacem suadente Legato Romano; nihil tamen, ob eum contemptum, mutatâ Romanorum benevolentia, quò minus eorum causam contra Prusiam, Eumenē, Ariorathem Reges, tuendam susciperent.*

## IV.

*Ariamnes Galata inauditâ liberalitate toti provinciae anno integro gratuitas epulas struit, magni prisca candoris in TOLISTO-BOIORVM gente argumento; qui etiâ in simplicissima Eruicarum à satis arcendarum ratione elucet.*

*Cim-*

V. *Cimbros, terribilem toti Europæ gentem BOII aditu Bojohemi arcent, primique invictos adhuc vinci posse ostendunt. BOIORVM tamen nonnulla manus, Boiorige duce, Cimbros in eiusdem experimentum fortuna secuta, communi cum illis fato plectitur.*

VI. *Mithridates Galatarum odia, nobilissimis Tetrarcharum occisis, meritis, Romanis armis petitur; constantissime in partem adnitente Deiotaro TOLISTO-BOIORVM Rege; quo nomine Romanis Ducibus conciliatus, ab illis honestissimis testimoniis, amplioremque provinciam auctus est.*

VII. *BOII Boiohamo egressi, Danubio trajecto, Norciam primariam Norici urbem oppugnant; inde cum Helvetijs in Galliam migraturi, cum Iulio Cesare collisi, victique, inter Aeduos collocantur, amici aliquamdiu Caesaris, deinde, in publico gentis motu, hostes; iterumque concili-*

conciliati, Fortunæ benignitate id etiam consecuti sunt, ut Borbonij Gallie hodie Reges, suas illis origines transcribant.

VIII. Crassus, itēque M. Tullius Cicero Deiotari hospitio usi; atque hic quidem, in Amano Monte, TOLISTO-BOIORVM auxilijs res maximas egit. Pharsalico deinceps bello Pompeij partes secutus Deiotarus, Cæsaris offensam incurrit, ab eoque parte provinciae exutus est. accusatus insuper paratarum in eiusdem caput insidiarum, luculentâ M. T. Ciceronis oratione defensus est. recuperatis à Cæsaris morte rebus omnibus, domesticis calamitatibus misere conflictatus: successores in regno duos habuit; quibus extinctis, Galatia omnis in formam provinciae redacta est.

IX. Paulo post Fratres duo Galatæ nobilissimi sanguinis, ab Augusto Cæsare in triumphū ducti, inauditum amoris certamen

*tamen ediderunt, uter cum patre mori posset.*

BOII, qui inter Tauriscos confederant, post continua cum Rætis, & Dacis bella, Rege Critasiro imperante, funditus à Dacis deleti sunt. X.

Per eadē ferē tempora, alterum BOICA gloria vulnus accepit; cū à Maroboduo Marcomānorum Rege BOII Boiohemo, primē vā Colonia, pulsī, inter Nariscos, obscurā in posterum famā, per aliquot sēcula delituerunt. XI.

Christianam legem primi ex BOIIS Asiatici TOLISTO-BOII didicere; reliquis tam longē à pietate semotis, ut ē BOIIS Gallicis Maricus quidam Divinitatis affectator repertus sit. XII.

GESTA SVNTHÆC  
ab anno ante CHRISTVM NATIVM Octoagesimo sexto, vsque  
ad septuagesimum primum  
post eiusdem Natalem.



I.



ETIAM mihi Italicis  
 confuncto bellis, velut in-  
 penetratâ missione, suave est  
 in Asiam revisere; quan-  
 quam nec illic incruenta  
 spectacula, aut vlla sine ferro manus: sive  
 illud vnicum, eo sæculo, viris dignum  
 negotium visum est, bella gerere; aut alia  
 omnia literis indigna, præterquàm bella  
 scribere: atque ea quidem Boicæ Genti  
 neque hîc, pro veteri gloria, satis ex ani-  
 mi sententia, evenere: Cogimur Italiæ  
 ignoscere, quando neque in Asia Fortu-  
 na Boios fert in sinu; & quod mirere, ad  
 illos vtrunque duris exercendos, iidem  
 anni placuerunt; cuius delectus causas  
 afferre non possum; in Deo sunt clausæ;  
 planissima illa est, omnibus bonis satis-  
 factura, illi sic placuisse; nimirum omnis  
 ævi exemplis docere homines vult, non  
 esse rem delicatam, vivere; hoc boni ve-  
 teres annales præstant, monstrant omnia  
 sæcula in miseras fœcunda fuisse: tristitia  
 omnibus paginis intexta sunt; & hic ipse  
 ordo mundi est; desipitque, qui hunc  
 potius, quàm seipsum objurgare vult, &  
 corrigere: Calamitatum in Asia Tol-  
 sto;

STO;

STO-BOIIS causa Antiochus fuit, is qui BELLORVM,  
 cognomēto Magnus dictus est, cuius bel- MALORVM-  
 lo, quod cum Romanis gerebat, TOLISTO-  
 STO-BOIIS illigati, illius etiam ruinā af- BOIOS IN  
 flicti sunt. nempe quod in Italia tristi de- ASIA EXER-  
 monstratum exemplo est, BOIOS, cūm CVERVNT,  
 Africanis se rebus immiscuissent, pere- FAXANTIO-  
 grinis auspicijs domesticam fortunam, CHVS.  
 corrupisse, id illis etiam hic exitio fuit;  
 cūm Asiaticis involuti tumultibus, para-  
 tam alijs tempestatem, suis ipsi capitibus  
 exceperē. Et erat iterum insignis huius  
 belli cōcicator Annibal; vt idem homo,  
 qui BOIIS Italīcis in suam societatem,  
 pertractis suas calamitates affricuerat,  
 nunc etiam Asiaticos secum in præcipi-  
 tiū daret; mirabili Fortunæ ludo; vt An-  
 nibal, dum ex toto orbe Romanos op-  
 pugnat, vbique BOIOS, tristi vtrisque fa-  
 to, reperiret. Igitur Antiochus cūm ex  
 Asia in Græciam exercitum ducere para-  
 ret, oculos in TOLISTO-BOIOS, Troc- *App. Syriac.*  
 mos, & Tectosages maximè coniecerat;  
 quod & armorum gloriā ingens totā sibi  
 Asiā nomen parassent, & præstantiā vi-  
 rium, ipsāque corporum mole, vni om-  
 nium pares Romanis esse posse, Regi vi-  
 S deren-

derentur: eos igitur partim muneribus, partim ipso apparatus terrore, in societatem belli pellexit; quāquam extra Asiam Regem secuti non sunt; cū ille raptim cum solis decem millibus in Græciam profectus, nullā re memorabili gestā, à belli cogitationibus, in otium, luxūmq; prolapsus, sub aureis & sericis tentorijs, vnicus Imperator, in hyberna se condidit. vbi paulatim non tantū à militari- bus curis, sed ab ipsa cœpit naturā desciscere: mediā hyeme rosas concupiscebat, & verò etiam per Græculos in luxuriam ingeniosos voto suo potitus est; & vt aliquā re ducem ageret, puerorum, virginūque delectus habebat, tibijs, & fidibus muliebri classicum concinentibus; vxorem etiam, jam seni, alienissimo tempore, vacavit ducere, & quidem ex privatā obscurāque domo, ne meliūs se Regem, quā ducem esse meminisset. Sic igitur jam à luxuria debellatus, ægre à popina genialium cœnarum extractus, à M. Acilio Glabrione, eodē illo anno, quo Boi i in Italia internecino bello à Scipione Nasica cæsi sunt, ad Thermopylas prælio fusus est, quo præter quingentos equi-

equites, & novam nuptam, omnia amisit. Ergo in Asiam fugâ se recipiens, bellum quanto potuit, maximo studio reparavit; illic demum **TOLISTO-BOII**, cum reliquis duabus Gallicis Gentibus, sub Regis signa convenere; & ut videre liceat, planè in ipsos fata conspirasse, veniebat in Asiam ille ipse Annibalis terror. Scipio Africanus, qui se Lucio fratri Consuli legatum iturum promiserat, si illi provincia Asiæ decerneretur: ut eodem iterum duce, in altera etiam orbis parte, Annibal, cumque eo **BOII** vincerentur. Antiochus Gallorum operâ primùm in obsidione Pergami usus est, quod caput, & arx Eumenis Regni erat, qui Romanos eo bello adjuvabat. Gallorum quatuor millia erant, totius exercitus robur, & maxima in ijs Regi spes: qui cum Pergamenum agrum latè depopularētur, coëgere ipsum Regem Eumenum, quamquam Attalus frater in vrbe jam erat, ei præsidio accurrere: sed neque ille præter leves excursiones quidquam tentavit, non ausus de summa rei decernere. Eo ex loco Antiochus de pace cum Romanis incunda nequidquam egit; consilia om-

*Liv. Det. 4.  
Apian. Syriac.  
A. V. C. 564.*

nia Eumene, cuius maximè periculo illa futura videbatur, discutiente; qua de causa Antiochus, Seleuco filio, & quatuor millibus, Pergami relictis, discessit. Suspiciari licet, ea ipsa Gallorum quatuor millia esse, quæ Pergameno agro pervasando Rex adduxerat. Ad radices montis confederant, tanto terrore urbi incusso, ut nullus inde, ne in stationes quidem telum mitteret: sed quò plus in urbe timoris, eò minus in castris fuit; à rebus secundis incauti, nihil pro diligentia, quæ obsidentes deceret, agebant; militia in ludum degeneraverat, & nullâ re, nisi poculis certabatur, vino passim victos sternente, & sepeliente. Hanc disciplinæ militaris corruptelam ex mœnibus Urbis speculatus Diaphanes est, qui nuper admodum ex Achaia equites non plus centum, pedites mille, tenue in speciem subsidium urbi adduxerat: is & fiduciâ militaris scientiæ, quam ex ipso Philopœmone summo Græcorum Imperatore hauserat, & milite suo fretus, audax facinus fecit, quod qui mollissimè interpretatus est, temeritatem, plerique furorem appellavere: Portâ cum Achæis suis egressus,

DIAPHANIS GRÆCIVCIS, IN GALLOS AUDACISSIMÆ EVPTIONES.

sus, hosti non modò se ostentavit, sed prope ipsum, velut amicus, otiosè confidentérque confedit; impleverant Pergameni vrbis mœnia, vt viderent, quonam horribilis illa confidentia esset eruptura; Seleuc̃us ipsâ paucitate spretâ, miserabilem audaciam non armis, sed risu censuit esse vindicandam: ad hastam currere, aut omnino clypeum circumspicere, nulli venit in mentem. at enim Diaphanes vnum hoc volebat, contemni; frustra futurus, si timeretur: ergo repente signum dat, & admissò equo, cum ingenti clamore, suis immixtus Seleuci stationes invadit; & quia ausus est, quod ausurum nemo putavit, hosti mētem, consiliūque eripuit, vt quanquam armis, virisque abundaret, eorum omnium vsu solâ illum celeri audaciâ Diaphanes spoliârit. Nihil relictum erat præter fugam, neque ipsam quidem securam; cū etiam qui equitem evasisset, in peditem incideret, vtrinque periturus. Diaphanes quâ licuit hostem persecutus, suos recepit, & ingentem gloriam in urbem retulit, cū testem virtutis suæ totum Pergamum habuisset. Sed cū videri posset

hostem dolo vicisse, altero die, eodem loco cum suis iterum comparuit; sed timebatur jam, neque hostis imprudentiâ abuti poterat, qui heri sapere didicisset; sed hætenus tantum, ut hesternum errorem corrigeret, militemque continuum diem in armis haberet, quasi Diaphanes unâ tantum victoriam arte quæreret, & heri totum ingenium exhausisset. Sed cum ille nihil moveret, & jam serus vespere esset, Seleucus in castra rediit, velut eius dici periculo perfunctus. Quievit etiam tum Diaphanes, quamdiu hostis videndi copia fuit; ubi extra conspectum fuit, incitato rursus equo, sublatoque clamore, momento citius in postremi agminis tergo hæsit. Pavor iterum virtute, & verecundiâ potior fuit; nemo pedem fixit, nulli pugnare lubitum fuit; ritu pecorum in castra agebantur. Exin Diaphanis virtus apud amicos, & hostes miraculo esse, & parvula illa manus humanis maiora viribus ausa, in ore omnium versari. Seleucus noluit tertium erubescere, sed conclamatis vasis, Pergamo discessit. Neque felicius circa Phrygium amnem à Galatis res gesta; ad cuius ulte-

vltiorem ripam castra regia erant, cùm ALTERA  
 Consul in citeriore consedisset; videban-  
 tur flumine non tantùm iræ, & prælia di-  
 rempta, sed ipsi etiam virtuti limes esse  
 positus; & quidem in exercitu Romano  
 nemo fuit, qui tentare aquas, & hostem  
 vellet. E regijs copijs mille admodum,  
 equites, ( & plerique omnes ex tribus,  
 quos sæpè nominavi, Gallogræcis popu-  
 lis erant ) siue ad ostentationem virtutis,  
 siue reparandi nuper amissi decoris cau-  
 sâ, trajecto flumine in Romanorum sta-  
 tiones irrumpunt. & sanè dum ij ex subito  
 pavore se colligunt, præcium operæ fuit;  
 verùm vbi laborantibus suis alij, atq; alij  
 auxilio venere, vt Galatæ numero etiam  
 vincerentur, fessis cedendum fuit; sed  
 terribiliorem fluvij transitum jam trepi-  
 datio, & instans à tergo hostis faciebat,  
 & fœda inter ipsosmet colluctatio, & quæ  
 ipsa etiam moræ causa fuit, nimia festi-  
 natio; ergo ab vltimis aliquid cladis ac-  
 ceptum; reliquis quantumvis infelix au-  
 dacia gloriæ fuit. Non multis deinde in-  
 terjectis diebus, de summa rei, omnibus  
 copijs decertatum est. Trecenta millia  
 peditum; equitum, falcatorumque cur-

GALLO-  
 RVM  
 AD PHRY-  
 GIVM AM-  
 NEM PV-  
 GNA.  
 Liv. l. 37.



*Flor. l. 2. c. 8.*PUGNA AN-  
TIOCHICVM  
ROMANIS.

ruum non minorem numerum habuisse Antiochum, Florus auctor est. Temperatior Appianus septuaginta millia duntaxat recenset. quémque TOLISTOBOLI, Trocmi, Teetofages (nam disertè omnes nominat) in acie locum obtinuerint, designat, à quo Livius non nihil diversus abit: ex quo utroque numerum si colligas, supra peditum, equitumque Gallogræcorum sex millia, & quingentos non reperies. Aderant elephanti quatuor & quinquaginta, Indi omnes, Afris, quales Romani habebant, longè anteferendi: auro, purpurâ, argento, & suo ebore fulgebant, mole ipsa corporis ingentes, & turrîto insuper tergo, quo castellorum fecerant speciem, præter rectorem, quatuor singuli armatos ferebant. Supra equitatum numerosissimum, camelis etiam usus est, qui dromades vocantur, quibus Arabes Sagittarij insidebant, gladijs tenuibus armati, qui quatuor cubitum longitudinem æquarent, ut ex ea altitudine ferrum ad hostem pervenire posset. Sed hunc tantum apparatus ipsa primùm magnitudo invtilem fecit; stultitia deinde Regis, qui Phalangem, robur

exc-

exercitus, in eas compegerat angustias, ut eius virtus ipsa loci iniquitate opprimeretur: denique calum etiam velut Romanorum favori emancipatum, nebulâ prius exercitum textit, ut in regia acie, neque ex umbilico quidem, numerare quisquam cornua posset; nubes deinde soluta in imbrem, arcus, & fundas, & jaculorum amenta corrupit, id est, sua Regi arma eripuit, & propè inermem exercitum Romanis objecit: is tandem finis pugnae fuit, ut peditum ad quinquaginta millia, equitum quatuor cæsa ferantur. cum Romani pedites non plures trecentis desideraverint, equites quatuor & viginti, & de Eumenis socij Regis exercitu quinque & viginti. Hoc tantillo dispendio ingens victoria parta, & belli merces Asia: victoque Regi nomen, etiam ereptum, cum militari joco jactaretur, Antiochum verè Magnum fuisse.

PORRÒ in communi Gentium plurimarum causa, quæ toto excitæ Oriente Antiochum bello illo adjuverant, iniquior Gallorum fortuna fuit; non tam ob acceptam cladem, quæ facilè elugeri poterat, apud illam Gentem, quæ nemi-

II.

ANTE C. N.  
CLXXXVI.  
A. V. C. 564.  
Livius l. 38.

NOVVM  
GALATIS  
BELLVM  
CONFLA-  
TVM.

nem bello mortuum flendum putavit, quàm ob iniquum Cn. Manlij Volsonis Cos., qui Scipioni successerat, in Galatas omnes animū. Hic homo cū in Asiam venisset, pacatiora omnia reperit, quàm vellet, & doluit sibi hostem deesse: Ergo iisdem artibus cœpit bellum quærere, quibus alij pacem conciliant. Exercitum per omnes angulos, & recessus provinciarum circumduxit, tributa iniqua passim imperans, ut vel postulatorum indignitas tandem ad stringendum ferrum, aliquos impelleret; nemo tamen fuit, qui Consuli quidquam negaret, quanquam id ille mallet. Tandem, cū turbarū concitare nihil posset, impegit in Gallogræcos; causa obtenta cupiditati est, quòd Antiochum bello juvissent, & quidem, quòd in utroque cornu stetissent, quòd robur totius exercitus habiti fuissent: quasi post pacem cum Antiocho factam, id illis posset esse fraudi, si Consul jure non suo, sed Romano uti voluisset: Unde cū sciret, se causam Senatui non probaturum, illo inconsulto bellum suscepit & gessit, quod tamen hoc nomine L. Furius Purpureo, & L. Æmilius indignum

gnum esse censuerunt; qui id priuatum. Manlij latrocinium palàm non dubitarunt appellare. Vbi ergo decretum Consuli fuit in Gallos ducere, Attalum Eumenis Regis fratrem in auxilium, societatemque belli evocavit, qui vnà cum Athenæo fratre tertio, quantas potuit, copias adduxit, tantò promptiùs, quòd nullius magis, quàm sua, fratrumque interesset, Gallos debellari; nemo enim vicinum nimis potentem amat, & fortem; & quidquid timemus, volumus à nobis quàm longissimè abesse. Præerat tum cum summa potestate Ortiagon TOLISTO-BOIIS, maioris etiam fortunæ capax, & jam in omnes Galatas imperium animo complexus, ad quod optimis artibus, præsertim regiâ, & militari fortitudine sibi viam muniebat. Combolomarus & Gaulotus, Trocmis, & Tectosagis iura dabant. Consul cum exercitu primùm omnium in TOLISTO-BOIORVM fines venit; vbi vt metum hostis, quem tota, timuisset Asia, suis militibus eximeret, longâ & meditatâ oratione illorum animos accendit, id maximè inculcans; neque viros illos, neque Gallos ampliùs esse;

ORTIAGON  
TOLISTO-  
BOIORVM  
REX.

*Suidas v. Ortiagon.*

se;

se; virtutem patriam jam olim cum nomine perdidisse; Gallogræcos vocari, & esse, eo ferè modo, quo Androgyni quidam nascuntur iniuriâ naturæ, vtriusque sexus vitia in vno corpore commiscen-  
tis. Hoc nimirum Asiæ ingenium esse; quos viros acceperit, semiviros facere; plerunque enim homines patriæ suæ respondere, & sub tam blâdo cælo corpora & animos emolli; at virtutem nunquam delicatè habitare, & ferè inter voluptates mori. Proinde properandum ipsis esse, ne Romanus spiritus in tam voluptuario loco extinguatur; vincendûmq; antequam ipsi delicijs vincantur: dubiam victoriam fore, si Romanos Asia similes Gallis fecisset. Deinde cùm sciret, Epissognatum, vnum ex Gallorum Regulis neq; Antiochum iuvissè, neque ab Eumenis Regis amicitia recessissè, ad illum legatos misit; atque is haud gravatè civium suorum charitate motus, vnâ cum Compulso altero Regulo, recepit in se, ad tentandos reliquorum animos se profecturum, si fortè in potestatem populi Romani, sine armis, venirent. Interim Consul cùm Sangarium amnem ponte junxisset, eoque  
copias

copias traduxisset, à Pessinunte vrbe To-  
 LISTO-BOIORVM Gallos Deæ Cybeles  
 Sacerdotes obvios habuit, inter sistra &  
 tympana inconditum carmen exululan-  
 tes, quo, Magnæ Deûm Matris nomine,  
 Romano victoriam pollicebantur. De-  
 inde ad oppidum, Gordium stativa ha-  
 benti, legati ab Eposognato missi, retu-  
 lere, cum à Gallorum Regulis re infectâ  
 discessisse; bellum eos, quàm talem pa-  
 cem malle; quod vt quàm tutissimo loco  
 gerere possint, ex planitie, cum opulen-  
 tia domestica, & totis familiarum gregi-  
 bus in montem Olympum demigrare. TOLISTO-  
 Eum, vtì postea cognitum est, BOII IN  
 TOLISTO- OLYMPO  
 BOII cepere; Troemi cõmendatis con- MONTE  
 jugibus, liberisq; Tectosagorum fidei, CVM ROMA-  
 armati ipsi signa. NIS PV-  
 TOLISTO-BOIORVM GNANT,  
 sequebantur. Bellum sperabant se, quàm  
 mollissimè, sedentes confecturos; altis-  
 simum montem, qui cælum sustinere cre-  
 ditus sit, & à quo cælum ipsum nomen  
 acceperit, nec Gigantes expugnatu-  
 ros; neque enim Romanum pennas ha-  
 bere; adfidentem castris suis, fame, frigo-  
 re, & desperatione tandem vincendum;  
 quod si etiam pugnandum sit, montem  
 ipsum

ipsum sibi arma administraturum, ita totum exercitum se Olympo sepulturos. Ultimum hoc consilium Tolisto-Boios fœdè decepit, dum monte solo se non tantum tutos, sed etiam armatos credunt. Consul contra, quia sibi pugnandum eminus præviderat, tota missilium telorum, omnis generis, armaria congestit; ad speculandam deinde loci, castrorumque formam progressus, ab e-rumpentibus Gallis in fugam conjectus est, nonnullâ etiam clade acceptâ. Tandem explorato per otium monte, & æquis, iniquisque omnibus prævisis, triplici agmine, in hostem pergit. ipse, quâ planissima patebat via, montem ascendit. Quatuor armatorum millia Galli objecerant, qui in subeuntes saxa spargerent; sed brevi apparuit bruta illa esse fulmina, quæ vix scuta vulnerarent, neque hærent in corpore: cum illi interim ferro confixi caderent, tandemque suus eos imber deficeret. Stulto apud Gallos more receptum fuit, corpora in pugna nudare, quæ candidissima cum essent, mox perdere colorem, suo sanguine imbuta; quanquam cum ille è palmari plaga pro-

TOLISTO-  
BOII NVDI  
PRELIAN-  
TVA.

proflueret, minùs movebātur; sed minuta tela, altéque admissa, & glandium roto corpore receptarum lethales morsus impatientissimè ferebant, cùm mori se sentirent, vix perstrictâ cute, & fortissimi tantillo vulnere factam viam indignarentur. multi igitur, vt honestiùs mori possent, vltro in hostes ruebant, nobiliorem plagam accepturi, & dignam viris. Pauculi, qui supererant, in castra se recipere, quæ jam desperatio impleverat; cùm imbellis puerorum, mulierumque turba lacrymando, querendóque, viros etiam fatigasset, & veteribus consilijs omnibus damnatis, nova capere, nec res, nec tempus sineret. Igitur etiam castra VINCVN-  
TVR. haud difficulter expugnata; cùm inde saxa Galli nequicquam effunderent, & in vicem ferrum reciperent. Proinde vbi omnia ita iniquè comparata vidère, quæ data porta, effusi ad fugam, ægre etiam illic salutem repererunt. Instabat à tergo hostis, & si quis illum maximè vitasset, præruptus vndique mons, & minimè aptus ad cursum, miseros fœdiùs, quàm hostis accepit; malebant tamen, quocunque fato, quàm ad arbitriũ Romani ferri.

Occum.



occumbere. Manlius jam sine controver-  
 sia victor, quoad licuit, TOLISTO-BOIOS  
 infecutus; arma deinde conquisita, & in  
 ynum collata cumulum combussit. De  
 numero cæforum, inter Auctores non  
 convenit; cùm Claudius, qui bis pugna-  
 tum scripsit, quadraginta hominum mil-  
 lia occisa faciat. Antias autem prodigus  
 alioqui in numerando, decē millia, non  
 amplius. Manlius ipse, oratione, quam  
 pro triumpho, & ad extinguendam in-  
 vidiam, qua conflagrabat, habuit, omni-  
 bus Gallorum copijs collectis, cum cen-  
 tum millibus se pugnasse, quadraginta  
 millia hominum cepisse, aut occidisse di-  
 xit. Ortiagontem Regem evasisse, certum  
 est; cuius vxor Chiomara facinus edidit  
 immortalī memoriā dignum, & ipsā Ro-  
 manorum victoriā illustrius. Capta co-  
 bello in hostium venerat potestatem,  
 pulchritudine formæ, neque illa quidem  
 sorte corruptæ, insignis; eius servandæ  
 cura Centurioni demandata est, ne quis  
 captivo corpori illuderet; sed nobile de-  
 positum vbivis, quàm apud custodem  
 tutius futurum erat: Captus captivæ for-  
 mæ impurus Centurio, expugnare illius  
 pudor.

*Liv. l. 38.*

*Plur. de Clar.*

*Mul.*

*Flor. l. 2.*

*Val. Max. l. 6.*

CHIOMA-  
 RÆ TOLI-  
 STO-BOIO-  
 RVM REGI-  
 NÆ FACI-  
 NVS MEMO-  
 RABILE.

pudorem aggressus est armatis precibus; verum captiva milite fortior fuit, probavitq; servitutem in animum non descendisse, & bonam mentem non potuisse mancipio dari. Ille invictam blanditijs, vi oppressit, & exreluctante pestiferum sibi abstulit gaudium: accensum deinde foedâ injuriâ mulieris animum delinire aggressus, ei spem ad suos redeundi fecit; sed quia in prædone illo libido cum avaritia certabat, etiam aurum ab ea auferre voluit, cui pudorem extorserat: neque hîc obluâtata est pudicissima foemina, vel regnum datura, si eo non tantum sui, sed & probri redimendi facultas fuisset. Pacta est igitur talētum Atticum; locum *600. Coron.* constituerat Centurio, in quo aurum penderetur, flumini vicinum; eò ex necessarijs captivæ, duo, ne plus, venirent. Rem, uti convenerat, servus familiaris Chiomare, domum nunciare jussus; mora in precio nulla fuit, duo ab Ortiagonte missi aurum repræsentarunt; in quod dum ille maximè inhiat, simulque ultimum ab ore abeuntis rapit osculum, patriâ linguâ suis Chiomara imperat, stringerent ferrum, & odiosum amatorem in-

T      tresi.

terficerent. Occisi caput veste involvit,  
 & velut opimum spoliū Pudicitiae triumphantis, ad mariti pedes abiecit. Illi factum miranti, vt de perfidia suspectum, exclamantique; O mea coniux, Fides optimum humani pectoris bonum, & fidelis dextra forti melior est. At illud longè optimū, subiecit vxor, Fidei quam tibi dedi, alienā injuriā violatā, has me vindicias dedisse, tēque vnum, in terris viuere, cui Chiomara sui copiam fecerit; occupauī munus tuum, adulterum, interfeci, & ad te tota tua redeo, & quidem vindicata. Sic verè magna Herois pudicitia supra foeminas, fortitudine supra viros se extulit, fecitque ne suam, Romae Lucretiam Boii inuideant; nostra ferro pulchrius vsa est, quo & innocentem se absolvit, & de noxio capite poenas exegit. Magna illi cōuo suo, ex eo facto, gloria; & Polybius se cum illa Sardibus collocutum, præclara omnia, & huic respondētia exemplo in ea comperisse, scripsit. Sed & nunc celebrabitur; nam, ne tātī exempli memoria intercideret, Græcæ, & Latinæ literæ allaborarunt. Viris quoque ex **TOLISTO-BOIORVM** Gente, illo bello captis,

*Apud Plut.  
 tom. 2. in libello  
 de virtutib.  
 Mulierum.*

*Flor. l. 2. c. 27,*

ptis, ingens, inter ipsa vincula, parta glo-  
 ria; & reppererunt etiam in carcere virtu-  
 ti locum; (demus illorum facto pulchrū  
 hoc nomen, ex illius seculi æstimatione)  
 Ij cū vincti traherentur, ad votum vi-  
 ctoris vel morituri, vel servituri, neu-  
 trum dignum rati viris; primū quidem  
 ne ad alienum arbitrium viverent, ipsa  
 servitutis vincula rumpere aggressi, et-  
 jam ore, & moribus catenas tentarunt;  
 pōst, vbi illud vanum fuit, saltem ne quis-  
 quam illis legem moriendi dictaret, néve  
 vltimum hoc jus viderentur perdidisse,  
 occupare, quā expectare mortem ma-  
 luērunt, & elidendas sibi mutuò fauces  
 præbuerūt, vt hostibus monstrarent, for-  
 tem virum non posse invitum inter inju-  
 rias detineri: id Romanis miraculo fuit,  
 qui veræ ignorance virtutis, tam gene-  
 rosum animum suis captivis invidebant.  
 Reliquiæ porrò TOLISTO-BOIORVM, so-  
 ciarūque Gentium, quæ gladium, aut  
 vincula Romana, magno adhuc numero,  
 evasere, Legatos de pace ad Manlium  
 Consulem miserunt; quæ petentibus,  
 præsentē Eumene, non iniqua, aut dura  
 concessa; frenum ijs solum iniectum: pa-

TOLISTO-  
 BOIORVM  
 BELLO CA-  
 PTORVM  
 VIRILIS  
 ANIMVS.

TOLISTO-  
 BOII PA-  
 CEM CVM  
 ROMANIS  
 SANCIVNT.

cis tandem artibus assuescerent, & ferum toti Asiæ formidabile conderent, suoque contenti, ab alieno manum abstinere. Magna porro huius de TOLISTO-BOIIS, sociisque reportatæ victoriæ fama fuit; non apud vicinas modò Gentes, quæ Galatas non aliter, quàm perpetuam tempestatem metuebant, adeoque lætabantur, aliquando detonuissè; sed, quod ex sacra Historia cognoscimus, maximus Judaicæ Gentis Heros Judas Machabæus, æstimatâ, ex hac potissimum victoriâ, Rom. Populi fortitudine, & felicitate, Legatos Romam misit, fœderis sancienti causâ, cuius conditiones æreis descriptas tabulis Romani in Judæam transmissere.

*J. Mach. 8.*

Manlius cùm tot rebus gestis Romam rediisset, tertio demum, à Consulatu suo, anno, triumphavit, cùm ægre ex pluribus sese altercationibus extricasset. Tulit in triumpho coronas aureas ducentas, duodecim pondo, argenti pondo c c x x millia, auri pondo m m c i i i. tetradrachmum Atticū c x x v i i millia, Cistophorū c c l. Philippeorū aureorū sedecim millia c c c x x. arma, spoliâque multa

car-

carpentis trāſveſta. Duces hoſtium duo,  
& quinquaginta ante currum ducti. Mili-  
tibus quadragenos binos denarios divi-  
ſit; duplex Centurioni. Stipendium in pe-  
dites duplex dedit, triplex in equites. Mi-  
litaria dona plurima eo triumpho viſa:  
celebratūſq; Manlius eſt carminibus mi-  
litum, ad invidiam uſque, quorum ipſe  
favorem leni imperio, & indulgentiā mā-  
ximè ſibi conciliarat,

Porro TOLISTO-BOIORVM, ſocio-  
rūque arma, proximo iterum bello,  
quod Populus Rom. cum Perſeo ultimo  
Macedonum Rege geſſit, inclaruere, feli-  
ciūs reſumpta, & Fortunæ eiufdem Po-  
puli Romani immixta, in cuius tum ex-  
ercitu numerabantur, non ampliūs ho-  
ſtes, ſed ſocij; nam cum Eumene nuper  
in gratiam reducti, datam fidem, omni  
conſtantiā officiorum coluerunt, eique  
contra Perſeum Romanis auxilio eunti  
ſeſe adjunxerunt. Caſſignatus Gallos du-  
cebat; de quorum robore cū magna  
eſſet opinio, primi omnium ipſi, ad ten-  
tādā belli aleam, in regiones ſunt immiſ-  
ſi. Duas equitum alas Caſſignatus eduxit;  
additi ex alijs Gentibus, levis armaturæ,

III.

Liv. l. 42.

ANTE C. N.

CLXIX.

A. V. C. 583.

RES TOLIS-

TO-BOIO-

RVM IN

BELLO MA-

CEDONICO

PRO ROMA.

NIS CON-

TRA PER-

SEVM.

centum ferè, & quinquaginta. His ex suo exercitu Perseus opposuit quantũ necesse videbatur; & mox vtrunque cõcursum est; victoriam ad se certam neutra pars traxit. Cassignatus tamen cum triginta alijs occisus est. Post aliquot dies, totis copijs pugnatum; vbi Eumenis maxime opera, corũque, quos adduxerat, factum est, ne Romana res eo die ingentem cladem acciperet; sine his enim fuisset, victor equestri prælio Perseus, peditem etiã facile videbatur averfurus. Sed neque his initijs, neque reliquæ consuetudini Eumenes respondit, Perseo manifestè addictior, vultu Fortunæ deceptus, quæ Perseo, initio belli, bonâ fide, favere videbatur: non igitur tantũ, medius animo fuit, sed à Q. Martio Philippo, si qua Valerio Antiati fides est, eius ingratijs discessit, cũque id saltem Consul instaret, Gallos equites, quos adduxerat, apud se relinqueret, neque hoc à se passus est impetrari: vnde legati Romam missi negarunt, quidquam certæ spei in Eumene esse, classẽque eius venisse, & abiisse, tanquam iter illud animi causa, aut ad ventorum ludibrium fecisset. Jamque

*Liv. l. 44.*

*A. V. C. 585.*

que parùm à proditore aberat, legationibus Persei sollicitatus, nisi avaritia, vitium minimè omnium regium, quæ vtriusque animos occupaverat, infamia illa consilia disturbasset; nam & Perseus omnia perdere maluit, quàm aliquantillum donare cum lucro, & Eumenes à proditiōe abhorrebat, quâ & fidem amitteret, & rem non augetet. Sic sordidorum Regum nundinatio irrita fuit. Eumenes, vt novo officio infamiæ occurreret, triginta quinque naves, quas Hippagogos vocât, cum equitibus Gallis Eleâ dimittit, in Macedoniam, Attalo fratri supplementum: sed eodem mari classis Persei vagabatur; in quam Eumeniani imprudentes inciderunt, suâ securitate decepti; cùm nihil quidquam hostile eo loci suspicarentur. Illico desperatum est, quòd & naves ad vim propulsandam, inferendamque, ineptæ erant, & Galli ex insuetâ agitatione nauseantes, cum ipso mari luctabantur: Ergo quæ cuique proxima littora erant, ea effuso cursu, citatis remis, petita; alij Erithream, alij Chium sibi destinabant; & hi quidem tam turbidè omnia fecerunt, vt cùm in littore essent,



etiam salutem suam putarent esse in vado; neque equos quidem è navibus extrahere, quasi & illi fugientibus impedimento essent: Interim & lembi hostiles propiùs urbem appulsi, & milites, exsensione factâ, Gallos partim in via assecuti, partim ante portas Chienfes, oppressere; ab illis enim admissi non sunt, quòd metuerent, ne cum fugitivis, & miseris, etiam miseriam in urbem reciperent. ita octingenti ferè Gallorum cæsi, ducenti capti; equi vel mari hausti cum collisis navibus, vel succisis nervis debilitati. viginti duntaxat eximix formæ, cum captivis, Thessalonicam missi. Interim Rege Perseo virtute Pauli Æmilij Cos. victo, suo, fratrísque Eumenis nomine, Attalus Romam venit, qui præter gratulationem victoriæ, etiam illud Senatui exposuit, Gallos nuper cum ingenti motu defecisse; petiitque, ut legati mitterentur, quorum auctoritate ab armis abstraherentur. Quæ causæ Gallos impulerint, ut repentè rebellarent, proditum non est; conjecturâ eò duçor, uti credam, cladibus, quas bello Macedonico, sub auspicijs Eumenis acceperât, irritatos, satis non habuisse for-

*Liv. l. 45.*

GALLORVM  
CONTRA  
EUMENEM  
BELLVM.

fortunam belli accusare, nisi de Rege insuper se vindicassent, cuius consilijs, quæ ferè ab eventu æstimantur, in eam calamitatem essent præcipitati. Vtunque se res habeat, Senatus extemplo cum Attalo legatos in Asiam misit, qui bellum inter Regem & Gallos finirent. Jam induciæ factæ erant, & in hyberna utraque pars concesserat, cum legati advenire: ex ijs P. Licinius Ducem Gallorum, Solvettium Synnadis convenit, in ipsis castris; apud quem etsi nihil admodum pro maiestate Populi Romani rigidè aut ferociter ageret, sed deprecatori ubique propior, nusquam accusatoriâ voce uteretur, tamen ad tam bona, & mollia verba surdæ erant Galli Ducis iræ; videbatur ab ipsis precibus intumescere, & ex verecundia legati callum ducere. Miraculo fuit Licinio, à maximis Regibus nuper legatos, solâ Rom. Pop. auctoritate interpositâ, omnia impetrasse; se, cum insuetis etiam Romano Populo formulis utatur, & ab imperio ad preces se demittat, nihil tamen æqui ab homine Gallo posse extundere. Obversabatur animo Popilij ad Regem Antiochû legatio, cui adeo dex-

*Cic. 8. Philipp.  
vell. Pat. l. 1.  
Iust. l. 34*

tram Romanus porrigere antè noluit, quàm Senatus consulto annuisset: cùmque cunctabundus, se cum amicis collocuturum, Rex respondisset, legatus illum virgulâ circumscripsit, & prius responsum reddere coëgit, quàm ex illa circumscriptione egrederetur; quâ constantiâ disiecta Regis cunctatio est, futurumque se in Senatus potestate respondit; & tum demum, Popilius porrectâ dextrâ, amicum Regem salutavit. Hanc igitur legationem Licinio cum sua comparanti, ægre erat, Romanum nomen Regibus formidatum adeò apud Gallos evluisse. Et sanè arma posita non sunt; quanquam omnis illius belli historia, quod Eumeni tristissimum fuisse constat, intercidit.

*ANTE C. N.  
CLXVI.  
Æ. V. C. 586.  
Liv. l. 45.  
Polyb. Legat.  
97.*

Proximo anno etiam, Prusias Bithyniæ Rex, cum filio Nicomede, Romam venit, sordium affectatione, & corporis habitu, reo, quàm Regi propior; nam pileatus, & raso capite, veluti nuper in libertatem assertus, Populi Rom. libertum se, projecti simâ adulatione, professus est; osculis etiam limen curiæ terebat, & Senatores Servatores suos Deos appellans, inter cætera à Senatu, deformi, & servili

ora-

oratione petijt, vt ager de Antiocho captus, quem Galli sibi nullo jure vindicarent, sibi attribueretur. Responsum est, legatos in Asiam ituros; si ager ille Populi Romani fuisset, idémque nec Gallis, nec vlli alteri datus esset, se Prusiæ rationem inter primos habituros; quod si illud Galli voluntate suâ acceperissent, id donum ratum, etiam volente Rege, beneficiúmque Pop. Romani æternum esse debere, quem sine causa nunquam pœniteat suæ liberalitatis; neque quidquam ampliùs de hac re constet. Eodem tempore Eumenes Romam adventare dicebatur, fervente etiamnum Gallico bello; quo cùm Eumenes graviter affligeretur, Romani illius calamitatibus occultè pascabantur; nam pridem in illum alieniore animo esse cœperant, quòd bello Macedonico Romanam amicitiam languidioribus officijs coluisse argueretur. quæ res tam altè in Romanorum animos descenderat, vt incertum maleficiûm totæ certa beneficia penitus obliteraret; quæ admodum ferè iniuriarum immortalis, mortalis obsequiorum est memoria, facileque perpluunt benefacta, nisi identidem

ROMANO-  
RVM ERGA  
TOLISTO-  
BOIOS, SO-  
CIOSQUE  
BENEVO-  
LENTIA.

dem alijs pertegantur. Igitur cùm in Regem & ingrati videri, & grati esse nollent, pudori suo Senatus consultum prætexunt, quod in hanc sententiam factum erat; Non placere Senatui, Reges Romam venire; cùmque accepissent, Eumenem Brundisium jam accessisse, quæstorem ad eum misere, qui Senatus nomine quæreret, quid illi in Italiam accessio esset; nam nisi gravis causa vrgeat, posse illum eo itinere supersedere. Eumenes, cùm ex hac denuntiatione coniecturam de Senatus in se animo fecisset, nullâ se re indigere professus, in Regnum suum reversus est. Id Gallis longè commodissimum fuit; nam desertum, proditumque à Romanis Regem, suâque tantum fortunâ nixû labefactare haud paulo minoris operæ fuit: quanquam, quo bellum totum successu gestum, vel exitu finitum sit, tacente Historiâ, cogimur nescire. Ex Polybianis tamen fragmentis haud ægre colligere est, Romanos constanter Gallorum causæ favisse, eorumque libertati, contra Eumenis molitiones, consultum ivisse. Nam cùm suos etiam Galli legatos Romam misisset, id illis,

à vo-

à volente Senatu concessum est, vt legibus, moribúsque patrijs vterentur, dummodò suis se finibus tenerent, neque alienæ libertati, aut opibus, armatâ manu insidiarentur. Aliàs etiam cùm Prusias Bithyniæ Rex, & foederatæ Vrbes, *Frag. 104.* per legatos Romæ conquesti essent, Eumenem à Galatia non abstinere, aliâque plura illi vitio darent; reliqua oscitanter audita; id tantùm, quod propriè ad Gallos pertinebat, Patres visi sunt in animum demittere; cùm liberi, & fortis Populi salva jura, & à Regū injurijs tuta esse velent. Ad Ariarathem etiam Cappadociæ regem cum Gallis contendentem, Cn. *Frag. 105.* Octavius, & Sp. Lucretius Legati Româ missi, qui causam cognoscerent; sed ea quæ nã fuerit, in Polybio intercidit; quam spero aliunde me repositurum. Erat enim sanè, cur Galli Ariarathẽ odissent. Pravè imperabat, & stultè etiam; parùmque illi erat, solum Cappadociæ Regnum perdere, & suis tantùm nocuisse. Magnum imperium, idem credebat, quòd magnam licètiam; & facere quidquid collibuisse, id demum arbitrabatur esse, vivere regiè. Eius impotentia specimen  
vnum

*Strabo. l. 12.*

CAUSÆ  
ODIORVM  
IN ARIA-  
RATHEN.

vnũ Strabo adnotavit, quod existimo contentionibus inter Regem & Gallos ansam dedisse. Melas est fluvius quadraginta stadijs ab vrbe Mazacena distans; huius fauces, per quas in Euphratē se cæ-  
onerat, Rex obstruxit, nullâ ad id neces-  
sitate adductus, sed communi luxurian-  
tium morbo, qui gaudent perversis, &  
cum natura litigant; campos sibi designa-  
verat, per quos navigare gestiebat; in hos  
ergo flumen induxit, vt restagnantibus  
aquis probaret, se etiam mare facere pos-  
se: assurgebant hinc indè exigui colles,  
qui aquis cincti insularum speciem præ-  
bebant; his ille velut novarum Cycladum dominus gaudebat; & reliquæ Cap-  
padociæ fastidiens in suo se mari oblecta-  
bat, omnibus illuc curis demersis: cùm  
repentè Melas regiæ libidinis, & velut  
suæ servitutis impatiens, in pristinam se  
libertatem asseruit; ruptis enim molibus,  
aggeribusque, quibus constringebatur,  
dissiectis, noto itinere, cum ingenti aqua-  
rum impetu Euphratem repetijt; sed om-  
nibus jam ripis altior & planè exlex, stul-  
titiâ Ariarathis gravissimè vltus est, ma-  
gnâque Cappadociæ partem, & impli-  
citos

citos mænibus suis populos traxit, pro  
 Rege suo plexos; nec vnus regni ruinâ,  
 aut naufragio contentus, etiam Galata-  
 rum agro superfusus, ingentibus in illum  
 damnis grassatus est impunè; quid enim  
 aquis, cùm furere incipiunt, compescen-  
 dis relictum est? Galatæ cùm spem non  
 vnus tantum anni interversam sibi do-  
 lerent; in calamitatis suæ auctorem irâ  
 accensi, sine dubio armis injuriam vlti ef-  
 sent, nisi Romani, ad quos æstimatio de-  
 lata est, ad sarcienda Galatis damna Re-  
 gem impulissent, ccc talentis impera-  
 tis; tanti illi mare & stultitia constitit. Sed  
 nimirum nos has fugientis veteris histo-  
 riæ vltimas umbras persequimur, idémq;  
 facimus, quod illi, qui ex sparsim exstan-  
 tibus incendiorum reliquijs, magnitudi-  
 nem vrbium suo cinere sepultarum col-  
 ligunt; nam quantillum de ingentibus  
 bellis superest, ad quorum arbitriū, com-  
 positionémque advocata Roma est, nul-  
 li vnquam exili negotio magnas cogita-  
 tiones impensura? quanquam, vt in tro-  
 phæo paucæ exuviæ hostiles, & perfossus  
 thorax, & de lacera casside pendens buc-  
 cula, trunco affixa stipiti, cum epigram-  
 mate



mate trium verborum, illustris victoriæ monimenta sunt, ita ex his quantumvis disiectis antiquitatis ruderibus, splendor nominis, & gloria TOLISTO-BOIORVM sociorúmque, velut per rimas tralucet. Nam & Romanos desciscere ab ingenio suo, & superciliosis edictionibus assuetos, apud Gallos nudis precibus uti, & his etiam repudiatis, nihil tamen irasci, partésque Gallorum favore suo juvare, per legatos illorum libertati consultum ire, & hæc talia, quæ ex fragmentis eruimus, & belli à Gallis suscepti causam approbant, & de victoria spondent, etiam tacentibus libris. Nam neque injustis favere Rom. Populus potuit, neque infelices esse potuere, quibus favere voluit; quin & illud ex his veteris historiæ tabulis, quæ fractæ mutilæque ex tristi naufragio enatarunt, & quocunque fato suo in alienis libris, velut hospitali littore hæserunt, æstimare possumus, longè plurimum factorum illustriū memoriam fluctibus esse haustam, quàm quæ emersere: quò me religiosiùs facere puto, dum illis etiam manus porrigo, quæ certis annorum, suæq; ætatis indicijs argumentisque perdi-

perditis, propè pro desperatis & derelictis habentur: quale illud est, quod ex Philarcho Plinius exscripsit, Antiochum à Galatis prælio victum occisumq; fuisse; in qua pugna mirabile illud accidit, ut Centaretus, alij Citaretū, Ælianus Centoaratem vocat, qui suā manu Regem interfecerat, quò factum suum ostentare gloriosius posset, in Antiochi equum insiliret; sed ille veluti sentiret, quem veheret, vel indignatus ignobiliorem Rege sessorem, vel ulturus necem Domini, spretis lupatis, & omnis impatiens imperij, præceps in abrupta abiit, & Galum tergo suo pertinaciter hærentē, vnā secum ruinā involvit, exanimavitque; fidei, cuius laudem bellua non capit, homini, cuius id proprium, sed rarum bonum est, magister factus.

ADDAM illustrius, & salubrioris exempli, & ne imitari pudeat, ab homine petitur: ætatem adscribere non possum; tale tamen est, quod omne ævum provocet, & illis etiam annalibus insultet, qui fabulis creverunt. Id est eiusmodi. Ariamnes Galata bonis artibus ad ingentes divitias pervenerat, & quod rarissimum

*Plin. l. 8. c. 42.*

*Æl. l. 6. de Animal. c. 44.*

CENTA-  
RETUS AB  
ANTIOCHI  
REGIS EQVO  
INTERFEC-  
TUS.

*Athen. l. 4. c. 12.*

*Ex Philarchi lib. 5.*

Y est,

INAVDITA  
ARIAMNIS  
GALATÆ  
HOSPITA-  
LITAS,

est, non amiserat inter illas bonam men-  
tē; totus in id intentus, quomodo illis  
quā honestissimē frueretur; ut non  
modò domestico divitum malo, avari-  
tiā non laboraret, sed ne invidiā quidem.  
Insuper anxias illas curas oderat, quæ et-  
jam bene partas opes comitantur, qui-  
bus ita caveri nunquam potest, ut ne-  
queant perdi; nam vel vivos deserunt, vel  
certē à morientibus deseruntur; quorum  
vtrumque vix sine suspirio fit. ne igitur  
illas vel Fortunæ, vel factorum arbitrio  
amitteret, emittere maluit suo. Galatiam  
totam hæredem scripsit, sed novo more;  
noluit enim per vitam avarus, & demum  
à morte liberalis vocari, quando tam  
pulchrum nomen jam neque audire pos-  
set. Literas igitur, nunciosque per totam  
provinciam dimisit, quibus in sequen-  
tem annum quotidianas epulas promit-  
tebat, invitabátq; omnino omnes, qui-  
cunque suo beneficio uti vellent: ipse  
interim opportunis totā Galatiā locis,  
cænacula & diætas complures struxit, quæ  
singulæ quadringentos, ne minùs, plu-  
res etiam admitterent convivas; juxta  
lebetas ingentes collocavit, vinumque  
capa-

capacissimis dolijs cōvexit; polentæ præterea subactæ magnam vim, reliquūmq; com meatum alendæ in annum Galatiæ parē: visum id est non hominis, sed propitiæ Fortunæ munus, & longè supra decantatam Solis mensam in Ægypti fabulo. Provinciam totam velut vnam domum, & suam, fecerat Ariamnes, ingentisq; pater familiæ multa hominum milia maximus modimperator pascebat: sed ipsemet suæ liberalitatis spectaculo haud paulò jucundiùs ipsis convivis pascebatur. Structores, carptorésque, & pinceræ, ad quotidianas lautitias, hospites de nulla symbola sollicitos cogeant: neque viatorum forte fortunâ prætereuntium quisquam impransus, aut incoenatus dimittebatur, cū ipsam ad eò Galatiam munificentie suæ crederet esse angustam. Adorabatur ergo Ariamnes velut ipse Iupiter Hospitalis, proque illius salute tota patria excubabat, sincerissimis votis; tandem hominem repertum esse, qui, ad ipsius Dei exemplum, divitem se beneficiâ probasset; vnum illum opibus uti didicisse, & nova foeneratione debitores sibi sine odio fecisse; collocasse apud

amicos divitias extra Fortunam, & artem invenisse, ut dādo nihil perderet, & amorem faceret lucri. Certè inter illas mentes, Ariamnes factus est immortalis; & ut nulla aliorum etiam tempeſtiva convivia laudentur, huic tamen gloriæ erit, anno integro eſſe epulatum. Coniecturam etiam ex huius vnius facto, non tantum de immensis Galatarum opibus, ſed multo veriùs moribus, facere poſſis. Quantum enim inſtar in illo annuo convivio, ſeculi aurei fuit? cùm Galatæ omnes mapalibus, junco, & ſalice Amerina inſtratis innoxie epularentur, Ariamne omnia naturæ beneficia promiſcuè utenda in medium conferente; cùm propter vnius divitias nemo pauper eſſet, & ſecuris liceret in diem vivere, vno illo pro omnibus, ſine anxietate, ſollicito; ſimilis enim priſcorum mortalium, & cum ſua terra recentium vita fuiſſe perhibetur. Annec tam aliud teſtimonium primævi candoris, apud Ælianum repertum. Siquando Galatarum agrum cruce, dirum animal, aut locuſta invaderet; ne noxio morſu ſata depaſcerentur, Galatæ in agrum progreſſi, aves, quibus cruce, & locuſtæ in cibum

*l. 17. c. 19.  
de Anim.*

**MOS GALA-**  
**TARVM E-**  
**RVCAM A-**  
**SATIS A-**  
**VERRVM-**  
**MANDI-**

cibum petuntur, supplici carmine ad se  
 invitabant, securitatem ijs polliciti, ab  
 insidiarum metu eas liberas fore, & im-  
 punè totâ ditione grassaturas; creditum-  
 que est, aves liberali pollicitatione indu-  
 ctas, magno examine, advolare solitas,  
 ad segetem illo fatali malo levandam;  
 quòd si quis tam opportunâ avem, con-  
 tra datam fidem, cepisset, occidissetque,  
 fecisse capital creditus est; persuasum e-  
 nim erat, nisi mors avis talionè vindica-  
 ta esset, reliquas câ indulgentiâ offensas  
 mox avolaturas, frustrâ aliàs revocandas;  
 Ridiculè sine dubio, quis neget? sed ta-  
 men qualecunque id remedium fuit, cer-  
 tè commendationem simplicitatis ha-  
 bet; & si ridere libet, hac ipsa in re, quæ  
 non Gens aliquid deliravit? in Cyrenai-  
 ca quidem regione, lege populus coge-  
 batur, ad locustas ter quovis anno debel-  
 landas: primò ova obterendo, deinde re-  
 centem foetum, postremò adultiores; de-  
 fertoris etiam pœnâ in illum statutâ, qui  
 officio huic defuisset. Et in Lemno insu-  
 lâ, certa mensura præfinita erat; quantum  
 locustarum cuique ad magistratum esset  
 referendum. In Syria verò, militari im-

*Plin. hist. nat.*

*l. 11. c. 19. l. 17.*

*c. 28. l. 19. c. 30.*

## BIO VIRT. ET FORT.

perio, copiam ad illas occidendas evocabantur. Romanis etiam ingruente hac peste, ad libros Sibyllinos confugere pudori non fuit, auxilij inopiâ; neque usquam putidiora a verruncando huic malo usurpata. Nam mulierem eo tempore, quo menstrua solvit, ambire infestas abruca arbores jussere; ossa item capitis, ex equino genere, fœminæ dūtaxat, palo imposita, aut cancer. fluviatilis medio suspensus horto; aut sanguineis virgis ea contingebantur, quæ his morsibus nolent obnoxia esse, aliâque nec pueris digna, cum religione factitata.

SED nos his omissis, post tam longum silentium, ad primam BOIORVM coloniam in Boiohæmum revertamur. Nam quidquid illic quingentis propè annis (tantum enim temporis à prima immigratione fluxit) BOIIS gloriæ partum est, Hercinijs tenebris sepultum, nullâ literarum luce inclaruit; maximâ sine dubio jacturâ, quam tamen sarcit magnitudo rerum ab ijs gestarum, qui hinc in Græciam, Asiâque, uti explicatum est, bonis avibus (avium enim præpetum volatum secutos esse Justinus auctor est) abierunt.

runt. Vnius Possidonij diligentia nobile  
BOIORVM in Boiohemio factum in literas  
missum est, ex quo æstimare liceat, fortis-  
simam Gentem per totum orbem terra-  
rum sparsam, vbique sibi similem fuisse.

Cimbros enim ille in Herciniam Silvam *Apud Strab.*  
delatos, à BOIIS fortiter repulsos scri- *lib. 7.*  
psit, tribus verbis rem ingentem com- *CIMBROS*  
plexus, quæ proinde à me altiùs repeten- *BOII ADITV*  
da est, vt, qui homines Cimbri extiterint, *HERCINIÆ*  
& quantæ molis fuerit, hos ingressu pa- *SILVÆ*  
triæ prohibuisse, clariùs intelligatur. *PROHIBENT.*

Non vna de Cimbrorum origine, & pa-  
tria, auctorum sententia est; sunt enim,  
qui illos Cimmericos olim à Græcis di-  
ctos, seditione domesticâ pulsos, à Mœo-  
tide palude, Ligdamo duce, profectos, ad  
Oceanum concessisse scribant, vbi terra-  
rum vltima, horridissimâque sortitos,  
ad ipsos mundi cardines, & extremos si-  
derum ambitus proiectos vix vnquam  
Sol videat, densissimâque tenebræ, qui-  
bus neque Poëtæ nigriores fingere po-  
tuere, æternâ nocte involvant. Sed ve-  
rior fama est, Germanici Oceani accolæ,  
peninsulam, quæ ab illorum nomine  
Cimbrica dicta est, incoluisse: C. Cæci-

*Tacit. de Mo-*  
*rib. Germ.*  
*Ptolem. l. 2.*  
*Plin. l. 4. c. 8.*



CIMBRO-  
RUM ORI-  
GINES ET  
MIGRATIO-  
NES.

*Strab. l. 7.*

*Plor. l. 3. 4. 3.*

lio Metello & Cn. Papirio Carbone Coss. illorum arma Romæ audita sunt; non quòd illo demum anno è patria egressi sint; sed quòd peragrato ferè orbe terrarum, post acceptas, illatásq; vicissim clades, tum maximè sedes sibi certas in Italia quæsiverint. Causa illis migrandi ingenij ferocia fuerit, an, quod ab alijs traditur, superfusus patriæ Oceanus hanc illis necessitatem imposuerit, non omnino liquet; illud certum est, cum immani multitudine in viam se dedisse; cùm illorum, qui in Italiam penetrarunt, trecenta millia, foëminarum autem, & sobolis multò maior numerus fuerit: atqui res ipsa evincit, cum tot Gentibus, antequam Italiam contingerent, congressios, magnâ parte hominum multatos fuisse; nam à Boiis repulsi, ad Istrum, & Scordiscos Gallos, ad Teuristas deinde, & Tauriscos, denique etiam in Hispaniam progressi, & illic à Celtiberis prælio victi sūt; ut Boiæ Gentis gloriam mirificè exaugeat, quòd, cùm primos Cimbrorum impetus excepisset, nondum imminutis eorum viribus, aut clade aliquâ fatigatis, superior tamen fuerit: cùm Belgis maxi-

mam

nam fortitudinis famam ea vna res conciliarit, quòd Gallorum soli Cimbros Rhenum transgressos intra suos fines ingredi prohibuerint; multòque maximè BOIORVM facinus è Romanorum cladi-  
bus æstimabitur, quas à Cimbris acceperet, tantas quidem, vt actum crederetur de Romanâ re totâ, nisi Marius illi sæculo contigisset; vt causæ satis habeam, cur Cimbrica in Italia prælia obiter perstringenda putem, etsi id agendum solùm esset, vt sciretur quales viros primi omnium BOII docuerint vinci posse. Sed vrget insuper vehemēs conjectura, Cimbrorum in Italia res etiam ad BOIOS aliquà pertinere: nam cùm Boiorigem in illo exercitu Regem Plutarchus nomi- *In Mario*  
net, planè in eam concedo sententiam, ex illis BOIIS, qui post suum ex Italia discessum, inter Tauriscos confedère, illac, quemadmodum suprâ dixi, trāseuntibus Cimbris, sese aliquam manum, Boiorige duce, conjunxisse, quibus veteres in Italia sedes cordi erant, quarum recuperandarum, tanti exercitus viribus, *BOIORIX IN CIMBRO-  
RVM EXERCITV RE-  
GVLVS BOIIS  
ASSERTVS*  
haud vana spes affulgebat: quod ipsum ab Helvetijs factitatum est; ad quos cùm

Cimbri transito Rheno appulissent, ingentésq; prædas latrocinijis partas ostentassent, quanquam & illi auro abundarent, tunc tamen magnas inter opes sibi inopes visi, impellēte avaritiâ, quæ etiam cū nimiū habet, satis non habet, arma corripuerunt, suâque nomina in omnem fortunæ Cimbricę dederunt societatē: ij Tigurini maximè & Tugeni fuere. Et veteres quidem BOIORVM annales, Bojorigem hunc sine dubitatione adserapiunt, quibus vti antiquitatis fide destitutis nō temere accedo, ita hic refragari, propè religio est. Primus Cimbrorum cum Romanis congressus in Illyrico fuit A. V. C. DCXLI. quo Cn. Carbo Cos. fufus, fugatúsque, castris & exercitu exutus est. Indè formidanda Galliæ arma intulere, omnéque illius populos, præter Belgas, dirissimis cladibus afflixere: ij, quos munitiores vrbes tuebantur, ad vltima humanæ patientiæ exempla compulsi, infandis rebus, quas sola necessitas in cibum verterat, famem sustinebant; quæ cū etiam ipsæ tandem defecissent, inutilia bello corpora aggressi, inhumanum ex hominibus alimentum habuere, ipsâ fame  
*læuius;*

*Strab. l. 7.*

*Plut. in Mario.  
 Pell. l. 2. Strab.  
 Tacitus, Vegetius, &c.*

*Iul. Cæsar. l. 7.  
 bell. Gall.  
 CIMBRO-  
 RVM PRÆ-  
 LIA.*

ſcivius; creditum tamen eſt, ſuaviùs eſſe à Gallo comedi, quàm à Cimbro vinci. Quatuor annis Galliâ & Hiſpaniâ in hunc modum divexatis, animum ad Italiâ adjecerunt; miſſiſque in caſtra M. Junij Silani, indè ad Senatum legatis, rogabant populum Dominum orbis terrarum, ſedes ſibi habitandas alicubi assignaret; patriam ſibi malignitate naturæ ſubtractam; eius loco in poſterum terram illam habituros, quam beneficio Populi Romani poſſediſſent: invicē ille armis ſuis vteretur, quæ omnes ferè jam Gentes agnita formident; benevolentiam illam Pop. Romani ſibi pro ſtipendio fore. Nihil impetraverunt. Nam quid illis Roma daret, cuius imperio, aut certè cupiditati, non tantùm Italia, ſed ipſe propè orbis anguſtior videbatur? Igitur repulſam paſſi Cimbri, à precibus ad arma convertuntur: & mox cum hoc ipſo Conſule Silano congreſſi, eundem vice-  
re. In eius locum proximo anno M. Scaurus Coſ. miſſus, rem nihilo feliciùs geſ-

*Flor. l. 3. c. 3.*

*Padian. in*

*Orat.*

*Cornelian.*

*Quintil. de  
clam. 3.*

Tigu-

*Oros. l. 5.*

Tigurini L. Cassium Cos. in insidias præcipitatum occiderunt, & cum illo legatum etiam Lucium Pisonē. Q. Publilius alter legatus, ratus id exemplum etiam ad se pertinere, tuta præ honestis eligens, ne reliqua exercitus pars deleretur, obsides & dimidiam partem rerum omnium pactus, sub jugum cum suis missus est. Quod ignominia genus omni ævo libertas Romana ipsâ propè morte gravius tristiùsq; censuit. Q. Cæpioni, qui deinde Consul fuit, hoc vno Fortuna æquior. extitit, quòd multatum exercitu vitâ donavit, in diriores sequētis anni casus reservatum, quo, quasi cladis nihil à Cimbriis Romana res accepisset, calamitates omnes renovatæ sunt, quæ ad Alliam olim, funestissimo dierum, à Gallis illatæ, Romæ ipsi fatales & ultimæ visæ sunt. Caius Manlius Consul, & idem hic Cæpio, proconsulari potestate, Cimbriis oppositi, sed capitalibus inter se odijs dissidentes, & ipsis ad eò castris sejuncti, cum vtrâque Rhodani ripâ cōsediissent, vtrunque victi & castris exuti sunt. Octoginta Romanorum, sociorūque millia trucidata sunt, inque ijs duo filij Consulis:

*Oros. l. 5.**Iul. Cæs. l. 2. de**bell. Gall.**Liv. Epit. 65.**Flor. l. 3.**Vell. l. 2. 87.**Oros. l. 5. c. 16.*

fulis: & calorum insuper, lixarumque quadraginta millia, &, vt Valerius Antias scripsit, soli decem homines superfuere, ne tristissima clades nuncio careret. Cum præda ingens parta esset, omnem illam execrationibus & diris devotam Cimbri pessumdedere. Vestis omnis generis, hominum, equorumque exuviae, irâ cupiditatem vincente, defossæ, laceratæque sunt: Ipsum adeò aurum, argentumque, propter quæ ferrum stringitur, superbissimo furore in flumen sparsa; eodem etiam equi merfi, præfocati que sunt; homines ex arboribus suspensi; vt præter infamiam miserandi spectaculi, quo non nisi sanguinarij oculi pasci poterant, ex tanta victoria fruendum Cimbri nihil superesset. Consultatum deinde de petenda Italia, cum omnia virtuti suæ prona crederent, tot Consularibus exercitibus deletis; adhibitus est consilio etiam Aurelius Scaurus Legatus Consulis, eo bello captus; magis vt ex ipsomet audirent consentanea sententijs jam dictis, quàm quòd vel illius consilio se indigere, aut hiscere contrà ausurum arbitrarentur:

is animo, non pro præſente fortuna, ſed verè Romano, & inter vincula etiam libero, negavit Romam poſt hanc, priorèſque omnes clades eſſe victam; negavit etiam vinci poſſe: his vulneribus tantum fortitudinis ſuæ admonitam, acriùs de vindicta cogitaturam. Alpes proinde ne tranſcenderent; nihil in Italia, niſi ſepulchra reperturos; victoriæ ſuæ ſi aliquem fructum vellent, hîc modum ponerent; poſt Alpes, ſicut aliud cælum, ita aliam Fortunam fore. Non erat hæc accommodata oratio auribus indomitis, viriſque, qui etiam victi verum non libenter audirent; igitur à \* Bolo Rege feroci juvene, quem maximè Scaurus intempeſtivâ libertate offenderat, occiſus eſt. Tamen ſive ingenij volubilitate, ſive Scauri oratione poſt mortem demum ponderatâ, impulſa, Italiâ vitatâ, malum pedem in Hispaniâ, interim intulere, ne illi, quàm Italiæ meliùs eſſet: in qua lacerandâ dum occupantur, C. Mario, in quo eâ tempeſtate, ſpes, atque opes civitatis ſitæ erant, Conſulatus ſunt continuati, cùm Cimbrorum reditus, in momenta ſingula metue-

retur,

\* *Fortaſſe Bo-  
jorige.*

retur, omniũque Imperatorum, præter Marium, Senatum Populũque Rom. pigeret. Igitur illo III. & Q. Lutatio Ca- *A. V. C. 653.*  
tulo Coss. cùm ex Hispania rediissent, communi cum socijs consilio habito, ita decrevere, vt Cimbri per Noricos; Teutones, & Ambrones, ex Gallia, per Alpes Italiam tentarent. Cimbris Catulus obiectus, Teutonibus sociisq; Marius obviam profectus est: atque hic quidẽ nihil neque divini, neq; humani prætermisit, quo suis, adversus hostem longis victorijs exultantẽ, animos adderet: Nam & Martham fatidicam ex Syria mulierem, & Bat- *Plut. in Ma-*  
tabacem, Pessinunte, ex ipsa TOLISTO- *rio.*  
BOIORVM patria advectum Matris Deũ Sacerdotem secum duxit, quorum concordibus vaticinijs certa Romanis victoria addicebatur: vultures etiam duo æreis collaribus decori, & exercitum salutare docti, lætis illum augurijs prosequerantur: tamen vbi castra cum hostibus contulit, licet illi pugnandi copiam facerent, prælio ipse consultò abstinuit; vt & ille impetus hostium morâ consenesceret, & Romani subinde extra vallum educti hostium vultus ferre discerent, magnisq; illis



illis corporibus pares animos conciperent. Teutones ubi munimentis suis elici posse Marium desperarunt, avulsi ab Ambronibus propius Alpes movere; sex dies insumpti sunt, dum castra Marij militari gradu omnes copiae præterirent, increpantes ignaviam Romanorum, quibus castra pro carcere, & compressæ otio manus esset; quod viris omni vinculo compedibusq; turpius esse debeat: quærebant subinde, an aliquid ad vxores suas mādātum vellent; se Romā ire. Marius locis tutissimis agmen ducēs sequebatur, modico intervallo, vt hostem neq; omitteret, neque congredereetur. Tandem illum ad Aquas Sextias est affecutus; atque ibi commisso prælio, faventem habuit Fortunā; plus propè cum mulieribus, quàm viris negotij fuit; nam cùm Ambrones, quibuscum prima pugna fuit, inclinatâ acie, ex proelio fugerent, fæminæ furiatâ mente, passo capillo, gladijs & securibus, quique armis terribilior fuit, barbaro ululatu, proditores maritos execrantes in mediam progressæ aciem, omnia cessantium virorum munia occuparunt, verissimæ Amazones; ibi apparuit, quid mulier

lier posset irata; per telorum imbres, vulnerum, mortisque contemptrices volabant, scuta, gladiosque Romanis militibus eripiebant, ipsam etiam victoriam, extorturæ, si viri nominis sui memores fuissent concessi; tandem & illæ repulsæ, in castra sunt reiectæ. Victoria sine dubio penes Romanos fuit, sed multa, ne sincerum illius gaudium esset, impediabant. Castra neque opere, neque loco munita erant; aquatio etiam hostibus opportunior; & expostulantibus ea de re militibus id tantum Marius respondit, Viros esse; peterent, aut raperent aquam ab hoste; tantum ignavos sitire: id convitium sitim, & iras acuit; ita novum ad fluvium prælium commissum, aquas cruentavit, sitisque sanguine levanda fuit. Supererat præterea hostium, si vires conferres, ingens vis, quos & cladis pudor, & vulnerum acerbitas efferaverat. Igitur castra per noctem, quæ omnia terribiliora reddebat, ferali exululata clamore, ferarum non hominum antra representabant; & Marius metuebat, ne nocturno prælio decernere cogeretur, coque noctem illam inter ancipitia consilia cum

*Oros. l. 5. c. 16.*

suis infomnē duxit. Sequenti die Marcel-  
 lum cum parva manu circuire hostem à  
 tergo iussit, & cū opportunum esset,  
 ipseque in frontem pugnare cœpisset, ex  
 insidijs adoriri; ea res successit ad votum;  
 exercitus hostium totus concisus est; du-  
 centa armatorum millia interfecta; octo-  
 ginta millia capta; tria millia salutem fu-  
 gâ quæsiwere. Corporum tabo soluto-  
 rum ossa etiam posteris miraculo fuere;  
 testantia quales illic viri cecidissent: Mas-  
 silienses enim, ijs vineas suas circumse-  
 psere, vt verè Poëta dixerit, corvos nun-  
 quā maiora cadavera attigisse. Rex Teu-  
 tobocchus, quem Teutobodum alij vo-  
 cant, vivus in hostium potestatem venit,  
 vir eximiâ staturâ, qua super ipsa trophæa  
 eminebat, & mirandæ in super agilitatis,  
 quippe quaternos, senosque equos tran-  
 silire solitus. Fœminis etiam post tantam  
 cladem irata Fortuna extorquere bonum  
 animum, nequij, honestiora confi-  
 lia, neque si vicissent, agitare poterant:  
 prima illis pudicitia cura, vltima vitæ  
 fuit. Ad Marium miserunt oratum, vt  
 Vestalibus Virginibus dono mitteretur;  
 se cum illis castitate, & religioso cultu in  
 Numi-

*Iuven. Sat. 8.  
 Flor. l. 3. c. 3.*

*Val. Max. l. 6.  
 cap. 1.  
 Oros. Florm.*

Numinum obsequio certaturas; eam so-  
lam servitutem non detrectare, quæ Dijs  
impendatur; cæterum hominum nulli  
Teutonas servire didicisse. Cum nihil  
impetrassent, & honestè vivere se posse  
desperarent; quæ vna ijs ad libertatem  
superesse via videbatur, fortiter, & vt illa  
ætas loquebatur, pulchrè mortuæ sunt;  
sobole ad saxa collisâ, ne quem servituti  
genuissent, ipsæ sibi ferro vel laqueo spi-  
ritum eripuerunt; fuere, quæ deficientibus  
vinculis illa è capite suo peterent, crine  
refecto, & in funes contorto: miseræ qui-  
bus per scelera virtus, & per laqueos li-  
bertas quæsitæ est; & tamen, vt tunc erant  
tempora, pulchrum Pudicitia, Constan-  
tiæque anathema creditum est, homo  
pendens. Certè castus animus suam in his  
infelicibus laudem meretur, & maximus  
Pudicitia præco S. Hieronymus Chri-  
stianas identidem, nupturientes, ad has  
trecentas Amazones (tot enim ille fuisse  
scripsit) ablegat, jubetque illas virtu-  
tem ab his pendulis discere: Post hanc vi-  
ctoriam Marius ad Cimbros properavit,  
quibus neque Alpes, nec, quæ Alpes exa-  
spèraverat, hyems, præpedire iter, nudi

*Tom. I. de Mo-  
nogamia.*

per nives eluctati ad summa juga , non v-  
 num cum rerum natura certamen iniere.  
 Scutis deinde impositi in imas se valles  
 provolvêre: proxima cum fluvio Athesi  
 lucta fuit , quem vel ponte jungere , vel  
 transire navibus, operæ pretium esse non  
 crediderunt: corporibus obnixi, vel op-  
 positis scutis sistere perennem cursum  
 tentarunt , stolidè audaces: id vbi frustra  
 fuit, arboribus, saxis, & totis propè mon-  
 tibus revulsis alveum implevere; & sanè  
 si hos indomitos spiritus Romam tulif-  
 sent, spes erat, post Alpes, fluviósque ita  
 superatos, vinci etiam illam Urbem pos-  
 se: sed Martium robur inter Venetas de-  
 licias elanguit; ita Marius mitiorem ac-  
 cepit hostem, & jam voluptatibus edo-  
 mitum. Boiorix tamen vnus omnium  
 maximè animis abundans, Romanis ob-  
 equitans castris, Marium vltro ad certa-  
 men depoposcit; negavit Marius, vel sui,  
 vel Romani moris esse, consilium tem-  
 púsque pugnae ab hoste petere; posse il-  
 lum, si vitæ pigeat, facili compendio pe-  
 rire: tandem vbi prælio dicta dies est, ma-  
 ximis vtrinq; animis in aciem est descen-  
 sum. nihil terribilius fuit quindecim mil-  
 libus

*Flor. l. 3. c. 3.*

*Plut. in Ma-  
rio.*

libus Cimbrorum equitum, quorum galeæ, terrori augendo, pandos ferocium animalium rictus mentiebantur; vt Romani non tam cum homine, quàm cum bellua sibi crederent pugnandum. Vndantes toto vertice diffundebantur. cristæ; scutum brachio candidum, gladius lateri ingens aptabatur; & antequam ille stringendus esset, telum manus bipenne armabat. Jam illud novum & firmandis ordinibus inventum; Antesignani catenis præligati, quæ totis copijs circumfunderentur, impenetrabile agmen effecerant, si vlla contra Marium, Romanamque Fortunam satis valida præsidia esse possent. Annibalis artes hîc repetitæ; nebuloso die, Romani Cimbros inopinantes oppressere; post, vbi purior lux nebulam discussit, Marius acie in Orientem cōversâ, totum scutis excepit solem, cuius repercussu præstricti Cimbrorū oculi sunt, totumque ijs ardere cælum visum est; & vt omnia cum Romanis conjurasse elementa viderentur, etiam ventus exortus concitati pulveris nubem in adversa Cimbrorum ora ferebat; Igitur de cætero cædes fuit; centum & quadragin-

*Oros. l. 5. c. 16.* ta millia Cimbrorum, sociorumque cedere: quidam suis ipsi manibus mortē occupavere; nam Reguli duo, quod constat, strictis gladijs mutuò concurrerunt; Lugius, & Boiorix in acie occubuerunt; his Belcum Florus addidit; Claudicus & Cesorix capti sunt. Debellatum erat, cum viris, sed pugna cum fœminis superfluit; &, quod mirabilius, cum canibus quoque. Hi enim infesto morfu, illæ de plaustris, velut turribus, lanceis, contisque, &, quod cuique telum ira fecerat, pugnantes, victoribus Romanis longum negotium facessivere: fregit tandem constantiam inhonestę mortis infamia, quam à Romano suis videbant inferri; nam abscissis cum crine verticibus; turpi deformes vulnere projiciebantur. igitur ferrum, quod in hostes sumpserant, in severtē; quibus ferri copia non fuit, ad laqueum properarunt, & subrectis plaustrorum temonibus pependēre. Fuit, quę duos filios, insertis in colla laqueis, pedibus suis astrinxit, & sic denique ipsa pendula, tria funera colligavit. Fuerunt qui infelici ligno deficiente, boum cornibus, cruribusque præligatum devinxere, caput,

*Plin. l. 8. c. 40.*

*Plut. Oros.*

caput, ijsque ad cursum extimulatis raptati, infelicem animam non effudère, sed eiecere. Et tamen, in hac moriendi libidine, sexaginta hominum millia capta sunt. Ingès sine dubio victòria, quam Roma non hominibus, sed Dijs nuncijs, ad se perlatam, vulgò jactavit: certè depulso à cervicibus tam formidabili hoste, assurgere Romana maiestas coepit, càmque in rem ostentum illud explicatum est, cùm Nuceriæ in Luco Junonis *Plin. l. 26. c. 32.* vlmus, quòd in ipsam aram procumberet, à culmine succisa, spontè restituta, in pristinum decus crevit. Marium Roma, triumphantem excepit, & velut iterum, receptà vrbe, amplissimas in illum laudes congeffit, in quarum consortionem Boi-  
CAM Gentem fidenter voco, quæ Cimbros, quòd constet, prima vicit, sed adhuc à cladibus, vulneribus, & quòd utroque maius est, à voluptatibus integros; & si verum volumus, Boi viros debellare: Romani tum demum Cimbros nati sunt, cùm inter delicias jam multum de hoc nomine perdidissent.

TREDECIM, à bello Cimbrico finito, abierant anni, cùm non minùs grave, &

VI.



TOLISTO-  
BOIORVM  
IN BELLO  
MITHRI-  
DATICO  
RES.

diuturnius multò Pop. Rom. bellum in Ponto exarsit, quo Bithynia primùm, deinde Asia omnis, tandèmq; velut, propagato incendio, pars etiam bene, magna Europæ conflagravit. Tracti in illud, pari ambitione, hinc à Mithridate, Rege totius belli concitatore, indè à Romanis Galli, intra extrâq; Asiam; & TOLISTO-BOII præsertim, vtriusque partis fortunam, bono, malòque suo, victi, & victores participarunt. Causam belli Rex Romanis, illi vicissim Regi impingunt; si rectè excutias, in vtrorumque sinu latuit. Cupido profunda imperij, & divitiarum, & alienæ invidentiæ fortunæ, Regem, Populùmque Romanum collidebant. Rex à parvis initijs, quotidiano incremento, paulatim ad ingentem, gloriam, & invidendum nomen, quod postea tulit, cùm Magnus dictus est, adrepebat; & obsecutus animo, cui semper tantum deest, quantum cupit, extendere, imperium, & regni fines cœpit. Difficile tunc fuit non incurrere in Romanos, qui maximam orbis partem complexi, vbiq; vel ipsi, vel vbi noluer, per beneficiarios, & obnoxios sibi Reges imperabant.

rabant. Et quamdiu quidē in Scythia, & Ponto, cum ignotis Gentibus rixatus est Mithridates, nondum visus est Romano hoste dignus : sed cū in Cappadociā, & Bithyniam transfiliit; cū, mutatā veste, Asiam Rex ipse speculator factus obiit; cū amicos Populi Romani Reges vexavit, regnisque expulit; cū denique, in ipsum Romanum Populum odia exercuit majora quā Annibal; cū vnā die totā Asiā in civitatibus omnibus, vno nuncio, vna literarū significatione, cives Romanos, quotquot illic versabantur, (octoginta millia fuere) necandos, trucidandosque designavit; vno verbo, cū bellū, quod propè virtute, aut certè necessitate inchoavit, sævitiā, & scelere gessit, tum denique armis Romanis seriò petitus est; Et ante Sullæ quidem adventum, non expectatā Senatus, Populique Rom. sententiā, Romani quidam Duces, qui Reipub. causā in Asia versabantur, privatis auspicijs cum Rege conflixere; in quo-  
*Appian. in Mithrid.*

*Cic. pro lege Manil.  
 Val. Max.  
 l. 9. c. 2.*

fortunio est plexa. Oppius enim Ducum vnus captus, & in ludibrium servatus, circumductusque est. Aquilius verò Legatus, cuius stultitiâ & cupiditate bellum illud conflatum fuit, aino circumvectus ipse sibi acerbum præconium facere coactus est, & quaquà iret, proclamare, Manium Aquilium se esse; cui deinde Pergamum adducto liquatum aurum Rex in os infudit, vt foedam opum sitim, quæ viventem in hoc bellum truserat, tandem moriens extingueret. quæ iniuria homine, quàm exemplo dignior erat, & ad totum Rom. Populum pertinebat: ex eo proinde tempore bellum, quod Mithridaticum dictum est, exarsit; quod primus Sulla gessit, dubium maiore fortitudine, an felicitate; certè cum Athenas urbem frugum parentem dictam, arctissima obsidione, ac fame ad humanos cibos compulisset, tandemque in potestatem redegisset; iterumque ad Charoneam, Archelaum Mithridatis Ducem vicisset, & centum viginti millia hostium vno prælio occidisset, Romanorum tantum quindecim desideratis; ex quibus ipsis duo tamen reversi sunt, turbatus

*A.V.C.666.*

*Appian. Mithridatico.*

tus adversis nuncijs Rex, rebus suis non-  
 nihil diffidere; & quia necesse est, ut mul-  
 tos timeat, quem multi timent, etiam de  
 amicorum, sociorumque fide dubitare  
 cœpit, & quo quisque lateri ipsius pro-  
 prior erat, vel hospitij jure, vel intimis  
 obsequijs consiliisque admotus, aut se-  
 curitatis causâ allectus, eò suspectior  
 erat, omnia, quæ meruerat, metuenti;  
 inter eos autem, quorum manus secu-  
 rus nunquam aspiciebat, Galatarum ma-  
 ximè Tetrarchæ erant, quorum regio- *Iustin. l. 37.*  
 nem cum invasisset, eorundem viribus *§ 38.*  
 deinde se, armisque maximè tuebatur;  
 cumque exercitum ex viginti duabus Gen-  
 tibus, quibus imperabat, collegisset,  
 quarum ipse omnium linguis locutus est,  
 vnis tamen potissimum Gallis niteba-  
 tur, eorumque formidandum Romanis  
 robur imprimis jactabat, uti ex oratio-  
 ne illius, quam ad milites habuit, quæ-  
 que vna ex Trogo superest, colligitur.  
 Igitur cum ex Galatia plurimos sub signis  
 haberet, Principes ipsos Gentis nobilif-  
 simos sexaginta, simulatione amicitia, *Plut. l. de Virt. mulier.*  
 Pergamum evocavit: sed eadem fide in  
 aula culti sunt, qua in illam erant illecti;

ut

vt facileprehenderent, in aureas se compedes incidisse, & in specioso carcere libertatem amisisse: accedebant etiam contumeliæ, ne solâ libertatis jacturâ angeretur, cum se non tantum in superbū, sed etiam crudelem dominum viderent impegisse. Igitur, quod proximum fuit, fortes viri consilium à viribus suis petūt, & in Mithridatis perniciem conspirant. De occasione consultantibus Toredorix Tosioporum Tetrarcha simplicissimam sententiam dixit. Eo die Regem in Gymnasio jus dicturum; indè se medium hominem, cum ipso tribunali, sublimem rapturum, & in vallem subiectam præcipitem daturum. Æquissima res omnibus visa est, eo ipso in loco, ab iniquo Rege pœnas exposcere, quo ille Justitiæ violator, ad dicendum jus consedisset, qui jus nullum vnquam servaverat; nocentior hominem ipso Rege, ad illud tribunal damnatum neminem fuisse; ideoque illud vnà cum iudice evertendum. Erat Toredorix ingentis animi, eique corpus & vires respondebant; neque dubium erat, quin Regem eo die pro pila habiturus fuisset, si in publicum ille prodijisset.

Ergo

GALATÆ  
IN NECEM  
MITHRI-  
Datis CON-  
SPIRANT.

Ergo ubi primum consilium ex absentia Regis irritum vidit, alterum atrocius etiam arripit, quod facile appareat ab ultimo odio dictatum esse, quod nunquam procul à rabie abest, Agite, inquit, ereptis gladijs satis tamen armati in Regem sumus; ad libertatem repetendam etiam nudos natura instruxit: communia certè omnium animalium arma nobis supersunt; possumus manu, possumus ore Regem concerpere; quid refert, quale vulnus sit, & ense ne, an dente, an vngue via fiat tam noxiæ animæ; exemplum tyrannis dandum est, ut aliquid etiam præter ferrum timeant. In huius cædis inhumana societatem fides mutuò à coniuratis data, acceptaque est; sed difficile est, inter sexaginta homines, tam horribile secretum nullam rimulam reperire, quæ emanet ad plures: Rex certè, re, quocunque indice, compertâ, omnes iussit trucidari. Ad Toredorigis supplicium, eâ etiam infamiâ adjectâ, ut honore sepulchri careret. Sed abiectum Pergamena mulier defuncti desiderio ardens rapuit, ultimum illi officiû humanitatis impensura. At enim Rex lege caverat, ne cui in  
extin-

LAUDABILI  
IN VI-  
TA FVN-  
CTVM PIENTAS.

qui parci juberent formoso illi, si etiam-  
 num superstitem reperissent. Favit Regis  
 poenitentiae Fortuna. Lictor, qui in illum  
 animadversurus erat, cupiditate vestium  
 captus, quas adolescens, pro cætera ele-  
 gantia sua, & natalium splendore, quàm  
 cultissimas ferebat; dum eas sibi puras  
 servare à sanguine laborat, còque studio-  
 sissimè diffibulat, & ab humero rejicit,  
 intervenère in tempore felices nuncij,  
 Bepolitanum inclamantes, cum manda-  
 tis, vt ab illo manum, ferrumque absti-  
 neret; ita illi carnificis avaritia, quod ma-  
 lum alijs exitio esse solet, saluti fuit. Hæc  
 ipsam vti existimo tragœdiam, funestæ  
 tetrarcharum necis Appianus recensuit, *In Mithridat,*  
 sed compendio; qui illud tamen adjicit,  
 vnà cum ijsdem vxores quoque, & libe-  
 ros de medio sublatos esse: atque horum  
 quidem alios insidijs oppressos, alios no-  
 cte vnâ in convivio jugulatos esse, tribus  
 tantum fugâ elapsis; qui cùm in Galatiam  
 rediissent, Eumachum à Rege provinciæ  
 illi impositum, collectâ militum manu,  
 cum omnibus præsidijs eiecerunt, vt Mi-  
 thridates fortissimorum hominum auxi-  
 lijs destitutus, quos ingenti crudelitate à  
 se

se alienaverat, planè Romanis impartederetur. Porro ex ijs, qui carnificinam Mithridatis effugerunt, Deiotarum TOLLISTO-BOIORVM Tetrarcham fuisse eo argumento manifestum fit, quòd illius, ut potentissimi & Romano nomini additissimi, celebris circa hæc jam tempora fama fuit, cuiusque fidelem operam, quæ magno sibi vsui fuerit, Sulla in Senatu exquisitâ oratione deprædicavit, qui cum Regis copias magno iterum prælio profligasset, tandemque in Asiam ingressus esset, Regem sibi obvium factum, & de pacis cõditionibus jam seriò tractantem gravissimè reprehendit, quòd immanitate barbara Galatarum Tetrarchas jugulasset, & carnifice in convivium adducto, humanum inter vina sanguinem fudisset, eoque hospitalem mensam eruentasset; viros illos, si vivere non oportuerit, certè aliter mori debuisse. Nulla patebat Regi ad flagitij sui excusationem via; nam si maximè diceret, insidias factas capiti suo; paratum sibi malum, licuisse avertere in auctores; reddenda illi ratio fuerat, cur fortes viros falsis promissis, fucatâ benevolentia, & cæteris mini-



minimè Regijs artibus petiverit; cur eodem deinde odijs apertis, indignis contumelijs, fortunarum, libertatisque despoliatione, aliisque, quæ ingenio tyrannorum inventa sunt, tormentis, ad hæc misera consilia detruferit, ut cogitarent, Rege vivo, se salvos esse non posse: sexaginta viros Regij sanguinis, aut certè indolis, nihil commeritos, non potuisse in servitutem compingi, ut non irascerentur; ad vitandam ultimam ignominiam extremas etiam vires advocari; & acerrimam solere esse virtutem, quam misera necessitas extundit; multa tristitia occurrere homini, cui innocenti moriendum sit. Igitur Mithridates iniquitate causæ suæ oppressus, promisit se in Sullæ potestate fore. Ille cum ad triumphum properaret, & insignia victoriæ, quam sinceram victoriam mallet, pacem cum Rege fecit; qui temporis, necessitatique serviens, tum quidem ex Asia in paternum regnum Ponti discessit. id factum anno V. 670. Sed bellum, ut parum fideliter extincta incēdia, flabris inquit, hominis revixit. L. Murena ad res Asiaticas ordinandas relictus à Sulla erat, fir-

*Flor. l. 3. c. 5.*

*Cic. pro lege Manilia.*

*Liv. Epit. 83.*

*A. V. C. 670.*

Y man-

*Liv. Epit. 86.  
A.V.C. 672.*

*Cic. Philip. II.*

*Cic. pro lege  
Manil.*

mandæ paci præpositus; eam provinciam homo militaris, vti imbellem, averſatus, cùm manu vti, & triumphum mereri vellet, cauſamq; belli nullam haberet, bellum tamen concitavit, poſt duos à facta pace annos, idque in tertium annum traxit, donec à Sylla miſſus A. Gabinius hominem turbidum ab incepto deſiſtere coëgit. Murenæ Deiotarus, durante bello, conſtantiffimè iuvit, & ob res fortiter fidelitèrque geſtas, in Senatu ab ipſomet Murenæ laudatus eſt; qui iterum Romæ falſo perſuaſit, debellatum eſſe; dum exemplo Syllæ, citò, quàm verè triumphare maluit. Igitur poſt duos de Mithridate actos triumphos, duo ſummi duces, Lucullus, & Pompeius, ſatis adhuc belli reperere. Sertorius, qui contra patriam arma ſumpſerat, Regem fortasſe quieturum, novâ ſpe, & turbidis conſilijs implevit; & quaſi in manu ſua orbem terrarum ferret, & imperia, quoquò vellet, projiceret, Mithridati Aſiam, Bithyniâ, Paphlagoniam, Cappadociam, & noſtrorum regnum Gallorû Galatiam, ridendâ liberalitate tranſcripſit, cùm ipſe patriâ amiſiſſet; duces inſuper ſubmiſit, quibus adni-

adnitētibz Rex bellum jam tertiò, multo maiore, quàm antehac apparatu, renovavit. Sed Lucullus vbique Regi imminens, terrâ illum, marique exagitavit; ausus etiam aliquando vtre suspensus, & pedibus iter adgubernans, per hostium naves irrumperè, vt procul aspicientibus non homo, sed marina bellua natare crederetur. Adjuvabat in partem iterum TOLISTO-BOIVS Deiotarus, & Eumachum Mithridatis ducem, quem sub Syl-la ex Gallo-græcia eiecerat, & reliquos eiusdem præfectos, qui Phrygas, Pisidas, Isauros, Cilicas vexabant, & Romanos diris tractabant modis, feliciter aggressus, cum ingenti clade repressit. Lucullus Mithridatem ipsum interceptisset, nisi avarus miles spoliolum, & prædæ, quàm Regis cupidior, illum è manibus emisisset. nam cum spes elabendi nulla esset, clitellas muli Regiam gazâ vehentis Mithridates ipse discidit, & saluberrimo cōmento, hanc militū illecebram avaritiæ objecit, Castorē imitatus, qui seipsum in difficili fuga eunuchum facit, cāsque partes morfu avulsas projicit, quarum gratiâ se maximè peti novit. ita dum aurum pe-

*Liv. Epit. 42.**Appian.*

*A. V.C. 687.*

BELLVM  
GLADIA-  
TORIVM.

*Oras. l. 5. c. 42.*

*Plut. in Cras.*

*Appian. l. 1.  
de bell. civilib.*

de calcare nemo vult, sed manu legere, Rex, cuius, inter illa spolia, vltima cura fuit, evasit. In eadem tempora bellum Servile, seu gladiatorium incidit, Spartaco, Crixo, & Oenomaio ducibus gestum, qui duo posteriores Galli fuere; & quidē, si ex Crixii nomine tracta conjectura non nimis calida videretur, possem & hunc ducem BOIIS asserere, quando bello Punico secundo, BOIORVM Regulum Crixum ē Silio produxisse memini. Ij cum socijs vno & septuaginta (alij plures, paucioresve faciunt) in gladiatorium Capuæ ludum coniecti, indignati ad gladium se parari, & ad hoc ipsum spectaculum ali, vt populus morientes videret, effracto ludo, servos ad pileum vocarunt; & multis contractis millibus, novum Romanis bellum conflagravit; hoc certē consecuti, vt pulchrius occumberent: nam ita fertur, cum illorum vno prælio duodecim millia, & trecenti cecidissent, duos ex omni numero fuisse, qui non in pectore vulnus acceperant; Spartacus Crixii Manes honestissimis, vt ea ferebant tempora, exequijs nobilitavit, trecentosque illi captivos inferias misit. Huic bello Cato

quo-

quoque interfuit, qui indè in Asiam profectus apud Deiotarum Tolisto-BO-  
 IVM, quod illi paternum cum eo Rege, DEIOTARVS CATO-  
NEM HONO-  
RIFICE EX-  
CIPIT.  
*Plut. Catone  
min.*  
 hospitium erat, divertit, in quo nobile,  
 & rarum virtutis specimē reliquit, quod  
 inter illa documenta est, quæ eam huic  
 viro existimationē peperere, vt crederetur  
 eodē naturæ vtero Continentia nata,  
 & Cato. Commendaverat illi exquisitè  
 Deiotarus filios suos, ratus, si illorū patrocini-  
 um Cato suscepisset, toti Reip.,  
 cuius omnia decora solus repræsentabat,  
 velut in sinum datos esse. Sed quanquam  
 illum Romanorum optimum censeret,  
 non tamen omnes illius virtutes nove-  
 rat. æstimabat illum ex ingenio sæculi sui,  
 quo ferè paupertas inter erubescenda  
 numerabatur, & nemo tam durus fuit,  
 quin ad divitias se ultro offerentes, vel  
 oblatas, manus aperiret, imò etiam sinū:  
 Igitur Deiotarus dona, quæ & Regem,  
 & illum virum decere arbitratus est, ex-  
 pediri iussit; ea ipsa etiam modestissimis  
 verbis pulchriora fecit, & planè digna, *Val. Max. l. 4.  
c. 3. ex. 2.*  
 Catone. Ille Regis benevolentiam ini-  
 quiore vultu excepit, quàm alij injurias  
 solent; domum etiam mutavit, vt vir- CATONIS  
CONTI-  
NENTIA.

tuti suæ aureas insidias structas effugeret. Sed æquè Deiotaro ægre fuit suā liberalitatem vinci, quàm Catoni suam continentiam. Igitur etiam abeuntem persecutus est, & perquiri hominem iussit novi moris, & exempli, qui rogatus etiam nollet dives esse. Offenderunt illum Regij ministri Pessinunte, & precibus, blandâque vi reluctantem aggressi sunt, pateretur se vinci; daret hoc amico Regi, qui id ipsum in beneficijs numeraturus esset, si aliquid à se Cato accepisset. Si respuere pergeret, id solum cogitaturum, dedisse se contemnenda; & nihil in omnibus opibus habuisse dignum magnitudine Catonis. Perseverantem negare, rogant, ut quando ipse eâ fortunâ sit, ut nullius rei indigens, eo animo, ut nullius appetens sit, saltem in servulos sineret Regem suum esse liberalem; nam & his ipsum bene cupere. Neque hoc impetratum est; nam & illorum manus Cato suas existimabat; & avaritiam insuper ex toto suo regno domestico proscriptam cupiebat: infamiam servulorum ratus ad Dominum pertinere. Ita Cato è Galatia auri quidem nihil, sed verissimæ laudis quàm plurimum

mum extulit, paupertate sua nobilitatus.  
 Interea cum Lucullus, per annos septem,  
 magnas & memorabiles res gessisset, Mi-  
 thridatēque, & Tigranem maximum,  
 Regem sæpius fudisset, quia ultimam bel-  
 lo manum penè magis noluerat impone-  
 re, quàm non potuerat, quòd ægre ab  
 illa auri, & gloriæ segete discederet, in vi-  
 tus successorem, ad bellum propè jam  
 confectum, Cn. Pompeium accepit, cui *A. V. C. 688.*  
 Fortuna per totum orbem terrarum titu-  
 los quærebat, olim etiam tumultum ne-  
 gatura. Pompeius in ipsa Galatia, loco *Strab. l. 12.*  
 qui Danala dicitur, cum Lucullo con-  
 gressus, provinciam ab ipso ingratis ex-  
 torisit jurgiisque; cum ipse Lucullo infamiam  
 pecuniæ, Lucullus Pompeio vicis-  
 sim immoderatam imperij ambitionem  
 exprobraret, neuterque adeò, quòd ar-  
 guebat, mentitus argui posset. Quid au-  
 tem Deiotarus ad reliquias belli confi-  
 ciendas contulerit, traditum non est; il-  
 lud constat, cum operam suam Pompeio  
 adeò probasse, uti is palàm diceret, vnum  
 Deiotarum (verba ipsa Cicero recitat) *II. Philippica.*  
 in toto orbe terrarum, ex animo amicū,  
 verèque benevolum, vnum fidelem Po-

pulo Romano fuisse. Quam ille apud Pompeium laudem mereri non potuit ijs officijs, quæ vel Lucullo, vel alijs, ante ipsum, Imperatoribus præstitit, cum hæc illi invidiæ potius esse potuerint; nam Pompeius eo ingenio erat, ut in rebus gloriosis omnibus non modò primus, sed & solus esse, unique sibi vellet omnes omnia debere. Vnde cum Lucullus Ponticis, aliisque Asiaticis Regulis, ob navatam egregiè operam magnificè multa promississet, evicit in Senatu Pompeius, ut illæ pollicitationes irritæ essent; neque enim æquum esse, cum hostium superatorum penes se gloria sit, amicorum præmijs afficiendorum gratiam apud alterum hære. Certum igitur est, Deiotarum inter Pompeij etiam auxilia fuisse, qui vno, & quod mireris, nocturno prælio Mithridatem debellavit; victoriam Romanis propè incruentam Luna dedit; quam in occasum properantem, Romani cum à tergo haberent, eoque longæ ab illorum corporibus umbræ projicerentur, decepti falsâ imagine hostes, telis errantibus umbras confixere; triginta non amplius de toto Pompeij exercitu ceci-

*Strab. l. 12.*

*Plut. in Pompeio.*

*Frontin. l. 2.*

*cap. 1.*

*Oros. l. 6. c. 4.*

*Entrop. l. 6.*



cecidere, & duo Centuriones. Mithri-  
 dates quadraginta millia amisit; ipse ite-  
 rum fugâ elapsus, nullo comite, inops au-  
 xiliorû, miseris tamen consilijs aliquam-  
 diu Fortunam fatigavit, vltima omnia,  
 tentans more anguium, qui obtrito capi-  
 te, tamen minantur, & iras in caudam,  
 colligunt. Tandem cùm etiam filium,  
 Pharnacem inter hostes suos numeraret,  
 eripere se illis morte voluit, quæ inter  
 paucas memorabilis fuit. Erat jam olim *Iustin. l. 37.*  
 puer veneno appetitus, & noverat hoc  
 frequens in Regum mensis condimen-  
 tum esse; quod ne aliquando cum peri-  
 culo biberet, instituit quotidie bibere,  
 vt consuetudine fieret innoxium; hinc,  
 cùm desperatis melioribus, maximè vel-  
 let reluctantem spiritum veneno expel-  
 lere, non potuit. Ergo Gallum quendam, *MITHRI-*  
 Bituitum vel Bitocum nomine, qui si- *DATES A*  
 dem etiam inter aduersa constanter co- *GALLO OC-*  
 luerat, advocat, & vides, inquit, quàm *CISVS.*  
 me Fortuna oderit; cogit me invitum vi- *Epitom. Liv.*  
 vere, vt diu sim miser; etiam mortis arbi- *c. 102.*  
 trium mihi eripuit, & maximo Regum,  
 hanc vltimam negavit libertatem; con-  
 tra venena me fortem fecit, jubetque

animam gladio quærere, non nisi per vulnus, & in sanguine exituram. Satisfaciam illi, sed tuâ manu; cuius vires in hoste probatas, cupio in me ipso experi-ri; eò ventum est, vt aliud fidei documentum dare non possis, quàm me occiso; nam si parcis, crudelissimus es; si impietatem horres, cogita te non Regem, sed Regis Fortunam jugulare, qua nunquam infestio-rem habui hostem; cui fortissima manus, id est tua opponenda est; nam meam video, cum veneno succubuisse. His persuasus Bituitus Mithridati tam-ambitiosè efflagitatum officium impendit; Deo, qui scelerum vindex est, id providente, vt qui nobilissimos Gallorum morte affecerat, Galli manu occumberet; vocet sanè hoc Mithridates benevolentiam, quòd sic occiditur, qui etiam illud facinus suum amicitiae nomine palliavit, cum Galatarum Tetrarchas, quos jugulare decreverat, ad Regiam, ad familiaritatem suam, & ad communes epulas pellexit. Pompeius cõfecto bello, Deiotarum amplissimè donavit, Trocmos illi, & Gadilonitidem, quàm ad Pharnaciam, & Trapezuntem pertinet, & Colchos ad  
mino-

minorem Armeniam, & Armeniam denique illam ipsam, paternæ ditioni adjecit, Regémque appellavit. Ille tot provinciarum potens, regiam ex TOLISTO-BOIIS non emovit, Luccij sede Regni fixâ, Peij Gazâ reconditâ. Reliquorum Galatarû, qui Pompeij signa secuti, bello Mithridatico fortiter fecere, memoria interijt; Bogodiatorum tamen Strabo nominat, cui Pompeius Mithridatium urbem dono dedit. Asiâ à Pompeio, adjuvantibus TOLISTO-BOIORVM armis, in potestatem Populi Rom. redactâ, reliqua, quæ in Europa illius ignara imperij restabant, Fortuna in Julium Cæsarem transtulit, virum, si huius operis res sit, cum cura dicendum, & quem Alexandri Magni felicitati Roma opponere possit; nam, quod laudabilius est vitij illius plerisque; caruit. laudis tamen avaritiâ, gloriæque cupidine, in Romanæ libertatis exitium provectus; nam cum quantumcunque eius urbis imperium duos viros non caperet, & nec Pompeius parem, nec Cæsar priorem ferret; collisa inter se duo maxima ingenia, Remp. secum pessunderunt. Huic igitur fortissimo, quod in-

DEIOTARI  
IMPERIVM  
AMPLIA-  
TVM.  
*Strab. l. 12.*

con-

confesso est, Imperatori, ut pares Fortuna hostes objiceret, Boii iterum producti, & velut in prima acie collocati sunt; perpetuo huius Gentis fato, ut nullum magnum Rom. Pop. bellum toto terrarum orbe esset, quo non Boios inter hostes aut amicos numeraret. id qua ratione bello etiam Gallico, à quo Cæsar triumphos suos auspicatus est, factum sit, quia ordo rerum temporumque postulat, nunc expediam.

## VII.

FUIT in Tauriscis, ad quos ex Italia Boios commigrasse diximus, urbs nobilis Noreia, unde toti Norico nomen habuisse veri simile est: cuius quia in reliqua Historia multa mentio futura est, semel dicendum est, quibus id finibus fuerit, à veteribus circumscriptum. Ad Septentriones igitur, à Germania Magna, Danubio, meridiem versus, ab Italia, Alpibus; ad occidentem Solem, à Rætia & Vindelicia Oeno flumine; ad Orientem, à Pannonia Cæcio monte dividitur. Ingens Norici apud domesticos Scriptores fama; & Reges illius longo ordine numerantur, miram confidentiam, dum vanitatis quam ignorantiam argui, minus probrosum putant, qui neque meruerunt,

NORICI LI-  
MITES.  
*Ptolem. l. 2.*

BOII NO-  
REIAM VR-  
BEM OPPV-  
GNANT.

runt, vt refellantur; quando doctis ni-  
 hil persuaferunt; vulgo autem tam cha-  
 ras fabulas non invidemus. Noriciæ Vr-  
 bis oppugnandæ cupiditas Boios, qui  
 Herciniam silvam incolebant, incesse- *Cesl. 1. 1. bell.*  
 rat, eoque in Noricum transiere; causæ *Gall.*  
 non produntur, vti neque ipse belli e-  
 ventus. Illud constat, communia bello-  
 rum irritamēta Noreiam habuisse; id est,  
 multum auri, quod vbiubi lateat, invenit  
 hostes, & ferro quæritur. Ex Polybio cer- *Strab. 1. 4.*  
 tē Strabo exscripsit, in Tauriscis Nori-  
 cis, mirā naturæ indulgentiā, aurum non  
 effossum montibus, neque, vt alibi, ex  
 ipsis Manium sedibus extortum fuisse, sed *AVRIFODI*  
 in summa propē tellure repertum, velut *NA NORI-*  
 temere conditum; id tantū laboris *CAE.*  
 fuisse, duū pedum altitudine cespitem  
 attollere, & mox occurrissē fossile  
 aurum; neque cuniculos infra quindecim  
 pedum spaciū agere licuisse; illic enim  
 felices venas desissē, velut iubente  
 naturā, terræ parci: sic purum putum le-  
 gebatur aurū, fabæ, aut lupini magnitu-  
 dine, octavā tantū parte decoctā. Quæ  
 opima soli foecūditas jam olim Italos ex-  
 civerat, vt invocati ad illū tam jucundum  
 labo-

laborem accurrerent, fierentque voluntarij fossiores; cumque duobus mensibus opus fecissent; auri precium totâ Italiâ triente diminutû est. Ibi demum Taurisci sēsere sibi advenis illis nihil opus esse, suaviusq; se solos fatigari. Igitur illos collegas suos in Italiam removerunt. Præter hoc fossile, etiam fluvij ramenta auri devehabant, & eadem, quæ terræ, aquarum fertilitas fuit, ut avaritia illic frustra nusquam occuparetur. Jam æris, & ferri secturis olim etiam nobile Noricum fuit;

*l. x. Stromat.* ut Clemens Alexandrinus ab hoc loco Æs Noropium ab Homero decantatum velit, quod Noropes tum nominarentur, qui postea Norici dicti sunt; quorum solertiâ excogitatum sit æs ignibus coquere, & ferrum ex venis suis elicere, utili invento, nisi etiam in hominem acuere-  
*Plin. l. 3. c. 19.* tur. Urbem igitur tam divitis soli, sive spe lucri, sive invitatione popularium suorum, eorum scilicet B O I O R V M, quos Italiâ pulsos, in Tauriscis diximus consedis-  
 se, B O I I Hercinij oppugnarunt; ea sive hac incursione, sive qua alia interiit, illud enim constat, Plinij ævo, qui sub Vespasianis scripsit, non amplius steterisse.

Sub

Sub idem tempus Helvetij neq; pro multitudi-  
 ne hominum, neque pro belli gloria satis amplos se fines possidere caufati,  
 Orgetorige impulsore, domo proficisci  
 meditabantur, quod illo ævo tam vsita-  
 tum fuit, quàm rarum est nostro. Hi vt

*Cæsar. bell.  
Gall.*

BOII CVM  
 HELVETIIS  
 IN GAL-  
 LIAM MI-  
 GRANT.

*Tacit. Germ.*

domesticas vires externis etiam auxilijs  
 firmarent, cùm finitimos populos in so-  
 cietatem consilij sui pertraxissent, etiam  
 longiùs à se distitis BOIIS, qui, vt dixi-  
 mus, Noreiam nuper oppugnârant, ean-  
 dem cupiditatem migrandi injicere la-  
 borabant: Erat jam olim Helvetijs nota  
 BOIORVM virtus; nam & ipsi quondam  
 Rhenum transgressi, Boiohæmo proxi-  
 mas sedes coluerant, factorumque for-  
 tium insignia ab illa Gente documenta  
 edita, optimi ipsi virtutis, fortitudinisq;  
 æstimatores & arbitri, sæpe collegerant.  
 Nani vt vetera excidissêt, nupera, à Cim-  
 bris Boiohæmo pulsus, relata victoria, vt  
 ingentem excitârat admirationem, ita  
 recenti circumferebatur memoriâ. Ne-  
 que fuit operosum, eam BOIIS mentem  
 injicere, vt quibus iter ad gloriam nul-  
 lum durum esset; quos si non piguit, im-  
 mortalitatis amore, toto orbe victo-  
 rias

rias quærere, nunc certè in veterem patriam ipse humanitatis rapiebat affectus. Igitur L. Pisone & Aulo Gabinio Coss. quingentesimo & ampliùs, post primam in Boiohæmum susceptam, expeditio-  
*Æ. V. C. 696.*  
nem, anno, Rheno transito, in patrium Gallia agrum triginta duo hominũ millia pedem intulere; armatorum numerum exprimere difficile est, cùm conjuges, liberiq; vnà comitarentur. Vbi cum Helvetijs, sociisq; coniuncti, solenni sacramento fœdus iniere, Helvetij expeditionis illius auctores, & principes, vt omnem sibi reditus spem cupiditatẽque præciderent, oppida sua omnia, numero ad duodecim, vicos ad quadringentos, cum privatis ædificijs omnibus inflammant, frumentum etiam, quod necessarium comineatui supererat, comburunt; molita cibaria trium mensium sibi ferre singulos jubent, rebùsque omnibus instructi dant se in viam. Erant omnino, quod ex tabulis postea cognitũ est, quæ in castris repertæ sunt, Græcis literis confectæ, hominum CCC LXVIIII. millia; ij v. Kal. Aprilis ex compacto ad Rhodani ripam convenere. Cæsar habere se cau-



se satis vel credidit, vel finxit, cur homi-  
 nes armatos progressu arceret. Promit-  
 tentibus sine maleficio se illac transitu-  
 ros, iter negavit. Vnde illi Rhodani trá-  
 sí-  
 tu omni arte tentato, cùm hostium vi  
 prohiberentur, necessariò ad aliud con-  
 silium descenderunt. A Sequanis, datis  
 etiam obsidibus, impetrant, vti per illo-  
 rum fines, absque cuiusquam iniuriâ, sibi  
 iter facere liceat: quod cùm Cæsar im-  
 pedire non posset, maioribus vndecun-  
 que adductis copijs, illos insequi cœpit;  
 maximè cùm ad illum Ædui, Ambarri, &  
 Allobroges tristibus querelis deferrent,  
 agros suos ab ingratis advenis vastari, sé-  
 que vim ægre ipsis oppidis defendere:  
 pervenerant commodum Boiæ, socii-  
 que ad Ararim flumen, illúdque ratibus,  
 & lintribus junctis transibant; jámque  
 reliquis copijs transportatis, quarta tan-  
 tùm pars, quam Tigurinus Helvetiorum  
 pagus efficiebat, alterâ consistebat ripâ;  
 eam solam, & omnis ignaram periculi,  
 repentino adventu, Cæsar obruit, & præ-  
 ter eos, quibus silvæ fuga petitiæ saluti  
 fuere, omnes concidit. Ararim deinde  
 tumultuario ponte junxit, & copias om-  
 nes

nes vno die transportavit, quod vix hominis opus hostibus visum est; vno eum die fecisse, quod ipsi ægre diebus integris viginti potuissent; eaque ex celeritate, reliquum ingenium Ducis æstimantes, per legatos cum eo agere, antequam arma experirentur, maluere; sed nihil effectum, colloquentium pertinaciâ; dum conditiones utrique dare volunt, neutri accipere; cum ingenia propè paria convenissent, nulli ante vim cessura. Igitur castra indè mota hostilibus animis; & fuit, cum, indulgentiâ Fortunæ, quingenti Helvetiorum Equites, quatuor millia Romanorum itidem equitum repulerunt; quod illi in totius belli omen, blando præfatio, nequicquam traxere. Tandem post dies complures, ad Bibracte oppidum de summa rei pugnatum est. Priores Helvetij sui copiam fecere, quibus equitatum Cæsar obiecit, ut aciem tantisper instrueret; nostri, equitatu Romanorum rejecto, cōfertissimi in primam etiam aciem irruere; quam ubi urgeri Cæsar vidit, consilium magnitudine animi eius dignum capit; primus ipse ex equo desilit in pedes, idemque facere reliquos jubet, ut  
nulli

PUGNA IN-  
TER BOIOS  
SOCIOSQUE  
ET CÆSA-  
REM.

nulli nisi in forti dextrâ esset fiducia, fugæ spe abscissâ. Locus Romanis æquior erat, ut qui de colle pila spargerent insubeuntes; quibus cum plura subinde scuta transverberarentur, conserti inter se hærebant, facultate pugnandi amissâ, & ad sola vulnera accipienda opportuni. tandem victi malis ad montem propinquum se recepere; quibus cum Romani instarent, Boii, & Tulingi, quorum quindecim millia agmen claudabant, in Romanos ex latere inveci, non modò ipsi egregiè pugnarunt, sed & Helvetijs animos adauxere; ut damnatâ fugâ, desertoque monte, novas in hostem iras referrent. Tum demum Romanus omni vi connisus signa tripartitò intulit, & nostris omnia conantibus, omnia ausis, victoriam extorsit. Helvetij iterum in montem reiecti; Boii, & Tulingi ad impedimenta, & carros suos se recepere: etiam illic pugna fuit; cum nostri ex loco superiore tela jacerent; alij inter rotas, & quâ cuique opportunum fuit, tragulis, matarisque Romanos vulnerarent; multâ demum nocte, Romani etiam castris, & impedimētis potiti sunt.

Nostri, præter Fortunam, accusare neminem potuerunt; nam, ipsorum confessione hostium, tantâ virtute pugnatum est, ut, cum septimâ horâ præliû coeptum sit, die toto nemo hostis tergum viderit. Hominum centum triginta millia prælio superfuere; ij properato itinere, die quarto in Lingonû fines pervenere; qui cum Cæsaris literis territi illos re nullâ juvarent, inopiâ coacti ad Cæsarem Legatos de deditioe miserunt. Cæsar cum illos consecutus esset, omnes armis & perfugis traditis redire in desertam patriam iussit, eamque incensam restituere, ne Germani in vacantes sedes, transito Rheno, sese inferrent, magnum Romanorum provinciæ negotium facessituri. Supererant Boii, qui cum hoc bello fortibus factis hostem ipsum in sui admirationem rapuissent, & veterem famam, quam in Galliam attulerant, præsentibus documentis auxissent, Ædui, qui partes Cæsaris sequebantur, ultro petiere, ut in suis finibus collocarentur, Gergobinâ vrbe illis ad habitandum attributa, & nisi codices fallunt, alterâ etiam, quam de suo nomine Boiam dixerat:

BOII INTER  
ÆDVOS  
SEDES RE-  
CIPIVNT.

Cæsl. 7. de  
bell. Gall.

re:

re: id eo fecere consilio, vt Germanis, quos hostes patiebantur, BOIORVM auxilia, pari robore, possent opponere: Galli enim cū pravo more, & exitiabili, factionibus gauderent, non modò privatæ domus in dissidia scindebantur, sed integri etiam populi in contraria studia distrahebantur: sic illi sibi potentiam, & magnas clientelas quæri putabant, aut, si verum volumus, ad intestinâ bella perpetuum exercitum. Hic furor Galliam omnem invaserat, civitatesque inter se fatalibus odijs colliserat: Æduos aliæ, Sequanos aliæ sequebantur: cūque diu Æduorum potiores partes, & firmior potentatus fuisset, Sequani toti Galliæ pernicioso consilio, Ariovistum Germaniæ Regem magnis jacturis, & pollicitationibus in Galliam pertraxere; per quem id quidem consecuti sunt, vt Æduos de principatu dejicerent, & miserrimis cladibus deformatos, & nobilitate omni, Senatu, & Equitatu amissis eò redigerent, vt non modò clientibus nihil in ipsis spei esset, sed ipsi jam alieno patrocinio viderentur indigere. propius tamē à periculo vltimi exitij ipsi

- Sequani, qui vicerunt, fuere; nam malis quæsitum artibus imperium, in turpissimam brevi servitutem degeneravit; ut qui antea civili æmulatione offensi fuerant, nunc avarum, & crudelem dominum suis cervicibus impositum gement; & ne hoc quidem palam; mussitandæ erant Regis iniuriæ miseriora passuris, si se miseros esse quererentur; quæ cum ad Cæsarem delata essent, Æduos, & Sequanos de salute jam magis, quam principatu sollicitos impulit, ab Ariovisto uti desciscerent, à quo cum nihil, præter ingens, & formidandum sibi imminere bellum facile intelligerent, opportuna, sanè Æduis BOIORVM ad se accessio fuit, quorum viribus res suas egregiè videbāt constabilitas. Quarto ab hac pugna anno BOIIS jam non Romanorum hostibus, sed socijs, virtutis fideique probandæ insignis oblata est occasio. Vercingetorix Celtilli filius rerum novarum cupidus, specioso libertatis nomine jactato, apud nondum satis domitos Gallorum animos, magnos motus concitavit, jamque copias contraxerat provehēdis turbidis consilijs pares, quas Gergobinæ BO-

IOIVM

*A. V. C. 702.  
Cæs. l. 7. de bell.  
Gall.*

IORVM inter primas censuit admoven- BOII GER-  
 das: ea res magnas Cæsari peperit diffi- GOBINÆ  
 cultates: nam si socios desertum iret, in- OBSIDEM-  
 famiā; si iuvare maximè vellet, inopiam TVR.  
 timebat: nondum enim mitigatâ hyeme  
 difficilem rei frumentarię subvectionem  
 fore, facilè prævidebat. tamen socios la-  
 borantes destituere, verecundia fuit. Igi-  
 tur ad Boios præmittit, qui de suo ad-  
 ventu eos faciat certiores, durarent, &  
 fortia hostibus pectora opponerent; sibi  
 curæ fore, ne diuturnâ obsidione preme-  
 rentur. Neque vana promissio fuit; simul  
 ac enim Vercingetorix intellexit, Cæsa-  
 rem adventare, obsidionem solvit. Boi  
 deinde magnam, quātumvis in re tenui,  
 Cæsari operam præstitere; frumento pro  
 modo agri recenter coli cœpti, largiter.  
 in ipsius castra convecto. Sed cū haud  
 multò post Gallia omnis ad libertatem  
 armis repetendam exarsisset, consensu  
 tot populorum victi, cū detrectaturis  
 imperium extrema quæq; impenderent,  
 etiam illi in societatem belli descripti,  
 iussique, vnà cum Rauracis triginta mil-  
 lia conferre, contra Cæsarem, qui tum  
 maximè Alexiam obsidebat, profecti sūt.

BOII ITE-  
RUM A CÆ-  
SARE VIN-  
CVNTVR.

Exercitus omnis octomillibus equitum, cæ XL. millibus peditum cōstabat, quem tamen incredibilis Cæsaris felicitas totum concidit, vel fugavit; ipsūque Vercingetorigem, qui toti bello facem subjecerat, de rebus privatis, publicisq; desperare coëgit; qui cū Cæsari volens ipse dederetur, phaleris, armisq; ad eius genua projectis, Virum inquit fortē, vir fortissime, vicisti. Certē hic hominum sensus fuit, tantas ad Alexiam à Cæsare res gestas, quantas audere vix hominis, perficere penē nullius, nisi Dei fuerit. Victoriā insuper clementer vsus, Æduis, quibus plurimum semper indulserat, nihil durius imperavit, & captivos restituit; vt facilis æstimatio sit, BOIIS Æduorum clientibus & stipendiarijs, non dissimilem à patronis fortunam obtigisse. Illud certum est, cū Æduorum neque hodie nomen supersit, BOIORVM res magnis auctas incrementis, non vno tantū Galliæ loco conspicuas fuisse; quando & in extrema Aquitania, ad Garumnam fluvium, sitos Paullinus Christianus Poëta decantat; & inter novem populos eius provinciæ ipsi etiam recensentur;

Pauli, Epist. 3.  
Maffoni.



sentur; & quod mihi quidem in hac re palmarium, & inter decora Boicae Gentis inprimis illustre videtur, ipsum Regni Gallici diadema, summumq; imperium ad Boios defluxisse, Gallici ipsi Scriptores propè consensu tradunt, dum Borbonios, qui tot Galliae Principes, imò & Reges dederunt, à priscis nostris Boiis descendere, tanquam indubitatum affirmant; ut primæ cladi per Cæsarem acceptæ ignoscere liceat, quæ tam splendidæ Fortunæ locum fecit; cuius munera tum demum clara sunt, quando invitæ, & coluctanti, inter vulnera, & sanguinem extorta sunt; quales coronæ omnes fuere, quas Boica Gens in Italia, Boiohæmo, Asia (tot enim locis hucusque eam monstravimus imperasse) tulit; nulla illarum Fortunæ potius beneficium fuit, quam stipedium Virtutis; quid enim adhuc nisi bella scripsimus? & in his ipsis quoties accusanda Fortuna fuit, ob pravum iudicium, quo fortibus viris, & victoriam meritis sola vulnera, & acerbæ mortes impexit. Sed in viam revertamur.

Vno, antequam à Cæsare ad Alexiam pugnatum est, anno, Romani triumphi

BORBONII  
BOIORVM  
PROPAGO.

VIII.

A.F.C. 702.

Z 5 ingen-

ingenti clade interpellati sunt. M. enim Crassus, quem Divitem omnis Roma dicebat, vni sibi adhuc pauper visus, ad Parthicum aurum, per hominum Deorumque iras properans, exitum nactus est, qualem avaritia merebatur, quæ illum in hoc bellum miserat; aurum coactus est jam mortuus bibere, quod illi Orodes Rex, acerbo ludibrio, in rictum infudit. Hunc ad infausam expeditionem abeuntem, & per Galatiam tendentem, Deiotarus TOLISTO-BOIVS, omni humanitatis genere, pro sua erga omnes Romanos fide, coluit: is jam ætate senectâ novam urbem moliebatur; id intempestivum Crasso visum, de vrbe hominem cogitare, quem cani ad urnam juberent respicere; & suaviter cavillatus, Vmbra te credo, Deiotare, fefellit; longum negotium post horam duodecimam aggressus es. Sensit Rex, quò tenderet, eundem que illi jocum remensus est: Et tu, mi Crasse, ad antelucanū opus, post meridiem proficisceris; & occidente jam sole, in Orientem properas. Vterque alteri verum dixit; debebant ambo juveniles curas ætatis excusatione rejicere; nam & Cras-

CRASSI  
CVM DEIO-  
TARO FA-  
MILIARIS  
CONGRES-  
SVS.

*Plut. in Crass.  
Appian.  
Parth. 1.*

Crassus sexagesimum annum excesserat, poterátque honestiorem mortem in patria opperiri, si illi per avaritiam id licuisset. Biennio post Crassi cladem, Cicero Proconsul in Ciliciam venit, ibique propter res gestas Imperator appellatus est.

Huius Eloquentiæ omnis principis, & maximi in Repub. viri advētum in Asiam inter ea pono, quæ vnquam Boica & Gentis gloriosissima contigerunt; sic enim acerrimo virtutum omnium æstimatori, Deiotari propiùs cognoscendi oblata occasio est, ne illum alieno potiùs iudicio amaret, quàm suo. Enimverò in Ciceronis literas, & divina irrepsisse scripta, & illius ore, manúque laudari, nescio, an non Deiotaro regno ipso charius fuerit; præsertim cùm in illo non modò insignis armorũ peritia fuerit, quod illi cum tota Gente Boica, quam hucusque armatam ferè laudavimus, commune fuit, sed etiam ingenij cultus, & literarum amor; cuius ex eo facere coniecturam possis, quod Diophanes Magonis Carthaginensis, de re rustica libros, in compendium redactos, illi consecravit.

Atqui Deiotaro cum Cicerone & familiari-

CICERONE  
DEIOTARVS  
FAMILIARISSI-  
ME VSVS,

Varro de re  
rust. l. x. c. x.

liaritas intima intercessit, & illius discretissimâ linguâ super omnes Reges elatus est, ut ille quidem laudum præconē nulli, omnes illi invidere possint. Sic ille ad Senatum omnem Romanum, sic ad gravissimum virum Catonem, sic ad Atticum scripsit, ut nihil ijs testimonijs Regi posset accidere honestius. Cicerones etiam, suum, & Q. fratris filium, Deiotari Regis filio, qui non ita pridem à Senatu Rex erat appellatus, dum ipse in æstivis esset, in regnum dedit deducēdos, quod illum pueris locum esse bellissimum duceret. Erat Deiotarus hic matre ancillâ natus; nam Stratonice Patris vxor, cum sterilitate laboraret, rem rari in fœmina exempli, & quæ illo seculo laudem habuit, fecit; marito auctor fuit, quærendæ, ex quacunque fœmina, prolis, ne suo vitio Regnum hærede careret. Electram, etiam emendatissimæ formæ virginem, ex ancillarum tamen grege, eidem conciliavit; huic vxor, Regina, amans, non modò locum, & jus suum concessit, sed natos ex ea liberos pro suis educavit, digna certè, quæ non tantum affectu mater esset. Porro Deiotarus pater quadringenarias

*l. 15. Epist. ad  
Tam.*

*l. 1. Epist. ad  
Att.*

*Plut. de claris  
Mul.*

narias cohortes triginta, & bis mille equites Ciceroni adduxit, vt dimidium totius exercitus Rex conficeret, quod Cicero ipse ad Atticum scripsit, se ad-  
 ventu Deiotari suum exercitum duplicaturum. Quibus auxilijs fretus Cicero res maximas gessit; nam cum eadem ipsa castra haberet, quæ olim contra Darium insederat, apud Issum, Alexander, Imperator, vt in se Cicero urbanè iocabatur, haud paulò quàm ipse melior; direpto per quinque dies, & vastato monte Amanò, sempiternum hostem, sic ipse loquitur, indè deturbavit; Parthos etiam imminentes, Panico timore consternatos, repulit; Pindenissum cepit; adeò vt & Imperator appellatus, & triumphum sperare ausus sit. Secuta sunt deinceps tempora, de quibus queri Deiotarus posset, si vnus hominis infelicis rationem, in ruina publica, haberi fas esset; cum inceptum votum sit, orbe terrarum in exitium tracto, nolle cum vniverso rapi. Sic enim fuit, cum Cæsar, & Pompeius patriam suam Romã, quam ipsi orbis dominam fecerant, quasi pietatis suæ eos poenituisset, totius Imperij, id est omnium terrarum

lib. 3.

CICERO  
 AUXILIO  
 DEIOTARI  
 RES MAXI-  
 MAS EGIT.

DEIOTAR  
 RVS PAR-  
 TES POM-  
 PEII SE-  
 QVITVR.

rarum viribus lacerare, & conficere aggressi sunt; totus orbis in partibus stetit, & pro duorum Ducum ambitione collisus est; ut hunc unum, liceat appellare maximum, qui unquam fuit, terræ motum. Tunc ergo etiam Deiotaro Romana societas, quæ illi eoque ornamēto fuerat, cœpit esse pernicioſa. Castra secutus est, in quibus melior causa, quam Fortuna fuit; Pompeio se applicuit; quippeni? optimè de se merito, quem Cato, quem Cicero, quem sanior Senatûs pars animis armisque juvarent: difficile fuit ab his omnibus dissentire; cum etiam, desipere cum Catone, sapientia videretur; à cælo insuper, & Deo huc impelli se credebat; ita enim tum auguria interpretabantur, in quibus multus omnino Deiotarus fuit, ut qui nihil nisi auspiciatò gereret; tantâ ad omnem avium garritum credulitate, ut sæpe exitinere reverteretur, jam multorû dierum viam progressus, si mala avis triste aliquid occinisset; quæ hominis superstitio fortuitis subinde eventis alebatur; nam conspectâ quondam aquilâ domum rediit, veluti jussus; & sanè conclave, quod illum exceptu-

DEIOTARUS NIHIL  
NISI AUSPICATO AG-  
GREDI SOLITUS  
*Cic. l. 2. de  
Divin.*

cepturum erat, proximâ nocte corruit:  
 tunc ergo super Pompeij, totiúsque bel-  
 li fato augurium captanti, felicia omnia  
 aves addixere; Igitur sexcentos equites *Cesar l. 3. de*  
 ipse adduxit, homo jam magno natu, & *Bell. Civili.*  
 qui per vires in equum conscendere ipse  
 nequibat, & plurium manibus in eum,  
 levatus, sic etiam admirationi erat, quòd  
 in eo hærere posset. Tarcundarius Castor  
 gener Regis, & Donilaus, ambo Galatæ,  
 octingentos equites Pompeio submise-  
 re; sed Tarcundarius Castorem filium, ex  
 Deiotari filia genitū, cum Donilao, pro  
 se ire iussit. Belli illius successus nihil at-  
 tinet hîc persequi; Philippicos campos,  
 & Pharsalicas acies, quibus vrbis, impe-  
 rij, & generis adeò humani fata commis-  
 sa sunt, etiam pueri decantant: huc enim  
 tandem infelicis superbix magna moli-  
 mina erumpunt, vt, quod tam seriò actū,  
 deliratūque est, declamatio fiat: Pom-  
 peius victoriâ, & planè etiam cognomi-  
 ne amissis, vt turpiùs periret, & cervicem  
 alibi vilissimo spadoni, & desertori suo  
 Septimio præberet, fugâ se abripuit; co-  
 mes illi Deiotarus hæsit cum paucis, quos  
 illi Fortuna eripere non potuit; vnde Lu-  
 canus

DEIOTA-  
 RVS POM-  
 PEII ET-  
 IAM IN  
 FUGA SO-  
 CIVS.

canus illum, quòd fidem à Fortuna suspensam non habuisset, pulchro nomine, fidissimum Regum appellavit. Et ille quidem hunc Fortunæ impetum spiritu tam generoso concoxit, ut sæpe diceret, auspiciorum, quæ sibi ad Pompeium proficiscenti facta sint, non posse se pœnitere; Senatus enim auctoritatem, & Populi Rom. libertatem, atque dignitatem imperij, suis armis esse defensam; sibiq; eas aves, quibus auctoribus officium, & fidem secutus esset, bene consuluisse; antiquiorem enim sibi fuisse laudem & gloriam, quàm regnum, & possessiones suas; quam illius constātiā mirificè Cicero, ex quo ista sūpsimus, deprædicat, eūmq; non avium, sed Virtutis auspicijs vñ ait, quæ vetat spectare Fortunam, dum præstetur fides; cui cū abundè satisfactum esset, tandem tempori cessit, stultum ratus, pro Pompeio pugnare occiso, & longæ spei vñbram sequi. Accessit ergo Cæsari, cuius causam jam belli eventus probabiliorem reddebat, & clementia insuper commendabat; cū gladium, nisi in acie, nunquam cruentasset: igitur cū Cæsarem bellum Alexandrinum excepisset,



pisset, nulla in re ipsi defuit, omnibus illius utilitatibus paruit. Interea Pharnaces Mithridatis filius, illius temporis fiducia, quo sceleribus concessa impunitas videbatur, finitimos Reges vexare aggressus, Armeniam minorem, quæ Deiotari erat, & Cappadociam, quam Ariobarzanes tenebat, populabatur; Deiotarus Cn. Domitij Calvinij, quem Asiæ Cæsar præposuerat, opem imploravit, quam nisi afferret præsentem, non posse se imperata facere, aut Cæsari promissam pecuniam persolvere: Domitius cum legationibus, quibus Pharnacis animum tentarat, nihil proficeret, armis illum aggressus est; legiones quatuor ducebat, quarum duæ Deiotari erant, ad Romanæ militiæ disciplinam instructæ; his equites centum adiecit, totidem Ariobarzanes; sed pugna nostris adversa fuit, & Deiotarianæ legiones magnam partem concisæ sunt. Pharnaces victoriâ insolentior factus, crudelitate, quam in Romanos exercuit, ipsum in se Cæsarem provocavit; qui more fulminis in Pharnacem illatus propè momento venit, percussit, abscellit; vnde illius vera vox fuit, hostem à se

*A. V. C. 707.  
Appian. in  
Mithrid. Hist.  
bell. Alex.  
Florus, &c.  
DEIOTARI  
BELLVM  
CVM PHARNACE.*

A a prius

DEIOTA-  
RVS CÆSA-  
RI SUP-  
PLEX.

prius victum, quàm visum esse. Deiotarus vbi Cæsarem propius ad fines Galatiæ accessisse intellexit, vt eius in se animum mitigaret, quem offensum noverat, quòd Pompeij partibus favisset, abjecto Regio cultu, non modò ad privatæ mediocritatem fortunæ, sed ad ipsum reorum squalorem se submisit, & vir eâ ætate, honore, & in Romanos fide, Cæsari pro seipso supplex factus, veniã errori suo petijt, à quo in illud fatale bellum esset immersus; hominem se longinquum, & alienigenam, falsis rumoribus deceptum, qui totâ Asiã pro veris valuissent, arma pro Rep. corripuisse; hoc enim solum nomen jactatum fuisse; cui sicut reliquam vitam omnem consecrârat, ita caniciem suam, & vltimas vigoris pristini reliquias impendendas esse existimasse: eo se in Remp. animo semper fuisse, vt cùm periclitari eam intelligeret, neque satis sciret, vnde, aut quomodo, voluisse se in vltimo officio mori; vt ferrum, in illam, nisi per latus & jugulum suum, ire non posset. Cùm hæc aliâque multâ, miserandus senex pro se diceret, Cæsari tamẽ purgare se non potuit; quòdque vnum ad misericordiam valere debebat,

bat, in odium vertit. Cetera enim se agnoscere, imò & ignoscere Cæsar dicebat; senium illius contra ipsum causam dicere, quod excusationem imprudentiæ, & erroris non admittat; & non modò nimis pertinacis erga Pompeium studij, sed etiam in se odij ipsum arguat; vt cui satis non fuerit, auxilia mittere, iisque filium præficere; sed ipsummet ætate non modò fessum, sed fractum etiam, quæ illi honestissimam missionem jam pridem, dederit, tamen properasse ad signa, & in tam longinqua castra profectum, vetulum militem, adhuc iactasse vires suas; nempe contra Cæsarem pugnaturum, satis adhuc iuvenem fuisse. Ingressus deinde commemorare sua erga ipsum beneficia, non ita malè se de Deiotaro meritum querebatur, vt talem sibi gratiam, rependeret; tamen suo ingenio vsurum, & clementiâ probaturum, indignum se fuisse, quem Deiotarus aliquando armis persequeretur; nolle se novo hosti irasci, sed veteri hospiti ignoscere. Sed cùm insuper Tetrarchæ reliqui nimiam illius potentiam criminando apud Cæsarem traducerent; nullo neq; veteri, neque adeò

DEIOTA-  
RVS DIMI-  
NVTIONEM  
POTENTIAE  
ÆQUISSIMO  
ANIMO  
FERT.  
*Orat. pro  
Deiotaro.*

*A.V.C. 709.*

bono more factum esse, ut ille totâ ferè Galatiâ solus potiretur; eius controversiæ cognoscendæ aliud tempus fore respondit; legionem vnam ad Romanos mores instructam, & equitatum omnem ad se adducere iussit. Sed quàm bonâ fide cum ipso in gratiam rediisset, paulò post declaravit, cum illi minorem Armeniam abstulit, eamque Ariobarzani dedit; Trocmorum etiam Tetrarchiam Mithridati Pergameno assedæ suo adjudicavit; ut Deiotaro magna pars maiestatis, & gloriæ sit detracta; quam ille jacturam, si Ciceroni credimus, adeò placidè tulit, ut Cæsari non modò non succenseret, sed benignè secum actum putaret, quòd difficili procuratione liberatus, cum magno imperio magnas curas amisisset; & datum sibi à Cæsare arbitrarètur, quidquid non eripuerat. Sed subsequuta brevi tempestas est, quæ Deiotarum non in fortunarij modò, sed etiam capitis discrimen prorsus immerentem impulit; quæ quidem eò acerbior fuit, quòd ijs auctoribus conflata est, qui cum Deiotaro vitam deberent, illi nunc ereptum ibant suam, crudelissimo inveto; ut parri-

parricidæ esse possent, illi homicidiū im-  
 pegerunt. Castor Deiotari ex filia nepos, DEIOTA-  
 Castoris filius, pessimam in senis Avi ca- RVS INSI-  
 put fabulam composuit, ipso fortasse im- DIARVM  
 mortali illius senio offensus, quod ad CÆSARI  
 hæreditatem properantibus etiam in pa- STRUCTA-  
 tre molestum est: Nōrat Deiotarū gra- RYM FALSØ  
 tiā Cæsaris excidisse, non optimā fide re- ACCVSA-  
 ceptum, ægre hære, & facile expungi TVS;  
 posse, si specioso mendacio in illum arie-  
 tasset. Id ad hunc modum concinnat. De-  
 iotaro in mente fuisse, Cæsarem occide-  
 re; insidias ita composuisse, vt, cū in ca-  
 stello Luceio Cæsar diuertisset, lautus in  
 locum certum deduceretur, velut ad in-  
 spicienda munera, quæ Rex hospiti pa-  
 rasset; eodem abditos milites fuisse, in-  
 Cæsaris perniciem armatos. Illum Deo-  
 rum beneficio, & æternā fortunā suā,  
 cū eum vivere terrarū orbis interes-  
 set, præsentī periculo ereptum, crudelis  
 hospitis manus effugisse. Addita erant,  
 mendaciā minuscula complura, crimi-  
 nationis appendices; quædam etiam tam  
 stolidè consuta, vt nullo impellente rue-  
 rent; quale illud fuit, Deiotarū, quibus-  
 dam Cæsaris cladibus nunciatis, ad eò ge-

*Cic. Orat. pro  
Deiotaro.*

DEIOTARI  
INNOCEN-  
TIA A CI-  
CERONE  
DEFENSA.

*Philipp. 2.*

stijſſe, vt & vino ſe obruerit, & nudus in  
convivio ſaltârit. Hæc indicio Philippi  
medici ſervi regij ſibi comperta, eſſe,  
quem precio corruptum, abductumq;  
ab avo, Romam ſecum traxerat, ad con-  
ciliandam mendacio fidem, Regis cau-  
ſam Cicero egit tam diſertâ oratione,  
adeoque effuſâ in Regis laudes, vt putem  
Deiotaro huius invidiæ falſæ atque ini-  
quæ tempeſtatem ſubire, tanti fuiſſe, hoc  
ille patrono abſolutus, non tamen ſu-  
ſpicionem criminis liberatus eſt; tot enim  
hominibus Cæſar vitam eripuerat, vt de  
ſua ſolicitus eſſe cogeretur; ſed nimirum  
non habuit ſuſpectas illas manus, quæ vi-  
ginti & tria vulnera ipſi in curia inflixe-  
runt; Deiotarus in ijs non fuit; etſi con-  
juratorum nemo Cæſari, Rege ipſo juſtiùs  
iraſci potuit; omnia huic eripuerat, illis  
omnia dederat; & tamen eoſdem, nuper  
commilitones ſuos, Pompeio pridem  
occifo, expertus eſt Pompeianos. Lega-  
ti interim Regis Romæ ſubſtiterant, in  
omnem rei bene gerendæ occaſionem  
intenti, vt Deiotari res afflictaſ iterum  
erigerent; illos Antonius Conſul, is qui  
Ciceronis Philippiſcis peiùs, quàm Cæſar  
gladijs

gladijs compunctus est, ad se vocat, decretum ijs vendit, quo Cæsar mortuus Regi ea, quæ vivus abstulerat, reddebat; id homini illi facile fuit; nam cùm testamentum Cæsaris occupasset, infinitis commentarijs insertis, & innumerabilibus chirographis ementitis, omnia omnibus vendebat, velut ex Cæsaris voluntate. ita acervi nummorum apud Antonium construebantur, vt pecuniæ illic non numerarentur, sed appenderentur; & syngrapha quidem illa HS centies facta est; quanquam Deiotarus mendacem illam tabulam non expectavit, quâ in integrum restitueretur; sed simul atque Cæsaris interitum audivit, suo Marte res suas recuperavit, antiquissimo jure usus, quo ea, quæ per Tyrannos erepta sunt, iisdem interfectis, recuperari posse omnes Gentes sentiunt. Castorem etiam egregium, illum generum suum, quo dictante, criminatio illa apud Cæsarem conficta erat, cum vxore illius, filiâ sua, interfecit. Rectè cum hominem, quisnam esset, antequam gener Regis fieret, nescitum fuisse Cicero dixit, & post illas tam beatas nuptias demum in lucem esse protractum.

DEIOTARVS  
SVA RECUP-  
PERAT.

Pro Deiot.



Nam etiam de patria illius dubitatū fuit; cum alij Galatā, alij Rhodium, Massilien-  
sem alij dicerent: Literator tamen fuit,  
& fortasse eo nomine in tātam Regis hu-  
manissimi venerat dignationem. Philo-  
Romæi nomen ipse sibi adsciverit, an ab  
alio acceperit, haud satis constat; famam  
etiam libris vulgatis quæsiuit, quorum  
Suidas haud paucos recenset. Eiusdem  
odio etiam Gorbæum, quæ illi sedes fue-  
rat, dirutum, magnā quoq; pagi parte va-  
statā. Cæterum Deiotari Fortuna dome-  
sticis calamitatibus pluribus contamina-  
ta est, vt præstabilius fuerit, patrem non  
fieri. Elocaverat alteram filiam Brogita-  
ro cuidam, impuro itidē & nefario, quod  
postea compertum est, homini, quem  
satis infamavit, qui Publij Clodij ami-  
cum dixerit; is enim fani Pessinuntij, to-  
to orbe celeberrimi, sacerdotium Bro-  
gitaro pecuniā addictū tradidit; Regem  
etiam, vnā cum Deiotaro, vocari voluit;  
quanquam Deiotarus Pessinuntem ex il-  
lius manibus eripuit, nec passus est, cere-  
monias ab omni vetustate acceptas, à  
monstro illo pollui. Neque in filiis feli-  
cior fuit, quos, siue quòd noxæ essent,  
siue

VARIE DE-  
IOTARICA-  
LAMITA-  
TES.

*Suidas v. Ca-  
sar.*

*Cic. de Arusp.  
respons.*



sive, quòd in Deiotarum filiorũ charissimũ propensior, magnum illi certũq; relinquere imperium cogitabat, nefario consilio, quo vno tot veras laudes corrupit, de medio sustulit. quanquam Regnum, quod filio, hac immanitate, pulchrè stabilitum credidit, ad illum ne transmisit quidem. Duos enim post Deiotarum Tetrarchas novimus, Castorem alterum, illum ipsum fortasse, qui, criminando apud Cæsarem, vitæ illius insidias struxit; qui cùm rerum quadriennio potitus esset, summa imperij ad Amyntam, olim Deiotari scribam, & copiarum præfectum est devoluta, de quo pluscula tradenda videntur. Cùm post Cæsaris necem, qui vnus Romanæ libertati officere credebatur, neque ipsi eius vindices Cassius & Brutus securi essent, & Roma, pro vno, eòq; non immitissimo, triplex jugum, Triumviros accepisset, iterum, civilia arma, & furiosius etiam mota sũt, orbique terrarum cum Roma fuit insaniendum: tractus etiam in partem Deiotarus, à Cassio primũ sollicitatus, qui tamen auxiliorum nihil impetravit; sed Bruto eadem impensius flagitanti negare

FILIOS SVOS  
DE MEDIO  
TOLLIT.  
*Plut. de Stoicor. repugn.*

*A.V.C. 712.*

*Dio. l. 47. C.*

49.

DEIOTARVS  
BRVTO  
AVXILIA  
MITTIT.

erubuit, memor, illum suam apud Cæsarem causam fideli patrocínio iuvisse. Igitur hunc, quem diximus, Amyntam cum copijs misit, hominem versatili ingenio, quique Fortunam libentiùs, quàm fidem in consilium adhiberet; vnde mox à Philippensi pugná ad Antonium transiit. Deiotaro ne fraudi esse posset, Antonij inimicos coluisse, opportuna mors intercessit; cuius Regnum Castor, quem dixi, quadriennio obtinuit; & proximè post illum Amyntas, Antonij, sine dubio, beneficio: sed ille dominos ex utilitate mutare solitus, vbi etiam illius res nutare sensit, non expectato Actiacæ pugnae eventu, Cæsarem Octavium secutus est. Vbi ex Romanis se bellis extricavit, per Galatiam, Pamphyliam, atque Lycaoniam latè imperavit, nullámque augendæ rei familiaris rationem neglexit; ipse etiam Deiotari exemplo, atque vti ego existimo, ex consuetudine omnium Galatiæ populorum, diligentissimus pecuarius, vt qui ad vicum Garfoboram supra trecentos ovium greges haberet, ex quibus de reliquis æstimatio fieri potest. Salem ex Tattæ lacu petebat, & copiosum,

CASTOR ET  
AMYNTAS  
POST DEIOTARVM  
TOLISTOBORIS  
IMPERANT.

AMYNTÆ  
OPES ET  
BELLA.

Strab. l. 12.

sum, & nullius propè operæ; tanta enim  
 eorum fontium spissitudo est, vt cuicun-  
 que rei adhæserit aqua, mox densata in-  
 grumos, aliter non decoquatur; Avibus  
 ob id nunquam sine periculo tentata;  
 vbi enim alis aquam summam, temerè  
 plauferint, eæ mox sale incrustatæ, neque  
 pro libitu contrahi, neque explicari ad  
 volatum possunt, Salem ipsum Plinius  
 oculis vtilem esse scripsit. Amyntas his  
 naturæ opibus dives, etiam manu fines  
 regni sui proferebat; in Isauros cùm mo-  
 visset, Derbe expugnatâ, Antipatrum  
 veterem Ciceronis hospitem, loci illius  
 dominum interemit. Isauram cùm bene-  
 ficio Romanorum possideret, instaurare  
 novis ædificijs aggressus, operi est im-  
 mortuus: fatû illi ignobile obtigit; nam  
 cùm in Homonades movisset, qui vni  
 homines nulli vnquam de se triumphum  
 concessere, vt vulgo insuperabiles habe-  
 rentur; multis eorum locis vi potitus, &  
 tyranno interfecto, cùm viros debellaf-  
 set, mulieris fraude, quæ tyranni vxor  
 fuit, captus, consentaneâ vitæ suæ mor-  
 tem nactus est, fide toties proditâ meri-  
 tus, vt dolis fœminæ, quæ alia arma non  
 novit,

*Plinius lib. 32.  
 cap. 7.*

**GALATIA**  
IN PROVIN-  
CIÆ FOR-  
MAM RE-  
DACTA.

*Strab. l. 12.*

novit, perfidia ipsius succumberet. Post Amyntam Galatia in provinciæ formam redacta; eique ab Augusto Cæsare Proprætor primus Lollius datus est: neque, tamen aut Galatæ loco, aut omnibus honoribus pulsi; cùm etiam Augusto Cæsare, magno quosdam loco & auctoritate fuisse, reperiam: juvat illustrandæ rei admirandum omni ævo exemplum adducere, quod si solum esset, non vni modò familiæ, sed Gentì etiam iniuriosum barbariei cognomentum, quod Græca, Romanaque superbia populis plerisque affinxit, detrahare posset, & contumeliam suis auctoribus impingere.

## VIII.

**ILLUSTRE**  
**FRATERNÆ**  
**CHARITA-**  
**TIS APVD**  
**GALATAS**  
**DOCUMEN-**  
**TVM.**

ERAT Heracliæ, quæ vrbs ad Ponticam provinciam pertinet, Colonia Romanorum in partem vrbis, & agri admissa, cui paulò ante Actiacam pugnam, Adiatrix Demeneclij Galatarum tetrarchæ filius ab Antonio præesse iussus est. qui cum eò furoris prolapsus esset, ut nihil fani neq; facere ipse, neq; jubere quidem posset, Adiatrix repentinè imperat, ut in Romanos omnes illius coloniæ ferro grassetur; ille quantumvis crudelis mandati obedientiam ad suam fidem, perti-

pertinere, neq; concessum sibi de herili sententiâ iudicium, ratus, in eos, quos Antonius gladio subiecisset, vt hostes, ferrum strinxit. Verùm cùm Augustus rerum potitus esset, Adiatorix ab eodem in triumphum ductus est, tribus filijs, & vxore, ad eandem miserabilem pompam damnatis. Cùm deinde à curru pater, cum maiore filio, ad supplicium, iubente Cæsare, raperetur; medius natu, in illa infami via, inter carnificum turmas, extremâ, & fatali horâ, quæ, ob tristissimum divortium, non tantùm ex oculis lachrymas, sed propè animam è corpore extrahebat, fortissimum consilium reperit, quomodo ex charissimis sibi mortalibus duobus, neutrum amitteret, alterum etiam seruaret. Cùm jam lictores ferrum expedirent, & fratri manus colligarent, vociferari, & de injuria sua, & de Imperatorij mandati prævaricatione, plenus irarum queri cœpit. Credebant astantes, illum inanibus lacrymis precibusq; pro patris, aut fratris vita laboraturum; cùm ille vltro cervicem nudare, & se carnifici offerre, sibique, non fratri suo moriendum, clamare; mortem sibi imperio

Cæsa-

Cæsaris, & beneficio ætatis deberi; se enim natu esse grandiozem. Quid frater, ad manifestum, sed vtilissimum sibi mendacium? nimirum sua etiam confessione, aut certè silentio illud iuvit? Nihil minus; sed potiùs fratris intercessionem detestari, obtestari parentes, ne paterentur ab illo jura naturæ confundi; prorsus vt crederes, velut in cernenda hæreditate, vtrumque, privilegio ætatis, sibi majores opes quærere. Inaudita, ambos causâ eloquentes faciebat; certabatur, vter mori posset; & in hoc argumenta colligebantur, quibus ille mendacium, ille sententiam Cæsaris, & jus naturæ tueretur. Hæc prima inter illos fratres discordia fuit; novâ odij causâ inventâ, nimio amore. Cum lis finem non inveniret, itum est ad parentes, qui soli esse iudices poterant; sed erat miserabilis causâ, neque agitata ad tam mitè tribunal. Tum demum miseri conjuges agnovêre, quales genuissent; & vel ob hoc certamē vtrumque dignum esse, qui viveret. quem nominaret tristis pater secum moriturum? quem mater vellet perdere? vtrumcunq; servaret, videbat

bat alterum ad gladium se dare, neque  
piam esse posse, nisi simul esset crudelis;  
certè si novo mendacio color superesset,  
diceret, se à Cæsare damnatam; & pater  
tum maximè cuperet bis posse mori.  
Prensabant interim duo mortis candi-  
dati, & parentum suorum suffragium,  
novo genere ambitûs, contra quem  
nulla lex lata est, emendicabant; & since-  
rissimis lacrymis vterq; amoliebatur re-  
pulsam. Sed apparebat, maiorem natu  
ad aliud tribunal provocaturum, si pater  
contra se pronunciaffet; & tamen, quan-  
quam cor illi propè rumperetur, quod  
hujus litis arbiter esse cogeretur, pro-  
pensior erat in juniorem, qui prior fra-  
ternas acies commisisset; nimirum con-  
tentiosus hic litigator, & tam piè men-  
dax, visus est illi morte dignior. Exoran-  
dus tamē filius major fuit, vt patris judi-  
cio esset contentus; hoc vltimùm pete-  
bat, vt plus suam, quàm Cæsaris senten-  
tiam posse pateretur; tutiùs offendi Au-  
gustum, quàm fratrem, & patrem; sibi  
certè gloriosum fore, filium à gladio li-  
berasse, quem Cæsar damnaverat; quæ-  
cunq; deinceps matrem, & superstitem  
alte-

alterum ex filiis fortuna excepisset, spei in ipso plus esse; vsurerum gerendarum, matris ipsum fortunas fortassis erecturum; sibi ad societatem mortis non opus esse filio prudentiore; minorem, amoris magisterio, ad vnum ictum excipendum, satis esse doctum. Reluctanti nihilominus, manus violenti amoris injectæ; & patris, matris, fratrisque precibus victus est; cum præsertim vterq; parens, pro fratris mendacio, valituram possent sententiam dicere; vt ille tribus potentissimis testibus obrueretur: desperatâ ergo certissimæ causæ victoriâ, fratri jure suo cessit indignabundus, illique carnificem, & ferrum, & mortem, &, quod tristissimum fuit, patrem invidens, charissimis funeribus lachrymas affudit, libentiùs; si per vtrumque parentem licuisset, sanguinem daturus. Hoc pij certamen amoris vbi ad Augustum perlatum est, indoluit, se tristi sententiâ mutuo tam amantes divisisse, & tum demum se moneri, quando in ea nihil corrigere posset: tantæ enim virtuti, etiam in acerbiori hoste, non potuisset irasci. Quod potuit, fecit; superstites omni humanitate prosecutus est,



est, maximum natu, qui Dyteutus à quibusdam dicitur, mendosè, vti existimo, splendido sacerdotio, in Cumanis Ponticis, honoravit, quod ijs ferè concedebatur, qui Reges sanguine contingerent. Minoris nomen non proditur; factum, tamen immortale erit; cui vt vetustas aliquid conferat, ad Castoris & Pollucis fabulas currendum erit; in quibus tamen, vt omnia largè credamus, nihil est ad nostros Commorientes.

Boios interim, qui ex Italia ad Tauriscos abierant, perpétua bella exercebāt, duarum potissimum Gentium, Rætorum & Dacorum odijs conflata. De Rætis hoc solum Strabo cōmemorat, quod fortasse etiam ad Vindelicos potest pertinere; illos, cū in omnem partem incursiones facerent, & à Meridie Italiam, à Septentrionibus Germanos, ab occidente Sole Helvetios & Sequanos, ab Oriente Boios haberent, bella cum his omnibus gessisse; quorum eventum, tacētibus vbiq; literis, tantò post nati, frustra indagemus. Odiorum tamen erga Boios causas veteres habuisse, non nescio; nam maiores suos olim, à Boiis, fe-

## IX.

BOIORVM  
QVI INTER  
TAURISCOS  
CONSEDERANT BELLA CVM  
RÆTIS ET  
DACIS  
*Strab. l. 4.*

*Liv. l. 5. Dec. 1.* licissimo Italiæ solo pulsos, ut sera magnæ omnis iniuriæ oblivio est, poterant etiam tunc meminisse. Jam si ex eorum ingenio coniecturam facere licet, nihil verebor affirmare, Boios truculentiores hostes vix alios unquam habuisse: nam moribus illorum receptum fuit, nulli hominum parcere, non modò quem pubertas timendum faceret, sed ne infantia quidem, in quam sæviendi causam, neque ipsa barbaries inveniret. imò parum erat, cunas ferro scrutari, quærere hostem heri natum, & nondum dignum hoc nomine, sed ex ipsis matrum visceribus excabantur morituri, antè, quàm nascerentur, in qua crudelitatis indagine, ne fallerentur, coniectores & ariolos circumducebant, qui præmonerent, uter sexus gravido ventre lateret. De Dacis perpetuis Boiorum hostibus auctorem eundem habeo; sed præter bellum ultimum, quod Boiis exitium attulit, nihil hodie extat; illud in Augusti ætatem incidit, quo tempore Boiis Critasirus Rex præerat, circa centesimum octogesimum annum, postquam ex Italia ad Tauriscos commigraverant. Porro Daci jam

*Strab. l. 4.  
Dio l. 54.*

RÆTORVM  
IMMANI-  
TAS.

*Strab. l. 5.*

CRITASIRVS  
BOIORVM  
REX.

jam olim Gallica arma, à prima Brenni  
 in Graciam expeditione, exercuere, ma-  
 gnis sæpe ab illis cladibus affecti, quarum  
 illa insignis fuit, quam à Bastarnis, etiam  
 ipsa Gallica Gente accepere; ob quam  
 Olor, sive Oroles, qui Dacorum, eâ tem- *Iustin. l. 32.*  
 pestate, Rex fuit, Dacos omnes inusita-  
 tâ contumeliâ notavit: nam quoties ca-  
 pturi somnum erant, capita ad imam  
 spondam, qui pedum antea locus fuit,  
 transferre, & in Gynæceum abditos an-  
 cillari vxoribus suis iussit, donec noctur-  
 nâ, diurnâque ignominiâ fatigati, prioris  
 ignaviæ notam illustri fortitudinis exem-  
 plo edito, expungerent. Id quando po-  
 tissimum factum sit, non habeo dicere.  
 Illud constat, sub hæc tempora, quibus  
 Bærebistes in eos imperium accepit, ne- *BÆREBI-*  
 que magnâ famâ, neque viribus, opibús- *STES DACOS*  
 que celebres fuisse: ille torporem exerci- *TEMPE-*  
 tatione perpetuâ, maximéque adstrictio- *RANTIA IN*  
 ris temperantiæ legibus excussit: sciebat *BELLA A-*  
 neminem facilius vinci, quàm ebrium;  
 imò vinum ipsam fortium virorum ve-  
 nenum reputans, cogitabat vites omnes  
 excindere; quod vt Populo volente fa-  
 ceret, hac ratione est consecutus. Jam

vetere Gentis consuetudine receptum  
erat, Regis consilijs temperādis, socium  
& penè collegam admoveere vnum ali-  
quem, qui Deos propiore commercio  
familiarius novisse, & eorum, quæ illi ad  
homines mandarent, interpret esse, quí-  
que ipse, Dijs silentibus, fundere oracula  
posse crederetur; primus Zamolxis eum  
locum tenuerat, Pythagoræ quondam,  
assecla, & servulus; in cuius contubernio  
cùm aliquid supra vulgus sapere, & loqui  
didicisset, de rerum causis, & ijs etiam,  
quæ supra nos sunt, tanquam olim in cē-  
lum admissus, differebat, eò confiden-  
tius, quò nemo refellebat; neque men-  
tiebatur semper, cùm siderum defectio-  
nes, aliáque barbaris incognita prædice-  
ret. Ex qua illi re fama ingens collecta,  
eiúsque sapientia propè divina visa: vnde  
primùm cultui Dei, qui apud Getas ma-  
ximus est, præfectus; paulò post, cùm Sa-  
cerdotij satur, Deus esse mallet, nemine  
refragante, nomen illud assumpsit, & in  
antrum abditus hominum congressu, ve-  
nerationis augendę causâ, abstinuit, cum  
Rege tantùm colloquia miscens, rudem  
populum sibi deditum edictis in omnem  
partem

partem impellebat; mons, in quo an-  
 trum Zamolxin Deum abscondēbat, Co- *Strab. lib. 7.*  
 gæonus dictus: huic, Bærebistâ imperan-  
 te, Decæneus successerat, eâdem vanita-  
 te homo, qui aliquamdiu in Ægypto,  
 ipsissimâ superstitionum patriâ, peregri-  
 natus, cùm omnia illius Gentis monstra  
 collegisset, ad suos reversus, veterem Za-  
 molxis famam renovavit, eius propè et-  
 jam divinitate occupatâ. Cùm ergo Bæ-  
 rebistæ ipsas cum temulentiâ tollere vi-  
 tes in mentem venisset, veritus, ad tam  
 charas populo eripiēdas delicias, aucto-  
 ritatem regiam parùm valituram, consi-  
 lium cum Decæneo communicavit, ut  
 ex antro illo sobrietatis lex, & vini pro-  
 scriptio proferretur; ita, nemine contra  
 Dei illius edictionem hiscere auso, in vi-  
 tes impetus factus, & pulcherrima res  
 impetrata est, ut in Gente illâ barbarâ ne-  
 mo ebrius esse vellet, aut posset. facile  
 deinde Bærebistæ fuit, sobrios ad omnem  
 militaris disciplinæ patientiam traduce-  
 re, utque illi paulò antè ignavi, nunc ar-  
 mis, quàm poculis libentiùs certarent.  
 Igitur plenos jam virilium animorum,  
 per Istrum transportat, qui mox in Thra-

cia, Illyrico, Macedoniâ ea roboris sui documenta reliquerunt, vt facilè appareret, illos crapulam pridem exhalasse; fortiorémque ab aqua manum attulisse. Atque hæc expeditio Boiis fatalis fuit; adeò, vt Gente totâ ijs in locis excisâ, ager pascēdo pecori attributus, nihil præter nomen veterum incolarum retinuerit, Boiorvm Deserta dictus,

## X.

Nunc in Bojohæmum, quò & anno-

BOII QVI  
INTER AV-  
RISCOS RE-  
SEDERANT,  
FVNDITVS  
A DACIS  
DELETI.

BOII BOIO-  
HÆMO PVL-  
SI A MAR-  
COMANNIS.

rum ordo, & similitudo fatorum nos vocat, ad alterum Boicæ Gentis excidium concedamus. Possumus inter tristia spectacula duris assuescere, & ad hæc nostra tempora non tantum bonum animum, sed etiam vultum afferre, de quibus nemo intemperanter queri potest, nisi qui sui tantum ævi annales legit, vitæque incommoda, & calamitates heri secum natas putat. Igitur quod satis constat, Maroboduus Rex circa hæc tempora in Germania inclaruic; qui cum ingenium, quantivis imperij capax à natura accepisset, illud omnibus imperandi artibus juvenis adhuc excoluit; Romam enim delatus, & ab Augusto indulgenter habitus, maximam difficillimamque rem,

*Tacit. lib. 2.*

*Ann.*

*Strab. l. 7.*

*Pell. Patere.*

*lib. 2.*

rem, quæ aut in illa aula, & vrbe, aut MAROB-  
 nusquam doceri potuit, didicit, Impera- DVVS REX  
 re. Vrbs ipsa orbis domina, Cæsar domi- MARCO-  
 nus vrbs, maximi ambo magistri, scien- MANNO-  
 tiâ illum, & exemplis poterant augere: LIVSQUE  
 Româ ad Marcomannos reversus, hinc MILITARIS  
 enim oriundus erat, brevi non suâ tan- PERITIA.  
 tùm Gentis sibi principatum peperit, sed  
 Luios insuper, Zumios, Butones, seu  
 Gutones, Mugilones, Sibinos, & Sue-  
 vorum Semnones, quos omnes nomi-  
 nare hodie, sed monstrare non possis, sibi  
 subiecit, non precariò ad alienum arbi-  
 trium imperaturus, nullisque exceptio-  
 nibus; sed jure maximo, & planè regio,  
 cuius ipse nominis maiestatem animi ma-  
 gnitudine facilè implebat: suffragabatur  
 etiam corpus, & digna imperio species,  
 clarum genus, vires, ingenij vigor Ro-  
 manâ exacutus disciplinâ, &, quæ vel sin-  
 gula illæ Gentes mirari possent, decora  
 hic collecta habuit. Rebus domi stabili-  
 tis, ex magno regno maximum factururus,  
 arma, terrorémque armorum, per finiti-  
 mos populos circumferens, annuentes  
 pariter, abnuentésque in potestatem re-  
 degit; còque potentia & audacia prove-

Atus est, ut vix Romanos sibi timendos putaret, timendus ipse: ita certè ferebat, ita legatos instruebat, ut medijs responsis, cum pacem, bellumque sinu ferrent, utrumque tamen occultarent, in tempore, quod ex usu videretur, prouturi. Bellum interim, cum etiam nullum gerere, meditabatur tamen; nam cum septuaginta peditum millia, equitum quatuor ferè semper in armis haberet, facile apparerebat, magnarum ipsum rerum occasionem grandibus praeludijs venari. Germaniæ quidem hic sensus fuit, aut hoc ducem Romanis resisti, aut alio nullo posse; confluere ergo passim ad illud omnes, quos Romani imperij satias, aut odium cepisset. Ipse interim nihilo ferocior fieri, neque quæ in præsentia gloriosa essent, prima ducere, sed consulere in longitudinem; Germaniæ incommoda pro disciplina, & præceptis habere, ad quæ se ipse expenderet; multa denique antecapere, quæ olim usus futura sciebat: intellexit quæ illud mihi palmariū est, quod, cum animadvertisset Romanos, latius quotidie serpentibus victorijs, non procul à suo regno grassari, jamque se vicinis affari



flari incendijs, omnem ipse Marcomannorum Gentem, patrijs sedibus motam, in tutiora transtulerit loca, quæque longius à fulmine abessent. Nihil porro ad tutelam opportunius Hercinijs saltibus visum, ijs ipsis, quos Boii, jam indè à Sigoveso, annis plus minus sexcentis, incoluerant. Quantas illuc copias traxerit, vetustate oblitteratum est: illud vnum ex Tacito constat, Boios ab ijs pulsos, idq; Marcomannis ad gloriam eximium, fuisse; nam qui nuper soli ferè Cimbrorum impetum non modò sustinuerant, sed etiam cum eorundem clade retuderant, illos iam Marcomannis de principatu, & ipsa adeò Patriâ cessisse, ingentem Marobodui potentiam, & militaris rei usum arguit. Huius cladis series, vti à nemine vno Scriptorum ordine tradita est, ita, si quæ ab alijs sparsim consignata sunt, sedulò colligas, temporum maximè ratione habitâ, cogent secundum hanc narrationem pronunciare. nam qui factum hoc ad Julij Cæsaris tempora promoverunt, miserè Strabonis auctoritate iugulantur, qui Marobodium Romæ cum Augusto vixisse planè asseverat. Dome-

*Tac. de Morib.  
Germ.*

*Strab. l. 7.*

sticus verò Scriptor, qui portentosa inscitiam hæc ad Tarquinij Prisci ævum rejicit, sexcentos annos, inexpiabili delirio, vno saltu transmisit.

QVAS SE-  
DES BOII  
BOIOHÆ-  
MO PVLSI  
OCCVPA-  
RINT.

Sed nos vt cladem hanc ingentem fateamur fuisse, ita illa etiam maior cense-ri debet, quâ conspirantes cum bellicis infortunijs literæ, clarissimū in hanc vsque diem BOIORVM nomen, & illustri famâ per totum circumlatum orbē, longissimâ silentii nocte sepelierunt; vsque adeò, vt ne illud quidem liquidò cōstet, pulsi à Marcomannis BOI quò terrarum concesserint; nam quod fluminibus subinde contingit, vt terrarum hiatu epota, momento alveum, aquas, noménq; perdant, donec rupto alibi ostio novam sibi viam vi faciant, iterum aspicienda; ita Gens tota BOIORVM sublata ex oculis, destituta luce literarum, etiam nos, deficientibus vestigijs, ad conjecturas, quod errantium viatorum vltimum præsidium est, detrudit; quibus quia cum historia nunquam bene convenit, & ipse ijs timide insisto, secuturisque denuncio, præter bonam fidem, nihil me posse præstare. Vidit hunc labyrinthum exactissimæ diligen-

ligentia Scriptor Marcus Velserus, cum-  
que filum ad exitum nullum reperiret,  
proximum consilium secutus, Boios in  
Boiohæmo, inter Marcomānos reliquit;  
Tacitique verba, qui disertè pulsos scri- *lib. de morib.*  
psit, eò accipit, vt Regno, & dominatu *Germ.*  
deiectos, non eiectos patriā interprete-  
tur. Nos etsi fortasse non multò certio-  
ra allaturi sumus, non possumus tamen  
in hanc sententiam pedibus ire, Meta-  
phoræ duritiā, præter Latini vsum ser-  
monis, audaciùs extortā absteriti; præ-  
sertim cum idem Tacitus alibi, eodem  
libello, scripserit, mansisse Boiohæmi  
nomen, quamvis mutatis cultoribus.  
Jam & Posidonius æqualis horum tem-  
porum, cum apud Strabonem, Boios *Strab. l. 7.*  
Herciniam silvam priùs habitasse dicat,  
sanè his ipsis verbis emigrationem indi-  
cat. At enim à Meridie illos Danubius  
arcebat jam Romani iuris, ab ortu Bære-  
bista Dacus imminebat, qui cum Boios  
indigenas nuper ad internecionem dele-  
visset, nimirum in novos advenas mi-  
tiore animo erat futurus? Horum sanè  
Velsero neutrum negamus; sed quā Se-  
ptentrionem, & occasum nobis obstruit,  
hac

IN NARI-  
SCIS CON-  
SEDISSE  
BOIOS UT  
CERTIVS  
AFFIRMA-  
VER.

*Id. de reb. Ge-  
n. 1.*

hàc nos, eruptione factâ, incolumes BO-  
IORVM copias educemus; verosimilli-  
mum enim videtur, ad Nariscos, vbi ho-  
dièque Transdanubiani BOII incolunt,  
etiam non repugnâtibus Marcomannis,  
abiisse. Id ex eo potissimum colligimus,  
quòd, qui longo post hæc tempora inter-  
vallo, primus tamen BOIORVM iterum  
claram mentionem fecit, hoc eos loco  
collocârit. Is est Iornandes, qui Anni post  
Christum Natum quadringentesimi se-  
ptuagesimi secundi res prosecutus, cùm  
Suevorû fines describeret, eos ab oriente  
BOIIS, ab occidēte Sole Francis, à meri-  
die Burgundionibus, à Septētrione Thu-  
ringis claudi demonstravit. Porrò ne quid  
dissimulem, ea seculi illius inficeti rudi-  
tas fuit, ut semi-barbarus hic Scriptor,  
neq; suum Gēti BOICA nomē dare scive-  
rit; Bajobaros enim vocavit, ex qua de-  
inceps appellatione, varia, vti suis locis  
videbimus, & monstrosa nomenclatio  
pullulavit; ut minùs molestè ferendum  
sit, rerum gestarum memoriam interci-  
disse, cùm ipsum etiam BOII nomen suū,  
per iniquitatem temporum, amiserint.  
Porrò vir cæteroqui neque indiligens,  
neque

neque indoctus, in proprio de Vindelicia & Norico libello, evicisse ex Strabone se putat, Boios à Marcomannis pul-  
 sos, rectà in Vindeliciam abiisse, quod ille Vindelicos Boiis finitimos, eorum-  
 que campis imminentes scribat: verùm gravissimè fallitur, eo maximè deceptus, quòd de quibus Boiis illic sermo esset, non animadvertit; neque enim de Bojohæmo exulantibus, sed ijs, qui Italiâ pulsi, circumjacentes Istro locos cum Tauriscis incoluere, Strabo loquitur, quos paulò antè à Dacis funditus deletos, eodem referente, audivimus. id quod clarissimè ex alio Strabonis loco  
 perspicitur, in quem ipsum bonus iste vir hîc quidem digitum intendit, alibi verò totum exscribit, & (si Superis placeat) etiam emendat: is verò est ejusmodi: Lacum (Brigantium) Ræti exiguâ  
 ex parte, maximâ Helvetij, ac Vindelici attingunt: indè Boiorum Deserta, vsq; ad Pannonios. neque enim ipse nescit, ea Deserta, camposque ab Italicis Boiis nomen habuisse, qui à Bærebiste ad internecionem sunt cæsi; quam rem pluribus probare supersedeo, cum id ab ipso-  
 meo

mei sui planè immemore diligentissimè  
 hoc eodem loco videam factitatum; mi-  
 hi satis est, hominem propriâ confes-  
 sione indutum, suo sibi gladio jugulasse.  
 At enim commemoratas huc vsque cla-  
 des lætiore diluere nuncio libet, & que-  
 relas plausu obruere; nam circa hæc ipsa  
 tempora, armis vbique quiescentibus,  
 & pace toto orbe partâ, Ianoquè gemi-  
 no clauso, Cn. Corn. Lentulo, M. Val.  
*A.V.C.751.* Messalino Coss. felicissimæ noctis silen-  
 tio, I E S V S Dei filius, ex Virgine Maria  
 natus, aureum sæculum, in præsepi &  
 fœno inchoavit; quo vnico æterni Patris  
 VERBO, Boicæ historiæ ex hoc tempore  
 per annos aliquammultos interruptæ ja-  
 cturam solabimur.

## IX.

SALVTIS è cœlo in terram delapsæ  
 Evangelium cùm divini præcones qua-  
 quaversum differrent; Galatæ etiam in-  
 ter primos accepere, & ab ipsis quidem  
 Christianæ Gentis Principibus, Petro &  
 Paulo, quorum ille Galatas per Epistolas  
 docuit; hic verò & vivâ voce præsens,  
 & absens immortalibus literis eorum  
 nomini inscriptis, ad Cœlum & Deum  
 aureâ eloquētiâ rapuit. Divum Crescen-  
 tem

1. Petri 1.

2. Petri 3.

Act. 18.

Galat. c. 1.

tem ad eodẽm missum, factam à Paulo  
 sementem piã operã excoluisse, Paulus  
 ipse testis est. Porrò cùm principem in-  
 ter Galatarum populos locum TOLISTO GALATÆ  
 BOI I habuerint, credi non potest, illos DEI FI-  
 tanti muneris fuisse expertes; vt inter ea, LIVM IN-  
 quæ BOICO nomini gloriosa vnquam, TER PRI-  
 contigere, hoc eò illustrius censeri de- MOS AGNO-  
 beat, quò divina humanis antistant; cer- SCVNT.  
 tẽ post partos toto orbe terrarum trium-  
 phos, id demum omnibus victorijs cla-  
 rius fuit, Christi jugum, & cum liberri-  
 mã servitute, nomen Filiorum Dei, & jus  
 cœli accepisse: sed reliqui per Germani-  
 am, Galliãmq; sparsi BOI I à veri Dei cul-  
 tu, & agnitione adhuc longè aberant, Tacit. l. 2. Hist.  
 adeò quidem, vt septuagesimo primo  
 post Christum Natũ anno, Maricus qui- MARICVS  
 dam è plebe BOIORVM, quos Iulius Cæ- BOIVS DI-  
 sar in Æduorum finibus collocavit, ho- VINITA-  
 minem se esse oblitus, stultissimã vanita- TEM AFPE-  
 te, Deus salutarì affectarit; & reperit ta- CTAT.  
 men affeclas, quibus divinitatem suam  
 probaret; octo hominum millia, qui li-  
 bertatem Galliæ, & magnas sibi opes ex  
 sterili illius Dei manu speraverant, Mari-  
 cum sequebantur. Romæ ipsi minantes,  
 quip-

quippe ni? tali Deo freti: cūque jam  
etiam proximos pagos commovisset, Æ-  
duorum civitas armatâ juventute suâ, ac-  
ceptis etiam à Vitellio cohortibus, fana-  
ticam multitudinem disjecit. Maricus eo  
bello captus, pabulum feris obiectus est;  
sed ille etiâ in theatro, præstigijs, vulga-  
tam de se opinionem tuebatur, cū fe-  
ræ ab illo abstinerent, velut divinitatis  
conscientiâ; jamque erant, qui inviola-  
bilem crederent, donec Maricus ipse in  
oculis Vitellij interfectus, vnâque illius  
Apotheosis, & stulta vulgi persuasio con-  
fossa est.

*A.C. 171.*

BOII MAR-  
COMANNI-  
CO BELLO  
CONTRA  
ROMANOS  
PUGNANT.

Circa annum demum CLXXI, cū  
Germania omnis in armis esset, & cum  
Marcomannis & Quadis in Romanorum  
perniciem conspirasset, Boios etiam,  
quos inter Nariscos consedisse, vt verius,  
diximus, in communis societatem con-  
siliij venisse, vel ex eo tutò creditur, quòd  
populis Transdanubianis omnibus (inter  
quos Capitolinus Nariscos disertè nu-  
merat) arma corripientibus, illis, quo-  
cunque tandem loco degerent, in publi-  
co motu, quietis esse non licuerit. Bel-  
lum id ab auctoribus Marcomannicum  
dictum,



dictum, sub Marco Aurelio Antonino exarsit, qui Antonino Pio adoptionis jure in Imperio successit: quem, cum paternum genus ex Transalpina Gallia duxerit, & Boionij nomen tulerit, ferè autem, cum Velsero, Boiis transcribere; neque verò paternum, a vitumque cognomen abludit, quod etiam ipse assumpsit, Fulvius appellatus, quando etiam, inter Rætici limitis præfectos, Valeriani ævo, Fulvius Boivs recensetur; quò fit, nisi insubida ex vocum allusione divinationis est, ut optimi duo Imperatores, Pius, & Philosophus, Boionij nomen Boiis debere videri possint. Ingens eius belli apud Romanos expectatio fuit; ad omnia oracula decursum, & Imperator peregrinis etiam superstitionibus, sacrificiisque conquisitis, ne inauspicatò rem tantam aggredi videretur, ad deliria usque delapsus est; inter cætera risu digna, Alexander quidam impurissimus præstigiator, victoriam Cæsari pollicebatur, si leones duos in Danubium immisisset; atque ij quidem in adversam ripam enatarunt, sed tantum abest, ut Marcomannis formidini fuerint, ut ignotas belluas, eodem

*Lucian. in  
Pseudomant.*

quo canes, aut lupos, loco æstimantes, Herculeo more, sudibus & clavis compe-  
 scuerint: neque tamen Romanis aquilis  
 leones illi quidquam contulere; quin vi-  
 ginti circiter hominum millia eo prælio  
 amitterent: Quinquennio pòst, cùm jam  
 eadem Romanis pernicies immineret,  
 victoria Christianorum precibus, qui  
 sub Romanis signis militabant, impetra-  
 ta est; cùm ij & opportunas sibi pluvias,  
 & adversa in hostes fulmina cælo elice-  
 rent, quæ nova pugnandi ars Cæsari mi-  
 raculo fuit; & Christiana legio novo cog-  
 nomēto Jovi Tonanti exæquata, Fulmi-  
 natrix dicta est. Mitiùs etiam deinceps  
 Christiani habiti, vetante Imperatore,  
 quemquam hoc nomine ad tribunal ra-  
 pi; quam libertatem nacta Pietas magna  
 mox incrementa cepit, totóque sparsa  
 orbe, etiam Germaniam complexa est, ut  
 in hac communi patriæ nostræ felicitate,  
 etiam de Boiis bene sperare liceat; etsi,  
 quod propriè illos spectet, sacri, profa-  
 nive, nullis fidis annalibus tradatur. Nam  
 domestici nostri nunquam silent, sem-  
 pérque quas narrent fabulas habent; pu-  
 tant enim sibi necesse esse loqui, veriti, si  
 annos

*Xiphilinus in  
 M. Antonino,  
 Tertullian. a-  
 poleget. 5. ex  
 literis M. Au-  
 rely Imperas,*

*Iren. l. 1. c. 3.  
 Tertul. adver-  
 sus Iud. c. 17.*

annos centum indictos relinquant, totum BOIORVM nomen suo silentio, velut olim Amyclas, periturum: Ephorum, *Strab. l. 13.* saltem veterem Historicum imitarentur, qui cum aliarum urbium res perscriberet, nec quidquam in patria celebrandum reperiret, ne nihil de ea dixisse videretur, id saltem verecunde, & sine mendacio scripsit, Cumanos eâ tempestate quievissse. Quod Aventinum in primis decebat, qui BOICAS res narrare professus, ijs deficientibus, stipem ex totâ Germania, longiusque colligit, & semesa verba ex omni lapide exsculpit, vt perpetua per omnes Cæsarum annos ædificetur historia, quocunque tibicine fulta; sæpe etiam reluctantes in Populorum album BOIOS inserit; in quo nunquam steterit, *Avent. l. 3. Initio.* quod tandem ipse sanior effectus non dissimulat, fassus, per quingentos triginta quinque annos, ne nomen quidem BOIORVM apud aliquem Scriptorum se offendisse; quo tamen ipso oscitantiam suam prodit, cum, vti supra ostendimus, ex Jornande liqueat, quas oras BOII quadringentesimo septuagesimo secundo post Christum Anno infederint. Ad-

de, quòd isti nugivendi nostri, cùm sibi laborandum scirent, populo vt placerēt, quas dedissent fabulas, neque ad mentiendum quidem satis felix ingenium at-

FABVLÆ  
DOMESTI-  
CORVM AN-  
NALIVM  
EXPLODVN-  
TVR,

tulerunt; hanc enim miseram artem qui sibi necessariam putant, ijs, quibus probare figmentum suum volunt, os præcitant, & oculos eruant, oportet; his enim reclamantibus nulla stabit recto talo fabula: quod quidem nostris curæ non fuit; quibus etiam, cùm argutissimi sunt, aqua hæret, & inopia ingenij laborantes in vado destituit. Vt suam illis discordiam condonemus, quâ integra nobis sæcula confundunt, sèque ipsi jugulant, cùm vel maximè de eadem re mentientium Collegio, ex compacto, colludendum sit; illud certè nimis quàm simpliciter ab ijs factum est, quòd non nisi alienis compilatis serinijs, suos nobis dedolare, exornarèque Heroes potuerunt, vt ijs etiam furtivo colore, & pennis, ad concinnandam venustam narratiuncu-

DE ADAL-  
GERO FABV-  
LOSA NAR-  
RATIO.

A. C. 307.

lam, opus fuerit. Sic nobis, vt reliquos si-  
leam, Adalgerus obtruditur, qui Severi  
Imperatoris ævo, eius, qui à Galerio Ma-  
ximiano Cæsar appellatus est, Boiis præ-  
fuisse

fuisse dicitur. Hunc, cum sub Romanis stipendia faceret, apud Severum capitis postulatum, diu incertum hæsisse, an iudicio se committeret; ægrè tandem ab amico persuasum, in jus ambulasse: ibi pernegandi constantiâ, capitalem quidem sententiam evasisse, turpi tamen ignominiâ notatum, veste genuum tenus succisâ, & capite attonso, nudatôque; nam illud tunc solum formæ decus creditum, si flueret capillus, pèrque humeros quàm densissimus jactaretur; quemadmodum generosæ feræ jubam quatiunt: sic amicorû oculis, sic etiam hostibus suis credebant se comptos: eò altius ille contumeliam demiserat in pectus, æquiùs laturus, si sanguinem imminuisset. multa illi æger animus, pro vindicando crine, suggerebat, tristia Cæsari futura, nisi familiaris amicus saniora suavisset, & aptiora temporis. Altero die, cum popularium turba in publicum progressus, omnium in se, suumque gregem oculos convertit. Erant omnes ad exemplar lærilis ignominix deformati; comæ decus, cultumque vestis, spontè sordidati, posuerant, turperati, domino quenquam esse

pulchriorem. Severo causam facti querenti respondit Adalgerus, id esse Boiorum ingenium; vnum in totâ Gente esse animum; nec secundi quidquam singulis accidere, nec adversi; omnia omnibus esse communia; vnum qui læserit, grandem hostium exercitum sibi parasse, & ægre tot gladios vitaturum, quos vnus hominis injuriâ in se acuerit. Severum, tum homini potestatem redeundi in patriam fecisse, fido illo consiliario pro obside accepto, qui absens etiam hero suo vtibilis fuerit. Nâ cum à Severo Adalgerus rursus evocaretur, atque is ambigeret, tutone se illius fidei esset permissurus, suumque ea super re Achatem consuleret, Apologum ille recitavit, qui hero vicem responsi esset. Hortulum, inquit, paterfamilias, delicias suas, suâ colebat manu, felicium herbarum, florum, radicum feracem; indè obsonium in frugalem mensam, & animo etiam condimentum accersebat: fortè ita evenit, vt cervus in omnes grassatus areolas, & vernam horti elegantiam populatus, in flagranti facinore deprehenderetur; inhonestoque caudæ, auriumque vulnere infamis

famis horto tamen emitteretur; at enim Cervus neque calamitate suâ cautior, per eadem vestigia, quæ nuper suo sanguine orientarat, ad carum prandium irrepsit; idque tandem importuno convivæ vitâ stetit. Vulpecula, quæ morti intervenerat cervo jacenti cor ademit; quod cum deinde paterfamilias frustra quæsisset, vxor non inscitè eius diligentiam arguit, ecquid speraret in cervo cor se reperturum, qui nisi excors fuisset, ad tam infelicem hamum, semel tam foedè mulctatus, nunquam fuerit recursurus. Ex his ambagibus Adalgerus facilè intellexit, nihil se sapere, nisi aliquid supra cervum sciret. Severum ipsius perviciaciâ nostri deinde offensum narrant, Boios bello appetisse; sed virtute Adalgeri repressum; eiusdem deinde auspicijs Boios de Brennio Suevo, Oînucho Bojohæmi Rege, & Hunnis illustres victorias reportasse; ipso tandem mortuo etiam BOIORVM gloriam exspirasse. Quæ ego omnia in eundem fabularû acervum rejicio; nam illa ex cervi stultitia hausta sapientia, neque in istorum quidem, qui hæc conflavere, cerebro nata, sed pauculis, dissimu-

*Sim. l. 2. c. 10.  
Idac. l. 3. c. 9.*

landi facti causâ, mutatis, ex Aimo-  
no & Idacio sublecta est; vt proinde ma-  
lo vngue tam manifestè notato, frustra  
nos sibi iubeant credere. Adde, quòd de  
hoc ipso Adalgero tot sententiæ sunt,  
quot Scriptorum capita; dum illum alij  
trecentis annis faciunt vetustiore, alij  
neque BOIVM quidem, sed Romanum,  
& BOIORVM hostem; adeò, cum à verita-  
te discessum est, non in errores tantum,  
sed in præcipitia itur.

*Nicolaus Ola-  
bus in Attila.*

*c. 17.*

KREINHIL-  
DIS' ATILÆ  
VXOR BOIA  
GENTE.

Paulò sincerior Boici nominis lux in  
Kreinhilde revixit, quã quidam Vngarię  
Annales BOIORVM Reguli filiam faciunt,  
& Atilæ nuptam; ex quo ille matrimonio  
Aladaricum sustulerit, qui vnus ex omni  
Atilæ filiorum numero, aut populo ve-  
riùs, Chabæ majori natu cruentam de  
imperio litem movere ausus, innumeras  
propè, gentes, in agris Sîcambriæ, collisit.  
Hunni Chabæ cupiditatibus favebant;  
Germaniæ populi maternæ originis re-  
spectu Aladarico adhærebant; fratres ipsi  
ingentium exercituum, quibus Atila or-  
bem terrarum obtriverat, studijs, in pa-  
trocinium superbiæ suæ abusi, tanti san-  
guinis impendio regnum quæsiwere,  
quem



quem, si faperent, etiam vitæ nimis carum pretium debebant credere. Haud alia facilè dirior pugna reperiatur, cui quintus decimus dies ægre finem imposuit; tamdiu, in levissima causa, furor, & sangvis suffecit, quem terra omnem bibere nō potuit, nam & Danubius quantus quantus est, à Sicambria ad Potentiam vsque urbem rubidus fluxit. Aladaricus in pugna cecidit; Chaba aliquamdiu victor, mox & ipse à Detrico, sive Arderico fusus fugatusque, hoc solo fratre felicior, an infelicior fuit, quòd suis claudibus superstes diutius in Fortunæ ludibrium oberravit. His tantis stragibus Atilæ parentatum est, ut qui in perniciem generis humani vixerat, tales ludos funebres sanguinarius rex haberet; ut filiorum cadaveribus, & non vnius populi ruinâ sepeliretur, qui communis infelicitatis turbo etiam Marcomannos, qui & ipsi inter Atilæ auxilia numerabantur, involvit; ab hoc enim tempore omnis eorum memoria sepulta est, neque unquam ampliùs revixit; Bojohæmum, quod ipsi Boiis ademerant, & propè quingentos annos, magnâ nominis famâ

infederant, Sarmatæ occuparunt, qui Zecho duce huc delati, ab illo nomen tulere; etsi neque vetus, quod Boii indiderant, exolevit; nam in hanc usque diem regio Bohemia, incolæ Bohemi, à plerisque gentibus appellantur, raro & singulari Bojorum gloriæ privilegio; quale ferè olim Romanarum ædium fuit, quæ aliquando triumphalem dominum habuissent; nam illæ etiam cum in alienas manus venerunt, tamen victoriæ titulos, & affixa circa limina hostium spolia non amittebant; neque ea emptori refringere licuit, ut, quantumvis mutatis possessoribus, ipsæ tamen domus triumpharent.

*Plin. l. 35. c. 2.*



VIRTVTIS ET  
FORTVNÆ GEN-  
TIS BOIORVM  
LIBER QVARTVS.

Breviarium.

I.

**B**OIARIÆ *Situs & Li-  
mites. Nativæ opes, &  
patria Bona. Norico-  
rum, Vindellicorum, Ræ-  
torumque Veterum Colo-  
norum Origo, & Ultima cum Romanis  
Bella. Rei Militaris Civilisque forma  
sub Augusto Cesare, qui regionē omnem  
in Provinciæ formam redegit, &  
Colonijs exornavit.*

II. *Rerum Vindellicarum, Nori-  
carumque facies, sub Tiberio, Galba, O-  
tho-*

*thone, Vitellio Vespasiano Augg. D. Laurentius Apostolorum Discipulus legem divinam in Norico, primo Christiano sæculo, explicat. Sub Hadriano Imp. mutata in Provincijs forma Reip. Res in ijs, M. Aurelio Antonino, & Lucio Vero imperantibus gesta. Commodi ævo Lucius ex Britannia Rege Pietatis Magister novum Vindelicia & Norico si-  
 dus illuxit. Alemanni & Germani, sub Caracalla, Gallieni, Aureliani, Probi, Bonosi Imperio Rætiam infestant.*

III. *Diocletiano & Maximiniano sævientibus, Christiana Religio, in Norico & Vindelicia, flammâ ferro-  
 que exagitata. Triumpharunt Maximilianus Celeje. XL. Milites Laureaci. Florianus in Anasso. Quirinus in Sabaria, Fluminibus: Asfra cum Asseclis Augusta Vindel. Sua omnes morte Immortales facti. Constantinus tandem gladios condidit.*

IV. *lu-*

I V. *Iuliani Apostatae per Vindeliciam & Noricum Iter. cuius aeo Cassianus Sabionensis Episcopus stilis puerorum confixus creditur. Rhomedius Tauriensis Comes magnis Virtutibus inclarescit. Clades Arcadio & Honorio imperantibus accepta, Alarico Gothorum Rege, per Noricum in Italiam irrumpente; heresibus nihilo mitius grassantibus, quibus à D. Valentino Passaviensium Episcopo animosè obviam itum. Lucanus Brixinensium Episcopus Innocentiā calumnijs appetitā celo teste probat.*

V. *Malorum seges ab Atila in Noricum & Vindeliciam invec̃ta; quæ opportuno D. Severini adventu vel abster̃sa, vel mitigata; cuius divina Virtutes, & immortalia in Noricum beneficia, ingenti apud impios juxta piōsque, famā fuere; quando verissimè, Rempub̃licam perpetuis hostium incursionibus vexatam convulsamq̃, triginta qua-*

tuor annis, unus hic Vir sustentavit.

VI. Theodorico Gotho rerum in Italia potito, & Norico Vindeliciæq; juradante, BOII, THEODONE Duce, trajecto Danubio, ex Nariscis in Vindel. & Noricū immigrant; Gothis primū addicti, donec consenescente eorum gloriâ, Francos respexere, à quibus etiam Leges acceperunt.

VII. Langobardos à Narsete in Italiam excitos BOIORVM etiam copie secute, ibidem ab Alboino Rege sedes habitandas impetrant. Garibaldus BOICÆ Princeps Tridentino Duci filiam elocat. Ea affinitas suspecta Francis bellorum seminarium fuit.

VIII. Garibaldus nihilominus etiam Theodelindam Authari Langobardorum Regi despondet; qui Sponsæ visendæ studio, privati habitu, in Boicam proficiscitur. Theodelindâ in Italiam, cum Gundualdo fratre, deductâ, Garibaldus

*baldus Francorum armis appetitus Principatu excidit.*

IX. *Theodelinda Authari mortuo, regni jus retinet, cujus, uti & thori consortem Agiluphum adsciscit; eumq; cum tota Langobardorum gente, ad sincerum Dei cultum traducit; eximie eam ob rem, & pacis cum Romanis conciliatæ studium, à Gregorio Magno Pont. Max. collaudata.*

X. *Boii Slavos Bello vincunt; ab Hunnis invicem cladem passi. Theodelinda Gentem Langobard. D. Ioanni Baptista, felicissimo consilio, in tutelam dat, & devovet. Prole mascula augetur; Gundoaldo Fratre Astensi Duce orbatur. Thassilo Garibaldi in Boicæ imperio successor Gisulphi Forolulien- sis Ducis Filiam sibi jungit, Pudicitie, memorabili constantia servata, Triumpho, in omne ævum nobilem.*

GESTA sunt pleraque sex Primis Christianis Seculis.

**L**RIBVS non maximis  
 libris, quæ à B O R I S, Sex,  
 ante Christianum Ævum,  
 sæculis, gesta sunt, explica-  
 vimus, neque omnia, ne-  
 que potissima etiam fortassis persecuti;  
 sed qualiacunque tamen, è tantæ vetu-  
 statis naufragijs, enataverunt; quibus si  
 illa tantum mersa hausta que essent, quæ  
 indigna luce, merebantur sic sepeliri,  
 gratulari rebus humanis liceret, de tam  
 felici iactura; cum omnia scelera, quæ  
 exemplo nocere poterant, in mare vitro  
 deportanda sint; at enim nunc longè se-  
 cus est; nam velut dissiliente navigio, ta-  
 bulæ & scruta semper eminent, & inter  
 fluctus etiam decumanos secura, inve-  
 niunt aliquod littus, quo excipiantur;  
 auri contrà, & gemmarum miserrima  
 conditio est; & quidquid cum gemitu  
 perditur, perit inter prima; ita tempo-  
 rum injuriâ ea maximè periclitantur,  
 quibus æternitas debetur, pluresque vir-  
 tutes, quàm vitia oblivio obruit; nempe  
 hæc vna maximâque omnis ævi plaga est,  
 meritò conquerentis, majora hodie ad  
 suam infamiam, quàm laudem argumē-  
 ta su-



ta superesse. quæ communis calamitas  
 quanquam etiam in Boicum nomen  
 grassata est, tam iniqua tamen esse non  
 potuit, quin ex illustrium factorum reli-  
 quijs, quæ à nobis collecta sunt, maxi-  
 mus Boicæ Gentis in utrâque fortuna  
 animus, animoque consentientes ma-  
 nus, & tantæ etiam virtutes, quantarum  
 illa ætas ferax & capax fuit, clarè eluce-  
 rent. Admiratio interim animum su-  
 bit recogitantis, per tot sæcula, toto pro-  
 pè terrarum orbe Boica arma circum-  
 lata, æterna quidem ubique virtutis ve-  
 stigia impressa reliquisse, quæ omnis po-  
 steritas venerabitur; certam tamen sta-  
 bilémque sedem neque dum reperisse;  
 In tribus partibus, quas orbis habet, Bo-  
 ios vidimus; quas omnes non levitate  
 animi, sed propagandæ gloriæ studio, &  
 proprio illorum temporum populorum-  
 que genio impellente, adiere; cùm illa  
 fortis viri nota censeretur, non vnius ci-  
 vitatis, sed orbis totius civem esse, &  
 quidquid cœlo tegitur, communem pa-  
 triam arbitrari; & tamē Italiam à Boiis,  
 post annum quadringentesimum, deser-  
 tam scimus; Bojohæmum, post sexcen-

tesimum, Marcómannis relictum; obscuratum in Galatia nomen, & magnitudine Romana obrutum vidimus: à Christo Nato annis totis quingentis, in hoc literarum silentio, dubitamus, quas illis terras demus; quò lætior nobis ab his erroribus, & penè exilijs, ad destinatum, fatis sæculum, transitio, vel potius saltus esse debet, vt demum post mille & amplius annos, in certam possessionem inducere fortissimam Gentem liceat, quam ominari fas est, fore æternam. Ea omnis illa regio est, quæ partem Rætix, Vindeliciæ, Noricique complexa, prioribus nominibus ferè expunctis, diu Noricum, tandèmq; tractâ à dominis appellatione, BOIARIA dicta est; quod ipsum nomen, per monstrosissimas inflexiones, quæ delicatas hodie aures vulnerent, in BAVARIÆ vsitatius vocabulum detortum est: Nam, vt modestiores corruptelas fileam quas sibi Paulus Diaconus, Metellus antiquissimus inter Boios poëta, & Venantius Fortunatus permisere; quis ferat illos, qui propemodum saxa locuti VVaivvariam, VVavvariam, Baugariam, Bayvariam, indolato ore rugierunt? Atque

que hæc terrarum portio Boiæ Genti NORICVM  
 quodam fato debita, jam olim ostenta- VETERIBVS  
 ta, & veluti promissa, anno demum post BOIIS ADI-  
 Christum Natum quingentesimo octa- TVM, HABIT-  
 vo, bona fide sub eiusdem Gentis impe- TATVMQVE  
 rium concessit. Nam, vt hæc ipsa nostra  
 legēti animadvertere promptum est, ve-  
 tuustissimi BOIORVM, gloriæ & propa-  
 gandi nominis ardore, Bojohæmo exci-  
 ti, Pannoniam, Illyricum, Thraciam,  
 Macedoniam, ipsamque tandem Asiam  
 triumphis suis impleturi, Danubio tra-  
 jecto, jam ante tot sæcula, pedem in No-  
 rico posuere; ex quo deinceps, ducibus  
 avibus, si Justino credimus, per barbaro-  
 rum strages profecti, formidanda populis  
 arma ostentarunt. Eadem fata expulsos  
 Italiâ Boios in Noricum detulere, in quo  
 etsi illis tunc perennare concessum non  
 fuit, centum tamen & octoginta ferè ijs  
 anni, iure hospitij indulti; quibus elapsis,  
 Dacorum, quemadmodum narravimus,  
 armis obtriti, id saltem ex hac ipsa Fortu-  
 næ inclementia consecuti sunt, vt in No-  
 rico solo, quod jam tum Genti BOIO-  
 RVM, serisq; destinatum nepotibus fuit,  
 commune sepulchrum acciperēt, quod

*Strabo l. 5.*

D d 2      olim

*Jul. Cæs. de bell.  
Gall. l. I.*

olim etiam hæredes sequeretur: Jam & illi BOIORVM tribules, qui, Julij Cæsaris ævo, Bojohæmo egressi, Noreiam urbem infestis signis adorti sunt, stationem certè in Norico habuerunt, donec quoquo-  
versum cadente illa expeditione (nam, de successu nihil liquidò constat) adsciti ab Helvetijs socij, in interiorem Galliã, primævam Boicæ Gentis patriam, penetrarunt: Neque temerè illud etiam, & sine omine factum est, vt Bojodurum, illustre perpetuùmque BOIORVM veterum monumentum, ad Norici, Vindeliciæque confinia statutum, in hæc vsque tempora, de quibus agimus, nomen servaret, quod novos incolas admonere, posset, eos jure optimo avitam hæreditatem adijscere. Nos ergo BOIOS, post tot casus, rerùmque discrimina, quibus orbe toto jactatos narratione nostra secuti sumus, tandem in hunc veluti patrium portum inducamus, minimè ambitiosè illum Romanæ Fortunæ versiculum mutuaturi,

*Tante molis erat BOIORVM condere sedes.*

Verùm res ipsa postulare videtur, vt de regione omni, quæ sub BOIORVM, circa hæc

hæc tempora, jura concessit, paullò distinctiùs, altiùsque petità narratione dicamus, præferamùsque necessariam hanc reliquæ Historiæ facem. Igitur quàm, procul, longéque literarum memoria porrigitur, progressi, omnem his terris famam suam, qualemcunque olim collegerunt, circumdabimus, vt quam Boii patriam suam vocant, eandem totam noverint; néve in sua, quod dicitur, domo peregrinentur.

LIMITES primùm terminósq; ad I.  
 quatuor orbis plagas pangamus: Ij ad Sc- BOICÆ SI-  
 ptentriones, in Germania magna, Silva TVS ET FI-  
 Hercinia; ad Meridiem, Alpes Italiæ; ad NES.  
 Solis ortum, Anesus vel Anassus; ad oc-  
 casum, Lycus, flumina sunt: quanquam  
 hi ipsi limites, vti videbimus, sæpiùs mo-  
 ti sunt; nam quæ hodie BOIARIA dicitur,  
 quantò angustior est, Meridiem maximè,  
 & Orientem versus contracta, vbi amif-  
 so nomine Boico, Austria & Tirolis, a-  
 lio imperio reguntur? Provincia omnis, BONA ET  
 sua si bona numeret, comparanda opti- OPES.  
 mis, sine ambitione; nullâ relictâ adver-  
 sus Naturam querelâ, neque fastidiosis  
 quidem; rebus omnibus non modò ad

necessitatem vitæ spectantibus largâ manu eò congestis; sed quæ satisfacere delicatis, & si quidquam avaris satis esset, etiam istos explere possent. Prima à frumento commendatio, incredibili illius proventu; sufficitque non suæ tantum, Genti; vicinis etiam è Boicæ horreo vitæ subsidia petentibus, eamq; Nutricem suam consalutantibus. Neque parciorem messe vindemia; olim certè, cum Tirolis, quæque hodie superior Austria dicitur, vno Boicæ nomine censerentur, eiusdem imperio contributæ, ut proinde veteres Boicæ fines obeunti liceat idem, verbum usurpare, quod de Campania, jactatum à priscis est, summum hîc Cereris & Bacchi esse certamen, Proxima, hortorum gloria; nam felicem arborem, præter oleam, vix desideres; aliarum fecunditate hanc quoque jacturam compensante. Ferarum silvas inhabitantium haud alibi temerè major siue varietas, siue copia, nullis venationibus exhausta; ducenarias cohortes cervorum gregatim pabulantium, interim etiam altero tanto majores videre, quotidianum hîc spectaculum est, neque habet admirationem.

nem. Defossæ montibus latent opes, irritamenta vitiorum, & nobilis avaritiæ illecebra; aurum quidē probatissimum, & jam olim Polybio laudatum : argenti montes monstrantur, excavati jam longo studio mortalium, huic vni labori nunquam succumbentium. Æs verò & ferrum Noricum, veterum Poëtarum carminibus, in hoc genere ferè primas obtinuit. Jam vbi hæc defecere, succedūt marmora, alibi colore perpetuo candida, nigra, vel rubentia; alibi maculosa: tum deinde stibium, sulphur, alumen, chalcanthum, magnes, aliæque naturæ & fertilis soli bona: neque minor amnium fontiumq; vbertas, quibus tota perfunditur : in his princeps Danubius, qui Boicam ingenti alveo mediam secat, rerum in toto orbe nascentium mercator ditissimus; in quem intra ipsam provinciam alij plures se exonerant, navium, ratiūque patientes; quorum quidam auriamenta vehūt, quidam etiam margaritas, vt nihil necesse sit, Indis suas opes invidere. Iidem, vti & lacus, quorum ingens copia, pisce lectissimo abundant, in apparatus mensarum: sanitatē etiam,

præcipuum ex humanis bonum, aquarum aliquæ propinant, vel subterraneis excalefactæ focis, aut alioqui in auxilia morborum occultis viribus pollêtes. Sallis denique vberissimi fontes, quorum beneficio vicinæ etiam Gentes fruuntur; vnde ingens Principibus vectigal; Felix omnio regio, neq; indigna, in qua Boii, post lustratum orbem terrarum, certas, stabilésque sedes figerent.

INCOLÆ  
NORICI &c.  
ANTE BO-  
IORVM IM-  
MIGRATIO-  
NEM.

Porrò ante BOIORVM in hanc regionem adventum, eam terræ portionem, quæ vltra Danubium, in Magna Germania sita, Boii accessit, Narisci olim tenuere; quo ipso loco, post M. Antonini principatum, Armalausi collocantur, nescio Gentene, an nomine tantum mutato; Nortgoiæ is tractus hodie vocabulum obtinet, quod Germanicum est, & Borealem terram significat. cui, propter affinitatem nominis, perperam hodie Norici appellatio à semidoctis imposita est. Jam ad citeriorem Danubij oram, à Lyco ad Oenum vsque, Vindelici, Rætique antiquas sedes habuere; ab Oeno ad Anassum vsque Norici: etsi horum, vti & Rætorum, Vindelicorumque, multo



tò latiores fines fuerunt; sed nos illorum hîc rationem duntaxat habemus, qui BOIARIAM incinxerunt. Minorum Gentium nomina, vt Ifarcorum, Licatium, Belaunorum seu Genaunorum, Breunorum, aliorumque, quæ ab Autoribus tradita sunt, & pictis regionum tabulis confidenter inserta, stationem eam habent, quam Geometræ voluere, hæc inquam talia modestiùs collocare hîc superfedeo; quòd & de eorum finibus lis est nullo certo arbitro finienda; & quia compertum habeo, trium, quos initio nominavi populorum, veluti tribus fuisse, aut, vt Plinius vocat, civitates. Rætis Tyrshena seu Tusca origo est, eo tempore Italiâ pulsus, quo BOI cæteri; Galli, vt suprâ vidimus, illorum agrum armatâ manu occuparunt; vt appareat, vtriusque Gentis historiam miro inter se fato connexam; cùm à BOIIS Ræti primùm Italiâ, deinde etiam Rætiae parte, bis miseri, fuerint exacti. Nomen Ræti, quod ferè convenit, à Duce Ræto sortiti sunt. nam

*Plin. l. 3. c. 20.*  
**RÆTORVM**  
**ET VINDE-**  
**LICORVM**  
**ORIGO.**  
*Liv. l. 5.*  
*Plut. Camilla.*

*Cass. Var. l. 7.*  
*ep. 4.*

quòd contra feras, & agrestissimas Gen-  
 tes (illius verba sunt) velut plagarum,

quædam obstacula disponantur, sine dubio ingenio indulgit. Vindelicos aliqui sobolem Amazonum fecere, raptâ ex Horatio ansâ fabulæ, qui illos Amazoniâ securi obarmare dextras alicubi scripsit; verius vel Illyrici genere sunt, vel Rætis, ut loco, ita & sanguine affines; inquam sententiam Polybius dixit, Transalpinos (quo nomine eos intellexit, qui ab Alpibus usque ad Danubium porriguntur) ab Alpinis non genere, sed loco tantum distingui. Vindelici à Vindonis & Lyci confluentibus dicti sunt. Norici, quod supra à me affirmatum est, à Norcia urbe, fortasse regni arce, quam Boii ante Christum Natum oppugnarunt, appellationem invenere. Ipsi Regibus paruerunt, ex quibus Voccionem Cæsar nominat, qui Ariovisto Germaniæ Regi sororē suam nuptui collocavit, quique ipse, bello civili, Cæsari trecentos circiter equites auxilio misisse creditur. Omnium trium populorum res gestæ vetustate intercederunt, usque dum Romanis appetiti armis sunt, quæ illis, ut cætero orbi, fatalia fuere; qui cum jam pridem subacti, penè quantus quantus est, Romani  
juris

*Serv. in 1. Aeneid.  
 Hor. 4. Carm.  
 Ode. 4.*

*Polyb. l. 2.*

**NORICI  
 VNDE DI-  
 CTI.**

*Cæs. l. 1. Bell.  
 Gall.  
 l. 1. Bell. Civ.*

juris esset, neque hos puduit vinci; satis  
ijs ad gloriam fuit, cùm Romæ proximi  
habitarent, solo Alpium muro ab Italia  
divisi, inter ultimos tamen fuisse, qui  
triumpharentur: Post Africam, Asiam,  
post extortam in Europa Gallis, & Hispa-  
nis parendi confessionem, nulla vere-  
cūdia fuit, tam illustre exemplum sequi,  
& Romanas Aquilas adorare. Priores  
Norici victi sunt, paulò ante Christum  
Natum: Pannonijs conjuncti irruptione  
in Istros factâ, in Silium Romanum du-  
cem, eiusdémq; legatos incurrerunt, eas-  
que indomitæ ferociæ pœnas dederunt,  
vt caput deinceps erigere non sint ausi;  
præsertim cùm illos neque Alpes, neque  
nives, quò bellum ascendere posse non  
credebant, tuerentur. Paulò pòst, nimi-  
rum Anno Urbis 1000 XXXIX. M. Liv.  
Druso Libone, L. Calpurnio Pisone Cæ-  
sonino Coss, Ræticum, Vindelicumque  
exarsit bellum, cui Augustus vtrumque  
privignum suum Tib. Claudium Nero-  
nem, & Neronem Claudium Drusum  
Duces præfecit. Prior Drusus Rætos ad  
Alpes Tridentinas affecutus, prælioque  
congressus, vicit. Sed Ræti Vindelicique

NORICI A.  
ROMANIS  
DEBELLA-  
TI.  
*Dial. 34.*

*Flor. l. 4. c. 12.*

BELLVM  
RÆTICVM  
ET VINDE-  
LICVM.

ab

ab Italia rejecti, tantò impotentiùs Galliam vexabant; cui malo avertendo demum etiam Tiberium Druso addidit. Hi ambo ferocissimam Gentem, si solis viribus ageretur, haud facilè cessuram rati, multiplici consilio vti, sparsis hinc inde copijs, per singulos, vti Alpibus inhærebant, populos, bellum circumtulere; navali etiam prælio, ne quid intentatum Romanarum artium relinquerēt, in lacu Brigantino, seu Acronio, cum Vindelicis Tiberius decertavit; quibus tandem rebus factum est, vt ferrata Rætorum, Vindelicorumque agmina, ita enim illa Horatius appellat, Romanis viribus succubuerint. Virorum virtutem ex foeminarum dirissima constantia arbitrari licet, quæ impendentis servitutis metu efferatæ, cum non modò maternos exuissent affectus, sed omnem insuper humanitatis sensum projecissent, deficientibus telis, infantes ipsos ad saxa allicos, in adversa militum ora misère, vt vicem saltem armorum essent, qui per ætatem armis vti, pro communi libertate, non possent. Porrò victoriæ de his Gentibus reportatæ tanta dignatio fuit,

vt

*Strabon. l. 7.**Horat. l. 4.  
Carm. Ode. 14.**Flor. l. 4. c. 12.*

vt Augustus eam à principe illius eui Poë-  
 ta Horatio (nam Virgilius jam fatis con-  
 cesserat) celebrari voluerit; vnde is tribus  
 carminum libris quartum ex intervallo  
 coactus est addere, cuius æternis versibus  
 plus penè laudis victis, quàm victoribus  
 accessit; nam, præterquam quòd palàm  
 fateatur, victoriã non tam manu, quàm  
 consilio reportatam, illud certè enco-  
 mium supra æstimationem est, cùm in  
 populis nostris, Devota morti pectora  
 libera, libero ore prædicavit. S.P.Q.R.  
 Horatij præconio non contentus, nono  
 aut decimo post victoriam anno, nobile  
 trophæum in Alpibus Augusto erexit,  
 quòd eius ductu auspiciisq; Gentes Alpi-  
 ne omnes, quæ à mari supero, ad infèrum  
 pertinebāt, sub imperium Pop. Rom. re-  
 dactæ essent: Gentes in trophæo descri-  
 ptas Plinius recitat; pauculas hodie ex  
 nomine agnoscas; vt neque, si syllabum  
 earū huc transferam, facturum operæ pre-  
 cium sim. Denique ne apud victos, qui  
 animum ab ipso ferro & cædibus ductu-  
 ri videbantur, diuus bellum renascere-  
 tur, robur militiæ & Juventutis flos in  
 Italiam, translatus, rustica duntaxat  
 plebe

*Acron.  
 Porphyrio  
 Suet. in Hora  
 vita.*

*Plin. l. 3. c. 29.*

*Dio. l. 54.*

*Paterc. l. 2.*

COLONIÆ  
ROM. IN  
VINDELI-  
CIA ET  
NORICO.  
*Tacit. de Mo-  
rib. Germ.*

*Niceph. Call.  
l. 1. c. 17.*

plebe ad aratrum relictâ. Regiones in  
hunc modum domitas Augustus in for-  
mam provinciarum redegit, quarum v-  
nam Noricum, alteram Rætia & Vinde-  
licia constituit. Ijs præsidēs dati; præsi-  
dia militum certis locis imposita; quæ-  
que alia in provincijs, Romano more,  
fieri consuevere: coloniæ etiam dedu-  
ctæ, quarum sine dubio Augusta Vinde-  
licorum princeps fuit, quam Tacitus  
splendidissimam Rætiae provinciæ colo-  
niām appellat; de qua, quia in Boi-  
orum potestatem nunquam venit, absti-  
neo pluribus hoc loco dicere. In eadem  
Vindelicia, Reginoburgum multi colo-  
niam credunt, Tiberiæ cognomine ad-  
jecto; & ne infirmæ sententiæ fulcrum  
desit, numum jactant ita inscriptum,  
Col. TIBERIA AVGVSTA: Leonis insu-  
per Ill. Pont. M. diploma producitur, in-  
que illo hæc verba; Juxta muros Tibur-  
niæ civitatis, quæ à Tiberio Cæsare Au-  
gusto ædificata est, quæ modò vulgò ap-  
pellata est Regina spurch: sed numus ille  
in Judæam vel Thraciam ablegandus est,  
quo utroque loco dictas à Tiberio vrbes  
inveniet Nam Ptolomæum, Antoninū,  
&

& Notitiam Imperij, vnum hunc errorem, velut ex composito, errasse, apud quos de Colonia hac nullum extat verbum, erubesco affirmare. Reginum tamen, vel Regina castra, si quidem Reginoburgum ea hodie sunt, quod multis video placere, jam olim clara fuisse, ex tabula constat, in qua primariæ Urbis notas habent. vti & illud, Boiis huc transgressis, sedem hanc veterum Ducum fuisse; & Othoni Frisingensi Norici Ducatus (vti tum loquebantur) metropolis dicitur; & de eadem vrbe etiam Guntherus Poëta cecinit.

*De reb. gest.  
Frid. I. l. 2. c. 6.*

————— *Hac Noricum vrbe Ducatus*

*Precipua gaudet.*

De sola ergo in Vindelicis Colonia Augusta, res est indubitata; in Noricum plures deductæ; celebris in primis Aureliana Laureacensis fuit, ad ostia Anassi fluminis sita, quæ pridem in ignobilem vicum, vulgò Lorch dictum, degeneravit. Ovilia item seu Ovilabis, M. Aurelij Antonini, quod ex veteri inscriptione constat, opus, in Antonini itinerario variè scribitur; etiã de loco cernitur; ad Lampachense Monasterium alijs hoc decus trahen-

datas; quæ barbaris finitimæ erant, ipsius-  
 met imperio coercitas fuisse; perspicuum  
 fit, cum Danubius perpetuis contra Ger-  
 manos firmandus excubijs esset, utram-  
 que provinciam Augusto cessione, ab eó-  
 que per Præsidentem administratam, quo-  
 cunque tandem nomine aut jure is esset;  
 nam & Legatos, & Procuratores, & Ju-  
 dices Rætiae legimus, cui id cum Norico  
 commune fuisse, non est dubitandum.  
 Militare præsidium diu alis, cohortibus,  
 auxilijsq; constabat; licet Aventinus La-  
 ziusque integras legiones suo sumptu  
 conscribant; nam Tacitus xxv legioni-  
 bus, quas, neque plures, Augustus & Ti-  
 berius sub signis habuere, stativa per Ro-  
 manas provincias, nullâ Rætiae, Noriciq;  
 factâ mentione, assignat; assultantibus  
 Germanis, quibus omnis Danubij ora,  
 prætexebatur, uti & Gallis nondum per-  
 domitis octo quidem legiones objectæ;  
 at illæ non in Rætia aut Norico, sed juxta  
 Rhenum collocatæ. Iam alæ, cohortes-  
 que, quas diximus Norico & Rætiae im-  
 positas, quo se loco tenerent, non mi-  
 nus incertum; cum, autore Tacito, vsu

*Velferns l. 2.  
 Rerum Vindel.*

FORMAREE  
 MILITA-  
 RIS.

*Dio. l. 55.  
 Tac. Ann. 4*

E c tem- *Tac. ibid.*



temporis huc illuc mearent, gliscerent, numero, & aliquando minuerentur: id solum ratione ipsâ convincitur, proximè Danubiû tetendisse, qui limes, vti Rufus retulit, inter Romanos & barbaros, ab Augusto per Vindeliciam, per Noricû, Pannoniam & Mæsiam est constitutus.

ATQVE hæc Augusto imperante rerû

**II.** RES IN VIN-  
DELICIA  
SVB TIBE-  
RIO GESTÆ.  
Tac. ann. 2. facies fuit; quo rebus humanis exempto, imperium Tiberius excepit; cuius secundo anno Germanicus Arminium Cheruscorum Principem ad Visurgim flumen insigni prælio vicit, forti fidelique operâ Rætorû Vindelicorûmq; adjutus; & minimo minùs abfuit, quin capti Ducis decus eo prælio ipsi referrent; nam cùm inclinatam aciem Arminius nec manu, nec voce, nec accepti adeò vulneris decorâ ostentatione erigere posset, tentatâ per sagittarios eruptione, Rætorum, Vindelicorum, Gallicarûmq; cohortium signa obijcientium viribus, in præsens adductus est discrimen; víxque extrema omnia tentans, incitato equo, suoque sanguine, ad dissimulationem, vultus, pictus, toto denique corpore ad-

nisus,

nifus, ex eorum manibus elapsus est. Indè  
 vsque ad Neronis mortem, altum de Vin-  
 delicis, Noricisque silentium. Tres pro-  
 ximi Principes Galba, Otho, Vitellius,  
 qui breve imperium memorabile scele-  
 ribus fecerunt, cùm biennium, neque in-  
 tegrum quidem, illis, ad lacerandum or-  
 bem terrarum, concessum esset, tempore  
 suo vfi, nihil vsquam passi sunt con-  
 quiescere; nam pro horum furore orbi  
 pugnandū fuit, nullo alio victoriæ emo-  
 lumento, vtcunque res caderet, quàm,  
 vt nequior imperaret: In eo rerum mo-  
 tu, abrepti ad Vitellij partes Ræti, initio  
 LXXI anni, in illius verba juravere, Por-  
 cio Septimio præeunte: statimque obla-  
 ta occasio est, fidei erga qualemcunque  
 Imperatorem probandæ. Cæcina Vitel-  
 lianarum partium Dux, cùm in Italiam,  
 proficisceretur, Helvetios infestos ha-  
 buit; arma ij corripuerant pro Galba jam  
 occiso, pro quo neque vivo pugnandum  
 fuisset; quorum iras vbi Cæcina sensit, ad  
 Rætica auxilia nuncios misit, vt Helve-  
 tios ipsi à tergo adorirentur. Adfuere alæ  
 Ræticiæ, cohortesque, & voluntaria in-  
 super Iuventus, sueta armis, & ad mo-

SUB GALBA  
 OTHONE,  
 VITELLIO.

*Tac. l. hist. 2.*

rem Romanæ militiæ exercita; quibus ingruentibus, nulla Helvetijs salutis spes, nisi in fuga, quâ montem Vocetium petiere; unde tamen iterum detracti à Germanis Rætisque, in silvis, ferarumque lustris sunt contrucidati. Norici interim addictiores Othoni, Vitellium averſabantur; Petronius Provinciæ Procurator auxilia conciverat, & si qua vis ingrueret, videbatur à pugna non abhorere; pontes etiam sciderat, arcendo hosti. Quæ res nunciata Cæcinæ, anxium reddideret, dubitantem, an Ræticiis jugis in Noricum flecteret, an in Italiam recto itinere properaret; quod posterius demum placuit, cùm reputaret Noricos in cetera victoriæ præmia accessuros: Othone mortuo, Fl. Vespasianus Vitellio oppositus est, illi potissimum imperium orbis terrarum destinantibus Superis, qui in excindendâ invisâ Judæorū Gente, & vindicandâ Servatoris nece, fidelem operam, fortemque manum Deo commodârat. Ille inter primas curas, animo in Rætiam verso, suis eam partibus adungere laboravit; missæ eò literæ ad labefactandam fidem Vitellio datam; ad-

juncti

ACTA SVB  
VESPASIA-  
NO.

Tac. l. 2. hist.

juncti Centuriones, militésque, qui ani-  
 mos Vitellianorum tentarent, quorum  
 aliqui comprehensi, diligentiam suam a-  
 pud Vitellium capite lucrunt; plures fe-  
 fellere, suâ alienâve industriâ tuti; Rætia  
 nihilominus in fide permansit; Norico  
 interim Vespasianum omnibus opibus,  
 viribûsque fovente; apparebâtque con-  
 fines duas provincias, diversarum studio  
 partium, pro suis Imperatoribus pugna-  
 turas: nam vtramque Oeniripâ, qui Rê-  
 tos Noricósque interfluit, miles imple-  
 verat; hinc Sextilius Felix cum ala Au- *Tac. l. 3. hist.*  
 riana & VIII. cohortibus, ac Norico-  
 rum juventute jurata Vespasiano; indè  
 infesti eidẽ Rætiâ Porcio Septimio Pro-  
 curatore, incorruptæ erga Vitellium fi-  
 dei, evocati excubabant; priûs tamen,  
 quàm summo discrimini res committe-  
 retur, fortuna partium alibi transacta est,  
 Vitellio occiso; tum demum Rætia, Ve-  
 spasiano sine æmulo imperante, consen-  
 sum orbis terrarum secuta, eius se pôte-  
 stati subiecit. Aliquam-multis deinceps  
 annis nulla illustrior, quæ quidem in li-  
 teras venerit, Rætiæ aut Norici extat me-  
 moria: vnde mihi neq; Cæsarum seriem

*Brusch. l. r. de  
Batau.*

*Molan. appēd.  
ad Vsuardum.*

*Hūd. metrop.  
Ec.*

LEX CHRISTI  
NORICI  
COILLATA.

*Ex Norit. Im-  
perij.*

*Et M. Velsero  
l. 6. rerū Aug.  
Vind.*

nectere animus est, quorum præter nuda nomina, quod quidē ad res nostras spectet, afferre nihil possum. Illud satis constat, primo sæculo Christiano, veram Religionem pietatēque, immortali Dei beneficio, in Noricum immigrasse: primus hos Divinæ lucis radios B. Laurentius intulit, longè antiquior eo, qui in craticula tostus est; nam noster hic, siue Apostolorum Principis, siue D. Marci, siue adēo Hermagoræ Aquileiensis Episcopi missu, in Noricum profectus, Laureaci legem Christi Domini Deique nostri interpretatus est; cuius nomini honorique grata plebes, Templū vitā functo religiosè dedicavit, post tot etiānum secula superstes. Hadriano imperante, qui cxi anno, Traiano successit, magna rerum in Rætia & Norico facta mutatio, privato illius Principis ingenio, pleraque, siue vsus, siue animus ita ferret, in Imperio innovantis: sed quod provincias nostras propriè spectat, Rætiam in primam & secundam divisit; estque omnino credibile, secundam Rætiam iisdem terminis circumscriptam, quibus olim Vindelicia fuerat, quod nomen ab eo tempo-

tempore penè extinctū. Rei militaris ad-  
ministratio in vtraq; Rætia Duci permis-  
sa, qui Rætici limitis Dux deinceps dictus  
est; qua dignitate Fulvium BOIUM sub  
Valeriano functum, suprà ex occasione  
retulimus. Præsides singuli singulis Pro-  
vincijs dati, quarum alterū Augustę Vin-  
del, alterum Curia sedē fixisse, hinc ma-  
nifestū videtur, quòd hæc Rætia primæ,  
illa secundæ caput perpetuò habitæ sint.  
M. Aurelio Antonino Philosopho, &  
Lucio Vero simul imperantib. (anno  
CLXIII. iniere) Catti in Rætiam, ir-  
rupere; de eventunihil cōstat, nisi quòd  
Aufidium Victorinum, ad illorum vim  
retundendam, missum Capitolinus pro-  
didit. Anno CLXXI. L. Vero mor-  
tuo, Marcus solus imperavit; quo tem-  
pore cū iterum Barbari in Noricum &  
Rætias penetrassent, P. Helvius Pertinax,  
qui post Commodum Imperator fuit,  
prætorijs auctus ornamentis legionem  
primam adduxit, & utrāmque provin-  
ciam ab hostibus vindicavit; ex quo, e-  
minente industria, studio Marci Imp.  
consul est designatus. Cūmq; Marcus  
usu comperisset, opportunas barbaro-

SUB HA-  
DRIANO  
DVCE RÆ-  
TIÆ CON-  
STITVTI.

BARBARO-  
RVM IN NO-  
RICVM ET  
RÆTIAS IR-  
RVPTIO-  
NES.

In M. Anto-  
nino.

Capit. in Per-  
tinace.

rum infestationibus provincias præsidij  
 satis in ordinarijs auxilijs non habere; &  
 feram subinde opem esse, quæ de confi-  
 nibus provincijs peteretur, novas legio-  
 nes duas instituit, Secundam & Tertiam  
 Italicam, quarum prior in Norico, poste-  
 rior in Rætij stativa haberet. Marcus  
 cùm orbi terrarum re hac vnâ nocuisset,  
 quòd heredem post se reliquit, vivere,  
 & imperare A. CLXXXII desijt; ei  
 Commodus filius, monstrum hominis,  
 suiq; incommodum seculi successit; quo  
 tamen rerum potiente, ingens Rætiae &  
 Norico felicitas obtigit: Lucius Britan-  
 niæ Rex, Patre Coillo, avo Mario, aut  
 Manio, proavò Arvirago, insigni Chri-  
 stiani nominis fama exciratus, ejusdém-  
 que propiùs agnoscendi studio inflam-  
 matus, ab Eleutherio Rom. Pontif. per  
 legatos petijt, vt Divinæ Legis periti in-  
 terpretes ad sese mitterentur; profecti  
 Fugatius & Damianus Pontif. jussu, Re-  
 gem ad Christiana sacra suscipienda in-  
 duxerunt; qui simul ac melioris regni  
 hæres scriptus est, rerum omnium mor-  
 talium contemtor, diadema, sceptrum,  
 regiasque opes generoso pede calcans,  
 &

*Dial. 55.*

*Martyr. Rom.*

*3. Decemb. 55*

*26. Maij.*

*Andr. Ratisf.*

*Brev. Curienf.*

*Petr. de Na-*

*salib.*

*LVCII BRI-*

*TANNIÆ*

*REGIS IN*

*NOR. &*

*VIND. AD-*

*VENTVS ET*

*RES GESTÆ.*

& rem ausus etiam hodie stupendam, voluntarius exul, ad Cœlum magnis passibus properavit, Deum secutus; hoc Duce Noricum, Rætiam, Vindeliciamque ingressus, Cælestis disciplinæ ludum nuper Rex aperuit, & nostræ Rudimenta Fidei optimus magister tradidit; utque illustri documento comprobaret; agere juxtà atque pati fortia, Christianum esse, Augustæ Vindel. impia manu pulsatus, appetitus lapidibus, & in puteum deturbatus; indeque velut effigies quædam spirantis mortui extractus, sibi que restitutus, Reginoburgum, Iuvaviam, quæ hodie Salisburgum est, ac demum Curiam Rætiae demigravit; ubiq; sui similis, & nihil præter Deum amans, aut loquēs, cui tandem illum beata mors junxit. Exemplum viri tantum apud posteritatem valuit, vt Regum deinceps multi centonem purpuræ præoptarent, & nudi Christiano orbi probarent, nihil minùs esse erubescendū, quàm paupertatē Christi. Septimius Severus, qui A. CXC V ad imperium accessit, vias & pontes, vnà cum filijs, Augustà Italiam versùs restituit, per passuum millia CX. & am-



plius fortasse; cujus rei testes, cippi plures cum inscriptionibus hodiè que supersunt. Septimio Severo patri CCXIII Anno mortuo Antoninus Caracalla successit; hic circa Rætiam, Spartiano teste, non paucos barbaros interemit; & ob Alemannos devictos, Alemannici cognomen assumpsit. Dirior clades, à Germanis, sub Gallieno accepta est; cujus pater Valerianus, cùm Rætiae & Norico olim praevisset, ex eâ praefecturâ ad Imperium pervenerat; verùm eo à Persis A. CCLXII capto, Gallienus à seipso degenerans, in omnem vitæ seditatem prolapsus, atq; , vt Trebellius Pollio loquitur, aut nullas, aut luxuriosas, aut ineptas, & ridiculas res agens, Imperium Romanum stultitiâ suâ perdidit: Triginta, certè tyranni sub eo orbē lacerarunt; & , ne quis miretur viros hoc ausos, feminae etiam duæ (adeò omnis consumptus erat pudor) Zenobia & Victoria, in contemptum Gallieni, partem imperij ad se raperunt; & sanè Cæsareum nomen, omnesque principis numeros, melius, quàm semivir ille, impleverunt: qui cùm neque ad tot probra sua evigilaret, mi-

rum

*Spart. in Carac.*

*Eutrop. l. 9.*

GERMANI  
RÆTIAM  
VASTANT.

rum nihil est, Germanos occasione tam bellâ usos, se movisse; igitur per Rætiam & Alpes, in Italiam, Ravennam usq; eva- *Oros. l. 7. c. 22.* sere, miserrimis ubiq; editis vastitatis exemplis, quæ neq; posterius seculum abolere potuit; cùm Orosius, qui centum & quinquaginta annis pòst vixit, extitisse adhuc tempore suo fateatur, per diversas provincias, in magnarum vrbium ruinis, parvas, & pauperes ædes, signa miseriarum, & nomina servantes: Mox *ITEM ALEMANNI.* post Germanos, iterum Alemanni Vindeliciam vexaverunt, ipsámq;, quod ex Vopisco intelligitur, Augustam obsidione presserunt; quos tamen Aurelianus Imperator, qui A. CCLXXI imperium suscepit, circa Danubij fontes affecutus, conferto prælio, magna copiarum parte *Zosim. l. 2.* multavit; unde à morte, inter illius elogia, hoc quoque cum grata recordatione, in senatu jactatum est, Ille Vindelici jugum barbaræ servitutis amovit. *Vopiscus in Aureliano.* Mox tamen bellum recrudit, aut certè belli metus, quod Probus penitùs extinxit, is qui A. CCLXXIX. Imperator salutatus est; hic enim in Illyricum transiens, Rætias sic pacavit, vt ne suspicionem

*Popisc. in Probo.*

BONOSVS  
RÆTICVS  
DUX POSTE-  
RIORIS IMP.  
HELLVO.

nem quidem ullius terroris reliquerit. hic ipse Bonosum etiam, qui tyrannide Imperium invaserat, prælio vicit. Bonosus Rætici olim limitis Dux fuerat; cuius famam res nulla celebriorem fecit, quàm quòd vnus ipse biberet, quantum nemo hominum; vt de illo Aurelianus Imp. dixerit, natum eum, non vt viveret, sed vt biberet: quantumcùnque tamen hausisset, bonâ fide remetiri solitus, nihil interim ne cerebro quidē vacillabat; imò, vt Onesimus scriptum reliquit, in vino prudentior fuit; quæ res illi ad barbarorum arcana exploranda magno vsui erat; horum enim Legatos cùm grandioribus poculis invitasset, facile silentij fidem lenibus vini tormentis expugnavit: hic tamen helluo, & omnium convivorum modimperator, imperium orbis sperare ausus est, & rapere: sed cùm illud, instante Probo, tueri non posset, jus ipse sibi laqueo dixit, fœdo mortis genere professus, quid vivendo bibendôq; meruisset; in quem jam pendulum scitè illud iactatum est, Amphoram pendere non Hominem.

### III.

Diocletianus deinde & Maximianus

ab

ab anno Christi CCLXXXIV. Imperatores, immani in Christianos savitia, id meruere, ut hodie etiam utriusque nomen velut detestabile abominemur, utque ne benefactis quidem gratia sit, si quæ in Remp. unquam contulerunt; quale illud Maximiniani in rem nostram fuit, qui Alemannos perpetuos Rætiae hostes, capto etiam Gentis Rege, & latè vastato agro, exhaustaque; adeò penitus Alemannia, fortiter repressit, veterem Rætiae limitem ad Danubij fontes restituit, imò etiam longiùs protulit, promovitque. Hujus, aliarumque, si quæ fuerunt, victoriarum decora, quibus cæteroqui plaudendum fuit, Christianorum funeribus obruere, inter quorum cadavera cum incederent, & propè sanguini innarent, id demum & rem regiam & formosum spectaculum credidere: Erubuerunt hoc carnificinæ profluvio etiam nostræ provinciæ; & quia innocentiae jugulum in omni sexu hominum, & ordine petebatur, numerare Episcopos, milites, fæminas possumus, iniquo horum Cæsarum gladio cæsos. Illustris inter triumphantium agmina Maximilianus

DIOCLE-  
TIANI ET  
MAX. IN  
CHRISTI-  
AN. SAVI-  
TIA.  
AN. CH. CC.  
LXXXIV.

MAXIMI- nus fuit, Anno CC LXXXVIII vel  
 LIANI M. IX. ex Laureacensi Episcopo laureatus  
 ACTA ET Martyr; Celejæ Pannoniæ oppido in ma-  
 MORS. gnas opes natus, vnicam ijs rectè utendi  
 Martyr. Rom. fruendiq; artem, liberalitatem in egenos  
 72. Octob. à puero amplexus, sub Oranij presbyteri  
 Barauen. chr. magisterio, ad omnem morum profece-  
 M S. rat honestatem; Decio in Christianum,  
 Cuspin. in nomen grassante, profugus domo, Ro-  
 Aust. mam ad Xystum II. Pont. M. venit; cujus  
 Hund. Me- suasu, iussuue, patriam repetijt, laboran-  
 trop. ti & sub Cæsaris impij gladio fatifcenti,  
 Molan. auxilio aut certè solatio futurus. potissi-  
 Vsuard. mùm autem Noricum Ripense excolen-  
 dum sibi sumpsit; & Laureacensem agrū,  
 jam olim à B. Laurentio plantatum, vi-  
 ginti propè annos pio sudore rigavit,  
 etiam sanguinem impensurus nutriende  
 fovendaq; Religioni. Sed hujus illum  
 voti Deus in patria damnavit; nam, eò  
 tandem reversus, cùm Ejulasium Præfe-  
 ctum ad nefanda sacra cogentem cives  
 suos vidisset, impijs edictionibus liberri-  
 mo ore intercellit; etsi apud scelestum  
 animum neque ratio, neq; divina facun-  
 dia quicquam potuere: recta monentem  
 Ejulasius, cùm aliter non posset, gladio  
 resu-

refutavit: Et Maximilianus quidem cer-  
vices ultro porrexerit; veritatem tamen,  
etiam lingua tacente, suo sanguine obfi-  
gnavit. Dies, quo in patria sua felicius  
cœlo natus est, IV. Id. Octob. fuit, æter-  
næ illius memoriæ sacer. Circa annum XL. MAR-  
deinde CCXCVII. quadraginta lau- TYR. LAV-  
reas, nihilo inferiores ijs, quæ cœlo la- REACEN-  
plæ quadraginta Sebastenos Martyres SES,  
coronarunt, idem Laureacensis ager  
quadraginta militibus imposuit. Hos,  
Christianæ pietatis causâ, Aquilinus  
Norici Riparij Præses, Laureaci compre- *Proprium SS.*  
henso in carcerem conjecerat; quod cum *Batavens. Su-*  
Florianus, qui Cæciæ oppido Tribunus *rius 4. Maij.*  
milit. præerat, cognovisset, ad spem tam *T. III.*  
nobilis triumpho excitatus, indignum *Baron. in Not.*  
censuit, peiori se, quàm commilitones *ad Martyrol.*  
suos jure vivere, qui eadem sub Christo *Rom. I V.*  
stipendia fecisset; ratus, si quisquam ad *Maij.*  
coronam vocandus esset, neque se præ- *D. FLORIA-*  
teriri posse; certè frontem suam nunquam *NVS EX*  
ad IESV nomen erubuisse. Ergo in publi- *TRIBVNO*  
cum progressus, ultro liCTORIBUS se obtu- *MARTYR.*  
lit, & heus, inquit, carcer numerum  
suum non habet, qui si Christum colen-  
tibus debetur, ego primus ligandus fui;  
obsc.

• obsequio & fide in Imperatorem meum  
• nunquam cessi militibus Tribunus; &, si  
• ex merito agitur, aliquid supra vincula  
• merui, aut certè meruisse videri volo;  
• sacramentum, quod Christo dixi, idem  
• nunc votum meum est; vri, vinciri, fer-  
• róque necari, deliciæ sunt Christiano-  
• rum; & adoranti Crucem turpe est, non  
• posse vulnus ostendere. Hæc cùm plenus  
animi, suique prodigus sanguinis dice-  
ret, raptus ad Aquilinum Præsidē, quod  
in sententiâ perseveraret, fustuarium se-  
mel iterumque, scapularum etiam lace-  
rationem, & candentes vncos Christia-  
nâ constantiâ passus, Anasso tandem flu-  
minemersus est. Ferunt lictorem, qui,  
suspensode cervice saxo, Martyrem in a-  
quas præcipitavit, illico oculis orbatum;  
corpus Martyris neque mole sua, neque  
molaris pondere depressum, fluctibus  
etiam post mortem innatavit, saxoque  
applicitum tantisper hæsit, donec reli-  
giosa fœmina, Valeria nomine, alitis sa-  
crum pignus inumbrantis tuentisque in-  
dicio proditum corpus tumulo intulit.  
Ita fortissimus vir per flammæ & vndas  
Deum secutus, nunc quoque utriusque  
clemen-

Elemento imperat; nam & jugis salubriū  
 aquarum fons, ad tactum sacri corporis  
 profilijsse fertur, & ignium furori in te-  
 cta grassantium Floriani nomen hodiē-  
 que opponitur: multisque documentis,  
 omni ævo, ostensum est, tutelam hanc æ-  
 dibus contra flammās salutē fuisse: qua-  
 draginta cius commilitones, per varia  
 crudelitatis exempla tracti, laceratis cor-  
 poribus, fidem integram invictosque  
 animos ad triumphum secum asporta-  
 runt. Neque Vindelicia similium expers  
 victoriarum. Nam ccciii Anno, Afra,  
 cuius præter formam laudari quondam  
 nihil poterat, cū à S. Narcisso felicis  
 exilij erroribus Augustā delato, sanctio-  
 nis vitæ normam accepisset, & repudiatis  
 amoribus cæteris, in vno Deo acquiesce-  
 ret, à Gaio Iudice ad rogam damnata, da-  
 tam Deo fidem in igne probavit; quam  
 mater & ancillulæ tres, eodem genere  
 lethi extinctæ, secutæ sunt; quo ipso die,  
 viginti quinque alij, in optima causa ac-  
 cusati impietatis, capite plexi sunt. Octa-  
 vo eiusdem seculi anno similem in Nori-  
 co palmam nactus est Quirinus, Laureā  
 cēsis, post D. Maximilianum, Episcopum,

D. AFRA &  
 SOCIARVM  
 MARTYRI-  
 VM.

*Ex actis apud  
 Surium.*

ITEM ALIO-  
 RVM XXV.

S. QVIRI-  
 NI EP. LAUR  
 MORS.



*Prudēt. Mar-  
tyrol. Rom.  
Beda,  
Wsuard. Bru-  
schius, Baron.  
&c.*

*Orosius.*

&c, si veteri famæ credimus, Philippi Imperatoris filius, qui Christū, magnorum testium asseveratione, ex Cæsaribus primus coluit; ita providente Deo, ut millesimus æternæ Urbis Romæ annus, qui in Philippi Imperium incidit, Christo potius, ut Orosius loquitur, quàm Idolis consecraretur: hic igitur Quirinus, Galerio Imperatore, lapide molari de collo suspenso, in amnem deturbatus diu mergi non potuit, aquis pietati famulantibus, & virum saxūque sustinentibus, donec Martyr id pro beneficio à Deo impetravit, ut cedente sub pedibus vndâ, mori posset; huic Prudentius nobili carmine parentavit. Sed enim quoddam cognomines sibi plures haberet, vita & morte illustres, idem illi, quod quibusdam alijs, vsuvenit; ut acta illius cum alienis confusa, errore perplexabili non vno, Lectorem offēdant. Sed me festinatio hîc non patitur consistere; illud obiter moneo, D. Quirinum, qui in Tegerensi Monasterio, insigni veneratione colitur, immortalibus beneficijs non soli Boica notus, alium ab hoc nostro esse. Secuta sūt deinceps tempora, quibus gladij, per  
tria

tria secula in pietatis jugulum stricti, jubente Constantino, conditi sunt, tandemque impunè licuit esse innocentibus; & Crux odijs orbis terrarum appetita, in frontibus Regum stetit; didicitq; magnus Imperator, in quo Signo vinceret. In hac ergo tranquillitate publica, nostræ provinciæ respirarunt, & libera Religio passim palàmque caput extulit; etsi illius triumphos in alta pace actos, literæ nimis illa tempestate paræ, silentio trans miserunt; nimirum quæ Urbium, ferè omnium conditio fuit, vt non nisi inter gladios & bella inclarescerent, cum pacatis interim otium suum famæ sepulchrū fieret; idem etiam Christianæ Reip. obtigit, quam Martyrum sanguis, qui ipsissimus heroicæ virtutis color est, conspicuam ad eò fecit, vt illustrior nunquā fuerit, quàm cum purpuram suam in suorum civium cruore tinxit. Constantinus cccxxxvi anno moriens, tribus filiis imperium reliquit, Constantino, Constantio & Constanti; atque huic quidem, in reliqua hereditatis portione, nostræ etiam provinciæ cesserunt. Sed terrarum orbis tribus sufficere non potuit; &

CONSTANTINI IMP,  
ÆVVM.  
A. CH. CCC.  
VI.

quod turpius est, ne fratribus quidem; ita proferendi Imperij cupiditas etiam naturæ affectibus potētior, fratres primū in mutua odia, deinde etiam in arma trussit: & Constantinus quidem Constantis ditiones aggressus est, quodq; inde conjicere proclive est, Rætias & Noricum; sed hic impij concitator belli, cccxl anno prope Aquileiam cæsus est; post decennium, etiam Constans Magnentij dolis appetitus occubuit. Magnentius, tertio anno post, à Constantio apud Mursum urbem victus, gladium in se vertit; Decentius frater, quem ipse Cæsarem creârat, ne felicius periret, laqueo sibi gulam fregit. Interim Alemannis ex Imperatorum discordijs aucti animi, ad lacerandas Imperij Romani provincias: Rætia maximè opportuna injurijs, nunquam satis firmo contra illos limite munita, ferè anniversarios hostes passa est: sed quia interiora Vindeliciæ, multoque magis Norici ab ijs intacta fuere, alienam rem ab instituto fecero, si hîc sim longior.

*Annonian. l.  
15.*

#### IV.

ANNO CCCLXI, Iulianus, qui ob ejuratam Religionem, infame nomen nactus

Aus est, Alemannis non vno prælio vi- *Amnian. l.*  
 ctis, Augusti appellatione assumpta, <sup>21.</sup>  
 contra Constantium moturus, divis- *IVLIANI*  
 copijs, viginti millia terrestri itinere *PER DANV-*  
 Sirmium ire iussit; ipse cum tribus mil- *BIVM NAVI-*  
 libus Danubio secundo delatus, vndeci- *GATIO.*  
 mo die eodem appulit. Vrbes Danubio  
 aditas vitabundus, eo consilio præter-  
 vectus est, ne cui raritate comitatus con- *Amnian.*  
 temptui esset; quanquam Mamertinus *l. 21.*  
 Rhetorum more inflatiùs omnia in ma- *In Panegyr.*  
 jus augens, iter illud velut Numinis cu- *Juliano dicto.*  
 juspiam, perpetuâ adorantium populo-  
 rum frequentia, utroque celebratum,  
 litore jactat: Longissimo, inquit, cursu  
 Istrum placuit navigari: proh sancta di-  
 vinitas, quæ navigationis illius fuit pom-  
 pa, cum dexteriolem ( Vindelicam, No-  
 ricam, Pannonicam ) incliti fluminis ri-  
 pam, utriusque sexus, omnium ordinum,  
 armatorum atque inermium perpetuus  
 ordo prætexeret! despiceretur ad lævam  
 in miserabiles preces genu nixa barbaria;  
 omnes vrbes, quæ Danubium incolunt,  
 aditæ, omnium audita decreta, levati  
 status, instauratæque Fortunæ; innume-  
 rabilibus barbaris data venia, & munus

‘ pacis indultum ; qui properationem il-  
 ‘ lam contemplabitur , nihil egisse præter  
 ‘ viam Imperatorem putabit ; qui gestarum  
 ‘ rerum multitudinem considerabit , pro-  
 ‘ perasse non credet ,

D. CASSIA-  
 NI EPISCO-  
 PI M A R-  
 TYRIUM.

*Vels. l. 3. Beic,  
 rer.*

*Hund. in me-  
 trop. Sigon.  
 hist. Bonon.*

*Andr. Lib. de  
 persecut. Eccl.  
 l. 3.*

*Alphon. Pile-  
 ga de Vit. SS.  
 Volaterran.*

*l. 4. Anthrop.  
 Brev. Brixin.*

In hunc ipsum aut sequentem annum  
 illustris Cassiani M. mors à plerisque re-  
 fertur, quem constat Sabionæ inter Bri-  
 xentas Episcopum, & Christianæ Legis  
 Doctorem fuisse ; quæ cùm non æquis  
 omnium animis acciperetur, carcerem,  
 & vincula passus, & tandem Brixentum  
 agro pulsus, cùm Romam peteret, ex iti-  
 nere Forum Cornelij, quæ vrbs Imola  
 hodie dicitur, divertit ; ibiq; divinæ glo-  
 riæ propagandæ studio, aperto literario  
 ludo, balba infantix ora formare aggres-  
 sus, elementarius senex inter puerorum  
 greges repuerascebat ; in hanc vnam rem  
 ingeniosus, vt, dum primos discipulis li-  
 terarum apices præmandit, vnum etiam  
 Deum ingereret ; cuius nomen non tam  
 in ceratas tabulas, quàm cerea puerorum  
 corda inscribere, omni ope satagebat, ita  
 cum animo suo reputans, agnoscendi  
 amandique Dei scientiam si pueris tradi-  
 disse, olim etiam viris senibûsque adhæ-  
 suram;

furam; quemadmodum & testa odorem  
 servat, quo recens imbuitur; neque co-  
 lor elui potest, quem lanæ primum bibe-  
 runt. In hoc quantumvis exiguo thea-  
 tro, cùm virtutem doctrinamque suam,  
 applaudente cœlo, optimus magister, sine  
 ambitione, explicasset, indignum illi ab  
 ingrata juventute Minerval est persolu-  
 tum: nam cùm impietatis in Deos accu-  
 satus esset, atque ipse ultro fateretur,  
 falsorum se Numinum etiam nomina è  
 ludo suo proscripsisse, neq; ipsam infan-  
 tiam cœusque delirare passum, vt Iovem  
 Tonantem, aut omnino Deorum talium  
 quemquã timeret; crudelis Iudex illum  
 despoliari vestibus, & ad ludibrium car-  
 nificinamque discipulorum exponi vin-  
 ctum iussit; quo mandato non injucun-  
 do, & veteribus odijs, ( quæ magister,  
 quantumvis parcus ferulæ, apud gregem  
 suum facilè colligit ) irritati, illis ipsis ar-  
 mis, quæ Cassianus tradiderat, optimè  
 de se meritum invadunt; & primum ta-  
 bulas suas in ore Martyris diffringunt;  
 graphia deinde & stilos expediunt, & per  
 nudum Præceptoris corpus cæsim pun-  
 ctimque pro libidine grassati, acerbissi-

mum in illo epigramma exarant; insultantes obiter, corrigeret errantem manum, aut laudaret dociles discipulos, qui tam bellas pingere literas, sub illius disciplina, didicissent. Interea Martyr, cum mille vulnera accepisset, vivebat in dolores suos, optabátq; fortio rem manum, quæ viam animæ faceret; cum tandem Deus spectatum satis, & nimium, quantum literatū, ex illo immani Gymnasio ad se evocavit. Et hunc quidem exitum Cassianus habuit, ipsis Idib. Augusti: sed de Anno non ita liquet; visum enim est nonnemi, rem ad cruenta Diocletiani tempora pertinentem, cā conjecturā ad Iuliani Imperiū retractam, quod ille Lege promulgata, quam Ammianus quantumvis impius inclementem, & perenni silentio obruendam vocat, Christianos liberales artes docere vetuerit; unde plures magni nominis Christiani Professores Scholas deseruerunt, in quibus <sup>a</sup> Musonius, <sup>b</sup> Proæresius, & C. Marius Victorinus nobilem Senatorum doctor, ut S. Aug. loquitur, qui ob insignem præclari Magisterij, quod Cives hujus mundi eximium putant, statuam, in

*Am. l. 22. 85.*

*a Ennap. Sard. in vita Phil.*

*b S. Hieron.*

*Aug. l. 8. Conf.*

in Romano foro meruerat, & acceperat.

Cùm ergo Cassianum, aperto ludo, literas professum Acta ipsius testentur, hinc fortasse factum, vt posteri crederent, hoc potissimùm tempore, lege Juliani damnatum, Fidei magisteriūq; pœnas dedisse; cùm interim multò antè passum vel ex eo colligi possit, quòd Prudentius, qui Juliani ævo vixit, cùm in Foro Cornelij, ad S. Cassiani aram aduolutus, totam crudelis carnificinę scenam in tabula pictam inspiceret, neque quorsum omnino pertineret, intelligeret, ædituo demum referente didicerit, non inanē aut anilem esse fabulam, sed historiam eā picturā referri, quæ libris tradita veram vetusti temporis fidem monstret. Atqui vix Prudentius nescire, quod vivo se, quamvis puero, factum fuerat; neque ædituus vetustatis nomen adscribere rei tam recenti potuit. Verùm ego litem hanc in medio relinquo; cùm neque Baronius

*Prudent. in  
Hymn. in S.  
Cassian.*

*In Martyrol.*

Ecclesiasticæ historiæ omnis scientissimus, certos Cassiano annos assignare sit ausus. Ad Annum deinceps c c c l xxx usque, rerum publicarum, quod nostras provincias spectet, præter Alemannicas



*In l. 7. rerum  
Vindelicar.*

*D. RHOMEDI-  
DII RES  
GESTÆ.*

*Monum. anti-  
qua Submon-  
toriana.*

*Io. Pyrrhus  
Pincius l. 2. re-  
rum Triden-  
tin.*

*P. Canis. in  
Martyrol.*

*Philip. Ferrar.*

*\* Nohen-  
wart.*

incurſiones, nihil traditur; quibus im-  
morari vel ideo minùs libet, quòd Mar-  
cus Velferus, cujus ferè veſtigia premi-  
mus, nullum noſtræ diligentiaẽ hac in re  
locum reliquit. Domelticum interim  
decus ingens in Vindelicia inclaruit;  
nam Rhomedius, ſeu, vt alijs appellatur,  
Remedius, in Oenana valle, in Taurien-  
ſi caſtro ſuo, quod inter Oenipontem &  
Halam celebrem Salinis urbẽ, ſitum eſt,  
natus, Summontorij in ſuper, quæ hodie  
Alta \* Specula dicitur, dominus, &, vt  
nunc loquimur, Comes, jam illo ſeculò,  
quo tam pauca digna viſa ſunt literis,  
tam clara virtute fuit, vt quanquã ma-  
ximè vellet, latere in obſcuro non poſ-  
ſet, magnus etiam ipſe teſtis, gloriam fu-  
giendo quæri. Divitiarum primùm con-  
temptu ora oculòsque hominum in ſe  
convertit, quas cùm ferè omnes ament  
optentque, pulchrius tamen creditur, il-  
las abjeciſſe; Romam indè, Abraha &  
Davide comitibus, proſectus, trophæa,  
Martyrum ſalutavit. Tridenti D. Vigilio  
Antiſtiti ſimilitudine morũ intimè con-  
ciliatus, Anaunienſibus ſe demum mon-  
tibus condidit; illos præoptans virtu-

tum

tum suarum conscios, quàm homines testes habere: Sed multa nihilominus illum prodiderunt; feræ ipsæ agnovisse visæ sunt, qualis, quantusque vir in sua lustra immigrasset. Versus certè cùm equum Rhomedij interemisset, illius vicē subire iussus, neque pœnam, neque obsequium detrectavit. Ædiculam sacram molienti etiam aves famulatæ dicuntur. Sed & dæmon ab infesso corpore emigrare coactus, stationem deseruit. Mortem illius sonantia spontè æra significarunt; ad eò magnæ virtuti nunquam deesse præco potest.

Tertio deinceps anno ab illo, quem, ANN. CCC  
proximè nominavimus, novus Rætiam, LXXXIII,  
hostis vexavit; Iuthungi insolita illius  
anni fertilitate attracti, prædas ex opimo  
agro agebant; testis rei Ambrosius, cuius  
hæc verba sunt; Fæcunda Rætia fertili-  
tatis suæ novit invidiam; nam quæ sole-  
bat tutior esse jejunio, fæcunditate ho-  
stem in se excivit. Valentinianus Im-  
per. Iuthungis Hunnos & Alanos oppo-  
suit, qui tamen ipse paulò pòst, id est, an-  
no CCC LXXVII, à Maximo tyranno,  
Italiâ & his nostris provincijs exactus est,  
quas

‘ *Ambr. resp.*  
‘ *ad Sym. re-*  
‘ *lat. & epist.*  
‘ 27.

quas illi Theodosius, debellato Maximo, proximo anno restituit.

Initio quinti seculi Christiani, novæ & insignes iterum clades acceptæ; nam Theodosio rebus humanis erepto, inclinatôque in Honorij, & Arcadij impares humeros orbis imperio, exorientibus vndique in ejus perniciem barbaris, Fortuna Romana passim vultum mutavit; calamitatum omnium compendium, Roma Capta fuit, ut Vrbe principe sub jugum missa, nihil mirum sit, si provinciæ nostræ, velut capitis illius membra, infelicitatum contagione laborarunt.

Quid enim salvi esse potest, ( verba Hieronymi sunt ) si Roma perit? Noricum primum imperum excepit; nam cum illac Alaricus Gothorum Rex ingentem exercitum traduceret, nihilo sanè mitiora passum esse credi potest, quàm reliquas Romano nomini devotas provincias, cum Romæ ipsi tumidus Rex extrema omnia minaretur. Certè patriæ suæ, quæ hoc tempore bustum & horror facta est, ingemiscens D. Hieronymus scripsit; Testis Illyricum est, testis Thracia, testis, in quo ortus sum, solum, ubi præter cœlum & terram,

*Zosimus l. 5.  
alij.*

*Hieronym. in  
2. cap. Sophon.*

terram, & crescentes vepres, & condensa sylvarum, cuncta perierunt. Interim tantæ tempestatis in Italiam invec̃te fiducia, etiam barbari Rætijs aliàs infesti, & imminentes, fædera nuper, paciscentē Stilicone, cum Honorio Imperatore ini-  
ta ruperunt; ita enim disertè Claudianus, qui bellum hoc Geticum nobili carmine ad fidem historiæ celebravit,

— iam fædera Gentes.  
Exuerant, Latinq̃ audita clade feroces,  
Vindelicos saltus & Norica rura tenebant.

Claud. de Bell.  
Getico.

Ex quo planum fit, vtrinque, siue Alemannorum incurſionibus, siue Vandalo novo hoste in has oras grassante, graviter fuisse laboratum: Stilico tamen, quidquid fuit, adventu suo dissipavit; pacatisque provincijs, exercitum insuper in Italiam deportavit, quo fretus, Alaricum, ad Pollentiam, memorabili prælio fudit, & Italiâ depulit. Cogitabat ille quidem copiarū reliquias vel in Galliam, vel Rætiam transferre; nam vt Claudianus ait:

— Occulto tentabat tramite montis  
Si quas per scopulos subitas exquirere posset  
In Retos Gallôsque vias.

In 6. Hon.  
Consul.

Instante tamen Stilicone, conatus illius  
irriti

irriti fuere, itérq; suum in Illyricum desolatus & expes est remensus. Hoc ipso tempore, quo maximè Gothicus furor sentiebatur vel metuebatur, intestino malo haud paulò periculosius Vindelicia, & fortasse confines etiam provincie conflictabantur. Integritatem adèò Philosophiæ Christianæ nondum adultam temeraverat impia Arij lingua, vt, serpente veneno, totus demum orbis terrarum (verba D. Hieronymi sunt) ingemiscens, se miraretur Arianum; certè Batavium, quod Passavium hodie est (Batava olim castra dictum) ea peste hoc ipso tēpore laborabat; verùm, quæ Dei bonitas est, non defuit malo medicina, quiq; illam doctissimè faceret, ab ipsis usq; Oceani finibus accitus est. Is D. Valentinus fuit, qui ad hunc Vindeliciæ angulum excolendum, cùm omne studium operamque contulisset, & tamen cum immitibus ingenijs ægrè colluctaretur, semel iterúmque Romam profectus, summo Reip. Christianæ Antistiti se stitit; à quo Episcopatus honore auctus, cùm ad Spartam suam ornandam rediisset, & agendo, patiendóque, quæcunque bonus

S. VALENTINI EPI-  
SCOPI PII  
PRO PIE-  
TATE LA-  
BORES.  
*Surim. Fasti  
Batavenses.*

nus animus potest, nihil proficeret; insanabili Arianorum furori cedere coactus, per reliquam Rætiam, magno operæ precio, contemptam in Batavis castris veritatem explicavit; Ad alpes tandem Majas, Meraniæ (quæ Tiroleos Vrbs est) imminentes profectus, etiam illa aspreta molliit, & ad virtutis elegantiam mansuefecit; cuius mortui ad Bataven-  
ses reditum suo loco narrabimus.

Alaricus interim cum suis, vt Orosius loquitur, sæpe victus, sæpe conclusus, semperq; dimissus, dum à Stilicone clàm fovetur, ab Honorio Imperatore palàm contemnitur, ex Epiro, anno CDVIII, in Noricum reversus est, novis viribus ferox; indè literas ad Stiliconem misit, quibus stipendium non belli, sed moræ, quam in Epiro traxerat, minitabundus petijt; quódque indignissimum est, cense-  
nte Senatu Romano, impetravit; vnus enim omnino in illa curia Senator, eo loco & nomine dignus, Lampadius, forem ausus dicere sententiam, Non pacem illam, sed pactionem servitutis esse, libero ore professus est. Alaricus acceptâ pecuniâ è Norico tamen exercitum, non

*Zosimus l. 5.  
Sigon. de Occid. Imper. l. 20.*

**ALARICVS  
NORICO  
INFESTVS.**

non deduxit. Interim, Arcadius Imper.  
 vitâ cessit; ibi demum Stilico, quasi pæ-  
 nitentia rectè factorum ductus, cùm ob-  
 sequentem Fortunam eoque habuisset,  
 vt soli Imperatori nomine cederet, glo-  
 riâ verò anteiret, repentè à virtute & bo-  
 na mente descivit: nam dum imperium  
 Romanum, quod forti manu penè vnus  
 sustentarat, in Eucherium filium devol-  
 vere conatur, illud planè pessum dedit,  
 atque, vt Orosius loquitur, vt vnū Pue-  
 rum purpuram indueret, totius generis  
 humani sanguinem dedit; quem ne im-  
 punè barbarorum, gladijs propinasset,  
 ipse cum filio, iubente Honorio, occisus  
 est, digna intemperantis ambitionis Vi-  
 ctima. Alaricus tamen è Norico iterum  
 legatos de pace ad Honorium amanda-  
 vit, obsides petijt, & vicissim promisit,  
 sed nihil impetravit; cùm Honorium à  
 pace cum barbaro ineunda pudor, à bel-  
 lo timor deterreret: Alaricus ignavas fe-  
 rias perosus, sequente anno, refractis  
 Noricarum alpium claustris, in Italiam  
 irrupit; eoque vastitatem, lucem, mortes, &  
 reliquum bellicarum calamitatum exa-  
 men invexit, ipsamq; Romam obsidione  
 cinxit,

*Sozomen.  
 Zosim.  
 Oros.*

cinxit, quâ cum cives ad vltima huma-  
 nâ patientiæ exempla compulisset, ægre  
 ab avaro crudelique hoste, qui inter pa-  
 cis leges præter animas se Romæ nihil re-  
 licturum professus erat, has ipsas, exhau-  
 sto ærario, & privatis profusis patrimo-  
 nijs, redemerunt: adiicienda etiam vestis  
 omnis generis fuit; tunicarum quidem è  
 filo serico quatuor millia, pellium coc-  
 cinearum tria millia, & piperis adeò pon-  
 dus, quod ter mille libras æquaret; cuius  
 infamiam facti S. Hieronymus his verbis  
 deploravit; Quis hoc credet, Romam in  
 gremio suo non pro gloria, sed pro salu-  
 te pugnare; imò verò ne pugnare quidē,  
 sed auro & cuncta suppellectile vitam re-  
 dimere? Rebus ita constitutis, Alaricus  
 ex agro Romano in Tusciam retrocessit:  
 Noricum interim & Rætia vtrique latâ  
 pace fruebantur, Generidi maximè in-  
 dustriâ, quem Dalmaticis copijs vniver-  
 sis, quæque apud Pannoniam superio-  
 rem, & in nostris provincijs erant, Hono-  
 rius præfecit; Erat hic patriâ, non item  
 ingenio barbarus, & in quo reprehende-  
 re nihil posses, præter damnatæ religionis  
 studium; nam à Christianis Sacris vsque

NORICI ET  
 RÆTIÆ SVB  
 GENERI-  
 DO TRAN-  
 QVILLI-  
 TAS.

Zosim. l. 5.



adeò abhorrebat, vt cùm Honorius, latâ lege, militari cingulo omnes spoliasset, qui Christiani non essent, cingulum vltro posuerit; cùmque legis illi gratiam Imperator, ob præclara in Remp. merita faceret, negavit se inter discinctos ambulaturum, aut honoris privilegio vsurum, quod ad omnium reliquorum injuriam pertineret; quâ pertinaciâ evicit, vt vniuersa illa lex abrogaretur: tum demum provinciam suam aggressus, revocato militaris disciplinæ rigore, quæ sub ignavis Ducibus elanguerat, otium desidîæque adiumenta omnibus castris proscripsit, neminem etiam in pace quiescere passus; ita omnia agebat, vt nihil apud se remissum, nihil apud hostes tutum esset; ipse interim adversum divitias invicto animo, si quem eximiâ virtute militem haberet, neque aliunde, quod daret, esset, donabat de suo; egere, vel esurire in exercitu quempiam, infame ratus, stipendia integra in tempore, & annonam sine fraude repræsentabat, id vnicè sollicitus, vt nihil ipse cuiquam, illi omnes deberent: quibus artibus juxtâ militi charus, atque hosti formi-

BONI DV-  
CIS EXEM-  
PLAR.

formidolosus evasit, ut in illa laborantis Romæ tam sæva tempestate, barbarorum tamen, Rætijs aut Norico<sup>117</sup> nemo infestus esset. Sed Norico aliunde malum imminabat: Alaricus enim cum infirma adhuc pace, vel inducijs potius factis, Rempub. nihilominus tereret, terreretque, eâ demum lege fœdus sancire cum Honorio voluit, si Noricum sibi vtrumque, Venetia, & Dalmatia incolenda darentur; à quibus conditionibus cum alieniorem Imperatorem cerneret, tantum de illis remisit, ut, præter Noricum, *Zosim. l. 5.* provinciam aliam nullam peteret. Eius postulati modestiam æquis omnibus se probaturum tantò certius confidebat, quòd constaret, Noricum barbarorum injurijs opportunum, pecunias in ærarium inferendas plerasque ad sarcindas domesticas clades insumere, eoque Imperio non magno usus esse: at ubi neque hoc impetravit, Agite, inquit, ad suos; mali, ut videtis, oratores sumus; ferreâ eloquentiâ opus est, ut æqui aliquid ab Imperatore extorqueamus: utamur nostro jure, quod in gladio ferimus: Noricum, quid nisi ultimum Imperij limbum?

ALARICVS  
NORICVM  
AMBIT.

' negantibus, moveamus de ipso capite,  
 ' litem; si viri estis, Romæ melius habita-  
 ' bitis; eam nuper vendidimus; ergo vinci  
 ' potest; aurum omne extulimus; ergo re-  
 ' dimi non potest: præter ferrum jam nihil  
 ' habet, quo vidistis neminē illic vti posse:  
 sic ad alteram vrbis obsidionem prope-  
 ravit, cuius singula persequi non est no-  
 stri instituti; deditam primū, ac deinde  
 captam, omniāque passam incōmmoda,  
 quæ in Troiano excidio Poëtarum inge-  
 nia invenere, ex S. Hieronymi lacrymis  
 liquet. Dum hæc aguntur, inquit, terri-  
 bilis de Occidente rumor affertur, obse-  
 deri Romam, & auro salutem civium re-  
 dimi, spoliatoꝝque rursus circumdari,  
 ut post substantiam, vitam quoque per-  
 derent. Hæret vox, & singultus interci-  
 piunt verba dictantis; capitur Vrbs, quæ  
 totum cepit orbem; imò fame perit, an-  
 tequam gladio, & vix pauci, qui caperen-  
 tur, inventi sunt: ad nefandos cibos eru-  
 pit esurientium rabies, & sua invicem  
 membra laniarunt; dum mater non par-  
 cit lactenti infantia, & suo recipit vtero,  
 quem paulò antè effuderat.

ROMA CAPTA.

*In Marcella  
Vid. epitaph.*

*Quis cladem illius noctis, quis funera fando  
 Explicet, aut possit lacrymis equare dolorem?  
 Vrbis antiqua ruit multos dominata per annos,  
 Plurima perque vias sparguntur inertia passim  
 Corpora, perque domos; Et plurima mortis imago.*

Hucusque Hieronymus; qui quanquam ab optimo Poëta tristissimos versus in subsidium evocavit, nihil tamen supra fidem Historiæ dixit: tanta enim in Vrbe, quantumvis post deditionem respirante, rerum omnium inopia fuit, ut ille iam verissimus metus esset, fore, ut homines passim in sese mutuò impetum facerent: adeò ut Circensibus ludis populus exclamarit, Pretium pone humanæ carni.

*Zosim. l. 5.*

Sequenti anno Alaricus mortuus est, A. C. H. qui captæ vrbis Romę vix alium fructum cccc xi. cepit, quàm, ut titulum sepulchri glorioso nomine augere posset: hæc quidem in re Boiis cæterisque Galliæ populis nihil inferior, qui ante annos propè octingentos, Romam itidē ferro captam auro vendiderunt. Norico tamen, quod sibi suisque Gothis destinaverat, excidit, Boiis id Fortunâ bonoque Deo reservante. Tredecim à morte Alarici annis, A. C. H. cccc xxiv. Sabionensis, sive ut translatâ sede nunc

Gg 3 loqui-

*xxx. Kal. Aug.  
Philip. Ferar.  
de SS. Italia.  
Charta Belu-  
nens.*

LUCANI E-  
PISCOPI  
BRIXIN.  
ACTA.

loquimur, Brixinensis Episcopus Luca-  
nus fuit; cuius innocentia & virtus ho-  
diéque lateret in obscuro, nisi illam in-  
juria nobilitasset; Accusatus erat apud  
Cælestinum Pontificem violatæ veteris  
disciplinæ, quódque gregem suum in-  
dulgentiùs haberet, & Christianum ri-  
gorem nimiam lenitate infringeret. hanc  
porrò infamiam inde contraxerat, quód  
per eos dies, qui sacre abstinentiæ dicati  
sunt, lacte lactariisqve vescendi, ijs, qui-  
bus præerat, copiam fecerat: nam cum  
id vnicum ferè obsonium tenuiores ha-  
berent, si illud etiam subduxisset, non  
jejunium, sed propè mortem videbatur  
hominibus imperaturus. Evocatus ergo  
ad dicendam causam, silens ipse, advo-  
catione innocentie suæ, & muto virtu-  
tis patrocinio absolutus est: Nam cum  
humidam penulam ad Solis radiû, quem  
paxillum rebatur, homo candidissimus  
suspendisset; radius vtrumque præstitit,  
penulam sustinuit, & siccavit; sanctita-  
tem verò Lucani sic illustravit, vt nemo  
vnus deinceps ausus fuerit dicam impin-  
gere illi, qui famulum Solem haberet,  
cuiusque radijs adeò familiariter abutere-

tur.

tur. Sed causâ Romæ probatâ, tamen domi adversarios tam infestos habuit, ut illorum furori in vallem Agordiam sibi cedendum putarit. Illic voluntario exuli Avatia religiosa fœmina victum ministravit. mortui corpus Belunum, cui valles illa subest, migrare noluit, nisi capite pignoris loco Agordiæ relicto.

ANNO deinde CDXXXIX. Atila Hun-  
 norum regnum in perniciem orbis ter-  
 rarum adiit; quod ille adeò non dissimu-  
 lavit, ut ferali hoc epigrammate passim,  
 sese jactaret, Atila Mundizici filius, &  
 magni Nembrothi nepos, educatus in  
 Engaddi, Dei gratiâ Rex Hunnorum,  
 Medorum, Gothorum atque Dacorum,  
 pavor orbis, & Flagellû Dei. Porro cum  
 Engaddi nomen in titulo doctissimus vir  
 Lælius Bisciola legeret, suspicatus est, in-  
 ter Vennones Rætorum Gentem, qui  
 hodièque Enggadini dicuntur, nutritum  
 esse hoc monstrum; ad cuius rei fidem,  
 aliquid fortius conjecturâ requiro. Ty-  
 ranno huic, præter insitum generis hu-  
 mani odium, ad infanda, quæ postmo-  
 dum ausus est, aggredienda, gladius po-  
 tissimû animos adiecit, qui Martis quon-

V.

ATILAE INI-

TIA.

Bonfin. dec.

l. 3.

Seb. Munst-

rum.

Michael Riti-

us &amp; alij.

Tom. 1. Horat.

subsec. l. 20.

c. 14.

dam creditus, & à Scytharum Regibus æquali cum Deo honore cultus, miro casu in illius manus devenit. Pastor cum pro more pecus cogeret, buculam claudicantem ex vulnere sibi notavit, causæque indagandæ cupidus, omnia vaccæ vestigia, quæ defluens sanguis insignia fecerat, curiosè relegit, tandemque in hunc ipsum gladium incidit, sola cuspidē extantem; quem, altiùs molitus terram, eruit, & Atilæ donum tulit; qui eâ ipsâ nocte sibi in somnis armari præcinctique à Marte visus est: ita veluti certus, imperium orbis terrarum sibi cum gladio offerri, eidem postea humani generis sanguinem propinavit. Rem uti à me narrata est, Priscus, qui Theodosij Imperatoris ad Atilam legatione functus est, primus historiæ suæ inseruit, ex quo Iornandes, pluresque alij exscripserunt; credibiliorem hanc famam insecuta bella, inò latrocinia fecerunt; nam cum velut in macello publico, in omnes mortales Atila sæviret, potuit sanè videri, gladium illum, sub inferorum incudibus, ad hanc lanienam fuisse procusum: Idem tamen ensis etiam à posteris asseruatus, tandem

in BOIARIÆ Principum potestatem  
venisse, in Herveldensi Chronico dici-  
tur, quod pluribus suo loco narrabitur.  
Furorem Atilæ fulminis more omnia  
obterentis, tum maximè nostræ etiam  
provinciæ excepere, cùm CDLI anno,  
ex Pannonia in Galliam copiosissimum  
exercitum raperet; nam cùm Procopius  
affirmet, ab Atila propugnacula everfa  
esse, quæ ab Imperatoribus Danubio im-  
posita fuerant, ad barbarorum impetus  
coercendos; planum indè sit, etiam per  
Noricum & Vindeliciam, quibus Danu-  
bius prætexitur, Atilæ tremenda signa  
volitasse. fidem etiam Augustanæ urbis  
privati annales faciunt, in quibus per-  
scriptum est, urbem ipsam flamma & fer-  
ro ea tempestate deformatam fuisse. Por-  
rò cùm in annum quartum vsq; Galliam  
Italiámq; sanguine inundasset, eoque  
ebrius, neque dum tamen satur, in Pan-  
noniam rediret, omen mortis in ipsa  
Vindelicia tale accepit; Licum amnem  
transeunti fanatica mulier occurrit, &  
voce incondita ter inclamavit, Retro  
Atila! sed quomodo efferatum animum  
insana mulier ad saniora consilia dedu-

*1. 4. de Aedif.  
Iustiniani.*

NORICVM  
ET VIN-  
DEL. AB A-  
TILA CLA-  
DEMPASSA.

*Callimachus  
& Olavius in  
Atila.*



ceret? & erant tot funera unâ tandem morte eluenda; quæ vt vitæ responderet, minimè sicca illi obtigit: nam cum pellicum vxorûmque gregibus novam nuptam induceret, ipsâ geniali nocte, impiam animam cum sanguine evomuit; vt, quia alienum intemperantissimè sitierat, submergeretur suo; qua ipsa auspiciatissimâ nocte Marcianus Imperator Constantinopoli arcum Atilæ fractum esse, secundum quietem, objecta divinitus specie, intellexit. Cæterùm Deus, qui amara miscere dulcibus consuevit, post tot nubila, tempestatésq; , nobilissimum sidus Norico & Vindeliciæ per annos propè triginta indulsit, eóq; etiam occidente, radios tamen non est passus extinguí, etiam hodie lucentes. Severinus hic est, cui quid Noricum debeat, nomine fatetur, quod illi imposuit, cum suum Apostolum cum appellavit. Patriam magni viri prodere non possum, vt quam ipse sedulò celaverit; dicturus utique, nisi orbem totum, magnum hominis exilium credidisset. Ita enim Eugippius Abbas, qui res ab illo gestas summa fide composuit, refert; anxie inquisitum à mul-

*Blondel. l. 2.  
Callimach.  
olabm.*

**SEVERINI  
NORICORUM  
APOSTOLI  
RESGESTA.**

*Baron. t. VI.  
An. Ch. 454.  
et seq.  
Eugippius in  
illius vita.*

à multis fuisse, ecquam tanta virtus patriam haberet, ausumq; tandem Primenium sacerdotem Italum ex ipsomet SEVERINUS  
quærere, quo genere, qua domo natus PATRIA,  
esset? sed diligentiam illius Severinus modesto primùm risu correxit; & fortasse, inquit, fugitivum me putas, & Zonulæ tuæ times, si olim pretium libertatis meæ indè exigatur? nam alioqui Christiano homini Coelum patria est; miser ille, qui gloriam ex cunis quærit; & nobilem se putat, si magnam urbem primo vagitu salutaverit: vinum & olus à solo commendationem accipiunt; Christianus patriam suam pedibus non calcatur. Ita de natali Severini solo sciri nil potuit, nisi fortè ipso silentio ejus nobilitatē confessus est: & suspicor Romam fuisse, vbi Severinorum nomen clarum fuit, & in fastis Consularibus sæpius legitur. Illud constat, vitæ sanctioris desiderio, olim in Orientem profectum, Dei jussu, in Noricum, eique continentem Danubij oram remigrasse. Sed cùm ad horum temporum historiam res ab illo gestæ vnicè faciant, pluscula huc indè transferentur, cùm illustrius antiquitatis monumenum,  
tum,

ASTURIEN-  
SIBVS CLA-  
DEM DE-  
MVNCIAT.

tum, quod quidem Noricum spectet, nullum superſit. Aſturis primùm oppido, Norico Ripenſi & Pannoniæ confi- ni diverſatus, cùm imminentem vrbi illi ab hoſte cladem prævidiſſet, eidem aver- tendæ, populum ad vota ſuppliciaq; in- vitabat; ſed fruſtra fuit optimus orator; gemitū nulli expreſſit; lachrymæ Deum, placaturæ in hoſtis adventum ſuppreſſæ, vt tum demum funderentur, cùm riſui erant futuræ. Severinus pervicaciam mi- ſeratus, cùm venturæ cladis horam etiam hoſpiti ſuo edixiſſet, ad vicinum oppi- dum Comagena caſtra dictum profeſtus eſt; tenebatur illud jam à barbaris, qui- bus cives turpi ſædere devincti obnoxii- que vivebant; ijs Severinus eandem cantilenam parum gratus præco cantare cœpit; neque vaticinanti antè fides habi- ta eſt, quàm Aſturienſis ille ſancti viri hoſpes, vnicus patriæ ſuæ excidio ſuper- ſtes, totam barbaræ crudelitatis in ſuos cives tragœdiâ miſerandus jam exul ex- plicavit; tum demum trepidatum eſt, & ad vota decurſum, quæ in tertium con- tinuata diem Cœlum moverunt, imò & terram; ea enim inſolito concuſſa frago- re,

re, tantum barbaris pavorem iniecit, ut COMAGE-  
 vrbe dilapsi, & mente moti, mutuis se- NACASTRA  
 met vulneribus conciderint. Ita Coma- AB HOSTE  
 genses, gladio non vti, solis precibus, ter- LIBERAT.  
 ra pro ipsis pugnante, de barbaris trium-  
 pharunt, quorum nomē expressum non  
 est, sed de infami illo Atilæ exercitu fuisse  
 verius est, qui latrocinij, Rege vivo,  
 assuetus, neque mortuo eo, ingenium  
 mutavit, eadēque crudelitati stipendia  
 fecit. Favianis, (quæ hodie Vienna est) VIENNÆ  
 aliud non mitius malum dominabatur, FAME LA-  
 fames; cui levandæ, civibus id vnum in BORANTI  
 præsens occurrit, Severinum accerserēt: SVCCURIT  
 eum, qui hostem depulerit, etiam contra  
 inopiam valiturum. Abijt illuc Severi-  
 nus à Deo monitus, simulque eo dictan-  
 te agnoscit, Proculam avaram fæminam  
 plenis horreis annonam flagellare; hujus  
 sordes Severinus liberrimo ore perstrin-  
 xit; &, Ergo inquit, dum Christus esurit,  
 & familia illius fame moritur, nec cor,  
 nec manum, nec horreum aperies? Ni-  
 mirum cum homines immanitate tuâ  
 occideris, liberalem te Danubius & pi-  
 sces prædicabunt; his nimirum, puto,  
 frumentum comparcis: nam alioqui ne-  
 que

• que operâ tuâ opibúſve indiget Deus, &  
 • ſine Proculæ granario tamen dives eſt;  
 • & absque ſtipe tua poteſt, quos fecit, pa-  
 • ſcere: noli credere, etiam cùm liberaliſ-  
 • ſima futura es, majus beneficium te da-  
 • re, quàm accipere: illud poſius cogita,  
 • quidquid non erogaveris, te perdiſſe;  
 • niſi putas, tutiùs aliquid arcâ & horreo,  
 • quàm Dei manu ſervari. His Proculæ  
 avaritia correſta eſt, ſimúlque Danubio  
 flumine frumētariæ naves delapſæ ſunt;  
 quæ cùm vi frigoris in Oeno congelaciaſ-  
 ſent, calidis Severini precibus ſolutæ, op-  
 portunum vrbi ſubſidium advexerunt.  
 Aliàs cùm barbari ex ejusdē Urbis agro  
 hominum pecorúmque greges abegif-  
 ſent, Mamertinum ille tribunum, ad ex-  
 cutiendam hoſti prædam, animavit; ex-  
 cuſantémque militum raritatem, quibus  
 iſtis nec armorum nec animorum ſatis  
 ſit, confidere Severinus in Dei manu juſ-  
 ſit; illam certè non eſſe inermem, & poſ-  
 ſe cum paucis vincere. Hoc cláſſico ere-  
 ctus miles, hoſtem ſecundo ab vrbe lapi-  
 de aſſecutus, prædâ & armis exiit; capti-  
 vos Severinus vitâ donavit, lautéq; ha-  
 bñtos domum dimiſit, multa monens, ne  
 prædæ

VICTORI-  
 AMPRÆ-  
 NVNCIAT.

prædæ studio agrum illum unquam incurfarent; alioqui Deum adversariū habituros, quem nemo vnquam inapune laceffiverit. Rebus his gestis ingens Severino fama parta, quæ etiam Danubium transvolavit, ipsosque Reges admiratio virtutis ad virum videndum attraxit:

Certè circa annum CDLXXIII. Flacciteus Rugorum Rex, quamvis Ariana-  
 lue infectus, cum Gothos hostes patere-  
 tur, vitæque suæ insidias timeret, ad hanc  
 sacram anchoram sibi confugiendum

FLACCITE-  
 VM RUGO-  
 RVM RE-  
 GEM LIBE-  
 REMONET.  
 BARON, l. 6.

putavit. Audivit regem Severinus, &,  
 de pauculis annis, inquit, sollicitus es, ô  
 Rex, immemor æternitatis, præposterâ  
 diligentia: Gothorum tamen ferrum  
 frustra times; sine vulnere te mors, cum  
 Deo visum fuerit, in lecto & plumâ con-  
 ficiet. Paulò post Gothorum latrocinan-  
 tium globus, Rugorum aliquos capti-  
 vos abduxerat; Rex ad suum oraculum  
 redijt, quæsitum, an latronibus illis in-  
 standum censeret? Negavit Severinus;  
 tribus locis paratas Regi insidias, dixit,  
 idque brevi fida relatione agniturum:  
 Nihil fefellit; duo Rugi manus hostium  
 elapsi prorsus consentientia domū retu-  
 lerunt.

*Felethem.*

GISE RE-  
GINE CRV-  
DELITA-  
TEM COR-  
RIGIT.

runt. Erat Regi filius Feletheus, & idem etiam Faua vel Faba dictus, qui Patris in Sanctum Virum æmulatus affectum, eundem velut propitiam regni sui tutelam omnibus officijs demerebatur, & graviores subinde in illius sinum curas exonerabat: sed cum hujus humanitate exadversum Gisæ conjugis immanitas certabat, quæ Furiarum in morem, identidem marito suo crudelitatis faces admovebat; &, ut erat insignitè Ario addita, non tantum oderat Catholicos pessimè, sed etiam suâ perfidiâ nolentes imbuebat, & jam rite Christiano more tinctos iterum lustrico fonti admovebat: omnium Romano imperio subjectorum libertati inhians, ijs carceres & ergastula implebat: Fuit, cum Severinus, quorundam, quos in servitutem abstraxerat, causam ageret, & vindicias secundum libertatem postularet; quod furiosæ illi adeò doluit, ut legatos cum contumelia dimissos dicere importuno vindici jussit, teneret se intra gurgustium suum, neque palatia Regum allatraret: Cælum ipsi patere, & fatigare Deum preculis posse; illic eum oratorem esse, non apud Reges,

Reges, debere; quo audito, Severinus, Bonum factum, inquit, ad maius me tribunum amandat, in quo bona causa semper triumphat; certè in foro, ubi Christus jus dicit, id saltem evincam, ut Regina sentiat, & se & regna omnia sub graviore regno esse: castæ preces nunquam, inermes sunt; etiam Deo vim faciunt; quò facilius erit, unius faminae, etiam furentis, & Reginae, animum ijs expugnare: Dictum, factum; Deus huic furori deijciendo mirabilem machinam admovit. Conduxerat Regina aurifices barbaros, eorumque fidei & auro suo timens, arctissimâ custodiâ clausos, faciundo opere ita atterebat, ut illos non modò carceris, sed & vitæ pigeret. Et ecce eodem illo die, quo Severino convitium Regina fecerat, Fridericus filius, tenerâ admodum ætate, in fabrorum officinam temerè irrepsit: Illi nacti tam nobilem suæ obsidem libertatis, consilium atrox, sed quod præsens necessitas suggererat iratis & perituris, expediunt; Ferrum nudum Reguli corculo admovent, illico altius illud demersuri, ut primum quisquâ sibi vim facere ausus esset; hac cæsa victi-



mâ, eodem gladio viam se ad libertatem  
quæsituros ; saltem funus suum lachry-  
mis non cariturum ; & crudelē Reginam  
certè gemitum daturam , si filij sangui-  
nem cum suo videret confusum. Excita  
ad miserabile spectaculum Regina , alios  
oculos , alium animum attulit ; cùm sta-  
ret sub cultro filius jam in mortem palli-  
dus , matrem inclamans , & neque in il-  
lius sinu quidem expiraturus ; sed ad ar-  
bitrium barbarorum , si illos vel superci-  
lio , vel verbulo offendisset , recepturus  
tàm propinquum pectori ferrum : tunc  
scilicet detumuit ferox fœmina , & agnâ  
mitior , Severinum inclamabat , cheu ni-  
mis acrem præsentemque sui contem-  
ptus ultorem ! pro vilissimis servorum  
capitibus , regium sanguinem piacularem  
ipsum exposcere , & suarum vi precum ,  
non tam in Filij , quàm Matris viscera fer-  
rum illud acuisse , suppliciumque repe-  
risse , quo miserrima parēs vivens videns-  
que periret : nunc scilicet charissimum  
pignus suum , decretorium illud momē-  
tum expectare ; nam simul ac Severinus  
voluisset , in suis oculis moriturum. Su-  
pererat ergo hoc vnum , vt illum omni  
obsc-

obsequio flecteret; nam absentem etiam  
 sua officia sensurum credebat, dilatu-  
 rumque ultimum jugulandi filij manda-  
 tum. Ergo captivos omnes antea nega-  
 tos jubet quàm ocysimè per expeditos  
 equites illi reduci: veniam & pacem sibi  
 & filio quàm demississimè exposci; tum  
 deniq; ad redimendum è fabrorum ma-  
 nibus filium conversa, ex illorum sen-  
 tentia sacramentum dixit, eorùmque  
 incolumitatem pacta, incolumem filium  
 recepit, & mox illum veluti redivivum,  
 Sospitatori suo Severino stitit, seque in  
 illius posthac potestate futuram promi-  
 sit. Dum circa Fabiana barbarorum fu-  
 roribus obviat, superiora etiam Norici  
 riparij oppida, illius opem implorabant;  
 ea enim erant tunc tempora, vt nihil à  
 barbaris tutum, defensumque satis esset.  
 Severinus occasione vsus, quocunque  
 pedem inferebat, vel veteris superstitio-  
 nis reliquias tollebat funditus, vel obso-  
 lescentis pietatis splendorem renovabat.  
 Sic in Cucullis castello, à nefario quodà  
 & opertaneo Sacro cives, hoc prodigio,  
 abstraxit: cereos singulis domibus im-  
 peravit; ij in sacra illari ædem, & ad pa-

CUCULLEN-  
 SES A SV-  
 PERSTITIO-  
 NE ABSTRA-  
 HIT.

rietem affixi sunt; illic inter vota precésque cerei eorum, qui infandis operati sacris non fuerāt, divinitus conceptā flammā spontē arserunt; tenebriones reliqui ad facem agniti, & luculento teste convicti, scelus suum eiurarunt. Locustæ ibidem in sata grassabantur, & metus erat, totius spem anni devoraturas: Severinus palam edixit, qui saluum agrum suum vellent, se sequerentur; rectaque ad Ædem sacram obsequens agmen duxit, illic dirum animal potenti prece expugnatum. Vnus omnino fuit, qui manu, quam ore, plus se profecturum speravit, & ruri molesto opere faciundo, defendendoque paupere regno suo, omnes vires occupavit; sed cum totius diei labore improbo, suum locustis prandium aliquā eripuisset, & velut re bene gestā, sub vesperum, fessus rediret, eadem ipsa nocte locustæ reversæ totum illius olus cænarunt; reliquis areolis malum dentem ne infixerūt quidem. In altero oppido Juba nomine, templi lampadem precibus accendit, quodque mirabilius est, extinctam mortuo animam reddidit. Quintanis deinde, quod in Vindelicia oppidum est Danu-

bio

LOCUSTAS  
ARCET.

IVBÆ ET  
QVINTA-  
NIS MIRA  
PATRAT.

bio adſitum, Danubius ipſe impetus ſuos  
 vagáſq; exundationes ad viri imperium  
 correxit : ſæpe jam vicino templo inju-  
 riam fecerat, & ſiquid ſolo inſtratum e-  
 rat, avehebat, operam incolarum & ſum-  
 ptum, juxtà deludens : Severinus, qui  
 decorem domus Dei diligeret, terram  
 injici tabulato, nováque induſtriâ paviri  
 juſſit; aquarum furori non aggerem, ſed  
 Crucis ſignum oppoſuit, vetuítq; hunc  
 ſacrum limitem tranſcendere; ex quo  
 tempore, inquit Eugippius, cùm ex mo-  
 re fluviuſ creviſſet in cumulos, ambiſſet-  
 que viciniam, quam ſolebat, ita ſpacijs  
 Eccleſiæ erat inferior, vt nunquam ſan-  
 cti patibuli ſignaculũ, quod impreſſerat  
 homo Dei, prorſus excederet. Eodem  
 in loco Silvini ſacerdotis, nuper fato ſuo  
 perfuncti, cadáver in æde ſacra depoſi-  
 tum, vltima juſta expectabat; Severi-  
 nus Chriſtiano pervigilio inter preces  
 ducto, feralem lectulum acceſſit, Silvi-  
 númq; familiariter invocans, quaſi dor-  
 mientem interpellaret, juſſit aſtantes a-  
 micos alloqui, quem mors jam æternũ  
 ſilire juſſerat. Silvinius tamen contra il-  
 lam fatalem legem paruit, oculos ape-  
 ruit,

ruit, & vocem cum animā recepit. Ibī  
 Severinus, vísne, inquit, frater redire,  
 ad tui amantes, & indigos? Nam si an-  
 nuis, rem apud Deum factam habemus;  
 per illum tibi licet vivere. Repudiavit  
 conditionem Silvīnus, &, parce, inquit  
 Severine; finij fabulam meam; nihil mi-  
 hi tanti est, vt redeam in theatrum, & re-  
 sumam personam, quam pari felicitate  
 egi, & deposui: noli me propter annos  
 dubios, & pauculos, ab itinere beatæ  
 Æternitatis, & complexu Dei retrahere:  
 non potest mihi, post Cæli gustum, terra  
 non desipere. Acquievit Severinus, &  
 felicissimo illi mortuo noluit Cælum, &  
 Deum invidere.

ANNVS CDL  
 XXV BEL-  
 LISET FA-  
 ME INEA-  
 MIS.

ODOACRIS  
 CVM SEVE-  
 RINO CON-  
 GRESSVS.

Annus deinde CDLXXV nova iterum  
 bella, & tristem bellorum appendicem,  
 famem orbi invexit; malum vtrumque  
 Rætias & Noricum non obiter perstrin-  
 xit. Romano imperio dirus iterum hostis  
 exortus, Odoacer cum Herulorum, Tur-  
 cilingorum, Scyrorum copijs in Italiam  
 penetravit, & Momyllo Augustulo ex  
 imperio deturbato, ipse nomine regio  
 Italiam tenuit. Hic ante susceptam expe-  
 ditionem, Severini famâ excitus, etiam  
 ipse

ipse ad salutandum talem Virum profectus est, nihil regium adhuc referens, neque sperare, aut spirare tam altum ausus; villosa illi & hirsuta vestis, & reliquus etiam, pro præsentì Fortunâ, tenuis cultus; simul tamen humili tugurio verticem inclinavit, agnovit Severinus, quò illum sua fata vocarent, & sub illis exuvijs Regem latere. Digredientem igitur, cum hoc vaticinio dimisit; Quod fortasse pellitus mihi credere abnuas, Italia tamen tibi deberur; & ex hac ipsa manu tua multi spes & fortunas suas olim repentent. Non pauca tamen fœdæ crudelitatis exempla in Norico Odoacer edidit, quorum illud longè acerbissimum, Juvavij, quod Salisburgum hodie est, Eugippius Jopiam nominat, patratû; quam illi vrbi calamitatem imminere Severinus multò antè præviderat, eamq; averfurus Moderatum cantorem eò cum mandatis miserat, vt salutem suam in tuto collocarent, & infelicem patriam relinquerent, nisi illius excidium augere, vellent morituri. Sed apud obstinatos animos, & in perniciem suam properantes, prædictio non invenit fidem. Severi-

nus animi mœrore faucius, etiam Quintasium quēdam ablegat, addit lacrymas, minas; protestatus, eam ipsam noctem illis vltimam, & perpetuam fore: errare tamen, & falli animo nimis cautum vatem eousque creditum est, donec hostis supra caput, & ferrum in jugulo fuit. Maximus presbyter, quem vnicē cladi eripere Severinus studuit, ab Herulis ex arbore suspensus est; in reliquum vulgus promiscuē sœvitum. Salisburgensis Ecclesiæ vetera monumenta testantur, cum Maximo quinquaginta quinque, eoque amplius Symmystas contrucidatos; quam annorum numero, quem nos sequimur, duo insuper illic adjiciuntur, qui error vetustati condonandus est: monstrantur hodiēque subterraneæ specus, è quibus ij extracti ad gladium & precipitia sunt; eò tamen felices, quòd Herulorum crudelitas Cælo illos inseruit, & vno vulnere fecit immortales; nam optima causa, cuius Heruli hostes erant, illos Martyribus exæquavit. Infaustis Odoacris auspicijs in pietatem sœvitum, tantumque sanguinis fusum vetus tabula Hypogæo præfixa, cui Martyrum exuviae

IVVAVII AB  
ODOACRE  
PLVRES  
MARTYRIO  
AFFECTI.

viæ illatæ sunt, affirmat. Iam fami, quæ  
 Rætias & Noricum nihilo mitiùs habuit,  
 quàm Burgundiones, quos Gregorius *Greg. Tur. l. 3*  
 Turon. hoc ipso anno dira ab intestino *c. 24*  
 hoc malo passos scripsit, Severinus, ve-  
 lut propitium aliquod Numen, mira ite-  
 rum pietate occurrit, veteri charitatis *SEVERINVS*  
 Christianę more passim invec̃to, vt egē- *FAMEM LE-*  
 tibus decimæ solverentur: eam ad rem, *VAT.*  
 quos hortari præsens non potuit, literis  
 extimulabat, quibus Deus ipse pondus  
 visus addere, cùm quorundam sordes,  
 aut ipsam etiam cunctationem præsentī  
 supplicio castigavit. ita Laureacensium  
 segetem Rubigo ambussit; Tiburnien-  
 sium verò symbolam, collatam illā qui-  
 dem, sed non repræsentatam in tempo-  
 re, Gothi diripuerunt. Sequenti anno  
 Odoacer rerum in Italia potitus, præsa-  
 gij memor, quod illi de Regno indipi-  
 scendo Severinus dederat, familiares  
 ad illum, literas scripsit, quibus ei po-  
 testatem fecit, quidvis à se impetrandi;  
 ille alienis commodis sua posthabens,  
 Ambrosium quendam exilio damnatum  
 reportari iussit. Eadem optio cùm à Re-  
 ge Gibuldo illi daretur, itidem liberatio-



GIBVLDVM  
REGEM  
ALEMAN.  
MANSVE-  
FACIT.

nem captivorum postulavit. Aleman-  
nis hic imperabat veterib. Rætiæ hosti-  
bus, jam verò etiam incolis; cùm ex Jor-  
nande constet, diu ante hæc tempora, in-  
Ræticiis alpibus, velut ductis colonijs, cõ-  
sedisse; hi ergo mutuum cum reliquis  
barbaris faciebant; nam, vt ij à Pannoniæ  
finibus Noricũ incursabant, sic illi à Ly-  
co Vindeliciam Noricũmque popula-  
bantur. Severino tamen etiam, inter  
hæc odia, sua apud hostes cõstitit aucto-  
ritas, ita vt hic, quem nominavimus, Gi-  
buldus Passavium usque, conveniēdi vi-  
ri desiderio, properaret: quanquam, ne  
illius adventus vrbi gravior accideret,  
Severinus eidem obviam profectus,  
ausus est & Regi & barbaro, & verum,  
rarò audienti, totam facundiæ suæ liber-  
tatē admoveere; gravissimis verbis, quod  
res locúsque suadebant, de Principis of-  
ficio, ejusdémq; moderato & justo im-  
perio disputavit: nam cæteroqui & Re-  
gem, & latronem gladio vti, & utrumq;  
potentiam manu quærere; sed à latrone  
tantũ vires in consilium adhiberi, &  
præter spoliolum spem, nullam requiri  
stringendi ferri causam: at Regem nun-  
quam

quam in innocentiam armari, neque occidere, nisi quem mori melius sit; triumphos ex vindicatis sceleribus petere, neque passim omnes homines hostes putare, ex quibus possit ditescere; denique, etiam purpuratos ad tribunal olim ituros, suamque causam acturos sine patrono; ubi in summa potentia minimum virium experturi sint, & maximū unicūque in Virtute præsidium. Quam in sententiam cū Severinus pluscula differuisset, Regi non loqui, sed tonare visus est; ut fassus palàm sit, inter strictos enses, & volantia tela, nunquam ad eò se animo corporèq; fuisse labefactatum; proinde nullo negotio à se impetrari passus est, ut captivi omnes, quos ex Romanis illis provincijs abegisset, salvi Severino redderentur. Sed ubi ab Alemanno otium fuit, novi à Svevis fluctus concitati, & in Noricum infusi, novas Severino curas facessivere. Ille velut Gubernator è specula præviderat ingruentem tempestatem: nam cū Bojoduri esset, quod à Batavis castris Oeno flumine dividitur, hodièq; Oeni civitas vocatur, Cives oppidi enixè laborabant, uti à Rugorum

SVEVORVM  
IN NORI-  
CVM IN-  
CURSIONES  
PRÆDICIT.

gorum Rege Fava, mercium mutandarum distrahendarumque jus sibi impetraret; quæ illorum postulata ipse gemitu excepit; neque enim id nunc agi, ut promercialium rerum officinas adolerent; cum brevi pro aris & focus sit pugnandum; & id etiam in lucro deputandum, si compilatis anima relinquatur. Itamen mitiora ominati, identidem, jus fori urgebant; & fuit etiam sacerdotum quispiam, sed ordine illo & nomine, ob vitæ probra, indignus, qui id sedulo agebat, ut quoquo modo Severinum Bojoduro exigeret, ut severo illo morum censore submoto, esuriales feriæ latioribus tandem Liberalibus mutarentur. Neque erubuit homo protriti pudoris id à Severino palam petere; cui rei indignitas amaras lachrymas & triste vaticinium expressit; brevi inter ipsa Sacra sanguinem fluxurum, quæ hitales, his moribus jam olim profanassent. neque id diutius dilatum est, quàm Severinus, secundo Danubio, ad Faviana se castra recepit; mox enim Chunnimundus Svevorum Rex Batava invasit, quo in tumultu profanus hic Sacerdos, in Æde sacra obtruncatus, vernilis dicti

dicti pœnas exoluit. Aliàs cùm Quintanenſes perpetuis Alemannorum incurſionibus obſaturati, fortunarum ſuarum domicilium Batavis ſibi legiſſent, ſed neque illic per Alemannos ipsis liceret, conqueſcere, Severino monente, cum ijsdem acie decertarunt; ex qua victores quidem diſceſſerunt, ſed triumphantes repreſſit Severinus, hac parvula felicitate, ingenti illorum infortunio præluſum eſſe teſtatus, adverſus quod, præter fugam, nulla præſidia futura ſint ſatis. Multi nihilominus ferociâ animi inflati ſequi Fortunâ maluerunt, quàm conſilium certiffimi vatis, & ecce, cùm pauculi abiſſent dies, Thuringi pertinaces illos, qui Batavis ſubſtiterant, vel libertate, vel morte multarunt: reliquis Lauriacum pro aſylo, ſed Lauriaci ipſius tutela Severinus fuit; quem pro ſalute publica vigilantem, inſidiarum quantumvis latentium fallere nihil potuit. internuncio Valente monacho aliquando uſus, meditataſ Barbarorum fraudes Conſtantio per ea tempora Lauriacenſi Epifcopo detexit. Imminebat ejusdem Urbis libertati Feletheus Rugorum Rex, tanto periculoſius,

THVRINGI  
CONTEM-  
PTORES S.  
SEVERINI  
IVGVLANT.

FELETHE-  
VM LAV-  
RACIO SVB-  
MOVET.

losius, quanto callidiùs infestum ani-  
mum amicitia larvâ velabat: miseros Ci-  
ves ab Alemannorum & Thuringorum  
injurijs ultum ire se, speciosa promissio-  
ne, ferebat, nihilo mitiora ijs ipsis, sub  
vindicis nomine, ausurus; vt non imme-  
ritò patronus ille omnibus displiceret.  
Civium ergo rogatu, ad Regem cum  
exercitu appropinquantem Severinus pro-  
fectus, blanda oratione sic ejus animum  
permulsi, vt pedem referret; ne tamen  
aliquando fidem mutaret, & ad turbu-  
lentum ingenium rediret, quod rarò to-  
tum exiit, cum penè in vltima vitæ  
linea staret Severinus, illum cum conju-  
ge Gisa ad se evocavit, ad postrema man-  
data, vel certè monita accipienda. Im-  
potentiam animi, & præcipites illius iras  
infringere optabat, & parsimoniam hu-  
mani sanguinis persuadere; nam impe-  
ria, dicebat, itidem ut Coelum, non à  
grandine, aut perpetua nube, aut formi-  
dabili fragore, sed à placida serenitate  
commendari; turpissimum esse principi,  
semper tonare, & fulmina sæpius quàm  
beneficentiæ radios spargere, seculumq;  
suum calamitatibus infamare. Quod si  
etiam

EVNDEM  
MANSVE-  
TUDINEM  
DOCET.

etiam famam & odia publica possint  
 contemnere, illud tamen ijs etiam atque  
 etiam cogitandum esse, non ita exleges  
 eos vivere, quasi nullæ tabulæ Regibus  
 scriptæ sint, vt ijs iura tantum ab animi  
 libidine petere liceat: staturos aliquan-  
 do etiam ipsos inter reorum turbam, sine  
 purpura; & nullâ coronati capitis reve-  
 rentiâ, rationem Imperij sui reddituros,  
 quomodo sceptro & gladio sint vsi; & de  
 qualibet humani sanguinis à se fusi stilla  
 responsuros. Cùm ad hunc modum in-  
 trepidè perorasset, manum Regis pe-  
 ctori admovit, & vultu ad Reginam con-  
 verso, Age Gisa, inquit, hoc vnum mihi  
 responde, amasne hoc pectus, & clau-  
 sam hoc pectore mariti tui animam, ex  
 animi tui sententia, etiam præ auro?  
 Cùmque illa sine cunctatione respondi-  
 set, neque auri montes sibi tanti esse; exce-  
 pit Severinus, Atqui tam charo pectori  
 insidias struis, dum mansuetudinem, vni-  
 cum animi bonum, quo proximè ad Deum  
 Reges accedunt, indè avellere laboras, &  
 arma in innocentes subministras, quibus  
 vide ne maritum & te jugules; semper  
 inermis clementia armatâ crudelitate  
 tutior

'tutior fuit : nemo diu vixit , qui potesta-  
 'te abusus est; et si gladios effugerit, votis  
 'bonorum configitur. Sic Regem, sic Re-  
 ginam, & quidem fronte illam attractio-  
 re dimisit. Regis etiam fratrem Frideri-  
 cum, vsq; ad rapinas avarum hominem,  
 commonefecit , se quidem pauperes ex  
 asse hæredes scribere; caveret suam illis  
 sportulam intervertere; si ex sua sibi ino-  
 pia lucellum aliquod quæreret, pro lu-  
 cro magnum malum inventurum, O-  
 mnia prolixè promisit Fridericus; sed si-  
 mul cum Severino, cujus sancta mors in  
 annum Christi C D L X X X I I incidit,  
 data fides, & ficta ad tempus modestia  
 expiravit; quidquid Deo, quidquid pau-  
 peribus consecratum fuit, impia manu  
 extulit; & , vt Eugippius loquitur, abra-  
 sis omnibus monasterij rebus, parietes  
 tantum, quos Danubio transferre non  
 potuit, dimisit. Sed non dormivit Iusti-  
 tiæ vindicis oculus; eodem ipso mense,  
 fur & sacrilegus Severino poenas dedit,  
 & à Friderico fratris sui filio interfectus,  
 prædam pariter amisit & vitam. Nihilo  
 lætiora Feletheo Regi, & conjugi Gisæ  
 evenere, quam neq; fortuna utraq; , neq;  
 ytrâque

MORS SE-  
 VERINI.

Baro. An. 482.

utraq; potētiō Severini lingua vnquam  
 potuere ad sanam mentem perducere,  
 Odoacer enim Italiæ Rex, de quo supra  
 egimus, bello Rugis illato victor, Fele-  
 theum ipsum triumphans ante currum,  
 egit, vnāque cum Gisa in Italiam depor-  
 tauit. Causas infelicitatis ex Severini va-  
 ricinio promptum est petere; eo enim ex  
 oculis sublato, oblitteratis etiam in ani-  
 mo fidelissimis monitis, Gisa uxorium  
 virum, admotis insanix suæ calcaribus, in  
 odium infestationemq; Romanorum in  
 Norico agentium impulerit, quorum in-  
 iuriæ cum ad Odoacrem pertinerent, vt  
 cuius regno, quocunque jure in Italia  
 occupato, etiam harum provinciarum,  
 annexa erat administratio, censuit scili-  
 cet ferocientes Rugos bello sibi compe-  
 scendos esse: cuius exitu manifestè co-  
 gnitum est, Felethei Regis felicitatem  
 aliena virtute nixam, & nonnullā ipsius  
 erga Severinum reuerentiā stetisse; post-  
 quam ea columna subducta est, pessima  
 conjunx, & non optimus maritus, Fele-  
 theus inquam & Gisa, repetitis moribus  
 pristinis, regnum labefactatum subruen-  
 dum Odoacri velut in manus dederunt.

*Cassiodor. in  
 Chron. Paul.  
 Diac. l. 2 c. 19.  
 de gest. Lange-  
 bard.  
 Eucipp.*

ODOACER  
 RUGOS DE-  
 BELLAT.



Fridericus filius & tunc, & cùm altero etiam bello peteretur, fugâ ad Theodoricum, qui Veronensis postea vulgò dictus est, de quo mox plura, elapsus est. Onulphus, quo Duce bellum id gestum est, jussu Odoacris fratris, Romanos, qui in ea Norici parte barbarorum perpetuis incursionibus vexabantur, in Italiam transtulit, id quod Severinus Deo plenus ante mortem suam clarè prædixerat futurum; eoque, ad verus Iosephi exemplum, corpus suum & reliquias mortalitatis ex eo loco legi transportarique voluit, vir nunquam satis laudatus, qui vivus non tantùm Norici Apostolus, sed patronus insuper, & tutela, & Princeps, & Pater Patriæ fuit, aliâque omnia nomina non implevit modò, sed & vicit, quæ vnquam populi optimè de se meritis, etiam adulando, tribuerunt. quæ mihi causa fuit, vt in rebus ab illo gestis percensendis essem longior; quamquam ea non privati hominis videri possunt, sed epitomen continēt tristium Annalium, qui ex Rætia, Vindelicia, & Norico ab anno CDLIV, vsq; ad ejusdē seculi octogesimum octavum poterant peti: tot enim

enim ab illius primo in Noricum ingressu, usq; ad sacri corporis emigrationem, effluxere. Fuit per ea tempora Noricum pluribus magna sanctitate viris felix, qui vel in Cœnobio Favianis à Severino extracto, vel in Bojodurano altero minore Asceterio, sub illius magisterio, rudimenta virtutis posuerant; vel certè morum, similitudine eidē conciliati, suos in Religionis stadio studioq; progressus huic potissimū hortatori debent. Inter hos Lucillum presbyterum Sancti nomine Eugippius cohonestat, cui Severinus diem obitus sui multo antè significavit; cuius etiam corpus idem Lucillus, sexto postquam terræ mandatum fuerat, anno, nullo tabis indicio deforme, sed ipsissimum virtutis odorem naribus afflans, adcoque sincerè integrum, vt ne pilus quidem defluxisse deprehensus sit, humo levavit, quod indè ad montem Feletem primū, paulò post, Gelasij Pont. Max. auctoritate, in castellum Lucullanum, deportatum, nobile Mausoleum accepit. Paulino idem Severinus familiariter vsus est, quem Tiburniæ, quæ Norici metropolis fuit, Episcopum fore præmonuit;

LVCILLVS  
S. SEVERI-  
NI CORPVS  
EXHVMAT.

MAXIMI-  
NVS VRSO  
DVCE ADS.  
SEVERI-  
NVM PER-  
VENIT.  
*Engipp.*

cundémque de impendente ab hostibus  
vastitate per Maximinum edocuit, ratio-  
némque declinandi mali per triduanum  
ieiunium, monstravit. Sed quòd Maxi-  
mino ipsi contigit, hîc referri dignum  
est: Collegerat ille ex pia Noricorum sti-  
pe syntheses bene multas, & vestem  
omnis generis, captivis & egentibus sub-  
sidium, quos Severini liberalitas fove-  
bat: deinde partitus onus in plures, rigi-  
da hieme, iter cum comitibus ingressus,  
ad Severinum properabat; sed nox illum,  
& densissima nix in iugo alpium depre-  
hendit, tenue suffugium arbore præben-  
te, cujus vel cavo trunco, vel patulis ra-  
mis nonnihil à Cæli injuria defenderen-  
tur: nix tamen locum omnem perenni  
ambitu circumscripsit, & ineluctabili  
carcere totum Maximini comitatum  
clausit, ut jam non de via modò, sed de  
vita quoq; omnibus esset desperandum;  
dumque novitatem fati sui, seque ipsos  
miserantur, vni eorû conspicua Severi-  
ni species obiecta est, hortantis, capeffe-  
rent cœptum iter, cum bono Deo; etiam  
ex hoc labyrintho eluctaturos: dum er-  
go moliuntur, & cum nive pugnant, vr-  
sus

sus ex hiberno prorepens latibulo, non  
 pro ingenio suo, sed Deo morigerus, dux  
 viæ factus & antecambulo, ducenta pas-  
 suum millia officiosè emensus, vbi co-  
 mites suos è nive & ipsis mortis faucibus  
 extricavit, cubile repetijt: neq; dubium  
 esse potest, Severini precibus ferum ani-  
 mal ad insoliti obsequij mansuetudinem  
 cicuratum esse; nam simul ac sub illius  
 aspectum venerè, salvere iussit felices  
 viatores, quibus bellua tam humanam  
 operam præstitisset. Constantius etiam,  
 cuius obiter suprâ mentionem feci, Lau-  
 reacensis Antistes, quem Eugippius San-  
 ctum, Ennodius verò Ticinensis eâ tem-  
 pestate Florentissimum appellat, inter  
 Severini familiares fuit: Antonius demû  
 ab Eugippio præteritus, sed ab Ennodio  
 peculiari panegyrico laudatus, ab eodem  
 etiam in oculis ob singularem innocen-  
 tiam ferebatur. Nata est gemma hæc Va-  
 leriæ, circa Danubij fluminis ripas, Se-  
 cundino patre, nobilissimis natalibus,  
 nisi quòd splendorem generis clarior de-  
 inde virtus inumbravit. Patrem octen-  
 nis amisit, felici jacturâ; nam diu pupillus  
 non fuit, mox in sancti Severini sinum

*Eugipp. c. 30.*

*Ennod. de vita*

*B. Anton.*

CONSTAN-

TIVS ET

ANTONIUS

SEVERINO

FAMILIA-

RES.

datus; qui dum eum mülceret, oculis (Ennodij verba sunt) futura in puero bona quasi transacta relegerat, magna omnia de illo vaticinans, hoc tantum orbi decus gratulabatur, & ex primæ ætatis flore gustum præcipiebat rari fructus, quæ tamen ad maturitatē suam perductū non nisi è cælo spectavit; prius enim è rebus humanis exemptus est, quàm Antonius maximæ spei satisfacere per annos posset. Tum demum Constantio Episcopo, quem modò nominavimus, Antonius excolendus traditus est, ut nō nisi inter felices castasque manus adolesceret nobilis arbor. Erat hic Antonij patruus, nihil tamē sanguini daturus; nam ad virtutem illum sine blanditijs duxit, non nihil etiam ipso Severino severior. Sed novæ paulò post turbæ res publicas privatasque miscuerunt. Nam Franci, Heruli, Saxones intolerabili immanitate in Pannoniam, vicinūque Noricum debacchabantur, quam cladem Severinus vaticinio suo præsignificarat. Atque ij quidem cū belluarum more promiscuè in cædes ferrētur, & humanis victimis Deos suos placarēt, tum acerbissimè in eos furebant,

BARBARI  
IN NORI-  
CVM IR-  
RUMPVNT.

rebant, quos religiosi titulus declarabat  
 officij, vt Ennodius loquitur, hos quasi  
 sereniores hostias immolabant, existi-  
 mantes, quòd piorum jugulis divinita-  
 ris cessaret indignatio, & fieret materia  
 gratiæ, locus offensæ. Inter quas tempo-  
 rum procellas Constantius Pontifex, ne  
 patriam ruentem aspiceret, vel quia rue-  
 re illo vivo non poterat, ad Cælum ab-  
 iit. Antonius verò in Italiæ partes per-  
 ductus est, illis ipsis, vti existimo, comi-  
 tibus, qui S. Severini corpus ex Norico  
 exportarunt. Sedem ille sibi in vallis Tel-  
 linæ altissimis montibus fixit, qui neque  
 vestigium hominis credebantur pati; in-  
 dè in Lirinensem Insulam, verè nutricem  
 sanctorum, digressus, vltimum illic vitæ  
 biennium posuit; dignus, qui Ennodium  
 laudum suarum præconē inveniret, non  
 modò inter eloquentissimos suæ ætatis  
 censum, sed, quod caput est, beatum et-  
 jam; vt post tam disertam & piam linguā,  
 nihil necesse sit, res illius à nobis fusiùs  
 explicari; quamquam ille ipse summa  
 tantum rerum capita secutum esse se, fa-  
 tetur, & veluti pauculas ex ingenti silva  
 frondes in coronam carpisse. Hæc rebus

S. Severini innexa, vel annexa, hoc loco conjungere visum: nunc ad annorum ordinem revertimur.

## VI.

THEODORI-  
CI IN ITA-  
LIAM IN-  
GRESSVS  
ET PVGNÆ.

ANNO igitur CDLXXXIX Theodoricus cum Gothorum exercitu, Zenonis Imperatoris auspicijs, Italiam ingressus, duobus prælijs Odoacrem vicit, quorum posterius non procul Verona gestum; in quartum deinceps annum cum Odoacri & Fortuna, vario eventu luctatus, aliquando etiam ex pugna fugiens, occurrētis matris verecundiâ retractus est, quærētis an armatus, & vir cō redire vellet, vnde infans & nudus prodijisset; ad cuius vocis infamiam, vltimis iris viribusquē collectis, Odoacri jam certam, victoriam, & æquale regni cum eo jus extorsit; quæ tamen infida societas fuit, proprio imperantium imperiorūque

*Procep. de Bel-  
la Goth. l. 1.*

genio, semper confortis impatientium. Theodoricus enim insidijs Odoacris deprehensus, sive, quia causa quærebatur, fictis, illum inter epulas, cum filio, & familiarium intimis, immixtis sicarijs, interemit. Hanc tragicam Odoacris potentia clausulam habuit; vsque ad decimum quartum annum inconvulsa, quod Seve-

rinus



rinus jam olim præviderat prædixeratq;  
 illis verbis, Odoacer integer erit inter  
 tredecim & quatuordecim annos: nam,  
 reliqui vsque ad decimum septimum, in-  
 ter ludibria Fortunæ & ancipitia bello-  
 rum, integri non fuerunt. Theodoricus  
 Gothorum regno in Italia constituto, et  
 jam annexas Italiæ provincias Noricum,  
 & Rætias sui juris fecit; & Rætijs quidem  
 Ducem ab eo datum, qui & rem milita-  
 rem administraret, & jus diceret, ex for-  
 mula Ducatus Rætiarum, quæ apud Cas-  
 siodorū est, intelligitur. Extat apud eun- *Cass. l. 1. ep. 12.*  
 dem Theodorici ad Servatum Rætiarum  
 Ducem epistola, quâ Maniario satisfieri  
 jubet, qui sua sibi mancipia à Breonibus  
 vi ablata querebatur. Porro Breones vel  
 Briones inter Lycum & Oenum annos  
 confedisse, à Vellero demonstratur. Jam *Vels. l. 8. rer.*  
 Noricum ad Theodorici imperium per- *Vindel.*  
 tinuisse, itidem ex Cassiodoro fit mani- *Cassiod. l. 3.*  
 festum, qui ad provinciales Norici, Re- *ep. 50.*  
 gis eiusdem literas recitat, quibus illis  
 bonum suorum Alemannicis permutan-  
 dorum copiam facit: Præsentibus, in-  
 quit, decrevimus institutis, vt Aleman-  
 norum boves, qui videntur preciosiores,



„ propter corporis granditatem , sed iti-  
 „ neris longinquitate defecti sunt , com-  
 „ mutari vobiscum liceat ; minores qui-  
 „ dem membris, sed idoneos ad labores, vt  
 „ & illorum profectio sanioribus animal-  
 „ bus adjuvetur , & vestri agri armentis in-  
 „ struantur. Itaque fit , vt illi acquirant vi-  
 „ ribus robustos , vos forma conspicuos,  
 „ & quod rarò solet emergere , in vna mer-  
 „ catione vtrique videamini desiderata.  
 „ compendia percepisse. Factam hanc per-  
 „ mutationem illo tempore existimamus,  
 „ quo Alemanni , anniversarij propè Vin-  
 „ deliciæ hostes , à Theodorico domiti,  
 „ stabiliendæ pacis causâ , quod ea aliter à  
 „ pugnaci Gente impetrari non posse vide-  
 „ batur, in Italiam traducti sunt, itinere per  
 „ Noricum instituto , circa annum DVI.  
 „ quo ferè tempore Symmachus Pontifex  
 „ Max. ad Theodorum Laureacensem An-  
 „ tistitem , literas dedit de jure & vsu Pallij,  
 „ quæ Ecclesiæ illius antiquitatem lucu-  
 „ lentè confirmant.

Atq; hæc ferè sunt , quæ in tanta lite-  
 „ rarum inopia, de provincia omni , ante-  
 „ quam Boii in eam immigrarunt, com-  
 „ perta nobis , per suos digesta annos, ad  
 „ sternen-

sternendam reliquæ historiæ viam, præmittenda duximus. Anno igitur à prima BOIORVM memoria Millesimo Centesimo Octavo, à Nato Deo Quingētesimo Octavo, Synnachi Papæ decimo, Anastasii Imp. decimo octavo, Theodorici Regis decimo sexto, BOII, cùm THEODONE duce ex Nariscis movissent, trajecto Danubio, in Vindeliciam pedem posuerunt, ejus Imperij prima fundamenta jacturi, quod ad posteros propagatum hodièque stat, eamque, quam humana sperare possunt, sibi pollicetur æternitatem. Sed factum ingens, & immortalitate dignum, Veterum tabularum luce destitutum, propè in tenebras ijt, nisi quæ memor. posteritas id à majoribus per manus traditum, seris literis, & famâ posthumâ condécōravit; nam præter annales vernas, & præcones domesticos tanto post natos, citare ex omni vetustate (fatendum est enim) testem non possumus: sed neque illud præstare velim, rem per se maximam, non à tumidis ingenijs, & quorundam vaniloquentia, incrementa accepisse, quibus honestius caruisset. Quod utinam Aventinus sibi per-

BOII THEO-  
DONE DUCE  
IN VINDE-  
LICIAM  
IMMI-  
GRANT.

AVENTINI  
DE BOIO-  
RVM IMMI-  
GRATIONE  
NARRATIO.

persuasisset; nã ille tot fabularum laci-  
nias historiæ nunquam assuisset, cum,  
aliorum fastidio dissuendas, quod hîc  
necessariò nobis faciendum est. Is enim,  
ut Bojorum in Vindeliciam ingressum,  
quàm gloriosissimum redderet, quid-  
quid, spectata temporum illorum ratio-  
ne, fingi non stultissimè potuit, id factum  
præfidenter sanè, sine teste, asseveravit.  
Nam cum sciret Theodoricum Gotho-  
rum & Clodoveum Francorum Reges,  
ea tēpestatē in armis fuisse, opportunum  
longæ fabulæ filum nactus, Theodonem  
inter Clodovei auxilia numerat, cujus  
forti opera cum Rex sæpe usus esset, ani-  
mum eidem iniecisse, eripiendæ Theo-  
dorico & Romanis, Vindeliciæ; Theo-  
donem facile oratione Regis persuasum,  
Francis adiutoribus, Avaribus etiam,  
Angilis, Charinis, in societatem belli per-  
tractis, brevi res maximas egisse; quid-  
quid cis & uls Danubium urbium fuit,  
imò verò etiam non fuit (quasdam enim  
Aventinus suo sumptu ex ingenio archi-  
tectatū) cepisse; Augustam Tiberij vlti-  
mum vi expugnasse, mutatoque nomi-  
ne, ab vxore Reginoburgum appellasse;  
qui-

quibus ex sententia gestis, in majorum  
 molitione rerum, Theodonem mors  
 oppresserit: cumque duos filios reliquis-  
 set, Theodonem, cui virtus cognomen-  
 tum Magni peperit, & Vtilonem; hunc  
 ad Francos militatum abiisse, & nova di-  
 gnitate Marchionis Antverpiensis, &  
 prole illic auctum, nobilissimæ familiæ,  
 quæ Carolum Magnum orbi dedit, caput  
 extitisse. Theodonem paternum in Vin-  
 delicia principatum excepisse, còque la-  
 tè in Noricum extenso, actis in magno  
 imperio viginti sex annis, regionem  
 omnem in tres divisam partes, tribus fi-  
 lijs, Theodoni tertio, Vtoni, & Theo-  
 dovaldo reliquisse. Verùm Arenpekius,  
 qui Aventino prior itidem Boicæ Gen-  
 tis historiam condidit, illud primum de  
 Francorum auxilijs omnino repudiat;  
 Theodoni cohortem mille non ampliùs  
 popularium adjungit, eâ comitatum in  
 provinciam introducit; quem cum Ro-  
 mani vectigalem sibi facere vellent,  
 ipsummet ultro ad Imperatorem (Theo-  
 dericum Regem intelligas necesse est) in  
 Italiam abiisse; à quo primùm dempta  
 cæsarie, & succisæ vestis ignominia no-  
 tatus;

ARENPEC-  
 KHII NAR-  
 RATIO.

tatus; deinde inter militaria auxilia co-  
optatus, ob navatam operam, aliquot  
annorum immunitatem impetraverit;  
quibus exactis, cum iterum tributum Le-  
gati vrgerent, ipséque ad Imperatorem  
revocaretur, apologum de Cervo, quem  
nos, superiore libro, aliorum annalium  
fide, retulimus, subiecisse; ob detrecta-  
tum Imperium, bellum exortum; Oetin-  
gæ primùm, vigesimo deinde supra quin-  
gentesimum anno, Beurnæ in alpibus,  
cum Justino Imperatore conflixisse,  
utroque victorem; exinde Boros famâ  
præclarâ fuisse, Langobardis Francisque  
fædere primùm, paullò pòst etiam affini-  
tatibus illigatos: Theodonem ipsum,  
cum triginta annos imperasset, fatis con-  
cessisse, Utone filio relicto, quem alij  
Otonem, vel Odonem, alij etiam Vti-  
lonem dicunt. Ita ipse Aventini Geryo-  
nem, id est Theodones tres, in vnum  
contrahit, parcior bellorum, & sangui-  
nis, & modestior omnino fabulator; cu-  
jus ego vestigia dum sequor diligentius,  
manifestè deprehendi, suam illum sce-  
nam ex Procopij spolijs adornasse, & hi-  
storiæ alienæ veritate ad hoc commentū

domi-

domesticum esse abusum. Narrat enim Procopius, Theodim quendā Gothum genere, exercitui à Theodorico præfectum, potentis fæminæ, quam conjugio sibi sociaverat, dote fretū, duo militum millia contxaxisse; cā quantulacunque manu viam ad Hispaniæ Regnum sibi aperuisse; quod et si Theodoricus iniquis auribus animisque acciperet, palàm moliri nihil ausum, desperatione successūs; occultè tamen illi plagam tetendisse, proceribus subornatis, qui Theodi suaderent, rectè cum atq; ordine facturum, si ad salutandum Theodoricum accessisset; at illum, cū detrectandi periculosi officij easdem causas haberet, quæ, vt est in fabulis, vulpem ab ægri leonis cubili absterruerunt, tuta præspeciosis habuisse, vnâque Regis vultum, & suum discrimen evitasse. Certè omnia me fallunt, aut Theodis hic Gothus Theodonem. BOIUM Arenbekij nobis peperit, ita utrobique penè omnia congeminarunt; nisi quòd Arenpekius catus homo, miliariam cohortem Theodoni ad occupandam Vindeliciam sufficere credidit; cū Theodi Gotho, ad universum Hispan-

*Procop. l. 2. bell. Gothici fol. 32.*

ITEM A-  
VENTINVS.

*Sen. de morte  
Claud. Caesaris  
Val. l. 4. c. 7.*

spaniæ Regnum subijciendum, bis mille  
milites justus exercitus sit visus. Iam A-  
ventini totam telam retexere, non est o-  
peræ: monuisse satis habeo, virum illum  
existimasse, ab Historico jurato, vt est in  
Ludo Senecæ, res non exigi; quod planè  
secus est; nam, vt in Pythagoræ schola id  
fortasse factum fuerit; hîc tamen illa Q.  
Scævola vox valere debet, protestantis,  
Ita sibi credi oportere, si & alij idem  
asseruissent; quoniam vnus testimo-  
nio aliquem credere, pessimi esset exem-  
pli; quod cùm in historia omni æquissi-  
mum sit, non debet nobis esse invidiæ, si  
eandem cautionem ad Aventinum affe-  
rimus; in re præsertim tam antiqua, &  
tot seculorum tenebris obruta; quando  
& quotidiani rumusculi, sine teste ocu-  
lato, vel aurito certè, fidem neq; apud  
aniculas reperiunt. Igitur quamquam  
facilius est, quæ facta non sunt, ad fabu-  
las reijcere, quàm quæ facta sunt, statue-  
re, iuvabit tamen hanc nimis venalem  
credulitatem corrigere, quæq; incerta  
sunt, modestiore iudicij formula notare,  
NON LIQVERE. Primùm igitur, THEO-  
DONEM circa annum Quingentesimum  
octa-



Octavum in Vindeliciam venisse, tuto creditur, quod domestici annales omnes, qui cæteroqui in profectionis hujus consilijs aggressionis, progressionibusq; mirè discrepant, hac tamen in re & anno assig- gnando, sine formidine conspirant: Id vnum abolere vetustas non potuit, stetitque hic veluti sacer terminus tot sæculis immotus, ut illum etiam nobis convellere, religio sit. Reliqua interci- disse, id ipsum argumento est, quod, qui restituere ea aggressi sunt, cum præter o- pinationes suas certum ducem non ha- berent, in tam diversa abiere; quod in- duobus illis, quorum sententias posui- mus, videre fuit. THEODONIS nomen, ut hoc obiter dicam, antiquis Celtis, è quibus Boii sunt, Heroa significat; & ve- ro simile est, primum Gallicæ gentis con- ditorem eo nomine usum, cum Galli apud Cæsarem se Dite prognatos prædi- cent, qui idem est fortasse cum Germa- norum Deo Teutone, à quo ipsi appel- lationem traxere; quæ ipsa vox neque Græcis incognita fuit, cum Mercurium Plato Theut vocatum testetur, quem Germanis eximie cultum Tacitus prodi-

THEODONIS  
NOMEN-  
CLATIO.

*Int. Helden-  
buch. Dicit,  
pro viro forti.  
Cæs. l. 6. bell.  
Gall.*

*Plato in Phæ-  
drog. Philebo.  
Tac. l. de mor.  
Germ.*



dit. De Theodonis profapia, si fabulas recentiores repudiamus, id certius puto, quod ex Dagoberti Regis verbis, in Jure Boico, quod ille correxit, digessitque, satis manifestè eruitur, fuisse Agilolfingvm genere, quæ apud Boios familia princeps, Principumque mater, semper fuit. Ita enim clarè Rex Dagobertus in Legibus Boicis scripsit; Agilolfingi verò vsque ad Ducem in quadruplum componuntur, quia summi Principes sunt inter vos. Dux verò, qui præest in populo, ille semper de genere Agilolfingorū fuit, & debet esse, quia sic Reges antecessores nostri concesserunt eis: qui de genere illorum fidelis erat & prudens, ipsum constituebant Ducē, ad regendum populum illum. De Theodonis pugnis perpetuisque triumphis, deque ipsa adeò Vindelicia & Norico, in Boiorvm potestatem, vivo Theodorico Re-

THEODOSI-ge, armatâ manu adaçtis; quia horum om-  
NE ARMIS nium Aventinus tantum conscius est,  
IN VINDE- ampliandum censeo: Quid, quod argu-  
LICIA SE- mentis docere pluribus possum, illa om-  
DES COLLO- nia ad pompam inflata, & ex vano hausta  
CAT. esse. Nam de Norico quidem Procopius

locu-

Iocuples auctor est, Gothorum id Regibus paruisse, vsque ad bellum, quod Gothis, Justiniani Imperatoris auspicijs, per Belisarium & Narsen, nono ab ipsius Theodorici morte anno, illatū est; quod si Procopius Norici nomine Vindeliciā etiam complexus est, quod securi illum Scriptores passim fecerunt, multò jam tota Aventini fabula est confossior. Jam in Panegyrico, quem Theodorico Regi Ennodius dixit, alia omnia legas, quàm quæ patrocinari huic commēto possint; nam præter incredibilem animi magnitudinem, perpetuam etiam Regis illius, in bellis omnibus, felicitatem eousque deprædicat, vt nihil eum dubitet supra Alexandrum evehere, qui vnus hominum, quidquid aggrederetur, Fortunam in consilio habuisse creditus est. Hæc enim Ennodij magnifica certè, & confidens vox fuit. Eat nunc, & cothurnatis relationibus Alexandrum jactet antiquitas, cui famæ opulentiam peperit dos loquentium, vt per adjutricem facundiam videatur crescere rebus mendica laudatio; Regis nostri (Theodorici) merita solatium non postulant adferentis; mi-

„ nora sunt eius veris actibus, quamvis au-  
 „ cta sint veterum gesta mendacijs. Simu-  
 „ lastis Poëtæ grandia, sed fateri vos con-  
 „ venit, præsentem dominum gessisse po-  
 „ tiora. Quæ sicui tumidiora fortasse vi-  
 „ deantur, & ex ore Rhetoris, non Histori-  
 „ ci deprompta, dura tamen fronte Vir-  
 „ sanctus, aut nulla potius fuit, si extortâ è  
 „ manibus Vindeliciâ, & Norico, in quod,  
 „ ex ipsa propè regia, Theodorico prospe-  
 „ ctus patebat, Boiorum armis incesso,  
 „ ipse interim dicere ausus est, Si bella Re-  
 „ gis mei numerem, tot invenio, quot  
 „ triumphos; congressui tuo nullus ho-  
 „ stium, nisi qui laudibus adderetur, occur-  
 „ rit; militavit trophæis, qui restitit volun-  
 „ tati; nam semper aut pietati tuæ peperit  
 „ subiectus gloriam, aut qui præsumpsit,  
 „ tela virtuti. qui te in acie conspexit, su-  
 „ peratus est; qui in pace, nihil timuit. Quæ  
 „ quàm verè ab Ennodio dicta sint, omnis  
 „ illius temporis historia loquitur: sed, ut à  
 „ longinquis victorijs argumentum non  
 „ accersamus, negamus tamen credi pos-  
 „ se, Boios ita passim grassantes, non ea-  
 „ dem cum Alemannis Fortuna involven-  
 „ dos fuisse, quos à Boiis solo Lyco flu-  
 „ mine

mine divisos, Theodoricus in primis conatibus, vt Cassiodorus loquitur, adeo oppressit, vt simul adventum eorum iunxerit, & exitum; quo ei nomine etiam, titulum Alemanici deberi, Ennodius dixit. Nullum proinde in omni antiquitate vestigium est, quod Aventinum iuuet; at enim ille turpe, & miserum existimavit, si THEODO Vindeliciam non triumphans ingrederetur; quæ illi causa fuit, has tot laureas comportandi; nimirum cum Theodoricus id iam prohibere, post tot secula, non posset. Enimvero quando conjecturis in re incerta omnino aliquid indulgendum est, illud potius dicamus, Theodorico volente, Boios in Vindelicia sedem posuisse; aliter enim neque potuisse quidem, hucusque disputata convincunt. Sanè qui superioris seculi imaginem, qualis à nobis adumbrata est, comprehensam animo gerit, multa, etiam non indicante me, argumenta colliget, cur Theodoricum ipsum Boieæ coloniam deducendæ autorem facere nihil timeamus, vel fautorem certè. Deformatam anniversarijs cladibus Vindeliciam, & perpetuis incurSIONIBUS fatiga-

L. 12. var. ep.  
vlt.

Ennod. in Pa-  
neg.

100. 1000

tam; veterum incolarum magnam partem, quotidianis obſaturatam æumnis, mutato ſolo, Odoacris imperio, tranſlatam in Italiam annotavimus; vt exhaustam penè vacuamq; poſſeſſoribus provinciam, novis coloniſ tradere neceſſarium fuerit, ne planè in ſolitudinem ſilveſceret. Boi oſ loci vicinitas, ſi aliæ cauſæ deeſſent, invitare debuit, vt Danubio duntaxat tranſito, ſedes ambirent in felicioſiore agro, quàm adhuc in Germania magna coluiſſent; idipſum vt facere malent gratijs, quàm nihil fortæſſe profutura vi, exemplis penè domeſticis docebantur; recentès erant Alemannorum clades, qui Theodorici vires magno malo ſuo experti, libertate, ſub hæc ipſa tempora, & patriâ multati fuerant, vt paulò antè diximus. Erat in oculis Gothorum, factum, quibus nequaquam alienū à dignitate ſua viſum, ſedes à Romanis Imperatoribus flagitare: Ita enim

manis

*De Reb. Goth.*

Jornandes ſcripſit, maluiſſe eos à Romano Regno terras petere, quàm, cum diſcrimine ſuo, invadere alienas; votoque ſuo potitos, precarium in Pannonia imperium accepiſſe; vnde nuper, iſſdem Ro-

manis annuentibus, progressi, nobilissimum Italiae Regnum occupaverant; à quibus ipsis Gothis cum deducendæ coloniae jus petendum esset, in vacuum penè desertumque agrum, tanto minor erat repulsæ metus, quanto honestior impetrabiliórque oratio Boiis suppetebat, id duntaxat postulaturis, ut qua felicitate nuper Gothi à Romanis habitandas sedes impetrassent, eadem facilitate nunc ipsi rerum domini, idem à se impetrari paterentur. Atque hæc mihi Boiorum in Vindeliciam deportandorum aptissima visa est ratio, modestior sine dubio, quam Aventinus vellet, & minus habitura plausus in vulgus, quod non nisi ad lituos & creperas bellorum narrationes aures erigit: at mihi constans vetustatis silentium pro argumento est, Boiorum immigrationem nihil admodum tumultus habuisse: crescente cum armis imperio, bellorum abunde fuit, quibus Boiorum gloriæ, per quinque secula sepultæ, deterfa rubigo est; interim tamen germanum Gentis nomen penè amissum est; nam qui illud post hæc tempora primi usurparunt, Jornandes, Fortunatus, Paul-

lus Diaconus, Eginhardus, hisque ævæ  
 supparēs aut posteriōres, à Romana in-  
 flexione degenerantes, Germanicā pro-  
 nunciationem secuti, BOIARIOS appel-  
 larunt; ex qua deinde Bavarorum no-  
 menclatio procusa est, quam Aventinus  
 barbaram obscenā inauspicatāque,  
 ineptā censurā pronuntiavit. Nata ta-  
 men hinc BOICA gloriæ amulis oppor-  
 tuna cavillandi occasio, ut ex BOIIS &  
 Avaribus, nescio quos hybridas nobis  
 conflarent; aut dum quidvis potius Ba-  
 varos esse, quàm BOIOS malunt, Buro-  
 rum Germanicæ Gentis Tacito nomina-  
 tæ posteros eos faciunt; quod delirium  
 malevolentiae plus, an inscitiae habeat,  
 haud facile dixerim: illi ipsi, qui hoc no-  
 bis conatus est approbare somnium, ad  
 concinnandam producendamq; incre-  
 dibilem fabulam, larva defuisset, nisi in  
 Aventino, qui id solus sine teste scripsit,  
 reperisset, Buros BOICA Gentis popu-  
 lum tribumve fuisse, eadem vanitate, quā  
 Schiracios, Hirros, Schiros, Tranos, Sa-  
 lios, Salingos, Siroos, Stiracios & Halios  
 BOIIS accessit; & THEODONI, ne inco-  
 mitatus in Vindeliciam ingrederetur,

umbras

BAVARI.  
 GERMANA  
 BOIORVM  
 SOBOLES.

Richar. Strei-  
 um in MS.

BURIA BOIIS  
 ALIENI.



Vmbras addidit; ex quibus Stiri & Stiracium quidem nulli prorsus fuerunt, uti etiam fortasse Trani; reliqui Germaniæ magnæ populi, plerique sedibus longissimè inter se, & à Boiis distiti, ab Aventino, eâ tantum gratia, contracti sunt, ut familijs illustrioribus, quæ in Boica postinclaruerunt, fucum faceret, si cognatum illis nomen, & tam veteres avos, à mille & amplius annis ostentaret; quod in Schyrësi familia principe perspicuum est; quam ne ab Arnulpho, aut Schyra arce, quæ illius opus fuit, deducere cogere-tur, necessario Scyros in BOIORVM nomen Gentemque putavit adoptandos; cuius me hominis temeritatisq; pridem piget, pudetque, qui & suo ævo tam proterve illuserit, secumque morituras literas existimarit, ne ex Tacito, Plinio, Iordanæ, aliisque Scriptoribus, quorum testimonijs obruendum se viderat, coargui impudentiæ posset: Nihilominus tamen Ludioni illi, qui Buros in scenam misit, hic præsaltor placuit, ut vernaculo scommati Boios objiceret, quasi furtim sub glorioso nomine delituisse, post-hac non Boi, sed Buri, id est Rustici, &



aratores audituri; etsi invidiam commē-  
 ti sui magnis agriculturæ laudibus pallia-  
 vit: quo ei nomine, ne operam omnem  
 iusserit, Rhetorum pueri gratias agent;  
 nam cordatis viris, etiam ijs, qui Boiis  
 obnoxij non sunt, ridiculum se fecit;  
 cum cæteroqui, nisi argutationem inep-  
 tam nimis amasset, quâ diligentia in ve-  
 teribus monumentis evolvendis fuit, fu-  
 gere illum non posset, Ionam Scotum,  
 qui centum non amplius annis, post Bo-  
 iorum in Vindeliciam immigrationē,  
 vixit, cum res à D. Eustasio Abbate Lu-  
 xoviēsi gestas persequeretur, disertè scri-  
 psisse, eos, qui nunc Bojarij dicuntur,  
 olim Boios audivisse; ut vel vno hoc in-  
 dicio constet, verus Bojorū primævūq;  
 nomen, Græcis Latinisque vsitatum,  
 ignotum non fuisse, sed, quemadmodum  
 dixi, Germanicæ notioni cessisse; quod  
 in alijs innumeris factitatum, nemo tam  
 rudis est, qui nesciat; quamquam, ne  
 quid dissimulem, hoc ipsum tam illustre  
 testimonium temporum iniquitas vitia-  
 vit, ut in Bedæ editione videre est; sed  
 Surius melioribus vsus libris, cum fide  
 integrum reddidit. Boi ergo, ut, quod  
 istis

istis dolet, pertexamus, Theodorico Gotho auspice, THEODONE Boio duce, Sexto post Christum Natum fluente seculo, in Vindeliciam primum, deinde, velut prolatis pomerijs, in Noricum coloniam deduxere; progressique à non maximis initijs, majorum suorum studia æmulati, quæ prima sunt mortalium votorum, adepti, Romani Germanicique Imperij pars magna postea habiti, subinde etiam in summo rerum collocati fastigio, jura orbi dederunt; ut suis locis explicabimus. Et primis quidem annis, sub Gothorum clientela, eorumque amicitiam & obsequium professos, satis certum habeo non planè suo jure vixisse, sed legibus à Gotho acceptis, illis ipsis, quas Edicti nomine Theodoricus Rex scripsit, & per subditas sibi provincias publicavit: quamquam brevi subsequuta tempora sunt, quæ Boios à jurisdictione Gothica exemptos ijs legibus subjecere, quas Theodoricus nō Gothus, sed Francus tulit: Id qua occasione factum sit, altiùs paulò est repetendum. Anno post Christum N. CDXCIX Clodovæus, ejus, quem posterius nominavi, Theodorici pater,

BOII PRIM-  
MVM GOTH.  
LEGIBVS  
OBNOXII,  
DEINDE  
FRANCICIS

QVERATIO  
BOIOS  
FRANCIS  
ADIVN-  
XER-  
BIT,

pater, Alemannos bello aggressus, Christianæ Legis profitendæ voto suscepto, non modo victoriam, sed opima etiam spolia, Alemannorum Rege cæso, reportavit; tantumque Genti universæ pavorem iniecit, ut etiam illi, qui in Theodorigi Gothorum Regis sinum tutelamque confugerant, non nisi eo deprecatore, collapsæ fortunæ reliquias, & miseram animam conservaturos se confiderent; quocirca cum is Clodovæo per litteras victoriam esset gratulatus, illorum etiam patrocinium suscepit, & victis vitam impunitatemque impetravit. His Alemannorum calamitatibus, solita vanitate, Aventinus BOIORVM fortunam, admiscet, eodemque prælio cæsos unâ cū Rege suo scribit, quem Adalogerionem nominat, sine teste; nam ejus rei nihil in Francorum annalibus bene multis & diligenter scriptis, neque ille, neque nos invenimus; Illud tantum recens auctor Paulus Æmilius, in Childeberto Clodovæi filio scripsit, Francorum Imperium ad Bavarorum usque fines, eo Rege, pertinuisse; sed id quo casu eousque propagatum sit, cum literis nullis traditum videret, indi-

Quam

Etum reliquit: quod si quis conjecturæ  
locus est, propior quidem opinanti sum,  
Boios, victricium Franciæ armorum ad-  
miracione, vel eorundem, cum jam pro-  
ximus arderet paries, prudenti metu, post  
Theodorici Gothi mortem, rebus suis,  
voluntaria deditione, consultum ivisse;  
cumq; in Theodorici successoribus ni-  
hil spei esset, maluisse orientem Fortunę  
Franciæ solem, quàm Gothicum jam in  
occasum vergentem adorare; cum præ-  
sertim haudquaquam conquiæturî Fran-  
ci viderentur, quamdiu supereffet, quod  
vincerent, facile inventâ causâ, quæ bel-  
lum amantibus semper obvia; id quod  
illi ipsi Alemanni novis deinceps cladi-  
bus experti sunt, quos Theodoricus im-  
belli literarum supplicum, & qualiscun-  
que famæ præsidio, quoad vixit, texerat;  
mox enim eo sublato, Theodebertus  
Theoderici Franci filius, quod & auda-  
cissimus (Agathie verba sunt) & turbu-  
lentissimus erat, ac præter modum cupi-  
dus, discrimen omne adibat, illos à Go-  
this penitus desertos bello domuit, vi-  
ctisq; ultimæ subjectionis confessionem  
expressit; cujus fati necessitatem inevi-  
tabi-

Agath. l. II

tabilem antevertisse Boios credibile est, atque integris rebus suis, quò meliore apud Francos conditione essent, fidem illorum experiri, quàm arma maluisse; nec Jura Legésque detrectasse, cùm certum haberent, molliora omnia esse, quæ amicus, quàm quæ victor cruento jam gladio scriberet. Tum demum Theodoricus Francus, cùm Catalaunis esset, viros ætate graves, multo rerum usu, Jurisq; peritiâ inclitos cōvocavit, qui Francis, Boiis, Alemannisque Leges, receptis singularum Gentium moribus attemperatas conderent; illudque cavit, inprimis; vt Æterna Divinaque Lex, & Christiana disciplina publici privatique Juris fons, & vnica norma esset, ad quam minima maxima exigenterentur; quidquid ab ea latum vnguem discederet, nefas haberetur; cā regulā avitarum consuetudinū barbaries fædique ritus ad humanitatem modestiāque reducerentur: viri illi, collato studio, quantum humanis ingenijs provideri poterat, munere suo gnave functi, tabulas confecerunt, summisque & infimis æquatum Jus in ijs descripserunt; eas Theodoricus Rex proba-

*Ex prolog. Legum à Dagob. R. publicatarum.*

THEODORICVS BOIIS  
LEGES  
CONDIT.

probatas, BOIIS, quod bonum, felix,  
faustumque ipsis, eorumque liberis esset,  
vtendas servandasque publicavit; visus-  
que est ea re facem Justiniano Imperato-  
ri prælucere, qui paucis annis post, Jus  
Romanum informe antehac, disiectum-  
que, & sua mole laboras collegit, immor-  
tali munere de toto terrarum Orbe opti-  
mè meritus, velut ipsâ Justitia revocatâ.

Sed Legislator BOIORVM Theodoricus,  
anno Christi DXXXI vitæ finem fecit,  
biennio antequàm Digestorum, Insti-  
tutionumque libros Imperator vulga-  
ret. Theodoricum, post Septennium,

Fatorum lege, THEODO BOIORVM Prin-  
ceps ( Arenpekium sequimur ) secutus

est, filio VTILONE post se relicto; Fra-  
trem illi nostratium nonnulli Theodo-  
nem faciunt, qui militatum in Italiam,

abierit, nullo antiquitatis testimonio;  
cui insuper, vt pulchrior prodiret, furti-

um Vacari cognomentum assuerunt,  
quod Germanis alacrem & intrepidum

sonat. Nam cum apud Agathiam eo no-  
mine Burnum, aut Varnum quempiam

insignem bello virum, ejusdemq; filium  
Theodibaldum, magna apud Narsen,

THEODO-  
NIS MORS.

VTILO BOI-  
CE PRIN-  
CEPS.

FICTITII  
BOIORVM  
HEROES EX-  
POS.

Agath. Lr.  
fol. 405.

Justi-

Justiniani Ducem existimatione legis-  
sent; quod & Burni nomen à BOIORVM  
etymo non longissimè abiret, & Theo-  
dibaldus eodem jure in Theodonum fa-  
miliam adoptari posse videretur, ut ho-  
nestum suis fabulis auctarium adijcerent,  
hos sibi Heroës, ut genuinos, supposue-  
runt; inter quos intemperantissimus ubi-  
que Aventinus, quid dicat, quidque au-  
deat, pensi adeò nihil habet, ita coacer-  
vandis toto orbe triumphis largus est, uti  
me literarum pridem misertum sit, quæ  
illi ad hæc figmenta, quibus majestatem  
Historiæ traduxit, subservire. Mihi cer-  
tum est, Theodonem, sive Vacarum A-  
gathiæ, uti & Theodibaldum, ad Boios  
non pertinere; cum ex Germania Taciti,  
aliisque bonæ notæ Scriptoribus con-  
stet, peculiarem inter Germanos Gen-  
tem fuisse, Varnos, vel Varinos dictam,  
ad quos hæc duo decora, sine invidia, re-  
mittimus, proprijs & indubitatis divites.  
Alium quempiam Theodonem, vel Vti-  
loni fratrem, fuisse, vel duos ordine  
Theodones sibi in Bojorum Principatu  
successisse, ex eo sane probabile sit, quod  
quem paulò post eodem nomine produ-  
cunt



&uri sumus, à plerisque domesticis Scri-  
 ptoribus Tertius appellatur; at enim ve-  
 rustioribus tabulis, quibus inniti tutò li-  
 ceat, etiam hîc destituimur, in quibus ne-  
 que Vtilonis quidem ullum vestigium  
 relictum est; qui, si Scriptoribus dome- VTILONIS  
 sticis credimus, DLXV anno naturæ con- MORS.  
 cessit; quo ipso, Justiniani Imperatoris &  
 Clotarij Francorum Régis ducta sunt fu-  
 nera; cùm decennio antè, Gothorum in  
 Italia Imperium felicibus Narsētis Eunu-  
 chi armis esset extinctum; qui tamen, si  
 vera sunt, quæ Paulus Diaconus de illo  
 prodidit, partam eâ re gloriam brevi in-  
 genti scelere corruptit, dispari vtrumque  
 nomen facto, servatæ everisæque Italiæ  
 promeritus. Ita enim ille scripsit, & tur-  
 ba Historicorum posterior consentiens,  
 vt certum, arripuit, propagavitque,  
 Narsetem, maximis rebus gestis, gloriæ  
 plurimum, & vt fieri amat, non minus  
 invidiæ sibi peperisse; auri tantum colle-  
 gerat, quantum privato, si se Fortunâ suâ  
 potiusquàm animo metiretur, neq; con-  
 cupiscendum quidem fuit; & quia diffi-  
 cile est, ad magnas opes sine multorum  
 gemitu pervenire, Romanorû primûm



odio, Augustorum deinde suspicionibus & invidiâ conflagravit, ut illi Justinus successorem daret; Sophia verò Augusta insignem insuper contumeliam revocationi adjiceret, dictitans, sibi semiviro in gynæceo opus esse; illic ad colum, inter nentes, jura daturum, & pensa in quas illos divisurum. Narses supra quàm dici potest, excanduit, sibi naturæ aut fortunæ injuriam cum probro objectari; & quia ad lanificium poscebatur, Exordiar sanè telam, inquit, quam nulla Penelope, nec quidquid usquam est muliebrium Sophiarum, retexat; ea vna re parum se virum esse professus, cum muliebri convitium tam impotentè ferret, & totius ruinâ Italiæ censeret obruendum.

## VII.

NARSES  
LANGOBARDOS IN  
ITALIAM  
EVOCAT.

*Paul. Diacon.*

*l. 1. c. 14.*

*Patercul. l. 2.*

IGITUR Langobardos, ab intactæ ferro barbæ longitudine, ut Paulus Diaconus loquitur, ita appellatos, immanem Gentem, quàmque jam olim Velleius Germana feritate ferociorem vocavit, ex Pannonia, ubi per annos duos & quadraginta confederant, evocavit, facile recursuros ad prægustatas Italiæ delicias, cum non pridem ad debellandos Gothos eidem Narseti militarem operam

ram navassent. Verùm utcunque Narsetis sese res habuerint, quem à prodi-  
 Italię scelere optimus patronus Baronius *to. 7. Annal. A. Chr. 568.*  
 purgare contendit; Langobardi certè  
 Alboino duce, A. DLXVI II Italiam sunt  
 ingressi, quorum advētum, tristibus por-  
 tentis moniti, quibus mens læva non  
 fuit, præsensere, facili conjecturâ, quò se  
 effusura calamitas esset, cùm prodigia  
 illa, & prænunciæ clades finibus Italiæ  
 circumscriptæ vicinam BOIARIAM, te- *L. 2. c. 4.*  
 ste Diacono, ne contingerent quidem.  
 Verùm Langobardi, in eius expeditionis  
 societatem, populos plures, inque ijs No-  
 ricos, Boios nimirum, pertraxere: qui- *BOII LAN-*  
 bus deindè, constituto in Italia Imperio, *GOBARDOS*  
 vicos habitandos Alboinus assignavit, *IN ITALI-*  
 quos ab incolarũ nomine, suo etiamnum *AM SECVTI.*  
 ævo, indigetatos Paulus affirmat; qua co- *L. 2. c. 26.*  
 mitate adèò omnem sibi BOIORVM Gen-  
 tem obligavit, ut patrijs deinceps carmi-  
 nibus, quæ vicem literarum, in illa seculi  
 ruditate, erant, Alboinus Heroibus ac-  
 census, non tantùm à forti, sed etiam li-  
 berali manu laudaretur: Illud tamen  
 Boiis perincommodè accidit, quò di- *Paul. de Gest. Lang. L. 2. c. 7.*  
 gredientibus è Pannonia Langobardis

pessimo deinceps vicino pressi sunt: hi enim Hunnis, qui alio nomine Avares dicti sunt, fœderatæ Genti, suis in Pannonia sedibus precariò cessere; id modò pacti, si quis olim casus Langobardos eodem retulisset, vacuum sibi bonâ fide provinciam traderent: Hunnorum igitur deinceps ad Anâssum vsque porrectum Imperium fuit; hoc solo flumine ab ijs Boii dividebantur, tenui adversus ferocissimam Gentem præsidio; eoque omnis in armis spes, quæ in nullum hostem frequentiùs mota, eaque, alternante Fortunâ, mutuis cladibus nobilitata. Per hæc tempora Theodopertû, Theodonis, quem paulò antè nominavimus, filium, & Theffalonum, seu Thassilonem Theodibaldo natum, Boiis æquali potestate imperasse, Aventinus ex ingenio confinxit, nullis neque tabulis, neque testibus commento suffragantibus: causam tamen paulò post in mediû producam, quæ illum ad hanc ariolandi necessitatem impulit. Theodoperti filium idem GARIBALDUM facit, eadem divinandi confidentiâ: etsi enim Garibaldi celebre apud Scriptores complures

HUNNI BO-  
 IORVM MA-  
 LI VICINI.

GARIBAL-  
 DVS DVX  
 BOIORVM.

res nomen est, patrem tamen illius nemo prodidit; quinimo nostratium quidam de coita loquuntur, ut M. Velserus *Vels. Boic. l. 9.* illum neque Boici quidem sanguinis existimarit, conjecturis, quæ id suadeant fortasse; mihi certè nihil persuaferunt: nam quòd Garibaldum hunc eundem, cum illo censet, quem Gregorius Turo- *Greg. l. 4. c. 9.* nensis Garivaldum, Paulus Garipaldum appellat, cui Clotharius Vuldotrada, seu Valderada conjugè cesserit, quòd illud matrimonium sacri Antistites, ut nefarium improbassent, incertum est; & ut hoc maximè Velsero daremus, nihil prohibet, illum ipsum Gente & domo Boivm, sanguine Agilolfingum fuisse; quando in Dagoberti Legibus disertè scriptum est, quod suprà ad indagandum Theodonis genus positum, valere etiam hìc debet, Ducem, qui præest in populo, semper de genere Agilolfingorum fuisse, & debere esse: verum nos hac etiam lite in medio relictâ, cuius ex omni antiquitate iudex excitari nemo potest, quæ de GARIBALDO indubitata sunt, persequamur. Cle- *Paul. l. 2. c. 32.* phone, qui secundus post Alboinum in Italia imperavit, domesticis insidijs in-

terfecto, Langobardi mutatâ Reip. formâ, repudiatôque Regno, anno DLXXV, triginta sibi Duces præfecerunt, singulôsq; vrbibus suis imposuerunt. Ex ijs Evino Tridentum obvenit, quem, quòd ditiones Boicas proximè contingeret, Garibaldus Boiorvm Rex generum sibi legit, filiâ elocatâ; quòd Francis probari haudquaquam potuit; nam cum iisdem Langobardi, eo ipso tempore, protritâ Italiâ, infesti imminerent, quo animo ferrent, Boicæ Regem (hoc illum, nomine Paulus cohonestat) sibi obnoxium, quique à se jura peteret, hostibus suis affinitate jungi? quòd id haud dubiû argumentum esset animi vel plenam libertatem, vel alienum imperium respicientis: nihil tamen, de quo constet, tum quidem in Garibaldum tentatum; fortasse quòd, Franciam infestantibus Langobardis, in præsentia necessario erat omit-

*Paul. l. 3. c. 10.*  
GARIBAL-  
DVS FILI-  
AM EVINO  
DVCI TRI-  
DENTINO  
DESPON-  
DET.

*Paul. l. 3. c. 9.*

VIII.

VERVM cum Langobardi annis de-  
cem

cem sub optimatibus fuisset, ad Regnum  
 reditum, Anno DLXXXV, & Autharis Cle-  
 phonis filius, præstanti virtute juvenis  
 Rex salutatus est; cui Garibaldus, im-  
 mortali Gentis Langobardicæ bono, etsi  
 id ei privatim utile non fuit, alteram fi-  
 liam THEODELINDAM, vnicum sexus  
 & seculi sui decus, hac occasione de-  
 spondit, Childebertus Sigeberti Medio-  
 matricum Regis filius, Authari per Le-  
 gatos pacem affinitatémque exposcenti  
 Clodosindam sororem promiserat; ve-  
 rum illam, antequam in Italiam traduce-  
 retur, etiam Richaredus Gothorum in  
 Hispania Rex ambijt, & impetravit, An-  
 no DLXXXIX: fractæ fidei levitatique Reli-  
 gio à Franco obtenta, & dissimilitudo  
 Sacrorum, quòd Langobardos Arij im-  
 pietas inquinaret, à quo Richaredus cum  
 Gothis nuper discesserat. Autharis, cum  
 voto suo apud Francos excidisset, Gari-  
 baldum socerum per Legatos asciivit. Fre-  
 degario scribenti, Theodelindam Chil-  
 deberto antea desponsam, Brunechildis  
 matris consilio, ab eodem fastiditam, ne-  
 scio quid fidei habeam, quam supinâ  
 negligentia an incitiâ potius Scholasti-

AVTHARI  
 LANGOB.  
 REGI  
 THEODE-  
 LINDA IVN-  
 GITVR.

*Paul. l. 3. c. 29.*

*Chron. c. 34.*

cus ille pluribus in locis sibi derogavit. Autharis ubi, quæ voluit, ex Legatis intellexit, consilium capit, quale Juventus, & moræ impatiens amor suggerere potuit; ne quidquam de Theodelinda alienis oculis crederet, dat ipse se in viam, promptissimis Juvenum comitantibus. Adornata in speciem Legatio est, Rege ipso mimum componente; cuius partes principes amico expertæ fidei demādatæ; huic honorarios illos affeclas circumdat, iisque, cultu regio posito, ne scenæ deesset, velut vnus de multis semiscuit. Vbi in aulam Garibaldi ventum est, & Orator verba fecit, progressus Autharis sibi à Rege mandatum singulariter, inquit, ut os habitumque futuræ Dominæ contemplaretur, & formæ imaginem haustam oculis cupido sponso domi explicaret. Annuente Garibaldo producitur Theodelinda. Omnia in illa supra spem fuerunt; forma, morésque usque ad miraculum culti, & cuicunque fortunæ pares. Ipse Autharis sic censuit; quem longi itineris, post illud spectaculum, non potuit pœnitere: ægre tamen propositum tenuit, & simulationis proditor

AVTHARIS  
SPONSÆ VI-  
SENDÆ STU-  
DIO IN BOI-  
CAM PROFI-  
CISCITVR.  
*Paul. Diac.*  
*l. 3. c. 37.*  
*Simoin. l. 3.*  
*c. 77.*

ditor amor propè fabulam evertisset.  
 Nam cùm Garibaldo significasset, hospitalem pateram velle se de manu virginis capere; id moribus Gentis suæ sanctum, & deinceps frequens fore; Theodelinda, volente patre, poculum temperat, eoque Legationis principem primùm invitat, proximè Autharim; is siccatum virgini poculum cùm reddidisset, digitum eiusdem molliter pressit, progressâq; licentiâ, frontem erubescens, & seriò indignantis, totâque faciem explicatâ palmâ permulsit. Quiritantem ea de re virginem, & inverecundum hospitis factum contumeliam sponsi sui interpretantem, ad quem etiam intactum illibatûmque os ferendum fuerit, nutrix solata est, nihil dubitaret, sub illo ipso audaci hospite Sponsum latere; nam quem alium id ausurum, cum periculo capitis? Præterea decus eximium, & dignam Imperio formam, & nunquam satis dissimulatum amorem, etsi fortasse nolit, prodere tamen manifestè Autharim. His verbis virgo delinita conquievit. Autharis verò formâ Sponsæ, quòdque optabilius multo fuit, pudicitîâ exploratâ, in pa-

AGNOSCI-  
 TUR AV-  
 THARIS.



triam regressus est, BOIORVM nobilissimis iter prosequentibus. Vbi ad vtriusque regni confinia ventum est, Autharis in equo sublimis, omnibus viribus connixus, securiculam proximæ arbori illisit, impactamque roboris sui monumentum reliquit, dicto etiam addito, Sic ferit Autharis; quæ vox illum BOIIS prodidit. At enim hæc jam altera, cum Gente Langobardica, ipsoque adeo Gentis Rege contracta affinitas Garibaldo exitium

GARIBAL-  
DVS A CHIL-  
DEBERTO  
FRANC. RE-  
GE BELLO  
APPETITVS

AN. CH.

DXC.

*Annal. Do-*  
*meft.*

*Et obscure*

*Paul. l. 3. c. 32*

THEODE-  
LINDA IN I-  
TALIAM  
TRADVCTA.

attulit; mox enim sequente anno, qui Quingentesimus nonagesimus fuit, Childebertus illum bello aggressus est, non ea re motus, quæ Velsæri suspicio fuit, vt Regno incubator pelleretur, Regnumque ad veteres ex Agilolfinga familia dominos rediret, sed vt Autharim spe fidissimæ certissimæque auxilij nudaret, vt Paulus Æmilius scripsit, eademque operâ, BOICAM haud obscure ad Langobardos inclinantem in fidem retineret. Belli tamen turbine Theodelinda involuta non est, prius à GVNDOALDO fratre in Italiam ad Sponsum deducta: qui de adventu illius certior factus, eidem in campos vsque Veronenses,

qui-

quibus Sardiſ nomen eſt, obviam profe-  
ctus, ibidem regiâ pompâ nuptias cele-  
bravit, ipſis Idibus Maijs. Fortè ita eve- *Paul. l. 3. c. 32.*  
nit, vt illum ipſum Genialem diem &  
publica gaudia, turbidum Cœlum, &  
fæda tempeſtas interpellarent, fulmen  
etiam Regij tabernaculi tignum diſſice-  
ret; id triſte prodigium multis viſum,  
quo tamen Agilulpho Taurinenſium, AGILVL-  
Duci, qui inter proceres aderat, læta, PHOREGNŪ  
omnia portendi familiaris ariolus nun-  
ciavit; brevi enim ipſum Regiæ Sponſæ ET CONNU-  
conjugio potiturum. Ille ſive vatem, BIVM CVM  
aſpernatus, ſive temerarij dicti invidiam THEODEL:  
ſuppreſſurus, extrema Mago omnia mi- PRÆDI-  
natus eſt, ſi de ea re verbulum mutiret; CTVM.  
at ille, mirâ vaniſſimæ artis confidentiâ,  
Potes ſanè, inquit, vile & devotum tibi  
caput præcidere, ſed fata ferrum non ti-  
ment, neque mecum expirabunt. Vera  
dixiſſe, quocunque dictante, ſequens  
annus docuit. Triſti interim exitu Fran-  
cicum in Bojaria bellum finitum. Gari- THASILLO  
baldo ſive cæſo, ſive, quòd aliquibus vi- POST GARI-  
ſum, in Italiam ad Generum fugâ elapſo, BALDVM  
THASSILO à Childeberto ſuffectus eſt. BOIIS  
Garibaldū Chriſti diſciplinâ inſtructum PRINCEPS  
fuiſ- IMPOSITVS.

fuisse suscipio est; eo potissimum argumento, quòd de Theodelindæ admiranda virtute, quâ totam postmodum Langobardorum Gentem imbuit, gravissima summorum Pontificum testimonia supersunt; quamquam neque sic scrupulus ille eximitur, Religionemne intra paternæ domus penetralia haustam Italiæ intulerit, an illic demum melioribus magistris quàm Autharis vsa, Veritatis lumen penitus inspexerit, cujus postea latius diffundendæ ipsa egregium sidus fuit. Difficile creditu est, siquidem inter Christiana sacra adolevit, languidiùs ipsam pro patria ad Deum adducendâ, quàm pro Langobardis laboraturam, fuisse; cùm præsertim facilè illic Regis exemplum, si etiam pater Theodelindæ pius fuit, populares secuturi fuerint; ac constat, aliquot, post hæc tempora, annis, BOIARIAM pleramque à Christo adhuc alienam fuisse, quod suo loco sumus ostensuri. BOICO Bello confecto, in Langobardos & Autharim Childebertus cōcitatus, viginti Ducibus summam rerum permisit: varia partium fortuna fuit; primo impetu oppida BOIARIÆ vicina, in Tri-

*Paul. l. 3. c. 32.*

Tridentino agro cladem acceperunt, igne ferroque excisa, hominibusque in servitutē abstractis, penè in solitudinem redacta; à Ferruge oppido, quod Cassiodori Verrucam existimo, mirificè à *Cassiod. l. 3.* Theodorico Rege celebratum, qui illud *var. epist. 48.* singulare mundi castrum appellavit, duorum Episcoporum precibus, Inge- *INGENVIN* nuini Sabionensis, & Agnelli Tridentini, *SABION.* ultimū exitium aversum est; turba etiam *EPISC. CAPTIVOS LIBERAT.* captivorum liberata, sexcentis solidis in *Paul. l. 3. c. 32.* singula virorū capita numeratis: quam *Anno: Franc. l. 3. c. 83.*quam Aimoinus longè temperantior, id vniuersæ multitudinis precium constituit. Post has populationes memorabile nihil gestum est: nam & morborum, grassantium vis, & grave æstivis caloribus Cœlum, Regisque in æquum locum, è Ticinensibus munimentis, quibus se tenebat, proliciendi desperatio, post tertium, quàm in Italiam irruerant, mensem, Francos ærumnis confectos in patriam repulerunt. Autharis fatigatum intestinis malis hostem detumuisse, & facilè ad æquas pacis conditiones descensurum ratus, eam iterum per *Paul. l. 3. c. 39.* Legatos à Guntramo Childeberti patruo

AN. CH.  
 DXCII.  
 AVTHARIS  
 VENENO  
 PERIT.

IX.

*Paul. l. 3. c. 36.*

*Aimon. l. 3.*

*c. 80.*

THEODE-  
 LINDA AGI-  
 LVLPHVM  
 MARITVM  
 ET REGEM  
 SALVTAT.

truo expetijt; sed, priusquam ea in Gal-  
 lia confici potuit, Autharis Ticini è vita  
 abiit, veneno, dubium quo propinante,  
 sublatu; Nonæ Septembres illi fatales  
 fuerunt, cùm Sexennium regnasset.

Theodelinda præmaturè orbatà viro  
 dignitatem retinuit: nam regias dotes  
 omnes animo corporèque complexa,  
 tantam sui venerationem apud Lango-  
 bardos collegerat, vt cùm ad Interre-  
 gnum res rediisset, optimates jussuffra-  
 gij vltro omnes illi remiserint; quem-  
 cumque ipsa maritum optasset, eum Re-  
 gem habituri. Agilulphum illa legit,  
 Agonem aliquibus dictū, Taurinatium  
 Ducem, eundemq; Authari cognatum,  
 quo meliorem dignioremque neque vi-  
 ri reperissent; cui fati Regnum deberi,  
 divinus ille, quisquis fuit, interpres ful-  
 minis, haud vanè ariolatus est. Locum  
 nuptijs celebrandis Regina Laumellum  
 constituit; eò Agilulphum rei omnis  
 ignarum evocavit; quem cùm familiari  
 colloquio aliquādiu tenuisset, præliba-  
 tum poculum eidem porrexit. Ibi cùm  
 Agilulphus propinantis dextram offi-  
 cioso osculo carperet, Erras Agilulphe,  
 Regina

Regina inquit; nam, nisi pertē stat, os  
 non manum suaviabere, maritus meus,  
 & Rex; & cum dicto virum amplexa,  
 consilij sui participem fecit. Nuptiæ  
 mensis Novembris initio adornatæ; AN. D X C.  
 Majo deinde sequenti, Mediolorani in pu<sup>secundum Si-</sup>  
 blico procerum conventu Agilulphus<sup>gonium.</sup>  
 Rex inauguratus est. Sigonius ex Me-  
 diolanensibus Annalibus prodidit, Agi-  
 lulpho à Theodelinda coronam auream  
 ferreo circulo firmatam impositam esse;  
 ab eoque tempore, coronæ ferreæ no-  
 men & vsum, inter insignia Regum Italię  
 invaluisse. At enim Theodelinda thoro  
 Regnoque dignatum, multo etiam ma-  
 jore beneficio beavit, quando omni pre-  
 cum genere eò tandem maritum impu-  
 lit, vt repudiatâ Ariana impietate, in Ca-  
 tholicorum castris, sub melioribus signis  
 vivere & mori vellet. Quod consilium  
 & privatim Agilulpho, & toti deinceps  
 Genti salutare, aditum ad beatam æter-  
 nitatem aperuit. Adorare interim Divi-  
 nę Mentis Sapientiam libet, quę, abun-  
 dante viris sanctissimis Italiã, maximi  
 pulcherrimiq; facti ducem sæminam le-  
 git, vt eã potissimum interprete, Reli-  
 gionem

Paul. l. 4. c. 6  
 THEODE-  
 LINDA MA-  
 RITVM ET  
 LANGOB.  
 GENTEM  
 AD VERAM  
 FIDEM  
 TRADVCIT.



tos, totasq; , in quas enubunt, Provincias  
 locupletare. Agilulphus inter primas re-  
 gni curas , pacis à Francis impetrandæ *Paul. l. 4. c. 8.*  
 causâ , Evinum Tridentinum Ducem, *Aimoin. l. 3.*  
 qui Theodelindæ sororem olim duxerat, *t. 85.*  
 in Galliam misit; Agnellum eiusdem vr-  
 bis Episcopum comitem addidit , ad ca-  
 ptivos, quos, superiore anno, ex agro Tri-  
 dentino Franci abduxerant , in liberta-  
 tem vindicandos. Vtérque voti compos  
 redijt, Brunechilde Regina Childeberti  
 Regis matre , Episcopi studia adjuvante,  
 cujus opibus multi mortales redempti  
 sunt. Jam illud Italiæ vniversæ, imò pijs  
 omnibus lætum jucundumque accidit, *Religio*  
 quòd Theodelindâ Religionis causam, *IN ITALIA*  
 pro viribus agente, respirare Dei Eccle- *THEODE-*  
 sia, & magnis augeri incrementis cœpit; *LINDESTV-*  
 quæ priorum Regum afflictâ tyrannide, *DIIS RE-*  
 sacris ædibus expilatis, oppressisq; An- *FLORESCIT.*  
 tistitibus, inter lacrymas & suspiria mise- *Paul. l. 4. c. 8.*  
 rabile ævum jam diu traxerat. Prima lu-  
 ctus squalorémque Theodelinda deter-  
 sit, maritoque auctor fuit, vt, quam nu-  
 per Religionem profitendam suscepisset,  
 eandem ornaret , & excoleret; quod ille,  
 Vxori piè obsecutus, liberaliter præsti-  
 tit;



tit; còque primùm tempore, Langobardorum manibus, quas còusque ipsa templa formidaverant, restaurata. Christiana res meliorem formam induit. Præerat ea tempestate Ecclesiæ vniversæ Gregorius, quo nemo vnquam iustius Magni cognomentum accepit: is mirificè delectatus, efferam Gentem, vnus fæminæ magisterio, ad pietatis non modò sensum, sed & cultum mansuescere, sui erga optimam Reginam affectus publicum extare monumentum voluit, & quos de Italicorum Patrum vita & virtutibus liberos, Dialogorum formâ, conscripsit, velut bonæ mentis speculum, ad eandem misit; quos quidem etiam posteris, vel Gregorij, vel Theodelindæ nomine, vel suo opte precio, par est esse commendatiores. Cùm currenti ea ratione Pontifex calcar addidisset, sub idem ferè tempus, tres Episcopi, pravis sutelis, sed quæ ad fallendum proxima via est, pietatis fucò oblitis, Reginæ gravissimè imposuerunt. Laurentio Mediolanensi Episcopo vita, functo Constantius successerat, vir apprimè Catholicus; qui cùm tria quædam Capita, in quinta Synodo Constantino-

*Paul. l. 4. c. 3.*  
**S. GREG. M.**  
**THEODE-**  
**LINDÆ RE-**  
**GINÆ DIA-**  
**LOGOS SVOS**  
**DICAT.**

poli.

politanâ, inducta rejectâque, & sacro  
 Pontificum ore pridem proscripta, suo  
 etiam calculo damnaret, tres Episcopos  
 ea in re adversarios habuit, qui innocen-  
 tem virum, cum meliore orbis parte,  
 ipsâque Petri Sede consentientem, im-  
 pietatis impij ipsi accusarunt; & ne men-  
 dacio fulcrum deesset, autoritatē Chal-  
 cedonensis Concilij ab eo violatam vo-  
 ciferati sunt; phaleratîsque dictis Theo-  
 delindæ animum minimè malè cogitan-  
 tis ita occuparunt, vt Constantium pa-  
 lâm abominaretur. Gregorius, vt glisceti  
 malo in tempore medicinam faceret,  
 Hippolytum Notarium, & Joannem Ab-  
 batem ad Reginam amandavit, qui frau-  
 dulentas delirantium Episcoporum ma-  
 chinationes everterent. Supersunt ho-  
 diêque solliciti Pontificis ad Reginam li-  
 teræ, plenæ paterni affectus; in quibus il-  
 lud ad commendandas egregias Theo-  
 delindæ virtutes insigniter valet, quod  
 argumenti etiam loco, ad continendam  
 in officio Reginam, à Gregorio ijs in lite-  
 ris, in hæc verba positum est: Superest, vt  
 vos nūquam à Catholicæ Ecclesiæ com-  
 munionē separetis, ne tot vestræ lacrymæ

GREGORI.  
 THEODE-  
 LINDAMIN  
 FIDE CON-  
 FIRMAT.

Greg. l. 3. ep. 4.

» tantâque bona opera pereant, si à fide  
» vera inveniantur aliena.

X.

ANNO quingentesimo nonagesimo

AN. CHR.

DCCV.

*Paul. l. 4. c. 22.*

THASSILO

SLAVOS

BELLOVIN-

CIT.

*Paul. 4. c. 1.**Herm.**Sigebert.**lib. 8. epist. 36.*

CHILDE-

BERTVS

REX FRANC.

SECUNDVS

BOIORVM

LEGISLA-

TOR.

quinto, Evinus Garibaldi BOIORVM  
quondam Regis gener, Dux Tridenti-  
nus, est mortuus. Idem annus felici BO-  
IORVM expeditione, Thassilonis Regis  
auspicijs, in Slavos suscepta est, nobilita-  
tus. Primi Slavorum disertè Procopius  
Cæsariensis, & Jornandes meminere; è  
Sarmatia, & Trans-Istranis regionibus,  
Justiniano imperante, in Illyricum, aliâs-  
que Romani juris provincias irrupisse,  
ijsdem auctoribus constat: eosque, hoc  
ipso tempore, Gregorius M. lamentatur,  
per Istriæ aditum Italiæ incubuisse; vt cre-  
ditu facile sit, eos Noricum, qua parte  
ad Adriaticum sinum vergit, infestos  
carpsisse: Hos igitur Thassilo bello ag-  
gressus vicit, insignemque victoriæ fru-  
ctum, maximâ omnis generis partâ præ-  
dâ, tulit. Anno proximè insequente, Chil-  
debertum Francorum Regem diem vlti-  
mum obijisse, Baronius ostendit; quam-  
quam ad initium vsq; septimi seculi, vi-  
tam illius nonnulli producunt. Hic Theo-  
dorici Regis vestigia insistent, editas ab  
eodem

eodem BOIORVM leges interpolavit;  
 quæque ille, propter vetustam Pagano-  
 rum consuetudinem (ut Dagobertus Rex  
 in prologo loquitur) emendare non po-  
 tuit, ea efficere hic ipse aggressus est; sed  
 in magni conatu operis, sive morte in-  
 terpellante, sive desperatione successus,  
 quod neque dum purgata superstitioni-  
 bus BOIARIA esset, defecit, Nonagesi-  
 mo nono, post quingentesimum, anno,  
 tandem pax longis calidisque Gregorij  
 Pont. votis exoptata, inter Langobar-  
 dos & Romanos, Theodelinda maximè  
 conciliatrice, constituta est; quo felici  
 nuncio accepto, Pontifex exquisitissimis  
 verbis Reginae gratulatus est; illam tot  
 gladios cōdidisse, obstruxisse fontes hu-  
 mani sanguinis, totâ Italiâ erupturos, &  
 vnâ eadēque operâ duos populos sibi  
 devinxisse; vitam illi omnes debere, qui-  
 cunque mortem timuissent; pergeret  
 modò communis parentis haud paulò  
 pulchrius, quàm Reginae, nomen mereri;  
 quæque apud exasperatos animos odio-  
 rum vulnera medicâ manu tam doctè  
 tractasset, nunc etiam malè sanis cicatri-  
 cibus mederetur; darētq; hoc integrum

AN. CHR.  
 DXCIX.  
 PAX INTER  
 ROM. ET  
 LANGOB.  
 CONCILIA-  
 TRICE  
 THEODEL.  
 FACTA.  
 Greg. lib. 7.  
 ep. 42.

Mm 1 patriæ

patriæ gaudium, ne brevium potius induciarum, quàm æternæ fundatrix pacis, inter publicos plausus salutaretur. Theodelinda nihil antiqui<sup>9</sup> habuit, quàm Pōtifici obsequi: & certè, si eadē Callinico, qui pro Imperatore Mauritio, Exarchi nomine, Italiam administrabat, fides fuisset, quæ Agilulpho, respirare fessâ malis suis potuisset Italia. Sed ille prior ferrum strinxit, Parmâq; primo impetu expugnatâ, Godescalcum Regis Agilulphi generum Ducem, vnâ cum Regis filia, comprehendit, & captivos Ravennam, deduxit. Agilulphus domestica clade, & violati fœderis injuriâ accensus, bellum multò maiore, quàm antehac, vi reparavit, Fortunâ etiam illi partî æquiore, vbi causa melior stabat. Arsit eo tumultu Pataviû; mons Silicis vi captus; vix æstuaria miseros cives ab ultimo exitiô defenderunt, serò lamentantes, Langobardorum ferrum flammâque in suam perniciem esse provocata. Hæc anno sexcētesimo primo facta, cùm priore, Boii, qui iterum in Slavos, ad duo millia ducti fuerant, hosti jam aliàs victo pares futuri, aut etiam superiores, improvise Cani

EA SCELE-  
RE EXAR-  
CHI ITE-  
RVM RVM-  
PITVR.

AN. CH. DC.  
BOII AB  
HVN-  
NIS  
CÆSI.  
Paul. l. 4. c. 12.

cani Hunnorum Regis accessu, ad inter-  
 necionem cæsi omnes essent. Interim ar-  
 dente bellis Italia, Theodelinda pacis *Paul. 4. c. 12.*  
 studijs intenta, illustre opus moliri cœ-  
 pit. Moguntiacum oppidum duodecim  
 passuum millibus Mediolano distitum,  
 mutato nomine Modoëciam appellatū, *THEODEL:*  
 cæli clementiâ, & soli amœnitate invi- *MODOECIÆ*  
 tata, regiâ & templo illustravit. Regia ipsa *REGIAM ET*  
 nobili manu depicta; argumentum Lan- *TEMPLVM*  
 gobardorum res gestæ præbuere. Tem-  
 plum nomini & tutelæ D. Joannis Ba-  
 ptistæ consecravit; eodem supellesti-  
 lem sacram omnis generis auram argen-  
 teamque intulit; &, quod præ utroque  
 metallo Cælo charum fuit, Gentem Lan-  
 gobardorum universam eidem Divo ob-  
 ligavit: votum sanctissimè conceptum,  
 est, Quotannis ad VI I I. Kal. Julias, quæ  
 Divo natales fuere, aram ipsius, donis,  
 pro suis quemque facultatibus, cumula-  
 turum; si Langobardorum res privatæ *PIVM THEO*  
 publicæque, eo propitio atque patroci- *DELINDÆ*  
 nante, domi militiaeque facilem cursum *VOTVM D.*  
 optabilemque tenuissent. Vota pondus *IO. BAPT.*  
 habuere, neque spem clientum optimus *FACTVM.*  
 patronus fefellit; donec procedentibus *Lib. 5. c. 6.*

annis Religio clanguit, & Sacrae Aedis  
procuratore ad impuros profanosque  
homines devoluta, Divus ipse Langobardorum causam visus est deseruisse: id  
quod insigni prodigio firmatum est, quod  
Paulus in hunc modum narrat: Post annos, à templo dicato, sexaginta, Imperator  
Orientis Constans, ut Langobardos possessione Italiae deiceret, cum  
classe Tarentum appulit. Sed antequam  
signa explicaret, virum eximia sanctitate,  
& Deo plenum, super eventu belli consultuit; is, celebrato inter preces pervigilio,  
constanter respondet, nunc quidem  
Langobardos vinci, Deo cordi non esse;  
Coelum Divosque pro ipsis stare; Baptistam  
apud æternum Numen nimium posse,  
cujus fidei Gentem omnem Regina  
extera devoverit; sub illius dextra  
invictos tam diu fore, donec suae pietatis  
Langobardos piguisset. Vaticinio  
fides tandem excidio Gentis adstructa est,  
cum felix simul & pia esse desijt; magna  
etiam ipsa posteris documento futura,  
animam Regnorum omnium Pietatem  
esse, neque ullum, hac expirante, diu stetitisse;  
quod ipsum Theodelindae multò  
antè

antè meditatum prævisumque: hinc, vt  
 cœpta à se Religio æterna esset, tabulis  
 publicis donaria sua consignavit, Dira-  
 rum etiam obnunciatione adjecta, si quæ  
 malus animus ad evertenda pietatis suæ  
 monumenta olim impulisset, hanc enim  
 votivæ formulæ clausulam apposuit; si  
 quis, quolibet tempore, hanc testem,,  
 voluntatis suæ corrupisset, in Iudicii,,  
 extremi die, cum Iuda proditore dām-,,  
 nandum. Theodelinda paulò pòst infi-,,  
 gnem Pietatis suæ fructum cepit, mascu-  
 læ prolis mater effecta, cui ADALVALDI  
 nomen in fonte lustrico impositum, ex  
 quo illum Secundus Tridentinus Anti-  
 stes, rara sanctitate doctrinæque vir leva-  
 vit. Gregorius officij sui credidit, hoc  
 gaudium Regina per epistolam gratula-  
 ri, cuius partem hoc loco duximus inse-  
 rendam; Scripta, quæ ad nos dudum à  
 Ianuensibus partibus transmisistis, gau-  
 dij vestri nos fecere participes; propterea  
 quòd, Omnipotentis Dei gratiâ, & filium  
 vobis donatum, & quod valde Excellen-  
 tiæ vestræ est laudabile, Catholicæ cum,  
 Fidei novimus sociatum, Nec enim,  
 de Christianitate vestra aliud creden-

ADALVAL-  
 DVS THEO-  
 DEL. F. NA-  
 SCITVR.

Greg. l. 12. ep. 7

Mm 5 dum,



„dum, nisi id studere vos, vt, quem Divi-  
„no munere suscepistis, Catholicæ recti-  
„tudinis auxilio muniretis; vt & Redem-  
„ptor noster familiarem te suam famulam  
„cognosceret, & Langobardorum Genti  
„novum Regem in timore suo feliciter  
„enutriret. Vnde oramus Omnipoten-  
„tem Deum, vt & vos in mandatorum  
„suorum via custodiat, & eundem excel-  
„lentissimum filium nostrum Adulavval-  
„dum in suo faciat amore proficere: qua-  
„tenus sicut hîc inter homines jam ma-  
„gnus est, sic quoque ex bonis actibus an-  
„te Deum sit gloriosus. Literis etiam A-  
„pophoreta adjecta digna Magni Pontifi-  
„cis Sanctitate. Excellentissimo autem fi-  
„lio nostro Adulavvaldo Regi transmit-  
„tere phylacteria curavimus, id est, Cru-  
„cem cum ligno sanctæ Crucis Domini,  
„& lectionem sancti Evangelij theca Per-  
„sica inclusam. Filiæ quoque meæ, soror  
„eius, tres annulos transmissi, duos cum  
„hyacinthis, & vnum cum albula; quæ eis  
„per vos peto dari, vt apud eos nostra cha-  
„ritas ex vestra Excellentia condidatur. Pa-  
„terna præterea charitate persolventes  
„salutationis officium, petimus, vt Excel-  
lentis-

lentissimo filio nostro Conjugi vestro, „  
 pro nobis de facta pace gratias referatis, „  
 atque ejus animum, sicut consuevistis, „  
 ad pacem de futuro per omnia provoce- „  
 tis, quatenus mercedem populi inno- „  
 centis, qui in scandalo perire poterat, „  
 ante conspectum Dei, inter multa bona „  
 quæ agitis, invenire possitis. „

Atque hæc epistolarum Gregorij ad  
 Theodelindam postrema fuit; proximo, AN. DCIV.  
 enim anno, sidus hoc Pontificum orbi  
 subductum est, mense Martio; Julius in-  
 sequens Langobardis omnium lætissi-  
 mus illuxit; eo enim mense Adalvval- ADALVAL-  
 dus Theodelindæ F. in circo Mediola- DVS THEO-  
 nensi, patre inaugurante, Regis etiam, DEL. F. REX  
 Francorum Theodeberti Legatis præ- LANGOB.  
 sentibus, summa populi voluntate, cum SALUTA-  
 alterum ætatis annum nuper admodum TVR.  
 ingressus esset, Rex salutatus, & regio Paul. l. 4. c. 8.  
 diademate insignitus est: firmandi etiam,  
 cum Francorum Gente, fœderis causâ,  
 Theodeberti filia, infanti regulo despõ-  
 sa, gaudium duplicavit. Altum interim, Paul. l. 4. c. 40  
 de rebus BOICIS silentium vsque ad  
 Thassilonis obitum, cui tamen certum  
 annum assignare difficile; conjecturæ à  
 Paulo

THASSILO-  
NI BOIO-  
RVM PRIN-  
CIPi GARI-  
BALDVS F.  
SVCCEDIT.  
*Paul. l. 4. c. 38.*

GARIBAL-  
DI CONIV-  
GIS INSI-  
GNIS CA-  
STIMONIA.  
*Paul. l. 4. c. 38.*

Paulo suppeditatæ eò ducunt, vt post  
decimum Septimi sæculi annum, fato  
videatur obijſſe : Successorem habuit  
GARIBALDVM, aliũ sine dubio à Theo-  
delindæ patre ; quamquam aliqui hunc  
in solium reponunt, nimirum ab exilio,  
imò sepulchro extractum. Paulus Dia-  
conus disertè Thassilonis filiũ nominat,  
cui nos, ex Gisulphi Forojuliensis Ducis  
filiabus conjugem fuisse, caratione per-  
suademur, quòd Paulus vnam de qua-  
tuor, BOIORVM Principi desponsam,  
fuisse retulit ; quod, præterquam Gari-  
baldo, convenire nulli posse, ordo tem-  
porum penè convincit. Verùm nulla  
properatio Viraginis hujus, sororũmq,  
trium virtutem involvi silentio patitur.  
Gisulpho Patre ab Hunnis occiso, Ro-  
milda mater cum Langobardorum reli-  
quijs & filijs quatuor, totidẽque filia-  
bus, Forojuliensem urbem tuendam su-  
scepit ; & fortasse audacia successum ha-  
buisset, si constantia adfuisset : verùm,  
detestabilis fœmina, cui cum hoste odijs  
armisque pugnandum fuerat, amore il-  
lius victa est. Nam Cacanum Hunno-  
rum Regem mœnibus obequitantem,

con-

conſpicata, formâque illius accenſa, animum in poteſtate non habuit. Nuncium extemplo miſit, qui quæreret, quid cõtra fœminam vir armatus veniſſet? ſive ſc, ſive ſua vellet, & urbem & thorum inermi patere; & lærum compendium belli poſſe inter genialia fœdera fieri; cõderet modò ferrum, & hoſtiles ignes cum face Nuptiali mutaret; pulchrius ipſi futurum, ſi Forum Iulij, & quidquid Giſulphi antè fuiſſet, dote, quàm gladio caperet. Cakanus impotentiam mulieris deſtatus, conditionem tamen acceptare ſe finxit; patentibúſq; portis Urbem ingreſſus, omnia illic immanis ingenij exempla edidit. Romilda tamen ardente patriâ, & cædibus exhaustâ, qualem meruit maritum accepit: eadem die innuptæ nuptiæ factæ ſunt, noctem vnã duraturæ; quâ peractâ, quaſi fœderis fidem Cakanus vel expleſſet, vel eluſiſſet certè, vexatam ludibrijs palo affixit. Filij quatuor fugâ ſalutem invenerunt; filiæ in illis ipſis ædibus, quas magiſtra libidinum mater flagitio ſuo deſœdaverat, novo exemplo, & ante illum diem inaudito, Pudicitæ litarunt; nam cùm id vnum

metue-

metuerent, ne servis corporibus barbarorum petulantia illuderet, crudas pul-  
lorum carnes, strophio, quo papillas sub-  
strinxerant, abdidere: ex calore solutæ  
& putiscentes, cum tormentum naribus  
crearent, hircosi illi proprium id vitium  
corporis rati, ab omni etiam nequiore  
tactu abstinuere, vulgòque probri causa  
jactatum, Langobardas neque puram  
quidem animam habere. At enim Casti-  
tas neque inter rosas melius habitasset,  
suamque libertatem bonis illis avibus,  
quantumvis graveolentibus, acceptam  
retulit. Quatuor sororum, duo nomina  
extant, Appæ & Gailæ; reliqua interie-  
runt; quæ proinde, quia proprio non  
possunt, communi Castitatis & Pudici-  
tiæ nomine triumphabunt. Vna igitur  
harum Garibaldo denupsit, vicemq; Ita-  
lia BOIARIÆ reddidit, cum pro Theo-  
delinda hanc illi Heroidem submisit.

*Paul. l. 4. c. 41*

GARIBAL-  
DVS BIS  
CVM SLA-  
VIS ACIE  
CONGRES-  
SVS.

Quæ illius in BOICA deinceps fortuna  
fuerit, uti & Garibaldi mariti, literis si-  
lentibus, ignoratur: unicum Paulus Dia-  
conus oblivioni exemit; is narrat, Sla-  
vos irruptione in Noricum facta, Gari-  
baldum obvium habuisse, ad Aguntum  
oppi-

oppidum; id jam olim Plinio, Ptolemæo,  
 & Antonino nominatum, Tirolis hodie  
 accensum, in Doblaci, aut Innichij ap-  
 pellationem transijt: & Garibaldus tum  
 quidem pugnâ inferior fuit; sed cùm ho-  
 stes successu elati prædas impotentiùs  
 agerent, fortunam iteratò tentavit, &  
 prioris pugnæ dedecore abolito, prædam  
 hostibus excussit, finibúsq; cedere coë-  
 git. Anno decimo quarto aut quinto,  
 GVNDOALDVS BOIVS Theodelindæ  
 Fr. mortuus est; remanserat hic cū sore-  
 re in Italia, Astensē apud Ligures Duca-  
 tum nactus, liberis etiam auctus, Gundo-  
 berto, & Ariperto, qui postea Langobardorum  
 Rex salutatus est. Mors illi mi-  
 sera obtigit, cū sagittâ incerto auctore  
 missâ ictus esset. Fredegarius tamen  
 Scholasticus, qui Gregorij Turonensis  
 Historiam appendice extendit, Agilul-  
 phum & Theodelindam in hujus suspi-  
 cionem sceleris vocat; Nam cū Gun-  
 doaldus, vt popularior, Langobardorum  
 animos occupasset, illisque benevolen-  
 tibus vteretur, invidiam ex amore con-  
 traxit; hanc secum rationem putante A-  
 gilulpho, non diu se regnaturum, si quē  
 alium

AN. CH.

DCXIV.

Paul. l. 4. c. 43

GVNDOAL-

DI THEO-

DEL. FRA-

TRIS FOR-

TVNA ET

OBITVS.

alium regnare populus maluisset; facile pro eo, qui omnium oculis atq; sinu ferretur, etiam manus aliquid aufuras; Gundoaldum Regem fore, simul atque Rex esse voluisset; quem verò tanti aut tantilli animi esse, ut cum possit, nolit? miserrimam Regni tutelam, alienam modestiam esse; quæ si in audaciam erumpat, ipse perieris: ergo precario imperare se, donec Gundoaldo aliud videretur: occupare igitur Regni æmulum insidijs statuit, cumque, dum alvum levat, fatali sagitta confixit. Hæc verè an falsò, de morte Gundoaldi, Fredegarius retulerit, ambiguum; Theodelindæ quidem moribus & ingenio validè refutantur, ut minimè consentanea ijs, quorum Gregorius M. præco fuit, quæ in hac causâ pro præjudicio valere debent; quamquam exempla non desunt, neque deerunt vllò ævo, donec mali mores, id est nostri, durabunt; testatura, quanto Imperij cupiditas affectibus omnibus sit flagrantior, etiam ijs, quos natura ingeneravit; ita non modò virtutes, sed etiam humanitatis sensum in hominibus extinguit: verum nos rem incertam in medio relin-  
quimus:

quimus: Agilulpho non diuturna deinceps vita fuit. Sigonius quidem in eundem annum vtriusque funus conjicit: viginti quinque annos regnasse, ex Paulo certum est; sed Scriptores, qui circa Regni ingressum diversa inceserunt via, neque in vitæ illius meta conveniunt: Nos hîc abjungimus, felicissima tempora, quæ BOIARIÆ posthac divinitus obtigerunt, novo libro explicaturi.





VIRTUTIS ET  
FORTVNÆ GEN-  
TIS BOIORVM  
LIBER QVINTVS.

Breviarium.

I.



Omnis *via ad Cælum a-*  
*perta, D. Ruperti manu,*  
*qui à Theodone Garibaldi*  
*II. Successore in BOICAM*  
*accerfitus, Principē Gen-*  
*temque BOIORVM Christi disciplinā*  
*imbuit; Salisburgi sedem Pontificiam*  
*statuit; D. Maximiliano Aedem, Cæ-*  
*lestibus prodigijs monitus, aliāque Tem-*  
*pla plura passim erigit; Duodecim Viros*  
*cum Erendrude Nepte sua, è patria, in*  
*partem p̄ij laboris messis que accerfit; Cæ-*  
*lo ipse maturus defungitur.*

II.

*Per eadem ferè tempora etiam Eu-*  
*stasius*

*Stafius Luxoviensis Abbas, Theodelinda, uti creditur, suasu, BOICAM cum fructu excoluit; curisque domesticis in Galliam revocatus, vicariam optimorum Virorum manum pro se submisit; quibus etiam Agrestinus homo naucis, nullo operæ pretio, se junxit.*

*Theodelinda bis vidua, cum Adalvaldo Filio, Langobardis imperat: eo, ex veneni haustu, delirante, Gundeberga Theodelinda Filia, cum Arioaldo Marito, ad regnum vocatur; quæ cum maternis vestigijs insisteret, falso insidiarum marito structarum, ab impuro homine accusata, custodiae mancipatur; at, causâ duello permissâ, innocens ostenditur.*

*Dagobertus Francorum Rex Leges BOICAS vulgat. Chrodoaldum Bojum favore regio in aliorum perniciem abusum neci dat. Bulgaros sedibus suis pulsos in BOICA collocat, trinquæ nocte interim omnes jubet. Gundeberga.*

à Rothari altero marito ignominiosè habita, Francorum Regis Patrocinio, libertati & honori pristino restituitur.

V. D. Emmeranus expleto in BOICA interpretatus studia & Magisteria triennio, ab Uta Theodonis Filia Stupri falsò accusatus, inaudite Crudelitatis exèplo, membratim conciditur, splendide à Numine vindicatus.

VI. Aripertus Gundoaldi BOII Filius Langobardorum Regnum adit, idque duobus filijs moriens relinquit, infausto consilio & exitu; nam Gundebertus paulò post scelere suo, solio & vita excidit. Partharitus Tragicis jaèlatus casibus, post ingentes ærumnas, & mutata sæpius exilia, regnum divinitus recuperat, & ad Cunibertum Filium transmittit.

VII. Cunibertus ab Alahi Tyranno regno exuitur: restitutus, bello ab eodem appetitur: in quo divinis humanisq; auxiliis, rari utriusque exempli, victor evadit.

Con-

*Conceptum meditatumque ab eodem in perfidos supplicium inaudito indicio evulgatur.*

*D. Marinus à Slavīs in BOICA occisus cælum triumphans subit, Aniano laborum socio comitante. Luitpertus Cuniberti Filius regno pulsus, demum etiam ab Ariperto occiditur; quem Ansprandus Luitberti Tutor collectis in BOICA copijs, regno exturbat; cujus Filius Luitprandus Guntrudam Theodeberti BOIORVM Ducis Filiam sibi jungit. Theodone Theodeberti Filio imperante, Corbinianus in BOICAM venit; iterumque Grimoaldo Theodonis F. rerum potito; cum cujus moribus, & impia conjugē diu conflictatus sanctissimus vir, etiam capitis discrimen adiit. Evitatis fugâ insidijs, Deo innocentiam vindicante, ab Hugiberto Principe revocatus sanctissime moritur.*

*laeturam illius morte factam D. Bo-*

VIII.

IX.

*nisfacius sarcit; quē VVilibaldus, VVu-  
 nebaldus, Sebaldus, VValpurga, alijq;  
 in BOICAM secuti, suis eam Virtutibus  
 implevere: Bonifacius ex ea Hereticos &  
 Impostores profligat. Quatuor Diœceses  
 statuit, Vtilone Principe auxiliante; qui  
 ob Hiltrudem Caroli Martelli Filiã sibi  
 despõsam, gravi Provinciam bello invol-  
 vit; ex quo expeditus etiam Eistadiani  
 Episcopatus initia egregie promovet.*

X.

*B. Sturmio Nobilis BOIVS Fulden-  
 se Canobium erigit: Ejusmodi Religiosa  
 Domicilia, Vtilone principatum geren-  
 te, complura in BOICA surrexere, DD.  
 Pirminio, Altone, Lullo, Bonifacio, ali-  
 isque divinis viris auctoribus. Interim  
 etiam D. Virgilius BOICAM suis Virtu-  
 tibus illustrat, quæ Griphonis Tyranni-  
 de aliquamdiu vexata, Pipino vindi-  
 ce, iterum respirat, qui Thassilonē Vti-  
 lonis Filium adhuc impuberem BOICA  
 Principem inaugurat.*

Simul.

*Simultas inter DD. Bonifacium & Virgilium nascitur & sopitur: DD. Erardus & Albertus nova luce BOICAM irradiant. D. Bonifacium pietatis causa casum Sturmio Fuldæ sepelit: eodem D. Aegil nobilis BOIVS concedit, Thassilo, Bello Ticinensi, castra Pipini sequitur; eidem sacramentum Fidei dicit, à qua tamen paulo post, palam desciscit.*

XI.

*D. Virgilius Salisburg. Episcopus Carantanos Christo aggregat; cum ij prius BOIIS adjutoribus, à Slavorum impotenti Dominio sese vindicassent, & in Francorum Clientelam concessissent.*

XII.

*Carolus M. per Sturmionem Legatum Thassilonem ad reparandum fœdus invitat. Thassilo Dingolvingæ Comitia celebrat, & novas leges sancit. Sturmio Saxonibus Christi jura interpretatur. Thassilo Gunthero F. ab Apro lacerato, ad Chrembsam nobile Monasterium erigit: itemque plura passim per BOICAM*

XIII.

*vel inchoat vel amplificat. D. Valentinum Passavio, D. Corbinianum Frisingæ reddit.*

## XIV.

*Luitburga Desiderij Langob. Regis Filia Thassiloni Marito rebellionis faces admovet; ea aliquoties, magno BOICÆ malo, inflammata, in improba & infelicia bella exarsit; quæ subinde sopita, iterumque furiosius resumpta, ipsius tandem exauthoratione extincta sunt. Thassilo in Laurishaimensi Monasterio attonsus reliquum ævi sanctius exegit, in eoque, & Theodone Filio, Agilolfingorum gloria, qui BOICÆ à Theodone Primo præfuere, exspiravit. BOICA deinceps Carolo M. & posteris ejus paruit.*

GESTA SVNT HÆC  
ab Anno CHRISTI sexcentesimo decimo sexto, vsque ad septingentesimum octogesimum octavum.



**C**ENTESIMVM annum  
 Boi i, à sua in Vindeliciam  
 & Noricum immigratio-  
 ne, exceſſerant, cum ſuâ a-  
 lienâque fortunâ, inter-  
 miras rerum viciffitudines, quæ perpe-  
 tua hominum ſors eſt, ita luctati, vt nun-  
 quam non eluctarentur; quin, ſi animus  
 fuiſſet, lætorum triffiûmque, quorum  
 vtrinque multa incidérant, calculos di-  
 numerare, nihil dubitem; candidorum  
 abunde futurum. Et mihi quidem hoc  
 palmarium, illo pugnaciſſimo ævo, quo  
 arma pro Jure valuerunt, partam ſemel  
 poſſeſſionem, ſine diminutione, tot ho-  
 ſtibus circumſeſſos tueri valuiffe. Inter  
 ipſa penè primordia regni, exorti Hunni;  
 additi deinceps his quantumvis infeſtiſ-  
 ſimis nihilo mitiores Slavi: illi ab Orien-  
 te ſole, hi à meridie magnis furoribus  
 Boiorvm gloriæ imminentes; ſemper  
 tamen reſpreſſi, vt Reſpub. nihil gravius  
 ab ijs pateretur. Langobardi ne hoſtium  
 numerum augerent, quò ipſos ingenij  
 ferocia facilè tractura videbatur, molliſ-  
 ſima ratione deliniti, Theodelindâ ſub-  
 miſſâ, quæ Suada non modò humanita-



ris jura & cultum instillavit armatis, sed sanctioris multò fœderis cum Deo & pietate ineundi, rogando alternis, suadendoque, prima ipsa & sola interpret fuit; eo officio, etsi id vnicum extaret, nobilitatura patriam suam, & proprios annales merita. Franci, quorum ea tempestate nomen ingens, & potentia, quotidianis incrementis, vsque ad Imperium occidentis, quod tandem in Carolo Magno nacti sunt, crescebat, cum multis metuenda populis arma circumferrent, cum BOIIS etiam collisi, victoria ita moderatè vti sunt, ut præter Leges, quibus molliores neque suo sibi arbitrio BOII condidissent, durius nihil impone-  
rent; ea ipsa re non minùs bene de Gente BOICA meriti, quàm de Romanis Athenæ, dum Principi populo Leges & Jura sua describenda commodarunt. In eundem modum, si cætera prioris seculi facta, superiore libro annotata, ad examen  
voces, felix fortunatùmque fuisse pronuncies; ut neque ominis in venturos annos indè petiti nos possit pœnitere; vnum, idémque immortale bonum, Genti negatum, vel dilatum potius in-

hæc

BOII QUAM  
DIVA CHRI  
STI LEGI-  
BUS ALIE-  
NI.

hæc tempora fuit, quæ deinceps enarraturi sumus.

Imbuti adhuc vana superstitione animi, Deum, divinæque pariter ignorabant. Nam etsi jam olim per eximios Sanctitate Viros, quos suo loco nominavimus, Christiana Sacra in Vindeliciam, & Noricum importata, latèque propagata publicè privatimque culta fuerant, Boii tamen, cùm ex Nariscis patrios ritus, Deosque à majoribus acceptos secum attulissent, tanto pertinaciùs eosdem tuendos, ornandosque putarunt, quanto lætiores suarum rerum successus videbant, quos superstitiosi æquè, ac religiosi Dijs imputant, pietatisque suæ non modò fructum, sed & argumentum existimant. Antecesserant etiam Boiorum in has provincias ingressum iniquissima Religioni tempora; cùm, volantibus undique barbarorum gladijs, sacri prophanique illæsum immotumque nihil consisteret, ut oppressa pietas non modò splendorem, sed ipsam propè animam amitteret; & sanè post Severinum, qui Noricorum Apostolus dictus est, minimo minus absuit, quin

ipse

ipsæ etiam scintillæ Religionis extinguerentur; vt Boiis provinciâ vtraque potitis nihil ferme reliquum esset, quod vel oculos invitare, vel rudes animos ad Christum posset pellicere. Iam Magistrorum pietatis, quique silvescentia rura colerent, ingens penuria; vnum propè Fortunatum Pictavorum postea Episcopum nominare habeo, qui Boiis hîc imperantibus Noricum & Vindeliciam adierit, non figendi inter illos domicilij causâ, sed cùm voti reus ad D. Martini ossa veneranda in Galliam properaret, Dravum Norici, Oenum Breonum, Lycum BAIORIÆ, Danubium Alemanniæ (sic enim iter suum fluminibus distinxit) tranasse se fatetur, paulò ante Langobardorum in Italiam adventum. Reliquorum, si qui præterea in Boica latuerunt, qualis ex Reginoburgensibus Fastis Lupus quidam Episcopus producit, & fama in obscuro est, & vestigia vetustate jam olim extrita: Ex Legibus Dagoberti, quibus certiores tabulas ad rem præsentem nemo requirat, aliàs palàm fecimus, neque Theodoricum Regem, neque Childebertum Leges suas perferre quivisse,

*Fortun. ep.  
ad Gregor.*

viffe, propter vetuftiffimam Paganorum  
 confuetudinem nimis altis radicibus  
 apud Boios subnixam : quam Clothar-  
 rius demum perrupit, is fcilicet, qui sæ-  
 culi hujus trigesimo primo anno mor-  
 tuus est; quo tempore jam Boiaria,  
 cum Principe suo, sub Christi signis mi-  
 litabat. Nimirum ita Deo cæli vifum,  
 ne qua Lex apud Boios prior & anti-  
 quior efferet, Divinâ; hæc, vt est omnis ju-  
 ris fons & fcaturigo, viam facere Legum  
 rivulis debuit; & impatiens ferè alterius  
 imperij animus est, qui Deo nondum  
 parèt: debebatur tamen, fingulari fato,  
 Franciæ, vt indè potiffimùm Divina, hu-  
 manâque Lex in Boiariam importare-  
 tur. Hanc Reges condiderunt; illius præ-  
 co & interpres RVPERTVS fuit, etiã ipfe  
 Regij fanguinis, vt qui genus ad Franciæ  
 Reges, & Scotiæ Maioris, five Hiberniæ  
 Duces referret. Hic sub Childeberto, D. RVPER-  
 qui fecundus hoc nomine apud Francos TVS VAN-  
 Rex fuit, Vangionum, qui WORMATIEN- GIONVM,  
 fes hodie funt, Epifcopus, cùm in figni EPISCOPVS.  
 fâctitate & doctrina bonorum omnium  
 amorem collegiffet, improborum odia  
 evitare non potuit. Eorum dux & antefi-  
 gnanus

gnanus Beringerus Comes Regius fuit; Bercharius alijs dictus, vel Arianarum partium studio, vel, quod ab alijs traditum est, Christiani nominis odio, Ruper- to iniquissimus: nam in ea usque tempo- ra vanissima, superstitionis reliquias in- Francia perdurasse, testimonio Grego- rij M. literæ sunt, quas, paucis ante Chil- deberti mortem annis, ad Brunechildem eiusdem matrem dedit; ex quibus intel- ligas, fuisse etiam tunc idolorum cultor- res, quæque vetustissima Gallorum pari- ter, atque Germanorum insania fuit; Numen inesse silvis, arboribusque cre- didisse, neque à cruentis sacrificijs, quæ de ferarum capitibus fierent, abhorruisse, quo minùs incredibile videri debet, eosque impios illos furore profectos, ut innocentissimum virum virgis, servili infamique supplicio laceratum vrbæ exi- gerent: verùm Deus magno exuli, & cum co proscriptæ virtuti domicilium apud Boios parabat, iterum, quod mireris, fœminæ operâ in maxima re usus. Gari- baldus Secundo THEODO Tertiùs sive fi- lius, sive quo alio jure hæres successerat, cui, ex Regum Francorum sanguine, Re- gino.

AN. DXCVII.

THEODO  
GARIBAL-  
DI IL. IN  
PRINCIPA-  
TV BOICÆ  
SUCCESSOR.

ginotrudis, annalium nostrorum fide,  
 vel Childeberti, vel Theodeberti filia  
 nupta fuit; quæ cum Christianam pieta-  
 tem cum lacte imbibisset, eiusdem æsti-  
 mandæ, amplectendæque marito au-  
 ctor fuit; cuius dicta cum Theodo in-  
 animum demississet, Divinæ Legis in-  
 terpreterem circumspicienti Rupertus oc-  
 currit, sive vxore suggerente, quæ vi-  
 rum nosse potuit, imò debuit, ut san-  
 guine iunctum, sive illum potius sanguis  
 inter flagra fusus, & cui nunquam diu  
 latere licuit, virtus prodidit. Certè hic  
 vnus ante omnes, Legatione missâ, in  
 Boicam invitatur; nec defuit Principis  
 votis Rupertus, Legatisque discedenti-  
 bus Sacerdotes comites addidit, quos  
 ipse paulò post est subsecutus. Venien-  
 tē Theodo, Reginoburgi, tanquam ho-  
 minem Cœlo lapsum, venerabundus  
 excepit, & de Deo divinisque rebus di-  
 sputantem æquissimis auribus animisq;  
 audivit, Legisque nostræ Sanctitate per-  
 spectâ, volens, lubensq; veritati manus  
 dedit; quem Rupertus sacro admotum,  
 fonti piacularibus aquis lustravit: exem-  
 plum Principis proceres magno nume-  
 ro,

D. RUPERTUS  
 TVS IN  
 BOICAM  
 ACCERSITUR.

THEODO-  
 NEM SA-  
 CROFONTE  
 ABLVIT,

ro, & è populo integri greges secuti sunt. Annum, quo Coeli Jus Boica nacta est, Annales domestici sexcentefimum decimum sextum notarunt; etsi Aventinus, ut omnia perverteret, ad superiores Theodones, à quorum obitu annos propè octoginta numeravimus, tantæ felicitatis initia retulit, eo argumento, quòd tum quoque Childebertus Clodovæi filius Francis imperaret; at enim illum, nosse oportuit, ad hunc Vangiones, qui à Mediomatricibus seu Metensibus jura petebant, minimè pertinuisse, ut cui in Regni sortitione Parisij obtigerant; ex quo capite, illius in D. Ruperti Vangionū Episcopi Historia nominandi, causa nulla fuit. Jam in Arnonis Salisburgen- sium, Caroli M. aetate, Pontificis indice, quo Principum Boiorum in illam Ecclesiam liberalitatem, complexus est, Theodonis Filius & Nepos disertè nominantur, ut omnis, hac certissimâ notâ, exempta sit dubitatio; quamquam Aventinus ut hunc scopulum salvus præternavigaret, etiam superiori Theodoni, omnibus invitis, ipsoque inscio patre, filium hunc, quem nos postea productu-  
ri su-

ri sumus cognominem, adoptavit; oblitus tamen est, nepotem commentitium assuere, quem, ut suam fulciret fabulam, saltem constantiæ causâ, filio debuit subjungere, ne nos Arnonis testimonio ipsius nugas convellere possemus. Quod verò ex quibusdam schedis Salisburgensibus, quas Henricus Canisius publicavit, affertur, S. Rupertum à magno Hi-  
 berniæ Apostolo Patricio salutaribus a-  
 quis tinctum, & ab eodem literis Ecclesiasticis imbutum fuisse, aperte vanum est, & propriâ Auctoris, cui id excidit, spongiâ abstergitur; nam ille idem Rupertum mortem in annum Christi sexcentimum vigesimum tertium coniicit, quo vel Rupertum Nestorem facit, vel ipse in ratione temporum supputanda puer est: nam Patricium, qui Ruperto magister datur, diu ante quingentesimum annum ad Cœlum abiisse, magnis testibus compertum est; ut pudorem perdidisse necesse sit, qui seculum integrum, cum tã locuplete auctario prioribus Ruperti annis adjiciat. Sed nos ad ordinem narrationis revertamur. Optabat Theodo, ut cœlestis lucis radij, cuius

*Tom. 6. antiq.  
lect. p. 207.*



RUPERTVS  
LEGEM  
CHRISTI  
VOTA BOI-  
CA EXPLI-  
CAT.

se compotem Rupertus fecerat, quàm latissimè diffunderentur; navem ergo adornat, quæ Rupertum, secundo Danubio, in inferiorem vsque Pannoniam devexit; qui facundo ore, potentique manu, maiora homine ubique loquens patrânsque, omnes in sui admirationem, plurimos etiam ad veriamorem rapuit. Laureaci præsertim operæ precium factum, ubi florens quondam Christiana res miserè conciderat, cui in pristinum locum restituendæ impigrè insudavit. à Norico Ripensi in Mediterraneum digressus, quocunque pedem intulit, beatas opes plena manu in indigenas sparsit, pioq; cum inanibus Dijs suscepto bello, ubique victricia Christi signa erexit. Theodo successu delectatus, ut æterna ea Genti suæ bona faceret, optare locum stabili sacrorum domicilio Rupertum iussit. Juvavia in id dilecta, Romanorum olim Colonia, quam barbari flamma, ferroque, uti aliàs à me dictum, non vexaverunt tantum, sed penè abstulerunt, ut nulla veteris monumenta splendoris, plurima injuriarum superessent. Eum locum Rupertus, magnâ omnium voluntate, repurgare aggressus,

IUVAVIÆ  
SEDEM  
PONTIFI-  
CIAM STA-  
TVIT.

sus, sacris profanisque ædificijs excoluit;  
 Templum & Cœnobium Deo & D. Petro dicavit, sacrisq; hominibus habitandum tradidit; Theodo ornandum suscepit, lætis vectigalibus, lautis prædijs, pascuis, vineis, aquis pisculentis, salinarum fornacibus liberaliter. eò contributis: quarum rerum omnium cùm accurata descriptio ab Arnone Episcopo, & quodam S. Eberhardi itidem Salisburgensis Antistitis discipulo facta supersit, indicium fecisse satis fuit. Urbis reparatæ vetus nomen in novum Salisburgi transijt, quod vnicū firmamentū est opinantium, hoc tempore salinas repertas, debile sine dubio, & destitutum literarum fulcro; etsi nihil à consuetudine sua Deus alienum fecit, si nascenti in BOIARIA pietati hoc nobile condimentum aspersit, Rupertique precibus, qui Sal terræ, vt Sacra nostra loquuntur, fuit, hos fontes aperuit; sed tantæ rei affirmandæ certius aliquid famâ requito; præter salis venas etiam altera illecebra mōtes illos celebres reddidit: aurum indè eruebatur, fatale Naturæ bonum, nunquam satis altè defossum; ne scilicet minore periculo quaratur,

Tom. 2. § 6.  
 Antiq. lect.  
 Canisij.

*Discipulum  
S. Eberhardi  
secutus sum.  
s. 6. Canis.  
pag. 1149. qui  
hac fufius  
prosecutus est,  
quàm Arno,  
aut Auctor  
vita apud Su-  
rium tom. 2.  
27. Martij.  
D. MAXI-  
MILIANI  
ÆDIS PRI-  
MORDIA.*

tur, quàm possideatur; Fortè tamen ita  
evenit, vt dum avaritia ibi occupatur,  
thesaurus alter contra aurum charus cæ-  
lestibus indicijs proderetur: E familia Di-  
vi Ruperti Tonazanus quidam, itémque  
alius inter servitia Principis, Ledi nomi-  
ne, dum montem cædunt, illustrari te-  
nebras miro lumine, non sine horrore  
aspexerunt; odor etiam naribus affunde-  
batur exoticus, & prorsus diviniore or-  
iginis. Rem illi tribus noctibus notatam  
ad Rupertum deferunt; is vt certiora  
cognosceret, Domningum probatis mo-  
ribus sacerdotè eodem amandavit, Cru-  
cem etiam solenni prece dedicatã, quam  
in loco depangeret, ferendam dedit; qui  
cùm congruentia omnia primæ famæ re-  
perisset, nobilem cælestibus prodigijs  
locum Cruce addita sanctiorem facit, tu-  
guriolum etiam molitus tumultuario o-  
pere, qualemcunque Ædiculam Sacro  
Ligno circumdedit. Miraculi novitate  
tandem etiam Theodo permotus, Ru-  
perto potestatem fecit sacrorum homi-  
num coloniam deducendi, & locum ple-  
num Deo frequentãdi. Verùm ipse, dum  
maximè fervet opus, fatis concessit, mul-

**THEODONIS  
OBITU.**

ta prius Theodebertum filium monens, obtestansque, in tuenda pietatis causa, suum exemplum æmularetur, imò vinceret etiam: Rupertum parentis loco cogeret, nam se quidem breve Imperium, ipsi transcribere, & cum eo mille curas ab illo autem utriusque jus impertitum, melioris Regni, ad quod ferrum non pertingat, aliæque quæ mortales vel patiuntur, vel timent: ea tamen ipsa, Virtute, quæ Armis, interim melius propulsaturum; hac proinde niteretur certissimam unicamque Regnorum omnium tutelam; hanc se optimam partem hæreditatis illi relinquere ad posteros transmittendam; hac melius nihil Principes liberis, sed neque Deum quidem hominibus dare posse.

THEODEBERTVS hæc mandata patris ultima in primis curis habuit; novitium Ruperti opus, insigni liberalitate ipse præsens prosecutus, tria millia passuum, quaquaversum descripta D. Maximiliano, cui sacrata ædes fuit, & Religiosis incolis attribuit. Æmulari pietatem Principis sunt Ledi & Vrsi germani fratres, opesque suas, & quidquid proventuum ex villa Albina illis rediret, Monasterio

THEODE-  
BERTVS  
PRINCIPALIS  
PIETATE AV-  
SPICATUR.

donarunt: Wernharium & Dulcissimum nepotes suos Ruperto in disciplinā tradidere; qui tamen postea & ingenio, & Ruperti humanitate in perniciem cœnobij abusi sunt. Graviora eidem damna à Slavis deinceps illata, quorum furorē fugati incolæ; locus ipse in pristinā propē vastitatem, & solitudinem est relapsus. Rupertus interim, cū efflorescentem latē, per regionem omnem, pietatis segetem, neque se vnum cū pauculis, quos laboris socios adduxerat, tantæ spei parē videret; cū annos insuper suos jam Cælo maturos computaret; ne, fato interpellante, bene cœpta destituerentur, iter laboriosum, sed BOIARIÆ utilissimum suscipit; regressusque in patriā, duodecim viros sacris ad rem præsentem armis, id est virtute, doctrināq; instructissimos ( ex quibus facilè principes Churnialdus & Gisclarius fuerunt ) cūque ijs neptem suam Erendrudem excivit; nimirum ut magnæ virtutis in utroque sexu illustria exempla extarēt, quibus haud paulò efficacius mortalium animi permoventur, quàm verbis; Ergo quemadmodum virorum cætus ab inanum rerum

RUPERTVS  
SOCIOS SI-  
BI PII LA-  
BORIS AD-  
SCISCIT,

rum strepitu semotos collegerat, qui vnam optimamque rem agerent, Deo & sibi vacaturi; ita, ne fæminis in eadem bonæ mentis palestra dux decisset aut magistra, Erendrudem insigni Parthenoni præfecit, qui hodiéq; Nonnarum mons appellatur, quod nomen ignotum Latinis Christiana antiquitas Deo sacratis fæminis virtutis ergo imposuit. Theodebertus Princeps in eo loco ornando locupletandoque, cum parentis sui magnificentia certavit. Tabulæ donationum, testes hodiéque supersunt, in quibus, uti & in Theodonis, Romanorum cœnobijs emancipatorum non vna mentio; quo nomine veteres incolas eorûmque posteros intelligas, qui subactâ à Boiis Vindeliciâ & Norico, patriæ charitatem libertati anteposuerunt, novisque dominis obnoxij in ijs provincijs remanserunt. Porro auxiliari illa duodecim virûm manu Rupertus, in lustranda BOIARIA omni, egregiè usus est; neque enim, dum vita superfuit, quidquam antiquius habuit, quàm ut totum impietatis regnum everteret; eoque ipse, locis omnibus, quantum fieri poterat, per se inspe-

Otis, non suæmodò sanctitatis vestigia ijs  
 impressit, vt olim vrbes, & oppida, quini-  
 mo vici etiã, magno illo hospite gloriari  
 possët; sed tantum vbiq; Christiani sedu-  
 litate magisterij profecit, vt in totâ penè  
 BOICA Pietas caput attolleret; cui col-  
 locandæ, sine dubio passim sacræ ædes,  
 per ea tempora, erectæ, dicatæque. Sed  
 nihil jam ab illo ævo illustrius Oetingen-  
 si Deiparæ templo, itémque altero, quod  
 Ratisponæ visitur eidem Divæ sacrum;  
 quorum vtrumque adorandæ rubiginis,  
 & præsentî plenum Numine, eo etiã  
 plus venerationis obtinuit, quòd vulgò  
 creditur, spolia hæc esse prostratæ super-  
 stitionis, & inanibus creptâ Dijs, vni  
 Deo, & magnæ Matri cessissè, monimen-  
 tum æternæ memoriæ, ne vnquam exci-  
 dere posteris possit immortale Dei Ru-  
 pertique in has terras beneficium. Sed &  
 Weltenburgum, vetus, quod constat,  
 Monasterium, initia sua ad D. Rupertum  
 refert; nobis annosam opinionem con-  
 vellere animus non est: At enim in Syl-  
 labo, quo perpetua Præfulum series, in-  
 dè ab anno quingentesimo octogesimo,  
 quo quidem Rupertus in BOIARIA nō-  
 dum

OETINGA-  
 NVN DEI  
 MATRIS  
 SACRA-  
 RIUM.



dum pedem posuerat, tēxitur, ad tantam rem comprobendam nego satis virium esse. Rupertus tandem maturus ævi, re Christiana, quo maximè optabat loco constitutâ; finem vivendi fecit; fati sui ex divino oraculo ad eò certus, vt diem amicis ediceret; inter quorum lachrymas, serenus ipse, Vitalem sibi subrogavit eo loco dignissimum, & oneri sustenturum, rebûsque omnibus ad iter æternitatis ritè procuratis, ad diem conditum, qui Christo redivivo Sacer, in VI. Kal. Aprilis inciderat, animam cælestem Cælo reddidit. Funus rarâ pompâ, dispersari affectu, à mortalibus, Immortalibusque celebratum: Illi gemitus & lachrymas desiderio viri expressas tumulo affudere: Beati Genij festo carmine lectum castigarunt, vel certè temperarunt; veste etiam à nostris diversi, nam candidati comparuerē, omnino vt ad triumphum; quem quidem Rupertus tunc cœpit nunquam finiendum, Boicâ cælestes illi honores gratulante, non modò vt felicitatis suæ parenti, sed eiusdem etiam perpetuæ tutelæ. Quæ anni fatalis certissima nota, esse debuit, ea ipsa Scripto-

D. RUPERTI  
TI BEATA  
MORS.

II



rum animos in discordes sententias traxit: & vetus Scriptor, S. Eberhardi Salisburgensis Archiepiscopi discipulus, qui Ruperti res gestas, anno M. C. LXXXVI composuit, litem illam sub Judice, suo etiam ævo pependisse affirmat. at enim, cum constet, ab anno quingentesimo quadragesimo quinto, ad septingentesimum sextum vsque, bis duntaxat VI. Kal. Martij Christi Resurgentis memoriam, actam, sexcentesimo scilicet vigesimo tertio, & vigesimo octavo; alterutro obijisse Rupertum certum est, & posteriore quidem certius, quod ijs juxtà mecum, videbitur, qui tantis rebus efficiendis ipsos etiam duodecim annos suffecisse mirabuntur.

## II.

D. EVSTA-  
SII IN BOI-  
CAM AD-  
VENTVS.  
*Vitam illius  
Ionas Scotus  
scripsit, &  
extat apud  
Surium &  
Bedam.*

In eadem tempora quæ pius Ruperti labor nobilitavit, etiam Eustasij Luxovienfis in Gallia Abbaris adventus in BOICAM incidit. Eadem utrique causa, & virtus per omnia par; sed Eustasij fama obscurior, eoque accuratius præconium meretur, pauloque altiùs repetitum. Tribus, ante Rupertj in BOICAM adventum, annis, Columbanus incomparabilis vir, quem sui seculi Eliam voces, odijs

Brunc-

Brunechildis & Theoderici Regis proscriptus, ex Gallia in Alemanniam concessit, & ad Brigantium lacum consecravit: Illic morantem cupido incescit barbaræ Gentis ad Deum & nostra Sacra adducendæ; & quia Slavorum insignis immanitas omnium ore tunc ferebatur, ex illa potissimum Gente optabat triumphum ducere; si sudor frustra esset, sanguine illum meriturus: sed hanc provinciam jam sortito Deus intercessit, cœlesti Genio submisso, qui radio circumscriptum in brevi tabella orbem, sectumque in provincias, quomodo Geometre id hodie faciunt, Columbano ostendit, & ecce, inquit, quoquo oculos vertas, vastitatem vides virtutum; dextrorsum, aut levorsum, quò te pes feret, contende; totus Mündus tibi pro Circo patet; non tam bene cum rebus humanis agitur, ut Slavos tantum putes egere cultura. Sensit Columbanus aliò se vocari; perque proximas Alpes in Italiam descendit; quem Agilulphus Rex, & Theodelinda conjux, ut tanta virtus merebatur, omni officiorum genere sunt profecuti: Bobiensis etiam Monasterij condē-

COLUMBANUS A THEO  
DELINDA  
HONORIFIC  
E EXCIPI-  
TUR.

di po.

di potestatem ultro fecerunt; quo in loco commorantem Clotarius, qui ea tempestate solus apud Francos rerum potiebatur, submisso hoc ipso, quem supra nominavimus, Eustasio, in Galliam revocat. Erat hic Burgundio Gente, domi nobilis, sed Columbanī sanctitate permotus, eidem se olim, tradiderat excolendum, tantūque, eo magistro, profecerat, ut is vnum hunc, ex omni assclaxum grege, Luxoviensis Cænobij præfecturā dignū judicārit. Eustasius cū Columbanum Bobij convenisset, reditum quidem illi non persuasit, ipsemet tamen, Columbano facies admovente, explicandæ Divinæ Legis, apud ignaras Gentes, desiderio exarsit. Boi i potissimū animo destinati, neque difficilis conjectura est, quo auctore id consilium susceptum fuerit. Nam cū Columbanus Theodolinda familiarissimè vteretur, quis credat, piissimam faminam, cui Gentis suæ salus quàm maximè cordi esset, patriam suam, suosque Boi o s Columbano vel Eustasio etiam non enixissimè commendasse? cuius auctoritate, motus Eustasius deinceps in Boi c a m venerit, eodem penē

nè cum D. Ruperto tempore; nam si Bar-  
 ronius in annorum subducenda ratione  
 non fallitur, dum Agrestinum, de quo  
 mox dicturi sumus, sexcentesimo deci-  
 mo septimo anno, in BOIARIAM immit-  
 tit, vno minimùm Eustasius illum ante-  
 verterit necesse est: quòd si Sigonio as-  
 sentiri malumus, qui Agrestini adven-  
 tum in vigesimum primum annum dif-  
 fert, illud tamèn indubitatum est, vtrum-  
 que, adhuc in humanis agente Ruperto,  
 in BOIARIA fuisse commoratum: Et  
 Eustasij quidem opera vtibilis inprimis  
 fuit; insignes manipulos in Ecclesiæ hor-  
 rea convexit; sive plena & intacta ea mes-  
 sis fuit, quod verius puto, sive Ruperti  
 vestigijs alicubi insistentes, hoc tam locu-  
 ples, post illius industriam, spicilegium,  
 reperit. Sed cùm illum domestica cura  
 à cœpto opere revocaret, vicariam manū  
 præstantium virorum submisit, qui spem  
 illam occasionemque gnaviter vrgerent.  
 Degebat in illius cœtu etiam Agrestinus,  
 homo vanus, confidens, linguâ immo-  
 dicus, qui ex Theoderici Regis Notario  
 Monachi vestem colorémque, non item  
 animum assumpserat, magna interim,

AGRESTI-  
 NVS PSEV-  
 DOMONA-  
 CHVS IN  
 BOIARIA  
 SINE FRV-  
 CTV VER-  
 SATVR,

omnia

omnia spirans, pietatis religionisque  
propagandæ magisterium affectabat, ma-  
lus in illum vsque diem discipulus. O-  
mnia egit Eustasius, non imperio modò,  
sed consilio etiam, imò precibus, vt te-  
merario homini eam mentem eriperet;  
exponderet vires suas, & aliquod inter sa-  
cras profanasque literas, quas solas pin-  
gere olim consueffet, discrimen statue-  
ret; secum habitaret, & bene vixisse se  
crederet, si bene latuisset. Sed insanabi-  
le erat Agrestini ingenium; neque con-  
tineri potuit, quin sine auspicijs, nullo  
pignore authoratus, in BOIARIAM, ex-  
temporalis Fidei Doctor erumperet: sed  
optimæ mercis gratia, proprio pessimi in-  
stitoris vitio, eviluit; nam cùm plura do-  
ceret linguâ, quam vitâ, nec, quæ faci-  
da dicebat, faciendò probaret, intempe-  
stivis ausis excidit, operâ & impensâ per-  
ditâ. Ille vbi circumforaneam loquaci-  
tatem in BOIARIA contemni vidit, A-  
quilejam digressus, vt famam vel ex sce-  
lere colligeret, factiosorum hominum,  
qui ab Ecclesia Romana transfugerant,  
partes tuendas suscepit; &, ne frustra sibi  
facundus videretur, infelicem venalem-  
que

que linguam bonorum convitio exercere institit, in totum Columbani gregem, & sanctissimas vivendi Leges ab illo latas impotēter debacchatus, donec illi silentium impacta securis imposuit: atrocem mortem causa foediorum fecit; violati alieni thori injuriam familiaris servulus sic vltus ferebatur. Nos primis Rei Christianae apud Boios initijs explicatis, ad Theodelindam, cui partem tanti boni deberi credimus, in Italiam revertamur.

## III.

THEODE-  
LINDA CVM  
ADALVAL-  
DO F. LAN-  
GOBARDIS  
IMPERAT.

Illa jam secundo orba marito, permittentibus Langobardis, cum Adalvaldo filio Genti Jura dabat ita feliciter, vt neque hujus ætas, neque alterius sexus quidquam de majestate regia detraxerint: Nam Theodelindæ maximæ virtutes pro viribus erant; hinc illi non auctoritas modò, sed & veneratio: bellorum, vivente ipsa, deinceps nihil fuit; sed, quod ferè fit, armis silentibus, etiam literæ conticuerunt: pacis pietatisque studia, quæ illi vnicè cordi, Paulus Diaconus tribus verbis enarrare satis habuit: neque mortis obitæ annus in fastos venit: filius suis calamitatibus nobilitatus est, post decennium regno pulsus, jam mor-

ADALVAL-  
DO FVRIA-  
LE POCV-  
LVM PRO-  
PINATVM.

*Fredeg. c. 49.*

*Aimoin. lib. 4.*

*cap. 10.*

mortua, vti credimus, matre: Græcis artibus, fraude Eusebij cuiusdam everfus est. Is Legatus ab Heraclio Imperatore Orientis missus, muneris sui oblitus, ex Legato latro effectus est. Insinuarat se in quàm maximè familiarē vsum, fictis obsequijs, cùmque vnus omnia posset, Regi de balneo quondam egredienti, lauro, vinctoque poculum furiale propinavit; quo hausto, labefacta mente, nihil deinceps pro sano egit: &, quod miserrimum in furore fuit, illum ipsum mali huius autorem pro amicissimo complexus, rerum omnium arbitrum, & vnicum consiliarium habuit. Ille jam manifestè delirantis animum facilè in extrema omnia præcipitavit; conjurationes falsas, stratas in Regis caput insidias, & tristia omnia, etiam sanis prudentibusque timenda, & nunquam serò credita, amenti perpetuò occinens, & identidem assentando, indignandoque vicem ejus, effecit, vt duodecim Langobardorum proceres de medio tolli imperârît. Atrox exemplum reliqui ad se pertinere rati, potiùs quàm ipsi extrema paterentur, furiosum illum, neque Regem jam, sed Ty-

ran-



annum potestate regia exuunt, Arioal-  
 do Taurinatium Duce in ejus locum sub-  
 rogato, cui GVNDEBERGA Theodelin-  
 dæ filia, Adalvaldi soror matrimonio co-  
 pulata erat; id factum anno Christi DC.  
 XXVI. Honorius Pontifex pro restitu-  
 tione Adalvaldi multum laboravit, nul-  
 lo successu; qui tertio tandem anno, Si-  
 geberto teste, vi lentè grassantis veneni,  
 suisq; ærumnis confectus interiit. Gun-  
 deberga Regis soror, jam & ipsa Regina,  
 materno provocata exemplo, Ioanni Ba-  
 ptistæ Langobardicæ Gentis tutelari Di-  
 vo, Ticini, quæ Papia hodie dicitur, insi-  
 gne Templum struxit, & liberalissimè of-  
 navit. Mores reliqui tam probi, ut viva  
 honestatis imago haberetur, coleretur-  
 que, digna prorsus Theodelindâ matre  
 filia. Sed debuit posteris etiam profutu-  
 rum ex tanto virtutum apparatu exem-  
 plum prodi, quod triumphis pudicitia,  
 quales jam plures descripsimus, adjicere-  
 tur. Adalulphus quidâ nobili apud Lan-  
 gobardos genere natus, inter Regios as-  
 secas aliquando Regina se oculis inges-  
 serat; quæ hominem conspicata, formam  
 illius, habitumque corporis comiter &

ARIODVS  
 GVNDE-  
 BERGA  
 THEODOL.  
 F. MARITVS,  
 REX LAN-  
 GOB.

*Herman. 69*  
*Baron. hoc an-*  
*no.*

GVNDE-  
 BERGA  
 PIETAS.  
*Paul. l. 4. c. 49*

*Aimoin. l. 4.*  
*c. 10.*  
*Fredeg. c. 54.*



GUNDE-  
BERGA  
FALSO AC-  
CVSATA  
CVSTODIÆ  
TRADITVR.

CLOTHA-  
RIVS FRAN-  
RER, IL-  
LIVS PA-  
TROCI-  
NIVM SVS-  
CIPIT.

humanè commendavit : id Adalulphus aliorum interpretatus, ausus est pudicissimam foeminam de stupro appellare : Regina impurum nebulonem neque responso quidem dignata, spurcum proci os spuro consignavit. Ille non tam infamiâ repulsæ, quàm maioris supplicij metu percussus, immanem calumniam in innocentem confinxit ; Regem adit, & compertas sibi in caput illius insidiâs mentitur ; earum artificem Gundebergam nominat ; Ratonem sive Rasonem Hetruriæ Ducem illi in amoribus esse ; jam nuptias adornari ; jam pro dote Regnum & mariti caput desponsum ; jam in eius perniciem lethale poculum præsentì veneno temperatum. Quò atrocior calumnia fuit, eò faciliùs fidem reperit, utique illo deferente, cui minimè necesse videbatur mentiri, quémq; à suspitione fraudis, illustre genus vindicabat. Regina innocens, indictâ causâ, custodiæ in Amelli arce tradita, triste triennium inter ærumnas exegit. Tum demum Clotharius Francorum Rex facti indignitate motus, per Legatos cum Arioaldo expostulat de injuria, quæ ad Reges etiam Francos pertineret,

tineret; Gundebergam illis sanguine ad-  
 nexam, vinculis, multoque gravius infam-  
 iâ turpissimi sceleris premi; vno accu-  
 sante, latam sententiam, quasi de vilissi-  
 mo capite; nihil illi Reginae, nihil Con-  
 jugis nomen profuisse; neque Legum  
 saltem beneficio vti ei concessum, quod  
 etiam privatis vix tyranni negent; an id-  
 eò dictum esse, non scriptas Principibus  
 Leges, ne illorum damnationi breves ju-  
 dicij moræ obsistant, quas iura etiam  
 parricidis indulgēant? solos ergo Reges  
 sine patrono, sine iudice perire, satisque  
 magnam pereundi causam esse, accusari?  
 Rex vt invidiam, qua conflagrabat, ex-  
 tingueret, negabat iudicio suo crudelita-  
 tem, sed ne severitatem quidem admi-  
 xtam: conjugem molitam vitæ suæ insi-  
 dias in custodiam se dedisse, neque tam  
 vindictæ suæ, quam securitati consu-  
 luisse: an neque hoc quidem Regibus li-  
 cere? at enim Regnam damnatam vno  
 tantum deferente? quali verò viro? qui  
 Regnum etiam sine scelere vel sperare  
 posset, vel meteri. Enimvero Superis se  
 gratias habere, quod vel vni suorum in-  
 tēgra fides & charum domini caput fue-

rit: quamquam cùm de veneno cogitatur, vt non multis manibus opus sit, sic etiam conscientiam esse paucorum; ad temperandum fatale poculum, vnã foeminam satis fortem esse; ergone tunc denique fidem adhibendam Adalulpho fuisse, cùm veneno inter viscera recepto, mori se ex tormētis, fugiente anima, sensisset? tum quidem miseram Principum conditionem fore, si illis de conjuratione comperta non credatur, nisi morientibus, aut occisis. Cùm res exitum non inveniret, Ansoaldus è Legatis vnus, ab illa verborum dimicatione, rem ad ferum deducendam censuit. Ille rudis ævi mos fuit, Martem, quàm Leges, iudicem malle; & plus ferro, quàm causidicorum eloquentiæ credere: malam causam lingua & oratione bonam posse fieri dicebant; gladium pulcherrimè lites decidere, in foro, disertiolem vincere, in arena, jure potiolem, eundem etiam fortiolem esse. Nulli minùs conditio illa, quàm Adalulpho placuit, quem malus animus & conscientia sceleris pridem occulto vulnere jugulaverant. Sed cùm detestandi copia non esset, vires, quas ex se-  
lecta

leſta cauſa non poterat, ex deſperatione  
 ſumpſit. Ariperto Gundoardi Theode-  
 lindæ fratris filio pro innocentia Reginæ  
 ferro decernendi partes datæ; is vicariū,  
 quod duelli leges permittebant, in are-  
 nam immiſit, cum Pittonem Franci vo-  
 cant; Paulus Carello nomen fecit, qui  
 rem totā non ſub Arioaldo, ſed Rodoal-  
 do geſtam præpoſterè narravit. Certami-  
 nis is exitus fuit, quem cauſa merebatur.  
 Adalulphus morte ſua Reginam abſol-  
 vit, quam de cuſtodia eductam Arioaldus  
 deinceps maritali affectu coluit. Clotha-  
 rius, cui liberatæ Gundebergæ gloria de-  
 betur, paulò poſt, ipſo ſcilicet ſexcente-  
 ſimo trigeſimo primo anno, vitā exceſ-  
 ſit; qui poſt Theodericum & Childeber-  
 tum Reges, Boi cis Legibus condendis,  
 emendandiſque, tertius operam im-  
 pendit.

DVELLO  
 INNOCENS  
 PROBATVS  
 ET ABSOL-  
 VITVS.

*In Prologo Da-  
goberti.*

SVCCESOREM habuit Dagobertum  
 filium; qui cū, vivente adhuc patre,  
 regno admotus Auſtralianis imperaret,  
 multum Chrodoaldi operā utebatur; is  
 cū Agilolfingus genere à Fredegario  
 dicatur, manifeſtè ad Boios pertinet,  
 quibus ex hoc ſanguine perpetui Princi-

IV.  
*Fredeg. c. 52.*  
 CHRODOAL-  
 DI BOII IM-  
 POTENTIA.

*Aimein. l. 4.  
c. 11.*

pes fuere. Hic Arnulphi Metensium Episcopi, & Pipini Landisij suffragatione Regi conciliatus, & ad magna honoratâ, que ministeria perductus, suam fortunam ferre non potuit, in aliorum injuriam, suâque perniciem illâ abusus. Impotentia animi & avaræ manus primum invisum populo, deinde etiam Regi reddidere; ut ille paulò antè omnibus metuendus, nunc invicem omnes merueret, usque ad vitæ & salutis desperationem adactus; cui ut aliquà consuleret, ad Clotharium profugit, Patre deprecatore apud filium vsurus. Ille causam suscepit; & visus est Dagobertus Parentis honori, & precibus illum concessisse; nam & publicè hæc illius vox excepta est, si maleficia benefactis sarciret, eâdem operâ gratiam redintegraturum: dare se illi non modò ad poenitentiam, sed etiam ad amicitiam regressum. Id dictum Chrodoaldus securitatis suæ pignus accepit, & cum Dagoberto, Treviros, posito metu, profectus, pro Regij cubiculi foribus incautus, Rege iubente, occiditur; sive soporata ira illius aspectu recrudit, sive bonita-

nitatem Regis inimicorum acerbitas vi-  
cit. Sic Chrodoaldus, quod rebus inte-  
gris discere supersederat, iisdem ruenti-  
bus docuit, quàm reverenter habenda  
Fortuna esset, maximè cum nimis incla-  
rescens alienos oculos ad invidiam am-  
burit. Eiusdem Dagoberti anno IX, re- *Fredeg. c. 72.*  
gnandi cupiditas, vetus bellorum causa, *Simoin. l. 4.*  
Bulgaros & Avarès inter se collisit; nam, *c. 24.*  
cùm mortuo Rege, res ad Interregnum,  
rediisset, vtrisque Imperij decus magnâ  
ambitione ad se rapientibus, à comitijs  
ad arma decursum est, & pro suffragijs  
funera fuere: Bulgari victi Regnum simul  
& patriam amiserunt, XI I I millia viro-  
rum Pannoniâ expulsi, novâsque sedes  
quærere coacti, cùm amicis toto orbe  
haberent neminem, ad Francos capita-  
les hostes suos confugiunt, testa larésq;  
ab ipsis petitum, vltimæ necessitatis ex-  
tremo cōsilio, etiam vbi nihil sperarent, *A. CH.*  
nihil desperandum rati. Dagobertus in- *DCXLI.*  
ter ancipitia consilia ambiguus, suppli- *BVLGARI*  
ces in BOICA tantisper subsistere iussit, *BOIORVM*  
donec certius aliquid statuisset; ibi per- *HOSPITIO*  
hybernacula dispersi distractique, repētè *VSI, AB IIS*  
crudeli Regis mandato, quale olim Mi- *IVSSV DA-*  
trida- *GOBERTI*  
*OCCIDVN-*  
*TVR.*

thridatis in Romanos fuit, vna nocte, ab  
 ipsismet hospitibus suis, jugulatur: lanie-  
 nam vnus è Bulgaris Alticeus effugit,  
 qui septingentorum coacta manu, exi-  
 les illas Gentis suæ reliquias ad Vene-  
 dos subduxit. HUGIBERTVM Theo-  
 deberti filium circa hæc tempora, BO-  
 IOS rexisse, vt argumenta alia desint,  
 Arno certum facit, qui locupletatam ab  
 ipso, Patris, & Avi exemplo, Salisburgē-  
 sem Ecclesiam scripsit; reliqua illius ge-  
 sta interierunt: quanquam satius multo  
 est, vnā pietatis religionisque, quā  
 bellicarum virtutum, triumphorumque  
 ad posteros famam extendere: atque hu-  
 ius Hugiberti potius, quā Grimoaldi  
 cuiusdam Campaniæ & BOIARIÆ Du-  
 cis filiam Plectrudem Pipini Heristalli  
 conjugem faciant necesse est, qui illam  
 Boico sanguini insertum eunt; quando  
 in Pipini diplomate, quod S. Willibrordi  
 Cœnobio dedit, expressè Hugiberti filia  
 dicitur. Huic sanctæ gloriosæ & illustri  
 foeminæ (his enim illam encomijs Mar-  
 cellinus, qui vitam S. Willibrordi scri-  
 psit, cohonestat) D. Stephani Proto-  
 martyris Aedes primaria apud Bataven-

HUGIBER-  
 TVS BOIO-  
 RVM PRIN-  
 CEPS.

*Arno in An-  
 nos. de Theo-  
 deberto, locu-  
 tum subiungit.  
 Successor  
 namq; Filius  
 eius Huch-  
 bertus Dux,  
 &c. in anti-  
 quis Lect.  
 H. Co.*



ses originem suam transferibit, ejusque rei monumentum illic olim videre fuit, ipsiusmet Plestrudis imaginem, cum hac epigraphe, Plestrudis Regina à dextris tuis, in vestitu deaurato, circumdata varietate. Sed hæc certis testimonijs antiquitatis non subnixa non vrgemus: Illud indubitatum, hoc tandē tempore, Boicis Legibus vltimam à Dagoberto manum impositam, ad quas, vti & aliarum Gentium leges condendas, quatuor illustrium virorum operā vsus est, Claudij, Chadi, Indomagi, & Agilulfi; quorum vltimum Agilolfingum fuisse, vel ex vocis flexu conijcias; quemadmodum, & Merovei, & deinceps Caroli posterij, Merovingi & Carolingi dicti sunt. Nos Leges ipsas, quia longiusculæ sunt, & passim in manibus habentur, vel ijs, quibus editæ sunt verbis, huc transcribere, vel nostris invertere, supervacuum duximus. Gundeburga interim Arioaldo conjugem mortuo, cum eandē, quam olim Theodelinda mater, apud Langobardos auctoritatem magnis virtutibus collegisset, mariti Regisque optandi ab iisdem potestate accepta, Rothari Harodo nupsit,

PLESTRUDIS  
DIS D. STEPHANI M.  
ÆDEM PAS-  
SAVI CON-  
DIT.  
Hund. 85  
Scribitur in.  
in Catal. Bas.  
147.  
BOIORVM  
LEGES A  
DAGOBERTO VVLGAR-  
TÆ.  
Fredegar. c. 10.  
GUNDEBERGA  
ROTHARI  
NUBIT IN-  
FELICITER.



maximis viris comparando; nisi Arrij erroribus inquinatus, malè de Filio Dei sensisset. Eum Gundeberga, prioris calamitatis memor sacramento adigit, meliore in se animo, quàm Arioaldum futurum; Regnum se ad ipsum afferre, nihil præter constantem amorem reposcere. Rotharis omnia largè pollicitus, fidem, donec aliter visum est, coluit; cum se fortuna, cujus ipsum Gundeberga compotem fecerat, animo superfudisset, ne cuiquam mortalium etiam benevolentiam deberet, Reginam ex oculis amotam, Palatii Ticinensis cubiculo, id est honesto carcere clausit, etiam præsentiam illius non sustinens, cujus vel tacentis aspectus beneficium exprobraret, & dotem ab ingrato reposceret: At enim Gundeberga ubi ijs se natam fatis vidit, ne vnquam in conjugio felix esset, pectus Christiana patientiâ obarmat, eodèmq; animo iterum collapsæ fortunæ jugum passa est, quo olim ridentis fastigium tulerat. Famæ illius neque hic jam alter carcer quidquam detrivit; sed miraculo etiam viris fuit fæmina ita viriliter cum calamitatibus suis colluctata: & jam  
 quin-

quinquennalia sua inter angustias & in-  
 commoda egerat, cum è Francia Aube-  
 do Legatus supervenit, sive à Dagober-  
 to, quod ratio temporum exposcere vi-  
 detur, sive illo mortuo, à Clodovæo mis-  
 sus, quod fieri potuit, & factum Fredega-  
 rius scripsit. Hic, ubi Gundebergæ pro  
 gratia odium redditum intellexit, indi-  
 gnitate motus, Rotharim, Regis etiam,  
 Franci nomine interposito, officij com-  
 mone facit; palam propemodum factum  
 repetitis injurijs, ait, Langobardos sedu-  
 lè ea agere, quæ Francis dolcant, & viro-  
 rum iras per contumelias foeminarum a-  
 cùere; à duobus Regibus cognatâ Fran-  
 corum Gundebergam indignis modis  
 vexatam esse; & alterum quidem hone-  
 stum facinori suo pallium oppandisse, su-  
 spicionem propinati veneni; Rotharim  
 autem neque ficto crimine læsum, illius  
 innocentiam quinquennali carcere ple-  
 ãtere, quæ nihil unquam gravius pecca-  
 rit, quàm quòd tam ingratum Regno, &  
 conjugio sit dignata: Non jam duorum  
 hominum duello rem tantam commis-  
 sum iri, sed puro, piòque bello, Francos  
 ærumnas Reginæ vindicatuos. Movit  
 oratio

oratio Regem, vt Vxorem publico, & omnem pristinae fortunae apparatus ei-  
dem redderet; per omnia Divorum tem-  
pla, non sine triumphi specie, quem sa-  
pè exercita duris virtus merebatur, cir-  
cumductam bona deinceps fide coluit.  
Rotharis mortem Sigebertus in sexcen-  
tesimum quadragesimum sextum con-  
iicit, quo ipso anno Vitalis, secundus à  
D. Ruperto Salisburg. Episcopus, ad  
Coelum abiit; vivus mortuusque miran-  
da patravit; morbos nulla ope humana  
superabiles pio soloque suspirio pelleret  
solitus: agris obvijs salutem cum prece-  
retur, dedit etiam; vnâque illa familiari  
voce elapsos distortosque in pravam ar-  
tus integravit, cæcisque diem reduxit.  
Ne condito tumultoque ver & flores  
deessent, è medio sacri cadaveris corde  
lilium procrevit, viventis etiam post fu-  
nera virtutis, & innocentiae index: ex  
quo tempore agrorum vota, quæ ad il-  
lius vnam plurima concipiebantur,  
nunquam fefellit, eoque venerationem  
publicam meritis, proxima post Ruper-  
tum BOIARIAE tutela multis seculis ha-  
bitus est: Leo tandem decimus Pontifex

Ro,

VITALIS II.  
SALISB.  
EPISC. BEA-  
TAMORS.

*Hist. de Mira-  
culis S. Vita-  
lis habetur  
apud Canisium  
l. 6. f. 2023.*

manus, quod suo loco dicetur; cœlestes illi honores decrevit: successores habuit Anfologum, Savolum, Ezium, Flobargisum, Joannem, magna nomina, sed nihil annalibus datura, vetustatis incuriâ.

JACERVAM, si quam talis viri morte BOICA fecerat, tertio ab illa anno, Deus cum fœnore etiam sarfit, Emmemrammo Episcopo ex vltima vsque Aquitania, Pictonum Vrbe, quæ Augustoritum antiquis fuit, in vicem submisso. Expeditionem ille in Hunnos paraverat, Gentis illius feritatem, impietatemque Christianis armis debellaturus: cò properantem, Deo id agente, BOIARIA excepit, cùm ipsius Provincie caput Reginoburgum attigisset. THEODO quartus per ea tempora BOIIS iura dabat, qui tanto hospite lætus, susceptique ab eo itineris conscius, omnia egit, ne cœlitus oblato viro BOICA orbaretur. Cur enim illum Hunnis non invideret, ex quibus præter pulchræ mortis gloriam neq; sperari quidē aliud spoliū possit? nulla eloquentia illum imma-

S. VITALIS  
SUCCESSOR  
RES.

V.

D. EMME-  
RAMVS NO-  
VVM BOICÆ  
SIDVS.

Arbo Epi-  
scopus Frisia  
Meginfredus  
et Arnol-  
phus Comes  
l. de S. Emmeri

A THEODO-  
NE PRIN-  
CIPE EXCI-  
PITVR,

TRIENN-  
IVM BOI-  
CÆ EXCO-  
LENDE IM-  
PENDIT.

immani Genti persuasurum, ut gladium  
condat, nisi in ipsius jugulo; quod si ipse  
bonus Christi Athleta ferrum recipere  
gestiat, considerandum tamen illi etiam  
atque etiam esse, ne sudoris inter pios  
longosque labores profusi, quam proje-  
ctæ unâ cum sanguine animæ malus pre-  
cium sit; quod si ærumnarum sitis illum  
subegerit, relictâ patriâ fertilem Patien-  
tiæ campum quærere, posse sanè ipsum  
compendium viâ facere, & voto suo in  
media BOICA frui. Laborare inter initia  
sua novitiâ Religionem, Pietatémque  
ægre radices agere, in novali nuper pro-  
scisso, & talium frugum insucto; diffici-  
lem credi virtutis etiam adultæ tutelam;  
hic segetem omnem in herbâ esse, & nisi  
doctæ felicésque accedant manus, lolij,  
non spicarum messem fore. Vera dicebat  
Princeps, neque refellere ea Emmeram-  
mus poterat; mentem igitur mutât, &  
triennio in BOICÆ culturâ impenso,  
sensit sibi profectio ad Hunnos opus  
non fuisse: quin, ne qua parte desiderij  
sui excideret, etiam mors illi minimè sic-  
ca obtigit. Vta Theodonis Principis fi-  
lia consuetudinem stupri cum Sigebaldo  
nobi-

nobili iuvene habuerat; quod scelus aliquamdiu tacitum intumescens vterus erat proditurus. Hic demum miseros amantes, cum vltima exempla metueret, flagitij poenitentia subiit, cuius paulò antè neque pudor fuerat; & quia manifestæ turpitudini nullus color reperiebatur, reos ipsi se apud Emmerammū peragunt, & deploratam causam in mitissimi iudicis, juxtaque optimi patroni sinum deponūt. Is, inaudito mansuetudinis Christianæ exemplo, non ignarus quæ sibi fata accerferet, potestatem ijs facit sceleris in se transinovendi, simulq; Romanum iter, cui ex voto accinctus erat, ingreditur, ita obfirmato in vltimos casus animo, vt pro vita quidem nihil, pro fama aliquantulum laborandum sibi putaret. Eam ob rem Wolflaicum Presbyterū secreti consilijq; sui participat, obtestatus hominem, ne ex mortis genere, quam subiturus esset, æstimaret vitam suam: nam se quidem fati sui neque infamiam, neque acerbitem subterfugere; vt, si pietatis magisterium docendo non explevisset, moriendo absolveret: hanc vnam gloriam se affectare, vt Christo si-

milli-

VTA THEO-  
DONIS F.  
ILLI EXI-  
TIVM  
CREAT.

millimus alienum scelus succedanea vi-  
ctima, suo capite exolvat, famæ securus ;  
Deum & conscientiam sibi pro mille te-  
stibus esse ; quòd si humana alicubi suf-  
fragatione opus sit, non defutura olim  
Wolflaico argumenta, quibus ostendat,  
Emmerammum injuriâ cæsum videri.  
Vta interea cum nec vitulum diutius,  
nec sobolem celare posset, ex Em-  
merammo matrem se factam palàm pro-  
fessa, ita se ferébat, quasi neque erube-  
scendum quidem cum publico Sanctita-  
tis Magistro qualecumq; commercium  
esset. At enim splendidum mendacium,  
miseram adeò non juvit, vt ferro iratì  
Patris transadigenda fuerit, nisi alienæ  
manus obstitissent, ne Regia domus tot  
tristibus impleretur exemplis, & stupro  
polluta, etiam parricidio contaminaretur.  
Subducta igitur iræ oculisque Pa-  
rentis, ejusdem jussu in Italiam deporta-  
ta est; quo in exilio exhæres, & futijs sce-  
lerum suorum agitata periit. Lantber-  
tus vitiatæ frater Iram omnem in Em-  
merammum effundere gestiens, Helfen-  
dorfij ( Isaram inter & Oenum locus est )  
etiānum hærentem, citato cursu asse-  
qui.



quitur, & fortè, eo ipso tempore, stipatus  
 sociorum choro, solitas Deo laudes de-  
 cantabat, expositis inter ardentes lucer-  
 nas sacris Reliquijs. Verùm insanus juve-  
 nis, nullâ Sacrorum reverentiâ, domum  
 clamore implens, Emmerammum exci-  
 vit; qui vt in conspectu fuit, cum acerbo  
 risu, Salve, inquit, Episcopo; imò, quia  
 nomen hoc libentiùs audis, salve Affinis;  
 nimirum quia post sororem meam nihil  
 in reliqua te BOICA delectat, migran-  
 dum censuisti; insigni tamen vivòque  
 amoris tui in nos, & illam maximè, pi-  
 gnore relicto; vt eò leviùs, tanti patris ja-  
 ctura feratur; ybi parvulus nobis in re-  
 gia domo luserit Emmerāmus; beasti fa-  
 miliam principem sacrosancta sobole, &  
 quod maximum fuit votorum, illius æ-  
 ternitati prospexisti; nactus est per te Pa-  
 ter meus, qui cùm senectutem suam ob-  
 lecter; nam quem ille præ Emmerammo  
 Generum, aut ex quo sibi dari mallet ne-  
 potem? quando in illo non tam tui oris  
 effigiem, quàm ipsius imaginem virtutis  
 est adoraturus. Inundatus hac invidia,  
 Emmerammus defensionem parabat; sed  
 ferox juvenis, & iræ impotens, loqui pro-



S.EMME-  
RAMMI  
CRUELIS-  
SIMA CÆ-  
DES,

innocentia sua ingressum, scipione in ad-  
versum pectus impacto repulit & quinq;  
satellitibus scalæ radijs illigatum ad de-  
stinatam lanienam obiecit: illi omnia  
exempla crudelitatis egressi, caverunt  
studiosè, ne, quod & ipsum misericordiæ  
genus est, citò occiderent; membratim  
innocentē excarnificant, ne parùm acer-  
bè sentiret se mori: grassatum est toto  
corpore crudele ferrum, & plura fuere  
vulnera, quàm membra; singulos digitos  
à manibus avellere clementiæ rati, arti-  
culatim eos concidunt: aures, nares, pe-  
des, & quæ Natura velavit, non sine ver-  
borum ludibrio, lentâ, suspensâque ma-  
nu, producendo dolori, amputant: Deum  
quia eripere aliter non potuere, linguam  
etiam stirpitus avellunt, ne illius incla-  
mandi potestas suppeteret morituro.  
Tandem lassatâ tyrannide, cùm neque  
oculi lacrymabile spectaculum ferrent,  
semianimè, suôq; purpuratum sanguine  
deservere: post carnificum discessum,  
pavidi incolæ præcisa membra ultimo  
honore dignati, arbore (spina alba fuit)

CELESTIA  
PRODIGIA,

condidere; quæ tamen mox equites ig-  
noti duo, humanâ specie angustiores  
cùm

cum sustulissent, repentè non compa-  
ruere: jam & comites, quos metus an-  
tea dispererat, ad Emmerammum cum  
invieta anima luctantem confluxerant,  
captòque consilio, ne divinus viralib;  
quàm in Æde sacra moreretur, Aschai-  
mum, ubi D. Petri templum erat, deve-  
here seminecem cogitant. Ij cum novem  
passuum millia progressi essent, agmine  
mulierum, & ducentis viris exequias du-  
centibus, Emmerammus jactationem  
non ferès, vicinam mortem ejulatu pro-  
didit, & de curru depositus, in viridi ce-  
spite animam egit, quæ ipsa radians mo-  
re sideris, illata cælo, spectantium oçu-  
los perstrinxit, animosque sacro horro-  
re perfudit; vt jam penè corpus contin-  
gere, religio esset; tamen, resumptis ani-  
mis, Aschaimio illatum, pro præsentis  
copia tumulant, veràm Deus passus non  
est ignobili glebâ sanctissimum virum  
premi, magnis ostentis, nocturnisque  
monitis intellectum est, Reginoburgo  
ipsum deberi: eò igitur, secundâ Isarâ,  
adversòque deinde Danubio, inter ar-  
dentes faces, & clariora facibus prodigia  
devectus, funus triumpho simile habuit.

FVNVS EM-  
MERAMMI.

CÆDES VIN-  
DICATA.

*Meginfred. de  
S. Emmeram-  
mo c. 25.*

*Arnolph. Co-  
mes l. 2. c. 22.*

Theodone ipso pompam ducente, ad S. Georgij tumultatus est; ea Ædes vivo olim familiaris, etiam mortuum sinu accepit. Lantbertus inter Hunnos exulavit, suo scelere, & diuturnitate pœnarū, quas Emmerammo pependit, execrabilis; nam vindicta in illius capite non stetit, seros etiam nepotes aggressa; vt post trecentos ipsos à nefaria cæde annos, nemo ex illius posteris felix reperiretur; omnium vel immatura funera; vel produta ob id solū vita, ne citò miser esse desinerent; domus ipsæ, quas scelestus ille olim incoluit, domini causa multatæ, suisque deformes ruinis, ingentium suppliciorum notabilis appendix fuerunt. Contra facer ille cespes, qui laniati Martyris sanguinem bibit, velut dignitatis suæ conscius, spontè intumescens, & incubitalem fastigiatus clivum, omnes deinceps Naturæ leges contempsit, nec nive, nec pruinâ albus, neque sole neque gelu vstus, beatâ perpetuâque temperie, velut particula quædam Elysij perfruebatur: accolæ miraculo moti, nobilem areolam templo includere; qui honor etiam alteri loco datus, in quo beatam animam

nimam efflavit: nam cùm & ille nullas  
 hiemis injurias pateretur, Cæli iudicium  
 favorémq; secuti mortales, Ædem in eo,  
 Martyris memoriæ sacrârunt. Fasti Ro-  
 mani x. Kal. Octobris mœsti D. Emme-  
 rammi præscribunt; in epitaphio car-  
 mine, quod tumulo impositum est, an-  
 nus sexcentessimus quinquagesimus se-  
 cundus annotatur. Admiranda deinceps  
 ex tumulo patravit tot tantâque, vt acer-  
 bissimi Religionis nostræ hostes Hebræi  
 sibi laborandum putârint, vt Emmeram-  
 mum Sabbatarium fuisse Populo per-  
 suaderent, mendacij fuce ex nomine  
 petito; Amranium enim dictum, & Moy-  
 sis parenti cognominem fuisse, id levi fle-  
 xu in Emmerammum detortum: addide-  
 re nugatores illud alterum æquè frivo-  
 lum; cùm adverso Danubio corpus Re-  
 ginoburgum portaretur, nullum ferè na-  
 vigij pondus fuisse; id Moysaicæ Legis  
 suavissimæ sarcinæ, quæ vnâ cum corpo-  
 re advecta fuerit, beneficio factum. Eum  
 deinde codicem à suæ Gentis hominibus  
 asservatum esse, Christianis in devene-  
 rando duntaxat corpore occupatis. Fa-  
 bulâ, vti à me relata est, Laurent. Hoch-

*In Catal. Episc.  
Reginob. l. I.  
cap. 6.*

CENSURA  
HISTORIÆ.

Wartus ex ore Judæorum exceptam in-  
literas misit. Atque hunc in modum in-  
nocentissimi viri eadem peractam Aribon  
Frisingensis Episcopus, & ex eo Meginfre-  
dus tradidere. Quod tamen Emmeram-  
mum ipsummet, flagitij in se transferen-  
di, Vta auctorem fuisse affirmant, multi  
refugiunt credere; nam præterquã quod  
Emmerammi ipsius à mendacio vindi-  
candi, via plana nō suppetit; ne Vta qui-  
dem, cuius potissimum ratio habenda  
fuerat, periculo subduci eo figmento po-  
terat; an enim illa patri, vel mortalium,  
adeò ulli causam suam probatura fuit, si  
Generum Principis Episcopum potius  
nominaret, quàm nobilissimum Juve-  
nem, cuius & amor patrocinium, excu-  
sationem ætas, & error veniam, et si non  
merebatur, inveniret tamen? cùm ad in-  
cestum Episcopi damnandum, cælum &  
terra conjuratura fuerint. persuaserit sa-  
nè Vta sibi, ingens in Emmerammi no-  
mine sceleri suo præsidium situm; nam  
cæca amore, & amens nihil novi facit, si  
in consilio capiendo delirat; at enim  
prudentissimus vir, qua mente fuisset, si  
miserabilem illam ex Charybdi in multo  
peti-

periculosiorem Scyllam conjiceret? nam  
 quæ stupri crimen eluere apud patrem  
 desperat, verba scilicet reperiet, quibus  
 sacrilegij causam dicat. Equidem in Scri-  
 ptoribus illis etiam constantiam deside-  
 ro; cur enim apud eos Lamberto se pur-  
 gat Emmeramus, qui paulò antè suum  
 ipse nomen detulit, & Sigebaldo subtra-  
 cto, se reum fecit? cur illū propositi tam  
 repentè pudet? cur defensionē parat pro-  
 stitutæ ad infamiam innocentia? quam si  
 probaverit, Vta duplo ideo pereat, & stu-  
 pri & perjurij convicta. Sic illi dum man-  
 suetudinem Emmerammi extollere pa-  
 rant altius, penè tyrannum ex Episcopo  
 fecerunt. Apud eosdem Emmeramus  
 à Volfeto seu Wolfaico Presbytero si-  
 lentij fidem exigit, quam tamen ipse sibi  
 non præstat; Sacramento adigit homi-  
 nem, ne sui viventis patrociniū susci-  
 piat, sepulto demum seras vindictas pa-  
 ret; ipsemet interim meditata oratione,  
 impositi sibi criminis invidiam amoliri  
 omni studio contendit, qua illi minimè  
 opus fuit, si præconium innocentia suæ,  
 non nisi post funera, fieri voluit. Atque  
 ob has rationes existimo, etiam in Roma-

no Martyrologio causā, quæ vulgò mortis Emmerammi affertur, studiosè præteritam, molliore, sanctiorēque in vicem  
 „ subjectā his verbis: Ratisponæ in BAVA-  
 „ RIA S. Emmerani Episcopi & M. qui, vt.  
 „ alios liberaret, mortem sævissimā, Christi  
 „ sti causā, patienter tulit. Vt proinde propior opinanti sim, alieni sceleris suspicionē & calumniā Emmerammum oppressum, cū paratæ necis subterfugientæ rationes plures haberet, cū in lucē protrahere verum sceleris auctore, reūque peragere Sigebaldum posset, maluisse tamē, Christi æmulatione & exemplo, vitam prodigere suam, quàm alienam, proderē; quod si paulò liberiori conjecturæ locus est, credam, eundem etiam, Vtæ consilium subministrasse, non foedi in se sceleris devolvendi, quod neque sanus dare, neque pius potuit; sed paternæ iræ, tempestivā fugā, declinādæ, cuius in molimine intercepta, retractāve Vta auctorem fugæ Emmerammum nominārit: atque illum non invidiā tantum dictari consilij, sed, quod eiusdem caput & fons videbatur, stupri insuper infamiā aspersum, temerarioque damnatum præiudicio.



cio, à furente Lantberto carnificibus ob-  
jectum. Id postmodum perperam ab Ari-  
bone intellectum explicatúmque, alios  
etiam in errorem induxerit.

Nunc, quò nos annorum series vocat,  
Italiam revisamus; vbi Langobardorum  
Imperium, quod penes Boici sanguini-  
nis foeminas Theodelindam eiusque fi-  
liam Gundebergam diu fuerat, circa hæc  
ipsa tempora, ad viros eiusdem Gen-  
tis delatum, in eorum manu, & pote-  
state aliquam-multos annos fuit. Cre-  
di potest ea particula mercedis fuisse,  
qua Theodelindæ Pietas & Religio  
compensata cælitus sunt; vt & ipsa do-  
cumento posteritati esset, famam, glo-  
riam, imò & imperia certiùs virtute,  
quàm armis parari; nam quod exercitus  
integri summis viribus inter se connixi,  
rarò consequuntur, siue iniquitate For-  
tunæ, vt vulgus loquitur, siue, quod ve-  
rius est, Divinæ Mentis consilio; id ex-  
cellenti vnius foeminæ Pietati datum,  
confutando errori mortalium, plus spei  
in forti manu, quàm bona mente repo-  
nentium. Igitur post Rotharem Haro-  
dum, Gundebergæ, quæ Theodelindæ

VI.

BOII IN  
ITALIA  
LANGO-  
BARDIS IM-  
PERANT.

Paul. Diac. l. 4  
c. 48.

Qq s filia



*Idem ibid.**c. 50.*

ARIPERTY-  
M BOIORVM  
REX GUNDE-  
BERTVS  
LANGOBARD.

*ibid c. 53.*

AN. CH.  
DCLX.  
PARTHARITVS ET  
GUNDEBERTVS  
FF. SIMVL RE-  
GNANT.

filia fuit, maritum, Rodoaldus filius Langobardis imperavit, eoque sine virili stirpe sublato, Regnum summis studiis ad ARIPERTYM Gundoaldi Astensium Ducis filium, Garibaldi BOIORVM Regis nepotē delatum; id ille novennio administravit, pacis magis, quàm belli artibus inclitus, vnoque Religionis exornatæ monumento famam apud posteros adeptus: nam Theodelindæ & Gundeburgæ exemplo, Servatori nostro sacram Edem magnis impendijs Ticini extruxit: Sexcentesimo sexagesimo anno rebus humanis excedens, consilio infelici, filios duos, PARTHARITVM, & GUNDEBERTVM Regni Hæredes, æquali jure, instituit, quasi Imperia pati socium possent. Sed mox patuit, quàm non caperet Regnum duos: Fratres vrbe & domicilijs primùm sejuncti sunt; Mediolani Partharitus Regiam, alter Ticini collocavit; animis verò multò longiùs inter se dissidebant, maximè susurronibus domesticis fraternas similtates alentibus, ne, subeunte olim germanitatis memoriâ, deflagrarēt potiùs, quàm in hostilia odia maturescerent, mox etiam in bellum eruptu-

ruptura. Impotentior animi Gundebertus fuit, idem tamen à viribus opibusque imparior, vt illi ad mediatum scelus perficiendum aliena auxilia fuerint adsciscenda; ea à Grimoaldo Beneventi Duce, militiæ artibus nulli ea tempestate secundo, Garibaldo Taurinate interprete vsus, petijt, Sororis matrimonium pactus, si fratrem evertisset, Taurinas Dux infamem legationem novâ perfidiâ multo turpiorem reddidit; prævaricator causæ, ob quam missus fuerat effectus, consilium Grimoaldo dat non opis ferendæ, sed Regni Italiæ proprio Marte invadendi. Cur enim dubitet Imperij potius, quàm promissi matrimonij causâ arma induere? fratribus victis, inter reliqua spolia etiam sororem futuram; Langobardorum Gentem repudiatis adolescentibus duobus stolidis, qui neque pacem colere possint, neque bellum facere, nisi impium, vltro viro forti parituram; non obstitet modò ipse fortunæ suæ; & saltem alterius reguli iudicium sequeretur, qui imperare posse se, nisi Grimoaldo adiutore, desperet, eo ipso confessus, Italiam in illius manu esse; nimis

FRATRVM  
DISSIDI-  
VM.GARIBAL-  
DVS DVO-  
RVM FRA-  
TRVM PRO-  
DITOR.

mis simpliciter ipsum facturum, si belli tantum labores sibi sumat, & alteri præmia largiatur. Nemo invitus audit, cum ad sceptrum & purpuram vocatur; itaque Grimoaldus Garibaldi orationem avidissimè non in aures tantum, sed in intimum pectus demisit; nihilq; cunctatus, maximis contractis copijs, ad tam benignas spes properavit, quarum eum Garibaldus novo scelere compotem fecit. Gundeberto primùm persuasit, ne extra Regiam Grimoaldum exciperet, amicum scilicet, & mox etiam affinem futurum; quòd si de illius fide dubitaret, corpus loricâ muniret; sic in vtrumque paratum, sive hostis, sive hospes adveniret, huic nudam dextram, illi armatum pectus obiecturum. Cùm cautum in speciem consilium Gundeberto probasset, è vestigio ad Grimoaldum regressus, mutatâ fallaciæ suæ scenâ, obtestari eum cœpit, si salutem suam cordi haberet, caveret paratas insidias; Gundebertum, conversa repentè voluntate, in eius perniciem toto animo ferri, & neque ad primum complexum sine armis venturum. Ita suspensis vtrinque mentibus, ad mutuam

tuam salutationem conventum est, vix ipsa fronte ficti obsequij personam satis scitè sustinente. Grimoaldus Regem arctius, non ex amicitia, amplexus, facile lorica tum deprehendit; execratusque velut compertum manifestæ perfidiæ miserum Regem, per ipsa munimenta sua proditum, ferro obtruncat; nullaque cædis invidiâ, cum vim non fecisse, sed evitasse crederetur, nemine reclamante, Regnum occupat. Partharitus tristi exemplo etiam ad se pertinente perculsus, & tyranni, quàm fratris acerbiora odia fugiens, ad Cacanum Hunnorum Regem elapsus, Regnum integrum in Grimoaldi manibus, mercedem sceleris, quæque tristior jactura fuit, etiam Rodelindam uxorem, cum Cuniberto filio, reliquit. Garibaldus non diu post meritas Regibus duobus & fidei in utroque violatæ poenas dedit, inter ipsa Sacra, Sanctissimo Paschæ die, vilissimi homuncionis dextera peremptus. Partharitus interim, quamvis exul, timebatur tamen; neque Grimoaldus vivo illo, qui ultor esse poterat, securum se potentiae malis artibus quæsitæ arbitrabatur: hinc Cacano jure mutui

GVNDE-  
BERTVS A  
GRIMOAL-  
DO OCCIDI-  
TVR.

PARTHARI-  
TVS FVGA  
SIBI CON-  
SVLIT.

GARIBAL-  
DVS PRODI-  
TOR OCCI-  
DITVR.

*Idem l. 5. c. 2.*  
¶ *scqq.*

mutui foederis imperat, ne hostem suum apud se esse pateretur, nisi bellum, quam pacem mallet, ea denunciatio hospitium Parthariti dissolvit: Circumspicienti ergo novum exilium, aliosque patronos, omniaque ut infida, vel suspecta dam-nanti, tutissimum visum, consilium ab audacia petere, & ipsiusmet Grimoaldi tentare clementiam, à cuius sævitia profugerat. Ergo in Italiam regressus, Hunulphum, quem illi unicum ex amicis Fortuna reliquerat, præmittit, ad id duntaxat à Grimoaldo impetrandum, ut in qua terra natus fuerat, imperaveratque, privato sibi liceret vivere. Non erat tam remotus ab humanitate Grimoaldus, ut hoc tantillum supplici, nuper Regi, & quidem suo, denegaret. Igitur datâ prolixè fide, non modò impunè venturum, sed & cum honore apud se futurum, paulò post adventantem Ticini humanissimè excepit: qui præsentis memor fortunæ, submissus in genua non clientem, se modò, sed servum Regis confessus, id vnum rogabat, ut quantū ipsi in afflictum liceret, id clementia potius, quam sævitia restatum vellet. Rex comiter ad osculum

lum levatum; bonum habere animum, iussit; daturum se operam, ne ipsum concepta de sua clementia spei vnquam pœniteret; magnis deinde oneratum, promillis, ad curandum corpus dimisit. At enim verecundiâ pristinae maiestatis colata præsenti fortunæ, & aspectu Regis è folio in exilium deturbati, totius Urbis animi commoti, studiâque Langobardorû erga calamitosum adeò accensa sunt, ut nemo paulò honestior civis fuerit, quin visendi, salutandique desiderio, in ejus domum conflueret; ita enim sentiebant, injuriam illius suum flagitium esse, sibi que magis, quàm ipsi deforme, Regem suum, post purpuram, supplicis habitu aspici, circumferre que non tam miseriæ suæ, quàm Langobardicæ perfidiæ notas. Verùm hæc ipsa officiosorum civium misericordia Partharito in miseriam vertit, reputante Grimoaldo, si modò tam benevolis civium animis uti vellet Partharitus, certissimum illi ad Regnum regressum patere; hac illum spe rediisse in patriam, nunquam aliàs ausurum committere se novo Principi, nisi Popularium studijs confusus, illum ut ma-  
lè so

EXITIVM  
PARTHARI-  
TO STRY-  
VIA.

lè folio hærentē & facilè proturbandum,  
jam olim contempsisset. Igitur repetere  
artes suas, & quia à parricidio Regnum  
auspicatus fuerat, dubiam illius posses-  
sionem simili crudelitate stabilire, opti-  
mum judicavit; hoc vno jam modestior  
factus, vt, cùm Regem alterum sua manu  
obtruncasset, nunc carnificis munus sa-  
tellitibus suis remitteret. Interim quò  
occultiùs falleret, lautia omnis generis  
submissa, adornatæ epulæ ferales, & Par-  
tharito extremæ futuræ, vina optimæ  
notæ propinata largiùs, cum sanguine  
refundenda. Miser hospes ignarus juxtà  
& securus futuri, longa exilij mala me-  
gebat obruebátque lætissimâ, post amis-  
sum Regnum, cœnâ; cùm repentè pater-  
nus amicus, incertum quonam modo  
compertas insidias, cùm edulij quippiam  
mensæ intulisset, raptim in domini aures  
insusurrat; tantâque in ambobus vultus  
animique constantia fuit, vt indicium  
factum gravissimæ rei nulla nota prodi-  
derit. Partharitus lætitiâ vagis sermo-  
nibus simulans, tristes cogitationes o-  
mni artificio tegebat, id vnum pocillato-  
ri clâm imperans, ne quid præter aquam  
sibi



Sibi bibituro porrigeret; qua se multò  
 deinceps avidiùs ingurgitabat, cùm aurea  
 phiala abstemio faveret, & cum aqua do-  
 lum absconderet. Circumcurſitabant  
 interim deluſi ſpeculatores, quorum ple-  
 na domus fuit, qui profundam Parthari-  
 ti gulam, ebriique geſtus exultanti Gri-  
 moaldo exponerent, cujus ea vox exce-  
 pta eſt, Cras illum pro commiſſatione  
 ſymbolam daturũ, & ſanguinis aliquanto  
 etiam plus remenſurum, quàm vini abli-  
 guriffet. Solutò convivio Hunulphus  
 intelligit, quo in loco ſalus domini & vi-  
 ta verſetur, comitia de ipſius capite ha-  
 bita, ſtriſtos in inermem tot ſatellitum  
 enſes, oppugnari miſerrimum Princi-  
 pem totius Regiæ viribus; & pugnam in-  
 ter carnifices eſſe, quis caſi caput referat  
 ad Regem, & in hoc tantum ſcelus, præ-  
 ſentem noctem, aut proximum dilucu-  
 lum deſtinari, quæ mora vix invenien-  
 do conſilio, nedum auxilio ferendo ſit  
 ſatis. Videbat exitus omnes cuſtodijſ ſe-  
 ptos, quæ totius circuitum domus ita  
 complexæ erant, vt ſpes omnis elaben-  
 di videretur præciſa. Perrupit tamen in-  
 genioſa fides, reperitque rimam, qua



**HUNVLPHI  
FIDA OPE-  
RA PAR-  
THARITVS  
EVADIT.**

herum ex eo labyrintho educeret: Cùm lectum sibi in Parthariti cubiculo sterni iussisset; paulò post Partharitum ipsum vrsina pelle instratum, multaque suffarcinatum veste, diras omnes in illum evomens, instar clitellarij mancipij præsegebat, fuste ipse armatus succumbentem excitabat, quærentibusq; quorsum ita sæviret, castigare se triobolarem servulum; inquit, eumque pridem vltima exempla meritum, hoc ipso die, ne unquam frugi esset, lectum sibi ad Parthariti latus stravisse; qui cùm cænam vomitu, ipsamque propè animam rejecerit, nihil nunc distet à mortuo, altissimo somno sepultus; & se quidem nimis diu hoc jam saxum volvisse, eo tandem omisso, ad feliciores partes, quas ipsi Superi adjuvent, transiturum. Hæc cùm truci vultu, inter applaudentes iactaret, Partharitus feliciter vapulans; ædibus, nemine morante, exturbatur, plagis illis sine gemitu concoctis libertatem indeptus; ex moenibus illum Hunulphus fune demisit, fortuito comitatu septum, cum quo palantes in pascuis equos inscendens, Astam canoste venit, civitatem etiam in illa Fortuna immo-

immotæ erga se fidei; indè Taurinum di-  
 gressus, omnia tutiora paterno Regno &  
 suo ratus, trajectis Alpibus ad Francos  
 abiit. Grimoaldus in parricidij apparatu  
 noctem absumperat, viamque omnem,  
 quæ inter Regiam & Parthariti hospitium  
 interiacet, milite multo sepserat; tum  
 denique missi, qui Partharitum evoca-  
 rent. Abdiderat se cubili familiaris ser-  
 vus, fidei per omnem vitam, cultæ etiam  
 animam impensurus; qui semel iterum  
 quæ Partharitum inclamantibus fucum  
 fecit, obsecrans, ne quiescentem inter-  
 pellarent; donec convulsis effractisque,  
 moræ impatientiâ, foribus, fraudèque  
 cognitâ, omnem furentium impetum,  
 servus pro heri capite splendidè mendax  
 excepit; quæ cum non vna cruce dignum  
 omnes vociferarètur, Grimoald<sup>9</sup> suo ju-  
 dicio absolvit, fidem, quam hero, quan-  
 tumvis suo hosti servârat, in eo venera-  
 tus: neque dubitavit in familiam suam  
 asciscere, vt similibus illam exemplis no-  
 bilitaret; sed ille spes fortunâque suas a-  
 pud Partharitum sitas dictitans, id sibi  
 præ Regia, & Regno fore professus est, si  
 latus regere exulis posset, pro quo etiam

SERVILIS  
 FIDEI IN  
 HERVM EX-  
 EMPLA.

R. 2. mori

miori suave duxerit. Consentientia Hunulphus dixit, qui à templo D. Michaelis; quò confugerat, fide publica abductus, magnisque præmijs ad Grimoaldi familiaritatem invitatus, conditionem generosè respuit; negans, cui Fides curæ sit, eum Fortunæ domini posse poenitere; neque Grimoaldum quidē amicum nisi in duros casus quærere; probaturum se, talem Partharito jam obtigisse; nunc quidem se prima documenta dedisse, vltimum tamen in voto esse; nam majus nihil sibi posse cōtingere, quàm si ipsum Dominus videat pro se morientem. Dicti factique par fuit admiratio; censuitq; Grimoaldus, optimam Regni particulam se Partharito non eripuisse; igitur cū Hunulphi retinendi spes non esset, eundem magnificè donatum, vti & alterum, qui fide in dominum cum ipso certarat, Partharito non sine gemitu, & invidia remisit, verè sentiens, par tam fidum majori illi vsui, quàm sibi centurias satellitum esse. Partharito indè sub Francorum patrocínio molle exilium, imperturbatūque otium obtigit; alienus ipse à rebus novandis, æquiore propè animo pri-

vatæ vitæ humilitatem, quàm Regiæ fasti-  
 gium tulit. Nono denuin Grimoaldi an-  
 no, Fortuna, cum qua in gratiam redij-  
 se videri poterat, illum etiam ex Gallia  
 proscripsit. Nam fœdere inter Francos, PARTHA-  
 Langobardosque icto, veritus Parthari-  
 tus, ne illud capite suo sanciretur, ad Sa-  
 xones, qui tum rerum in Britannia potie-  
 bantur, iter intendit; jamque navis illum  
 vectura à portu solverat; cùm repente  
 vox, nescio cuius, Partharitim inquiren-  
 tis, clarè audita est; ubi responsum est, In  
 navi esse, jussus est, eiusdem vocis autho-  
 ritate, littus relegere, & melioribus avi-  
 bus in patriam redire; Grimoaldum, cu-  
 jus metu fugeret, implacabiles iras, ante  
 triduum cum anima, amisisse. Parthari-  
 tus littori succedens mortalium nemi-  
 nem reperit; eoque vocis auctor cælestis  
 Genius creditus, promptiùsque fides ha-  
 bita, optimo successu: nam cùm, supera-  
 tis Alpibus, Italiã attigisset, summis Pro-  
 cerum populiq; studiis exceptus, & Ti-  
 cinũ deductus est. Garibaldus Grimoaldi  
 ex Parthariti sorore filius, impubes ad-  
 huc, Regiam tenebat; quem nullis po-  
 pularium auxilijs subnixum, cùm facile

Idem ib. e. 32.  
 & seqq.

PARTHA-  
 RITI EXI-  
 TUS.

REVOCAT-  
 UR DIVI-  
 NITVS IN  
 ITALIAM.

REGNUM  
RECUPERA-  
BAT.

folio deieciſſet, ipſe inter publicos totius  
Gentis plauſus in illud repoſitus eſt, ter-  
tio à Grimoaldi obitu menſe. Auxere læ-  
titiam Rodelinda vxor & Cunibertus fi-  
lius ex Beneventano exilio recepti; iſque  
dies, qui mutuò tam amantes, ſed per-  
ſumam Fortunæ acerbicatem ſejuñctos,  
nono iterum anno, mitigatâ tandem fa-  
torum inclementiâ, conſociavit, propè  
vota ſuperaſſe viſus eſt: proinde Partha-  
ritus, ne bona, quàm mala ſua ſenſiſſe ſe-  
gniùs videretur, publicum grati adverſus  
Deum animi monumentum extare vo-  
luit, nobili domicilio ſacratæ Virginibus  
crecto, cui Ædem D. Agathæ dicatam,  
adjecit, eo ipſo loco, quo nuper præſen-  
tariam mortem, Hunulphi ope, per fu-  
nem delapſus evaſerat. Rodelinda vxor,  
pietate ſe vinci non paſſa, Magnæ Matri  
Virginì inſignem Baſilicam extra Urbis  
mœnia ſtatuit. Cæteri mores his ſtudijs  
examuſſim congruentes, Paulum Dia-  
conum, qui totam hanc Tragœdiam in-  
litteras miſit, laudatorem eximium ha-  
bent: qui juſtitia in primis, rectique amo-  
rem, & benigniſſimum erga inopes ani-  
mum, vtramque planè regiam virtutem,

in

PARTHA-  
RITI GRA-  
TUS AD-  
VERSUS  
DEVM ANI-  
MVS.

in Partharito deprædicavit. Octavo, post  
 receptum Regnum, anno, qui salutis no-  
 stræ sexcentessimus septuagesimus septi-  
 mus fuit, CVNIBERTVM filium in socie-  
 tatem sceptri assumpsit; sed lætitiā do-  
 mesticā paulò post novi motus, vnde  
 minimè decuit, orti inquinarunt. Ala-  
 his Tridentinus Dux, turbido ingenio  
 vir & superbo, arrepta vndecunque cre-  
 scendi opportunitate, arma in Boios  
 movit, & cum eorum Comite, quem  
 Gravionem, jam illa tempestate dictum,  
 Paulus autor est, Præfecto Bauzani (ca-  
 inter vrbes Tirolis est emporio nobilis)  
 congressus, feliciter pugnavit; successū-  
 que elatus, ipsos Reges, suos hostes sibi  
 destinat, pertæsus bella, quæ sine scelere  
 suscipi gerique possent: Tridentum in-  
 primis, quanto maximo potuit opere  
 communijt, omniâque infesti animi, &  
 imperium apertè aspernantis argumenta  
 prodidit. Partharitus malo in tempore  
 occursum, Alahem bello appetijt, eum-  
 que Tridentinæ vrbs munimentis clau-  
 sit; sed obsidionem non perinde vrgens,  
 ad ipsa mœnia, tædio moræ, elanguit. At  
 enim dum neque Rex, neque miles offi-

A. CM.  
 DCLXXVII.  
 CUNIBER-  
 TVS PAR-  
 THAR. F. IM-  
 REGNI  
 CONSOR-  
 TIVM AD-  
 MISSVS.  
 ALA HIS  
 BOIOS IM-  
 PUGNAT.

Paul. c. 5. l. 30.

50 76

50 76

50 76

50 76

50 76

50 76

50 76

50 76

50 76

50 76

50 76

50 76

50 76

50 76

cium suum faciunt, totisq; castris otium magis, quam cogitationes seriae vigent, abusus remissione hostium ad sua com-  
moda Alahis, repente eruptione factâ, & prorsus munitioe castrorum, inopi-  
nantes aggreditur; cumq; parati ad resi-  
stendum nihil uspiam esset, ægre fuga.  
Partharitum tutata est. Hanc tam insignem non modò contumeliam, sed etiam ja-  
cturam, morte Alahis vindicaturus erat Partharitus, nî Cunibertus filius amici-  
tiæ respectu, quæ illi cum Alahi jam indò à puero fuerat, paternum animum flexisset; lenis ipse naturâ, & molli-  
bus remedijs aptior, non contentus impetratâ veniâ, exornare hominem aggressus, Ducatum Brixianum eidem à patre extorquet, jam tum ominante, intempestiva illâ bo-  
nificia stipendia esse temeritatis, & inci-  
tamenta furoris in ipsum Cuniberti ca-  
put effundendi. Vaticinij veritatem exi-  
tus comprobavit: nam cum sexcentesi-  
mo octogesimo septimo Partharitus è  
vita migrasset anno, Alahis Cuniberto  
pessimam constantis amicitiae vicem re-  
pendit.

A. DC  
LXXXVIL.  
PARTHA-  
RITVS MO-  
RITVR.

VII.

FORTE TICINO Cunibertus aberat,  
cùm



cùm Alahis vacuum nactus Urbem, & Regiam, vtramque, vi pro jure vsus, suam facit, Civium perfidiâ adjutus, quos inter Aldo & Grauso fratres facilè principes fuerunt, sed & ipsi mox experti, se pro Rege tyrannum recepisse; quod nomen non tantùm plebis odio, sed compertâ etiam in Optimates sâvitiâ meruit, ad quorum amplas hæreditates viam sibi ferro sternebat, sanguinis juxtâ, atque opum sititor. Fuit cùm ad mensam numariam sedenti, ventilantique divitias suas, sestertius excidit, quem Aldonis filius penè adhuc infans secutus, collegit: cujus diligentiam cùm Alahis laudasset, etiam illud securè, vt apud puerum, effutijt; patrem ipsius plenâ pecuniam immensam coërcere, eam, tamen brevî se manumissurum. Puer præcoci sapientia dictum sibi notat, & ad patrem strenuè defert; qui commune periculum ex eo sibi, fratrique, & amicorum turbæ interpretatus, cladem domesticam statuit eversione tyranni prævertere: quem vt ex Vrbe extraheret, venationis illi oblectamenta obijcit, polliceturque, se interim multò insigniorem se-



ram confecturum, & invisum Cuniberti caput, diu optatum spolium; ad ipsum delaturum. Vbi Rex his promissis incensus Vrbe exijt, Cunibertum in Insula Larij lacus se continentem Aldo in Vrbem revocat; simul Alahi nunciat, cumulatè se promissa præstitisse, Cuniberti non modò capite, sed & reliquo corpore se potitum, idque palàm in Vrbe, & ipso adeò folio conspici. Alahis vbi se suis artibus captum, resque suas tam levi momento prostratas videt, easdem bello parat restituere. Cunibertus etsi & ipse exercitum armârat, eum tamen, quamvis in optima causa, obijcere periculo cunctatus, neque ipsum Regnum tanti sibi esse putavit, vt illud Civium suorum sanguine emeret, suum potiùs impensurus. Alahin ergo ad singulare certamen evocat; qui quamquam victoriæ præmium Regnum videbat, viribus tamen suis, multòque magis causæ diffusus, conditionem respuit. Plena ergo acie concurrendum fuit; quæ dum instruitur, Zeno Basilicæ D. Ioannis Baptistæ à Gundeburga crectæ Diaconus, Cunibertum quamvis diu obluçantem, tandem eò impellit,

CUNIB. RE-  
GNVM RE-  
CIPIT.

CVM ALAHI  
PUGNAT.

lit, vt, quando specie oris ipsi quàm simil- NOBILE  
 limus esset, reliquum etiam corporis cul- FIDEI E-  
 tum sibi circumdaret: satis esse Tyranno XEMPLVM.  
 personatum Regem obijci, neque faci-  
 endam Fortunæ potestatem; graviter  
 peccandi: posse illi suo capite satisfieri,  
 si quid tristius minetur; sibi porro id etiã  
 vita charius fore, si pro Rege suo penò  
 Rex moreretur. Ergo Regis in morem,  
 comptus, inque primam aciem progres-  
 sus, omnium in se oculos & tela conver-  
 tit; Alahis præsertim opimum sibi decus,  
 cæso Rege, expetens, ferociùs instantem,  
 manu ipse melior promptiorq; obtrun-  
 cat; sed spoliare corpus aggressus, sub  
 casside coronatum non ex voto caput  
 (Zeno enim ex Sacerdotij Lege circum-  
 tonsus erat) reperit, & ex victoriâ, præter  
 pudorem, nihil retulit. Contrà Cuniber-  
 tus insperatò progressus simul suorum,  
 animos, & aciem instauravit, iterumque  
 Alahim, si vir esset, & Civium amans, ad  
 compendium belli faciendum invitavit;  
 probarent ipsi manibus suis, vtrius caput  
 corona dignius esset: enimvero ille jam  
 multò magis trepidare, & duelli aleam  
 subterfugere, cum pristinæ consternatio-  
 ni

**ARCHANG.** ni Cœleste étiam prodigium accederet :  
**MICHAEL.** nam Alahis immortalis beatæque militiæ  
**IN PRÆLIO** antesignanum Michaëlem, immixtum  
**VISVS,** hostium cunco, palàm sibi imminere in-  
 festum affirmavit, sine dubio perfidiæ sug-  
 ultorem, quòd ad ipsius aras Cuniberto  
 se Sacramentum dicere meminisset, Ve-  
 rùm inter has tyranni tergiversationes, o-  
**ALAHIS IN-** mni parte prælium exarsit, varium diu &  
**TEREM-** anceps, donec confosso Alahi, victoria  
**VTVS,** in partem æquiorem inclinavit; tum de-  
 nique ruinæ similis strages fuit, cùm neq;  
 in fuga quidquam præsidij esset, Abduâ  
 amni opposito, qui plurimis pro sepul-  
 chro fuit. In tyrannum etiam mortuum  
 sævitum, vixque capite cruribusque suc-  
 cisis, ira saturata est. Porro Zeno diaco-  
 nus fidei suæ immortalis, honestissimo  
 funere elatus, in vestibulo Basilicæ, cui  
 præerat, nobile sepulchrum accepit. In  
 campo, qui Coronatæ dicitur, prosperæ  
 pugnae monumentum Monasterium Geor-  
 gio Martyri sacrum erectum est. Cuni-  
 bertus metu denique liber, examinare  
 Aldonis & Graufonis erga se merita cœ-  
 pit, quorum maleficio Regnum perdide-  
 rat, eorundemque beneficio perditum

recc-

acceperat : & quamquam fidei recentius  
 documentum, & præsens utilitas veteri  
 perfidiæ obliterare maculam debuit, ta-  
 men exidentibus beneficijs, hædere in-  
 iuriæ; credo, quia malefactis vicem repē-  
 dere, quàm obsequijs, facilius videbat;  
 gratia enim oneri, ultio in quæstu habe-  
 tur. Statuit igitur vtcunque de se meri-  
 tos occidere, idque consilium cum vno  
 duntaxat mortalium Stabuli Præfecto  
 communicat, de cuius exequendi ratio-  
 ne dum sententias audit dicitq;, res con-  
 tigiſſe à Paulo narratur, aptior quidem il-  
 la ad ostentationem scenæ miraculis gau-  
 dentis, quàm ad fidem, quocunque ta-  
 men apud alios loco futura est, ejusdem  
 Auctoris periculo referendâ. Musca soli-  
 tæ parvitatæ modum supergressâ, ad fe-  
 nestram; quæ in Regium conclavē lucem  
 admittebat, confederat; in eam median-  
 Rex cultrum vibravit, sed ejusdem cele-  
 ritate præventus, pedem tantum præse-  
 cuit; quo ipso temporis momento, Aldo-  
 cum fratre in Regiam contendens, ob-  
 vium nescio quem, sed è altero pede clau-  
 dicantem habuit, qui periculi instantis  
 admonitos, vitare conspectum Cuniber-  
 tijus-

ALDO ET  
 GRAVSO  
 MIRA RA-  
 TIONE CÆ-  
 DIEREPTI;

L. d. e. d.

III V

ti iussit, si salvi esse vellent. Et si levis auctor fuit, tamen indicium contemptum non est, quòd causæ justæ metus suberant; nam Regis iram meruisse se, quàm eundem obsequijs de meruisse multò certius intelligebant. Ad asylum ergo, in Romani Martyris proximam Ædem, confugiunt. Rex illorum secessionem còpertâ, participem consilij sui accusat, velut silentij fide ruptâ. Sed facilis defensio fuit, non alium præter ipsum Regem testem invocanti, post collatum ea de re sermonem, nec aulâ se excessisse, neque ulli mortalium collocutum; neque negare id Rex potuit, quò major evulgati arcani admiratio fuit, donec ex ipsismet intellectum est, quo indice insidias cognovissent; neque dubium deinceps cuiquam fuit, sub muscæ ludibrio dæmonem latuisse, qui pedis jacturam mendacio claudicationis expresserit; arrepta tamen hinc veniæ occasio est. Rex cum fratribus ex animi sui sententia in gratiam redijt, iussitq; illos suo deinceps exemplo beneficij potius, quàm periculi meminisse.

## VIII.

APUD BOIOS interim Religio, Theodone Principe annitente, eximia incrementa

menta fumpfit; nam cum Emmeram-  
 mus nuper Cælo additus, insignibus er-  
 ga mortales beneficijs inclaresceret, ma-  
 gnique ad ejus tumulum undique con-  
 cursus fierent, Theodo ad ampliandam  
 loci dignitatem, emaculandamque cæ-  
 dis, siqua penes se resideret, noxiam,  
 Georgij martyris Ædem adjecto mona-  
 sterio, & D. Petri, ipsiusque Emmerammi  
 nomine imposito, augustiorem reddidit.  
 Sacrorum hominum cætui Apollonius  
 cum Religioso Imperio primus præfuit:  
 Annum tabulæ sexcentessimum nonage-  
 simum septimum præferunt. Sed hoc  
 ipsum seculum duobus adhuc triumphis  
 nobilitare, Deo visum. Marinus & Ania-  
 nus natalibus suis clari, jam olim Hiber-  
 niâ patriâ pietatis ergo relictâ, Romam  
 Martyrum sanguine purpuratam venera-  
 ti, Eugenio I. Summo Pontifice bene-  
 precante, transcensis alpibus, inter Bo-  
 ios confederant, in secreto sanctoque  
 otio piè nihilominus negotiosi; ut & e-  
 loquentiæ Cælo haustæ fructum adven-  
 rantium ad se nemini inviderent, & ipsi  
 ultro sæpe hominum cætus cogere soliti  
 de hominib; Christiani officio disputa-  
 rent;

*Hund. metrop.**5 m. f. de mo-**nasterijs Boicæ.**AN. CH.**DCXCVII.**MONAST. S.**EMMERAM-**MI THEO-**DO EXTRA-**IT.**MARINVS**ET ANIA-**NVS APVD**BOIOS PRO-**PIETATE**LABORANT**Ex actis SS.**publicè editis.**Circa Annum**Christi 654.*

rent; vitâ & moribus adco integri, vt facta dictis ingens pondus adderent; in macerando corpore penè humanam patientiam egressi, fonte puro sitim, buccâ panis sicci famem malignè extinguebant, an irritabant; sal, totum condimentum, obsonium herbę spontè natæ præbebant; tamen vel sic quotidie epulari, delicatorum arbitrati, bis tantum per hebdomadem, præter diem Dominicam, hanc naturæ modicam stipem, vt ingratum debitum, persolverunt. Dei Nascentis, & Rediuiui ferijs, si caseum & lenticulæ pauxillum ad dimensum addidissent, tum verò genialiter se dicebant convivatos. De lecto nihil attinet dicere, qui fessa fractaq; jejuniis corpora, neque melius, neque mollius, quàm mensa accipiebat, fugando quàm invitando somno aptior: quin Marinus etiam prunas substerni sibi, & in vivis cubare ignibus, ad exemplum Laurentij optavit, postquam sacros Martyris cineres Romæ deveneratus, ad illius æmulationem exarsit. Hoc tenore vitâ illis ad quadraginta annos, vsque ad Leontij Imperium fluxit; cùm sacrificanti Marino (hic enim Episcopi, Anianus; Archi-



Archidiaconi dignitate auctus erat) divinitus indicatum est, non procul illos à beati cursus meta abesse, jamq; in vtriusque caput coronas properari. Quae ipsa <sup>SLAVI IN</sup> tempestate Slavi Venedi, quos vulgus <sup>BOICAM</sup> Scriptorum communem errorem errantium <sup>IRRUM-</sup> Vandalos appellat, sedibus suis effusi, facta in Boicam <sup>PVNT:</sup> irruptione, spem praeda secuti, etiam ad Marini tugurium devenere. Commodum ipse provolutus in genua supplices Deo preces fundebat, etiam illis irrumpentibus immotus, ut Viri constantia, & cani capitis majestas propè latronibus savitiem & ferrum excusserit; direpta deinceps viri suppellex est, neminem factura locupletiores; còque delusa avaritia furori languescenti faces admovit; fit in Marinum ipsum impetus, jubent defossas opes in lucem proferre, rati summi nominis viro grandem pecuniam, itidem ut aetate, esse: sed ille, qui spes omnes suas Coelo reconditas habebat, cò digitum intendit, polliceturq; operam, si viam ad aeternos thesauros querant. At enim sobriam aspernati Philosophiam urgent instantq; ut Christo cjurato, provincialium opes, qui me-



S. MARI-  
NI MARTY-  
RUM.

S. ANIANI  
BEATVS  
OBIVS.

tu profugerant; sibi proderet; illum Patriæ parentem habitum nihil cujusquam ignorare, alioqui ingrati pertinaciam silentij omnibus se tormentis vindicatorum. Nihil ad has minas cōhorruit Marinus, negavitque à sede illa vivum se, à Deo verò ne mortuum quidem discessurum; qua constantia barbari in rabiem versi, in equuleo suspensum extarnificant, nudatisque costis jam propè exanguem rogo injiciunt; hic ille ex vetere & perpetuo voto suo exporrectus, inter preces etiam pro Carnificibus suis fusas, beatam animam exhalavit. Aberat Anianus morbo implicitus, cognitòque Magistri discessu, vti & ipse coronatus triūphantem sequeretur, divino epulo pastus, iter immortalitatis ingressus est, eodem die, quì xv i i. Kal. Decembrium fuit. Corpora illorum pro præsentì copia tumultata, Pipino & Carolomanno regnantibus, Priamus divinitus monitus detexit, communicatàque cum Tollusio Episcopo re, conditàque Æde, in pagum Aurisium sacra pignora transtulit. Pia posteritas cultum auxit, Cœnobio addito, quod à præterlabente Rota flumine  
appel-

appellationem traxit. Aventinus quamquam Leontij Imp. nomen relatum in Acta legerat, vt indè annorum ratio indubitata elici nullo negotio posset, pudenda tamen inscitiâ, vel novandi pervertendique omnia libidine, ad ducentos supra hæc tempora annos historiam promovit, Divosque hos non à Slavis, sed à Boiis cæsos prodidit, credo, vt à crudelitate, quam alibi etiam iisdem immentibus impingit, Genti miseram gloriam quæreretur.

Ultimo ejus seculi anno Cunibertus fatis concessit, LVITBERTO filio impubere adhuc relicto; tutor illi Ansprandus procerum omnium longè optimus admotus est, cujus consilijs fidaque industria cum statuta pax publica videretur, eam RAGVMBERTVS Taurinatum Dux, Gundeberti Regis filius, concitato gravi bello, turbavit. Hic Regnum ad se pertinere ratus, contemptâ Regis pueritiâ, aditum sibi ad illud armis paravit, & octavo à Cuniberti morte mense, Ansprandum in agro Novariensi prælio vicit: sed neque victoriâ, neque rapto per vim Regno diu lætatus, intra annum, quàm illud

AN. DCIC.  
CUNIBERTVS MORITVR, LVITBERTO F. RELICTO.  
*Paul. l. 6. c. 17.*  
*Sigeb. in Chr.*  
RAGVMBERTVS REGNO LONG. INHIAT,  
EORVM POTITVR.  
*Paul. l. 6. c. 18.*  
*Et seqq.*  
MORITVR.

ARIPERTI  
IN LVIT-  
BERTVM  
CRVDELI-  
TAS.

*Panl. l. 6. c. 20.*

ANSPRA-  
DVSV LVIT-  
BERTIV-  
TOR IN  
BOICAM  
FVGIT.

Occuparat, obiit. ARIPERTVS filius, vt  
relictum sibi à Patre Imperium stabiliret,  
primo vel secundo octavi Seculi anno,  
cum Ansprando fortunam iterum ten-  
tante congressus, eundem prælio ad Ti-  
cinum fudit, victoriâque crudeliter vsus,  
Luitbertum puerum, qui saucius exce-  
ptus fuerat, balneo inclusum fervore at-  
que æstu necavit; Ansprandum deinde  
capitalibus inimicitijs persecutus abire  
Italiâ coëgit, qui rectâ per Clavennam,  
& Curiam Rætorum, ad THEODEBER-  
TVM BOICÆ Ducem profugit. Aripert-  
tus in Vxorem & charissima illius pigno-  
ra immani barbarie sæviit; nam Sige-  
brando filio lucis vsuram, erutis oculis,  
ademit; Theoderadæ conjugî nares au-  
ræque, sædo vulnere, præcidit; vitio ei  
datum, quòd de fortuna sua non despe-  
rasset, sed subinde Regnum & sceptrum  
muliebri vaticinio loqueretur; id scilicet  
vt crimen maiestatis vindicatum; juncta  
est, in supplicio, matri Aurora filia pror-  
sus insons, & mutilata etiam ipsa, quod  
mulieri post pudicitiam charissimum est,  
formam perdidit. Luitprando soli filio-  
rum minimo pepercit: quamquam neq;  
huic

huit quidem instinctu humanitatis ve-  
 niam dedit; ætatem in puero contem-  
 psit, & indignum censuit suo ferro, novo  
 genere factus: quin imò sequi exulantem  
 Patrem iussit, vt hoc potissimum nuncio  
 domesticas clades & ludibria Fortune bis  
 miser intelligeret: huic tamen etiam ab  
 hoste spreto Deus Regnum parabat, ad-  
 eò verè Tyrānis omnia metuentibus jam  
 olim dictum, à nemine successorem  
 suum occisum. Tandem etiam Petrum  
 quendam, quòd Luitberto sanguine  
 junctus esset, Spoletum deportari iussit.  
 Erat Petro Ingenium mite, studiorumq;  
 humanæ ambitionis ignarum juxtà at-  
 que insolens, insigni castimonie famâ  
 etiam à suspicionibus intactâ: in exilium  
 animo æquissimo profectus est, quòd sci-  
 ret, licere sibi suas saltē virtutes secum  
 ferre, quo comitatu contentus, regias  
 pompas splendide contempsit. Neque  
 illud ægrius tulit, quòd Spoleti Regiâ ca-  
 rendum fuit, cū templum haberet, vbi  
 Deum, & præsentēs Divos non modò  
 venerari, sed etiam familiariter alloqui  
 posset. Et fuit, cū Sabini Martyris Æ-  
 dem frequentanti divinior vox clarè al-

*Fulcat. in A-  
 vidio Cassio.*

*Paul. l. 6. c. 56.*

PETRI R

REGIO

SANGVINE

PIETAS,

lapsa spem redeundi in patriam, & Ticinensis Mitræ fecit: quorum vtrumque sub Luitprando Rege factum, Sabini Martyris apud Petrum venerationem, auxit, cuius memoriam, posito etiam Ticini templo, consecravit. Omnino vir fuit in vtraque fortuna idem, sibi que similis; sanctitatis opinionem etiam vivus miraculorum gloriâ adeptus. Aripertus cum Regni initia non vno scelere infamasset, quod rarum in hoc fastigio exemplum est, imperando melior factus, inter blâditias Fortunæ etiam bonos corrumpentis, ex malo Optimus Princeps evasit; ut, si ab his initijs oculos avertas, nihil in novennali illius Imperio videas erubescendum; virtutes in eo verè Regiæ, neq; ad pompam tantum & famam compositæ, sed candidè & ex amore recti, cultæ. Sciebat, Verum in aulis rarò audiri, vel propter delicatas Principum aures blanda pro certis amantium, vel proprio subditorum vitio, qui libētius cum Fortuna Principis, quàm cum Principe loquuntur. Adversus hæc adulantium fallentiumque artificia, subtile ab illo remedium excogitatum; nam deposito cultu

Regio

Paul. 6. c. 35.  
ARIPERTUS  
TI REGIS  
MORES,

Regio, privati habitu, Civitates de nocte obibat, captabat judicia hominum, & qualis ipse, quales ij, quos luri dicundo præfecerat, in ore vulgi essent, in illa libertate querelarum discebat. Idem exterarum Gentium Legatos comiter magis, quàm splendidè excipiebat; non auro ipse nec purpurâ insignis, sed pellitus plerumque, & ad morem priscae severitatis incultus, suas & Italiae opes tam callidè, quàm consilia tegebat, ne quem earum, admiratio & cupiditas ex hospite hostem faceret. Regno in hunc modum per annos novem feliciter administrato, Ansprandus, quem ad Boios profugisse diximus, resumptis animis, impetratisque validis BOIORVM auxilijs, cum exercitu in Italiam redijt, quòque primùm loco Aripertum obvium nactus est, pugnae potestatem fecit. Concursum est ingentibus iris, quæ inter vulnera, & sanguinem, & promiscua funera, utrique parti, diem integrum, suffecere. Nox tandem ingrata utrisque, interventu suo acies non tam diremit, quàm abscondit, cùm nihil animus aut manus, sed ne oculi quidem provisu juvarent, dubiâque omnia & ipsam.

ANSPRANDUS E BOIO-  
CA ITA-  
LIAM RE-  
PETIT.

CUM REGE  
CONFLI-  
GIT.

adeò incertam victoriam tenebræ facerent, à cædē cessatum est; minore cum spe Boii in castra discessere, poterátque Aripertus vincere, simul ac dies rediisset, nisi veterem suam, & ejusce diei Fortunā stultitiâ consilij corrupisset: castris suis non ausus confidere, Ticini se mœnibus abdidit; id deserti milites fugam interpretati sunt, & judicium Regis de victoria desperantis, proidentisq; exercitum suum; quantumque ipsi animis fracti, tantum hostes aucti sunt. Aripertus cum jam semel fadē peccasset, errore altero multò indigniore omnes spei suæ suorūque reliquias prostravit. Nam cum in Urbem delatus, sedatione jam animo, facti sui à semetipso rationem exigeret, neque id minùs quàm milites damnaret, remedij ferendi vel incertus, vel immemor, præterita, instantia, futurâque pari oblivione abiciens, neque salutis modò publicæ, sed etiam dignitatis suæ ratione omni insuper habitâ, thesauros Regios compilavit, pecuniâque, quantam ferre potuit, gravis, fugam ad Francos intendit; sed in proximo flumine, quod trajiciendum nando fuit,


ARIPERTVS  
EVGIT.



fuit, auri pondere demersus, vitam per ipsa vitæ subsidia amisit. Ita Regni ingressum, crudelitatis exitum, probri plenum habuit; quod interfuit, laudatissimum fuit; eoque tantum bonæ, quantum malæ apud posteros famæ meruit. Gundebertus frater fugientem secutus, in Franciam pervenit, ibique patriæ vel desiderio extincto, vel spe amissa, cum tribus filiis consenuit; ex quibus natu maximus Reginbertus Aurelianensem civitatem, Regibus permittentibus, Vicario Imperio rexit. Aripertus BOIORVM apud Langobardos Imperio finem imposuit, Anno post Christum Natum DCXII, quod inde à Rege Authari, qui Theodelindæ Garibaldi BOIORVM Regis filia, maritus fuit, perpetuâ serie, per centum vigintis sex annos, in ea Gente continuatum est: quindecim enim ordine Reges numeravimus, eosque omnes Garibaldo Regi BOIORVM vel sanguine, vel affinitatibus annexos. quod quamquam annalium contextu palam factum est, placuit tamen hanc oculis tabulam subicere, totumque stemma discurrentibus lineis ordinare.



## GARIBALDVS BOIORVM REX.



Ansprandus Ariperto mortuo, Regno potitus est, quod illi trimestre tantum obtigit; tantillum ad decennalis exilij ærumnas abstergendas indulgente Fortuna; quamquam id illi vita charius fuit, quod Luitprandum filium ijsdem secum casibus jactatum, adhuc vivus Regem salutatum audiit; qui, mortuo deinde Patre, aliquam Boiis relaturus gratiam, quorum opibus viribusque adjutus, exilium cum Regno commutârat, Guntrudam Theodeberti filiam sibi conjugem expetiit. Nihilo tamen secius simultatibus inter vtramq; Gentem exortis, Boica non levibus damnis affecta est, castellis pluribus à Luitprando vi captis, & Langobardorum imperio adiectis. Post Theodibertum THEODO quintus eo nomine, apud Boios imperavit, insigni pietate Princeps, cuius clarissimum documentum, ob raritatem exempli, à Paulo Diacono annotatum est, qui Romam illum ad Apostolorum limina profectum, precum causâ, scripsit, quod Gregorio II. Pontifice Maximo, Indictione decima quarta contigisse, ex Anastasio scimus. Hæres huius pietatis felix posteritas, fac-

cem

*Paul. l. 6. c. 48.*GVNTRV-  
DA BOIALVITPRAN-  
DI REGIS

LANGOB.

CONIVX,

*l. 6. c. 58.*

THEODO V

BOIORVM

DVX.

*Vita S. Corbi-  
niani apud**Sur. t. 5.**Arnolf. t. 25.**antiq. lect.**Paul. l. 6. c. 44.*

AN. CHRI.

DCCXVI.

*Anast. in**Greg. 2.*

BOII SA-  
CRIS PE-  
REGRINA-  
TIONIBVS  
ADDICTI.

D. CORBI-  
NIANVS  
BOICAM  
THEODONE  
IMPERAN-  
TE INGRE-  
DITVR.

EIVS SAN-  
CTISSIMI  
MORES.

cem à suo Principe accensam præluce  
hodièque orbi Christiano; neque enim  
facile Gentem reperias sacrarum pere-  
grinationum studiosiorem. Porro Theo-  
do pietatis suæ fructus vberes tulit, inq;  
his eximium illum, quod Boicæ san-  
ctissimum virum Deus, eo vivente, sub-  
misit. Corbinianus hic fuit in Melito-  
nensi agro, qui à Meloduno Gallorum  
Senonum vrbe nomē accepisse videtur,  
natus; virtutum virilium jam in pueritia  
compos, humanis rebus altior, earum  
vt fugacium, fallentiumque amatores  
suos,ambitiosas etiam spes procul rele-  
gavit, Deo contentus; cui vni, cū in  
Monasterio, quod ad D. Germani Ædem  
ipse condiderat, castissimis obsequijs an-  
nos quatuordecim seruisset, virtutum  
prodigiorumque famā, totam in sui ad-  
mirationem Galliam rapuit; vt in parte  
felicitatis collocaretur, divinum virum  
vidisse, pependisse ab ore loquentis, com-  
mendasse illi spes suas; fuitque cū Pi-  
pinus Heristallus Equitum Magister, sive,  
vt à Francis vocabatur, Maior Domus, id  
pro summo munere exposceret, vt pa-  
trocinium ipsius apud Deum optimus o-  
rator

rator susciperet. Ita virtus Corbinianum  
 in lucem protraxit, quantumvis tene-  
 bras affectantem, in quibus præter se &  
 Deum heminem nõffet, vicissim ipse a-  
 lijs omnibus ignotus; quæ illi etiam cau-  
 sa fuit, vt desertâ patriâ, quæ ipsius otium  
 prodiderat, Romam peteret, vtique illic FUGA RO-  
 latebras reperturus, vel juxta Martyrum MANA.  
 sepulchra, vbi inter beatos illos mortuos  
 situs felicissimè viveret. Sed huic seces-  
 sui dū toto pectore inhiat, optatæ quie-  
 tis in ipso portu naufragium fecit. Gre-  
 gorius enim Pontifex, quem consilij sui  
 arbitrum legerat, viri sanctitate summâ-  
 que prudentiâ perspectâ, negavit tam  
 fecunda esse bonorum virorum ea tem-  
 pora, vt post quantacunque Christianæ  
 militiæ stipendia, missionem efflagitan-  
 tibus, dari vacatio possit; magnæ virtuti  
 non modò sepulchrum non quarendū;  
 sed sicubi defossa lateat, non tantum vo-  
 tis evocandam, sed & manibus effodien-  
 dam esse: se quidem Ecclesiæ Dei talem  
 virum nec velle, nec posse invidere; neq;  
 integrum sibi esse, privata illius commo-  
 da ante rationes & emolumenta publica  
 ponere. Proinde quantumvis invitum,  
 &

CONSE-  
CRATIO.

& onus deprecantem Episcopum creat, addito honoris causâ pallio, quod Archiepiscoporum insigne est, raro privilegio Episcopis extra ordinem concessum; potestate insuper amplissima impertit, qua sibi sciret orbem terrarum patere, & provinciæ suæ terminos cum Sole mensurus, studeret de toto genere humano bene mereri. Sic Pontifex Corbinianum à se dimisit; quem in Galliam reversum, admiranda opera, & auctæ cum honore virtutes multò etiam reddidere celebriorē; sed ipse etiam verissimarum laudum impatiens iterum fugam parat, quasi non & fama fugientem præcurrere, aut gloria sequi soleret. Eo in itinere Boicam attigit, cui Theodo, uti diximus, ea tempestate præerat, tribus filiis felix, quos ipse in consortium Imperij, Provinciâ omni in quatuor partes divisâ, admiserat. Hic de tanti viri adventu certior factus omnia egit, ut illum à consilio institutæ profectionis averteret. Vbi animum tenacem propositi expugnari posse desperavit, donatum muneribus honorificè à se dimisit; neque deinceps vlla Theodonis apud Scriptores est memoria:

moria : à Patre Corbinianus ad GRIMOALDVM filium venit, qui Frisingæ Regiam collocârat; ibi iterum omnibus amoris & benevolentiae machinis tentatus est, etiam æqua cum filijs hæreditatis portione promissâ mansuro. At ille insententia perstitit, & cum Grimoaldi comitatu Italiæ fines ingressus est, veteres spes suas Romæ persecuturus. Imperatum tamen Vallis Venustæ incolis, vicinisque populis, Grimoaldi nomine, ut reditu viri explorato, aliò ipsum, quàm ad Boios, divertere ne paterentur. Eum inter Breonum saltus nox oppresserat, quam dum securus cum suis, sub Jove frigidus, exigit, versus sarcinarium Corbiniani equum incustoditum nactus, in prædæ & cibum vertit; sed longas intempestivæ gulæ poenas dedit, equi vicem subire ab eo iussus, tergo sarcinas accipit, & inter dossuaria jumenta placidus Romam usque deambulavit; mirante Italia in bellua indocili huius obsequii patientiam, quin hodièque, in imagine, Corbinianum clitellarius versus, sicut leo Herculem, prodit. Porro etiam hominibus magno stetit, Corbiniani equos furto ap-

HONORES  
ILLI IN  
BOICA HA-  
BITI.

VERSO SAR-  
CINAS IM-  
PONIT.

to appetisse; duo certè abactores gravius  
quàm vrsus, plexi sunt; nam Husingus  
Tridentinæ vrbis præfectus, scelus suum  
incomparabili jactura, totis præsepibus  
peste exhaustis, luit luxitque. Ticini ve-  
rò alius quispiam idem ausus capite suo  
pœnas dedit, inspectante Corbiniano,  
tumulo illatus. Tamen post tot mira,  
quæ toto itinere sparsit, otium, pro quo  
Romæ apud Pontificem disertissimè ite-  
rum supplicavit, impetrare non potuit:  
Modestia tamen viri etiam nostro sæculo  
admirationem habet, quo nulla rariùs  
Romam causa defertur, quàm honores  
deprecantium. Ergo irritus spei relegit  
iter suum, & in Majensi castro, à Boiis  
exceptus, iussus est tantisper subsistere,  
donec Grimoaldus de illius adventu red-  
deretur certior. Non ingrata omnino ca-  
mora fuit, quòd Valentini Batavensium  
Episcopi, cujus res gestæ superiori à no-  
bis libro descriptæ sunt, sacra ossa Maijs  
condita devenerandi occasio offerretur.  
Reversi à Grimoaldo Legati summo illius  
dēsiderio Principem teneri nunciant: Sed  
inciderat res tum primùm Corbiniano  
comperta, quæ ejus animum à Grimoal-

(vulgo  
Mätsch / non  
procul Mera-  
nia Tiroleos.)  
MAIJS A BO-  
IIS EXCIPI-  
TUR.

diamicitia prorsus avertit; is enim Theodibaldi fratris nuper extincti vxorem Pilitrudem è Francia oriundam, forma illius captus, incestis sibi nuptijs copulâ-  
 rat; quod factum adeò non dissimulavit  
 improbâre Corbinianus, vt renunciari  
 Principi iusserit, non posse sibi cordi esse  
 hospitium, cui tot probra immigrârint,  
 neque dexteram illam contacturum, quâ  
 fides data sit adulteræ; horrere se Regiam  
 non modò infamiâ, sed etiam furoris di-  
 vini incendio conflagentem, quod sopi-  
 ri aliter nisi poenitudine sceleris, & la-  
 chrymis non possit. Hæc tam seve-  
 ra denunciatio Grimoaldum gravissimè, sed  
 Pilitrudẽ suprà quàm credi potest com-  
 movit; nam pudore pridem consumpto,  
 ad artes conversa adulterarum, funesta  
 cœpit consilia coquere. Nihil eorum  
 Corbinianum latebat; noluit tamen pe-  
 riclitanti capiti, suo silentio patrocinari;  
 sed contendere insuper cum procacissi-  
 ma fœmina institit; vtrum illa Herôdia-  
 dis, an ipse Ioannis partes fidelius imple-  
 ret: quadraginta ipsos dies quàm monen-  
 do, quàm minando consumpsit, donec in-  
 famem pertinaciam felix eloquentia

SUMMA LIBERTATE  
 GRIMOALDUM PRIN-  
 CIPEM OF-  
 FICII ADA-  
 MONET.

T t

trium-



triumphavit. Adfuere malè-conciliati conjuges, & strati ad Episcopi pedes incestas nuptias ejurârunt, juxtâque cum Deo Deique interprete in gratiam redierunt. Tum Ædes, quæ Frisingæ jam indè à Maximiliani Martyris ætate D. Virginii sacra steterat, Episcopatus sedes constituta, cui Majensem agrum D. Valentini tumulto confinem, qui vulgo Camina dicebatur, Grimoaldi beneficio redemptum, & SS. Valentini & Zenonis memoriæ dicatum Corbinianus contribuit, vite, & omnis generis felici arbore instructum: huic fundum alterum Chories dictum nihilo ignobiliorem adjicit, argento, quod à Pipino Heristallo dono acceperat, præstinatum. Interim coalescentes mutuis officijs animos, contracta inter mensas offensus uncula rursus dissociavit. Episcopus vñitata cærimonia epulis bene precatus, advertit Principem panis buccam cani objectare; Idque non modò indignissimè tulit, sed sede sua proripiens semet, eversâque mensâ, triclinio excessit, negans sibi cum ijs commune quidquam fore, apud quos sacri profanique nullum discrimen esset, quique ex  
Chri-

*Arenbek. l. a.*

*c. 17. & 18.*

FRISINGÆ  
SEDEM PON-  
TIFICIAM  
STATUIT.

STUPEN-  
DVM PRISCI  
RIGORIS  
ARGVMENTVM.

Christiano caninum prandium facerent. Factum Episcopi, cui simile quantumvis rigida vetustas ægre subjecerit, Pilitrudis apud Principem invidiosissimè traduxit, dictitans, illum non modò connubiorū, sed conviviorum turbatorem imperium sibi quærere in Principes; antea Regiam, nunc mensam abominatum; crustulam vnam cani obiecisse, ab eo sacrilegium reputari; ipsum interim sanctum hominem totas mensas evertere; non ferendum esse tam tristem animadversorem, qui superstitiosas in triclinio & thalamo leges dictet, eā tantum gratiā, ut sæpius par Principum advolutum pedibus suis videat. Grimoaldus nihil moratus latrantem foeminam, è vestigio misit, qui suam sive imprudentiam, sive temeritatem Episcopo purgaret; ipse cum proceribus insecutus, eadem corporis animiq; submissione, erroris sui veniam petijt, quā nuper adulterij impetrarat. Verum hæc Principis, virtutem sancti Viri venerantis, obsequia, Coelum extraordinarijs favoribus longè superavit. Mons Vrbi imminet, nunc D. Stephani Cœnobio, olim modicā Ediculā insignis, precum causā

SUBMISSIO  
ANIMI IN  
VIRO PRIN-  
CIPE.

Corbiniano familiaris. Fuit cùm agritu-  
do invitum domi detineret, clero eodem  
commeante; sed absentis vices beati Ge-  
nij explevere suavissimis vocibus, & luce  
plus quàm meridiana divinitatis præsen-  
tiam, contestati: cùmque hæc sublata,  
ex oculis & auribus fuissent, hæsit tamen  
odor loco, melius aliquid, quàm nostri  
orbis balsama spirans: vnde illum cordi  
esse Deo interpretatus Episcopus, in po-  
sterum sibi incolendum censuit; utque  
molesto subinde aquæ onere suos leva-  
ret, post pias preces scipione terram per-  
culit, effossâque scrobe aquam eduxit;  
quæ cuiusnam beneficium esset luculen-  
tè ipsa testata est, quando Corbiniano  
mortuo protinus exaruit; & post quin-  
quaginta demum annos, eius corpore  
Frisingam relato, iterum emerfit. Paulò  
post novæ à Pilitrude turbæ ortæ; Filio-  
lum illa morbo ad extrema deductum,  
carmine magico excantandum, notissi-  
mæ Lamiarum dederat; & verò visus est  
puer post illius execrabiles nænias vires  
recepisse; actæque illi gratiæ, vt Princi-  
pum sospitatrici; adjecta etiam munera,  
tam largè quidem, vt aliquot baiuli sub

AQUAM E  
S. STEPHA-  
NI MONTE  
CORBIN.  
PRECIBVS  
EDVCIT.

PRÆSTI-  
GIATRI-  
CEMANVM  
DVRE AC-  
CIPIT.

onere

onete sudârint : in hunc comitatum Episcopus, cùm ad D. Virginis sub vesperum iret, commodùm incidit; quid rei esset, aut vnde se ferret, quærenti, Strix ipsa beneficia sua in Principis familiam cum fastu denarrat; hæc depulsæ mortis, vitæque redditæ sibi præmia ferri. Expugnata est, indignitate facti, omnis Corbiniani patientia; ipse equo deruens Lamiæ os infectis manibus petit, eique alternatim probra & verbera liberalissimè ingerit, partamque malis artibus prædam in mendicabula dividit; reliquum iræ mixtum lacrymis, in Grimoaldi levitatẽ toties degenerantis effundit. Interim Canidia passò crine, & horrifico vlulatu laniati oris larvam Regiæ inferens, vulnera sua Pilitrudi adnumerat; hæc esse Divinæ artis, qua filium ipsi reddiderit, stipendia; hæc passam se à mitissimo virorum, indignante, quòd ex Principis familia non duci funus videat; hoc nimirum scelus centum plagis luendum fuisse. Quibus lamentis Pilitrudis penè in furorẽ acta, Grimoaldum vt lentum & secordem palàm detestatur, qui non modò ad probra sua non evigilet, sed latronem domesticum sinu

PILITRUDIS ILLI  
NECEM MA-  
CHINATUR.

& oculis ferat; quid enim aliud, quàm conversionem familiæ moliri, qui illam penè occiderit, cuius beneficio spes vnica posteritatis vitam receperit? vxoris sibi antea titulum ereptum, nunc etiam matris nomen adimi, vt marito spoliata & filio, humanisque omnibus orba solatijs, videns vivensque pereat: quid ergo aliud sibi superesse, quàm vt ne inulta, plenum Episcopo tot cladium sibi suisque illatarum, gaudium relinquat? E vestigio itaq; Ninum emancipatæ ad omnia scelera audaciæ ministrum, in caput Corbiniani armat; infamatâque parricidio proxima, nox fuisset, nisi compertas insidias fugâ declinasset, Maias enim abiit, iam pridem secessu illo pleno sanctitatis captus: nuncios tamen de via ad Grimoaldum ablegat, qui imminentem illi Numinis iram vaticinentur: Nihil dum de fuga Episcopi, aut Vxoris scelere cognoverat Grimoaldus; sed consternatus tot tristium denunciatione, honestissima legatione dimissa Corbinianum in aulam revocat; Ille id tantummodo respondit, sequi se maximi viri exemplum, qui etiam ipse Iezabelem fugerit. Paulò post

CORB. MA-  
IAS FUGIT.

pòst Cælestis vindicta toto in Grimoal-  
 dum pondere incubuit. Filius primùm,  
 qui magicis devotionibus morbum pe-  
 pulisse visus, breve parentibus gaudium  
 fecerat, subitò extinctus est; Grimoal-  
 dus ipse occultis insidijs appetitus, solio  
 pariter & vita excidit: Ninus in Corbi-  
 niani caput emptus percussor, meditati  
 sceleris, etsi non patrati, pœnas dedit;  
 lanceâ enim trajectus, dum alvum levat,  
 etiam impuram animam eiecit. Pilitru-  
 dis suorum funera duxit, & neque hoc  
 quidem impetravit, vt citò, & cum suis  
 periret, longos Fortune & miserabiles lu-  
 dos datura. Carolus Pipini ex Alpaide  
 filius, qui Martellus dictus est, anno se-  
 ptingentesimo vicesimo secundo, Bo-  
 ios bello devicit; causâ non proditur:  
 rebellionem fuisse suspicor; quæ sequen-  
 ti anno infelicitè resumpta Carolum  
 iterum in Boicam traxit, qui subactam  
 provinciam partis longa pace thesauris  
 multavit, abductâ etiam Pilitrude; va-  
 luitque ea, formæ & blanditiarum leno-  
 cinio, aliquamdiu apud victorem, donec  
 gratia & loco bonisque omnibus detur-  
 bata, præter asellum reliqui nihil habuit,

DEI VINDI-  
 CTA INFA-  
 MILIAM  
 PRINCIPIS.

AN. CH.  
 DCCXXII.  
 CAROLVS  
 MARTEL-  
 LVVS BOIOS  
 BELLO VIN-  
 CIT.  
*Annal. Fre-  
 dens.  
 Herman.  
 Fredegar.  
 cap. 208.*

qui ingratum terræ pondus diu circumtulit, dum exilia identidem mutat, ut plurimum mortalium fannis configeretur: Italia tandem, nescio an expiata tumulum dedit. Etiam filijs damno fuit impiam matrem habuisse: nulli ex ijs felicior vita, sed neque mors obtigit. Tot supplicijs vindicata Corbiniani innocentia est. HUGIBERTVS, qui ex Theodonis filijs solus supererat, devoluto ad se totius BOICÆ Imperio, tot tristibus motus exemplis, vel quia viri virtutem suspexerat, eundem ad se accersivit, summoque in honore habuit. Is mortis propinquæ certus, Erimbertum fratrem suum ad Luitprandum Regem Langobardorum misit, rogatum, ut auctoritate sua Maiensium prædiorum possessionem Frisingensi Ecclesiæ stabiliret, eodemque corpus suum inferri pateretur. Idem ab Hugiberto per internuncium petijt; & octavo deinceps die, lotus rasusque, peracto sacrificio, domi resedit, libatoque summis labris vino, fronti Crucem impressit, & quieturo quàm morienti similior animam efflavit. Frisingenses, contrà quàm vivus præceperat, mortuum ad D. Mariæ huma-

HUGIBERTVS S. CORBIN. AD SE INVITAT.

CORBIN. SANCTISSIMO MEMORATUR.

humârunt, intempeſtiva pietate; ſed ſubſe-  
 quens triginta dierum tempeſtas &  
 procelloſi imbres, Principem populûm,  
 que ſupremæ voluntatis admonuere. Ex-  
 humatum igitur corpus eſt, nullo tabis  
 indício, & ne minimo quidem livore  
 corruptum; ſed ea potiùs ſpecie, vt revi-  
 xiſſe nonnullis videretur; nondum enim  
 vigor, qui conſtat ex ſpiritu, deſtituerat  
 vultum; quinimo calidus de naribus ſan-  
 guis profluxit. Vbi Majas, cum ſacro pi-  
 gnore, perventum eſt, quia locus ille de  
 Boiis nuper captus fuerat, ſuſpicio in-  
 fidiarum Langobardis mota eſt: ſanda-  
 pilam ſcrutati, cadaver non aliter, quàm  
 viuam ſpirantemque virtutis imaginem  
 aſpexere, ſine vlla mortis injuria; recenti  
 iterûm ſanguine de naribus bullente.  
 Acceſſere prodigia plura, famam Corbi-  
 niani latè propagantia; arſere ad tumu-  
 lum accenſæ de Cœlo faces, diemque  
 templo intempeſta nocte intulerunt; mi-  
 ra itidem odoris fragrâtiâ diffuſa, ne poſt  
 tot documenta ad omnes penè ſenſus  
 pertinentia de Cœleſtibus honoribus  
 Corbiniani virtuti decretis dubitare fas  
 eſſet. In trigeſimum annum octavi ſeculi

MIRA A  
 MORTE PA-  
 TRAT.



RATHA-  
RIVS EPI-  
SCOPVS RE-  
GINOB.

*Arnolf. l. i. de*

*S. Emmer. c. i.*

*Ratharium*

*Adventitium*

*Episcopum no-*

*minat.*

aut paulò vltra, annales tanti viri obitum referunt; à quo tempore Ratharium Reginoburgensem Episcopum non procul abfuisse, ex eo convincitur, quòd Arnolfus ab Hugiberto Grimoaldi successore, monasterio S. Emmerammi fundū Pirchinvvach dono datum sub Rathario Episcopo disertè scripserit; vt vanum esse oporteat illorum commentum, qui Ratharium hunc Emmerammo faciunt vetustiore.

## IX.

AT enim quod in Cœlestium orbium rotatione jucundissimum Naturæ munus est, vt occidentibus alijs sideribus, nascantur identidem emergantque nova, vicariam lucem terris impertitura; id ipsum providit in BOICA Deus, nunquam passus ita suis luminibus moerentem orbari, quin nova fax alterius ad occasum properantis locum expleret; ita certè hucusque illustrium sanctitate virorum funera luximus, vt complorationem semper gratulatio exciperet, novo & fortasse majori hospiti impendenda, qui jacturam, quam Christiana res vnus mortè factura erat, in tempore averteret, id quod etiam nunc vsuvenit. Non-  
dum

dum Corbinianus Cœlo receptus fuerat, cum maximi iterū nominis vir, Deo ducente, pedem in BOICA posuit. Bonifacius is fuit, qui Germaniā omni, sudore vel sanguine rigatā, ingentibus factis solus implere annales possit. Natus inter Britannos Anglis parentibus, summo genere, primum ævi florem Deo & virtuti consecravit. Factus ex Monacho sacerdos Frisios adiit, pietatē Genti illaturus: quam vbi parum ex merito aut voto suo æstimari vidit, Romam profectus operam suam Gregorio II. Pont. Max. addixit, qui potestate amplissima donatum Germaniæ remisit; quo in itinere BOICAM obiter lustravit; sed quod suæ opis minùs egentem animadverterat, ad Thuringos & Hassos perrexit, & utrosq; summa fide excoluit; cumque vnus neque tot laboribus neque adeò lucris sufficeret, auxiliares copias domo advocavit, ipsum florem virtutis, ex utroque sexu collectum; ex quo numero Willibaldus, & Wunebaldus, eorūque germana soror Waldburgis, & Chunitruda in BOICAM submissi, optimè de Gente vniversa meriti, immortale sibi nomen pepererunt.

D. BONIFACIUS BOICAM LVSTRAT.

*Vita apud Sur.  
t. 3. & Canis.  
t. 4. antiq. lect.*

*Pet. Stevartius in Not. ad vitam S. Waldburgis.*

D. SEBALDI  
VITA ET  
VIRTUTES.

*Conr. Celt.  
Hartman.  
Schedel.  
Trithem. in  
Chron.  
Hirsaug.  
Cratopol. de  
SS. Germ.  
Vita patriâ  
linguâ edita.*

runt. Wilibaldo Wunebaldóque Regi  
sanguinis viris, ex Italia ad Bonifacium  
properantibus Sebaldus se junxit, etiam  
ipse Regum proles; quorum voto olim  
donatus, cum inter literarum virtutumq;  
studia adolevisset, nuptijs haud sponte ir-  
retitus, sponsam non attigit, noctisque  
beneficio abusus aulam paternam clam ex-  
cessit, & voluntarius exal annis quinde-  
cim latuit, soli Deo notus. Romam dein-  
de religionis causam profectus, Gregorij II.  
Pont. iussu in Germaniam redijt; quæ illi  
lustrandæ BOICÆ occasio fuit; Regino-  
burgum certè ingentium illius prodigio-  
rum conscium, hodie etiam felici hoc  
hospite gloriatur. Focum illic excitaturo  
glacialis stiria pro fomite fuit, quæ ignem,  
naturæ suæ oblita, concepit, aluitq; quo-  
vis ligno fidelius. Danubium, cum navis  
copia non esset, penulam instravit, quæ il-  
lum, solam velificante remigantemque in-  
nocentiam, in adverso littore salvum sic-  
cumque exposuit. Silvam deinde proxi-  
mam ingressus, inter castissimas preces  
ævum egit; incolis nihilominus, viciniarum-  
que Divinam Legem explicavit; mortuum  
boves indomiti ad eum locum vexere,  
quem

quem humando corpori legerat; ex quo tempore, vt Noribergensis Urbis tutela cælestibus honoribus cultus est, donec Cives religionis pietatisque à Sebaldo haustæ odium cepit. Trigesimo primo AN. CH. post septingentesimum anno, Gregorio DCCXXXI. Secundo, Tertius eodem nomine successit; qui non modò rata omnia habuit, quæ Bonifacio honoris causâ concessa fuerant, sed & honestissimo ea additamento exauxit, cum ipsum Archiepiscopi dignitate & Pallio decoravit. Periclitari per ea tempora Christiana res in Boi- ERENWOL- CA cœpit, Erenvvolfi pestilentis hominis FVS HERE- molitionibus concussa: qui cum de re- TICVS BOI- bus divinis non rectè sentiret, rude vul- CA EXA- gus perniciosâ eloquentiâ in societatem CTVS, infaniæ suæ pertrahere laborabat. Bonifacius serpenti malo in tempore occurus, itinere in Boicam suscepto, lupum illum diris devotum à Christiano ovili submovit, iisque, quibus jam malum dentem infixerat, medicinâ opemque attulit. Trigesimo deinde octavo eius seculi anno, iterum Romam profectus, AN. CH. DCCXXXVIII. Boii D. Bo- NIFACIUM ROMAM SE- gressus illius in Urbem triumphi propè CVTI.

spe-

speciem habuit; nam cùm constaret, virum illum non vnus Gentis superstitione debellata, & Germaniâ pleraque ad Divinæ Legis obedientiam, edomitâ, Christianis armis veteres victorias longè superasse, dignissimus visus est, cui tota Roma applauderet; certè præsentis veneration, quàm absentis fama, maior fuit; nihil non à Pontifice impetravit; decreti maximi honores, & dona omnis generis, sacri inprimis Divorum cineres, quibus nihil vnquam pretiosius

GREG. PON-  
TIFEX. AD  
BOICÆ EPI-  
SCOPOS  
SCRIBIT.

Roma habuit. Scriptum est etiam Pontificis nomine ad Germaniæ populos de ipso Bonifacio honorificentissimè; separatim etiam ad BOIARIÆ & Alemanniæ Episcopos, quæ literæ hodiè que extant: ijs significat, Bonifacio suas se vices deniandasse, & convocandorum Comitiorū potestatem fecisse, quocunque loco ipse opportunum judicasset, siue ad ripam Danubianam, siue in Augustana civitate mallet. hortatur etiam, ne vel sibi, vel populo fucum fieri patiantur à circumforaneis quibusdam erroneis, qui larvâ pietatis obtekti, magna nomina, Episcopatus & Sacerdotia jaçtabāt, &

Reli-

Religionis magisterium professi, dogmata veneno adipata ignaris & fallaciæ securis instillabant. Huic malo BOICA maximè obnoxia, sacros homines jam olim venerari, & suscipere velut lapsos Cœlo solita, facile in impostores impingebat; candorisque sui, & nimix credulitatis graves pœnas pendebat, in fraudes erroresque inducta. Id VTILONI animadversum, qui Hugiberto vita functo, sive filius, sive quo alio nomine hæres, anno trigesimo nono in Principatu successit. Bonifacium ergo, qui mederi vnus omnium scitissimè his malis posset, ad se invitat; illius adventus provinciæ salutifuit; malorum segetem in herbâ, incendium in scintilla oppressit; &, ne quid olim renasci posset, etiam in posterum providit: provinciam omnem in Diœceses quatuor descripsit; tribus, quæ pastore orbæ erant, præfides dedit, Salisburgensibus, ex monasterio D. Petri Ioannem præfecit; Frisingensibus Erimbertum, Corbiniani nuper defuncti fratrem; Reginoburgensibus Gaubaldum sive Garibaldum præposuit. Supererat Laureacensis Sedes, quæ cum Batauensi jam

*Arnolf. Comes lib. 1. de S. Emmer. c. 2. horum etiam meminit.*

AN. CH.

DCCXXXIX.  
VTILOBOICÆ PRINCEPS BONIFACIUM ADVOCAT.  
*Arenp. l. 2. t. 23. & MSS. plures.*

BONIFACIUS IN QUATVOR DIÖCESEN BOICAM DESCRIBIT.

coaluerat, in qua post Philonem & Bru-  
nonem vnius Theodori nota literis suc-  
cessio: huic non ita pridem Vivilum seu  
Vivilonem Gregorius suffecerat, cuius  
Bonifacius, vti & reliquorū Provincias,  
certis limitibus distinxit. Quadragesimus  
primus annus Carolo Martello fortissi-  
mo Principi fatalis fuit, cū sex & vigin-  
ti annis Franciæ gloria eo vno potissi-  
mū nixa fuisset, ijs quidem conflictata  
periculis, quæ Regno extrema fuissent,  
nisi sæculo illi Martellus obtigisset. Sara-  
ceni animo impij, sed armis felices, occu-  
patā maximā parte orbis terrarum, ex Hi-  
spaniā infusi Galliæ, vltima omnia non  
tantū Francico nomini minati, quid-  
quid vsquam esset Christiani sanguinis,  
sitiebant. Hos tamen tot triumphis fero-  
cientes Martellus non repressit modò,  
sed maximis duobus prælijs concidit,  
partā in vtroque immortalī famā, quā  
non suæ modò ætatis, sed omnis ante se  
memoriæ Ducum gloriam vel æquavit,  
vel vicit. Posterioris tamen victoriæ, quæ  
illustrior etiam primā fuit, partem Boi-  
sibi vendicant, qui Otilone Duce, odio  
impietatis, in Franciam profecti, in de-  
bellā-

AN. CH.

DCCXLI.

*Annal. Fuld.**Herman. &**alij.*

CAROLI

MARTELLI

GLORIA

BELLICA.

BOII CARO-

LO MAR-

TELLO BEL-

LO SARA-

CENICO AV-

XILIAN TVR

*P. Aemil.*



bellandis barbaris egregiam operam navarunt, neque Martellus erubuit, fidos socios in consortium gloriæ admittere, sed magnificè insuper collaudatos donatosque, ob impigram militiam, domum remisit. Carolus, patriâ ab æterno hoste liberatâ, moriens, liberis intestinum bellum reliquit. Ij erant Carolomannus, Pipinus, qui postea Rex fuit, & Hiltrudis, quibus Sigebertus Remigiû Rodomensem Archiepiscopum, nescio an ex vero, adjicit, ex quo Æmilius Ægidium Rothomagensem fecit; Gripho denique ex Suanhilde Boi c i sanguinis Principe natus, quem fratres in provinciarum sortitione præteriere. Id natalium vitio, an proprio aliquo scelere commuerit, dubium Scriptores fecerunt. Hermannus quidem disertè ut spurium notat; quam maculam qui in Griphone non agnovere, immoderatè tamen eundem ambitio- nis arguunt; eâ impulsus, parente mortuo, spe amplissimi Imperij in se vnum devolvendi, fratribus bellum movisse, sed viribus impari tota deinceps hæreditate excidisse. Id constat, Suanhilde faces admovente, Laudunum occupasse, GRIPHO  
CAR. MAR-  
TEL. FIL.  
MATRE BO-  
IA NATVS  
IN FRAN-  
CIA TV-  
MULTVA-  
TVR.  
Tom. 2. antiq.  
lect. an. 748.  
Continuator  
Aimoini  
Adelmus sive  
Ademarus  
quem Vrsperg  
secutus est.



fratresque provocasse priorem, eventum  
tamen parum prospero; ipse enim paulo  
post in eadem vrbe, quam in arcem belli  
legerat, obsessus, oppressusque à fratribus,  
temeritatis poenas dedit, faciles quidem  
illas, & pietate temperatas; in munitum  
duntaxat Arduennæ silvæ castrum, cui  
Novo nomen fuit, custodiendus missus.  
Equidem ut pronior in illorum senten-  
tiam sum, qui Griphonem probro nata-  
lium eximunt, ita etiam spatio nego cau-  
sas defuisse magna audendi; certè ut alia  
omnia deessent, Caroli Martelli Patris  
exemplum in oculis erat, cui infamia eu-  
narum ad summos honores capeffendos  
si obstitisset, quas tandem Pipinus & Ca-  
rolomannus sortituri divisuriq; provin-  
cias fuissent? cum in eas olim Patri nihi-  
lo plus juris fuerit, quam ipsi Griphoni  
esse tunc vellent. Facile igitur persuaderi  
poterat feroci Juveni, ut paternis potissi-  
mum vestigijs ad gloriam grassaretur, &  
quod nascendi conditio immerenti ne-  
gasset, manu sibi quæreret, crederetque  
eam pulcherrimam esse hæreditatem,  
quam non alieno suffragio, sed suo gla-  
dio deberet. Verum utcunque se res hæc  
habeat,

*Nicol. Serar.  
in Epist. 26.  
S. Bonifacij.*

habeat, primos Griphonis conatus, ut  
diximus, Fortuna destituit; Suanhildis  
Griphonis mater, quando prima consilia  
non successere, aliâ viâ privignis agrè fa- *Fredegar. in Chron.*  
ctura, Hiltrudi eorundem sorori persua-  
det in BoiCAM proficisci, nuptiarum,  
cum Vtilone spe objecta. neque defuit  
prompta ministrorum manus, qui Rhe-  
no transvectam comitarentur. Vtilo etli *HILTRUDIS*  
graves se eâ causâ inimicitias suscipere, *VTILONI*  
videbat, amor obsecutus Hiltrudem sibi *DESPONSA.*  
despondit, altero mox anno pater THAS-  
SILONIS effectus; & quia à fratribus  
Conjugis nihil movebatur, longius pro-  
vectus, pro Duce, Regem appellati se vo-  
luit, eo nomine confessus, Francorum,  
se Imperium exuisse. Id Carolomannus,  
sub cuius iura Boii reciderant, non fe-  
rendum ratus, assumpto etiam Pipino  
fratre, cum exercitū in BoiCAM conten-  
dit, Vtilone ad fines Provinciæ, virium  
confidentiâ, occurrente. Ad Lycum  
uterque exercitus convenit, & diu neu-  
tro transgredi auso, convitijs, quæ vtrin-  
que jaciebatur, pugnatum est; donec ob-  
saturati ijs Franci, reperto vado, in ad-  
versam ripam evasere, noctēque ad frau-

A. CH.  
DCCXLII.  
THASSILO  
NASCITVR.  
*Arenspeck. l. 2. c. 23. & alij.*

VTILONI  
BELLVM  
MOTVM.  
A. CH.  
DCCXLIII.  
*Ann. Ful-  
dens. Regino.  
Aimoin. Ma-  
rian. Sigebert.*

deim abulsi, in hostes periculi securos,  
passimque sparfos sopitosque irruerunt;  
multi somnum morte continuant: se-  
rò, & ferè ex ultimis morientium voci-  
bus observatum est, adesse hostem; ho-  
rum eiulatus pro classico fuit; sed neque  
explicari signa, nec acies potuerunt; temerè  
cogressi per noctem metuebant omnes,  
& vicissim ab omnibus metuebantur;  
cum hostem à socio nemo dignosceret,  
& alius voce, alius silentio proderetur;  
nusquam tutum consistere, & sæpe peri-  
culosior fuga; mortem multi, dum maxi-  
mè vitant, invenerunt, pessimo errore in  
hostes delapsi, vel pro hoste cæsi à suis.  
Francus etsi multa adversus noctem ho-  
stemque provisâ haberet, tamen etiam  
ad vulnera patuit; nam & Boiis ultima  
desperatio vires dabat, cumque pugna  
æqua potestas deesset, aderat tamen ani-  
mus, qui juberet non inultos mori; ut pa-  
ram læta Franco fuerit victoria, prom-  
ptissimos suorum post pugnam deside-  
ranti. Vtilo ubi iniqua omnia sibi suisque  
vidit, paucis comitantibus discrimini se  
subduxit, præcipiti fugâ ultra Oenum flu-  
men ablatus, ibi demum vanam sine viri-  
bus

Vtilo VIN-  
CITVR.

bus iram ex damnis suis æstimans, animi  
 tumorem demisit: videbat non eo for-  
 tiorem se fuisse, quòd Regium nomen,  
 assumpserat, imò opportuniorem Fortu-  
 næ, semper magnis titulis insidianti. Fran-  
 cis solis ambitionem suam profuisse, qui-  
 bus ad famam aptius sit, Regem vna no-  
 ã debellasse, quàm si Ducem vicissent.  
 Posuit igitur inutile nomen, neque in po-  
 sterum profuturum, & modestiore Ducis  
 appellatione Fortunam suam circûscrip-  
 sit. Sic pax sequenti anno constituta est.  
 Etiam Bonifacio per hæc tempora, cum  
 fucis, quos exagitandos, exigendosque è  
 BOICA susceperat, bella intercedebant;  
 fuitq;, qui Episcopum se auctoritate Pon-  
 tificia constitutû mentitus, graves turbas  
 ciceret; cuius nomen cum Bonifacius, fi-  
 niendæ litis causâ, ad Zachariam, qui Gre-  
 gorio III. successerat, detulisset, Pontifex  
 proprijs literis pseudoepiscopi mendaciû  
 confutavit; potestatem insuper, quam à  
 decessore Bonifacius acceperat, amplia-  
 vit, non modò BOICÆ lustrandæ, illu-  
 strandæq; curâ, sed omnium Galliæ pro-  
 vinciarum procuratione in illius hume-  
 ros rejectâ, quâ perpetuò ita functus est,

REGIUM  
 NOMEN AB-  
 DICAT.

*Annal. Fuld.*  
*Herman. ult.*  
*edit.*

BONIFACII  
 IN BOICA  
 LABORES.

*Epist. Bonifac.*  
*Ep. 243.*

CAROLO-  
MANNVS  
PIISSIMVS  
PRINCEPS.

EISTADIA-  
NI EPISCO-  
PATVS INI-  
TIA.

*Itinerar. San-  
ctimonial.*

*Heidenheim.*

*Herman.*

*A. 746.*

S. VVILI-  
BALDI CVM  
SVIGGERO  
COM. CON-  
GRESSVS.

*Cyriac. Span-  
genberg. in  
Hist. S. Bepf.  
cap. 32.*

vt summi infimique non modo fidem,  
industriamque probarent, sed ad pios il-  
lius conatus promovendos, exornan-  
damque suis etiam symbolis Christianam  
Rempublicam exardescerent. Mirificus  
in eo studio Carolomannus, luculenta  
omni ævo exempla daturus, quas primas  
deceat esse Principum curas; non con-  
tentus nobilissimum Christo Servatori  
Cœnobium ad Fuldam amnem condi-  
disse, auctor etiam Bonifacio fuit, Wür-  
ceburgensis & Eistadiani Episcopatum  
constituendorum; quorum posterior  
cum B O I C Æ fines contingat, repetenda  
altiùs initia censui. Wilibaldus, cuius su-  
prà facta est mentio, trigesimo nono hu-  
jus seculi anno, Româ redux, cum Vtilo-  
nem B O I C Æ Principem ex itinere salu-  
tasset, indè ad Suiggerum seu Suiggarium  
Comitem Hirspergensem digressus, haud  
difficulter ab eo impetravit, vt nobili To-  
parchiâ in meliores transcriptâ vsus, o-  
pum suarum Deum faceret hæredem.  
Auctorem habeo, qui ex nescio quibus  
tabulis exscripsit, Wilibaldû etiam Hirs-  
pergensium Insignium picturam in suæ  
subsidiû eloquentiæ traxisse; gentili-  
tium

tium ijs scutum, colore aureo, protube-  
 rante cliuo distinctum, quem cervus in-  
 primores erectus pedes, nitentis in al-  
 tum specie, occupabat; quem contem-  
 platus Wilibaldus, habere Suiggerum mo-  
 nitorem domesticum, & magistrum ar-  
 duarum cogitationum, dixit; præsulto-  
 rem enim illum ceruum invitare domi-  
 num suum exemplo, ne segnius ad astra-  
 tendat, quam ipse assurgat in scutum,  
 quod etsi aureum sit, pulchrius tamen  
 longè esse cœlum. Quæ res ut se se ha-  
 beat, illud sanè constat, Suiggerum in-  
 Wilibaldi sententiam concessisse, cumq;  
 eo Frisingam ad Bonifacium profectum,  
 optimam Toparchiæ suæ partem eius ar-  
 bitrio permisisse, Vtilone pietatem do-  
 nationemq; Comitum prolixè approban-  
 te. Tum demum Episcopo condendo  
 locus ille ad Almonium seu Altmülam,  
 amnem delectus, qui postmodum à suc-  
 ciso querceto, quod vallem inumbrabat,  
 Aichstadium dici cœpit; Aureatum et-  
 iam multi appellarunt, nomen ex vicinia  
 mutuati, ubi Aureati veteris, Hunnorum  
 furore, uti alia multa, eversi ruinæ osten-  
 duntur. Wilibaldi studium Wunibaldus

SVIGGERVS  
 VTILONE  
 PROBANTE  
 TOPAR-  
 CHIAM  
 SVAM EPI-  
 SCPIO CON-  
 TRIBVIT.

*Jacob. Gretser.  
 in Patr. Et-  
 fectens.*

HAIDEN-  
HAIMIVM  
DEO SA-  
CRATVM.

frater & Walburga soror imitati, Heiden-  
haimij, virorum ille, hæc fæminarum cæ-  
tus coëgit, religiosusq; domiciliis distin-  
ctos, sanctissimis præceptis & exemplis  
imbuerunt.

X.

D. STUR-  
MIO BOIVS  
FULDENSE  
COENORI-  
VM ERIGIT.

A. CH.

DCCXLIV.

*Vita eius à  
S. Aegil. Abb.  
Fuld. conscri-  
pta extat a-  
pud Christ.  
Brovv. in Si-  
derib. Ill. Vir.  
& SS. Germ.*

P O R R O silentio transmittendum  
non est, etiam Fuldensis Cœnobij initia  
in quantamcunque amplitudinem de in-  
ceps provecta, B O I C Æ in acceptis refe-  
renda, quæ primum loco illi incolam,  
conditorémq; submitit. Is Sturmio fuit,  
nobili apud B O I O S genere natus, quem  
Bonifacio parentes etiamnum adole-  
scentulum, altam in eo indolem suspi-  
cienti, de manu in manum tradiderunt.  
Sub hoc magistro primum virtutis tiro-  
cinium posuit; quo exacto, Frideslariæ  
S. Wigberto laborum operumque Boni-  
facij socio excolendus est datus. Inter  
tam felices adultus manus, sacrisque ini-  
tiatus Sturmio, volente Bonifacio Bu-  
chonix siluæ recessus lustravit, delecta-  
tusque regionis ad Fuldam animum adsi-  
tæ opportunitate, locum Monasterio ca-  
pit, eoque liberalitate Carolomanni po-  
titus, tecta pro præsentē copia, anno  
D C C X L I V, molitus est, modicis adhuc  
opi-



Opibus, ad quas paupertas non erubesceret; loci tamen angustias magnis virtutibus dilatavit; neque domesticis quidem contentus, peregrinas etiam invehere institit. Monasteria Italiæ omnia adiit, & quidquid sanctitatis Roma habuit, oculis admovit; nullum religionis Gymnasium præterijt, ex nullo non seipso melior recessit: inter quæ pia lucra annum versatus Fuldam redijt, ibique capacissimum pectus, quo omnia Monastices arcana complexus fuerat, exoneravit, visa in mores induxit, ut omnes Deum amandi artes, illic velut in compendio spectarentur: quæ Bonifacio causa fuit, ut ad Superos abiturus, mortalitatis exuvias hoc potissimum loco cuperet deponere: quo Thesauro, non sine invidia, Fuldam illato, nihil mirandum fuit, etiam cæteras opes crevisse; quæ quidem tantæ, vivente Sturmione, fuere, ut quadringentis Monachis (eorumque enim numerus excreverat) alendis sufficeret; præter familiæ dimensum, & liberalem sportulam, quâ pauperum annona levabatur. Et verò ipsa Boica memor ingentium bonorum, quæ Bonifacio referebat accepta, pio



BOICÆ IN  
FULDENSE  
MONAST.  
LIBERALI-  
TAS.  
Christoph.  
rover. l. 3.  
Antiq. Fuld.  
p. 15.

ulgo Hau-  
en dicitur.

cum populis pluribus studio ad locuple-  
tandum eum locum exarsit, quem com-  
munis ille Germaniæ Pater mortuus oc-  
cupasset. Extant fideles tabulæ, quibus  
Episcoporum Boicæ erga Fuldense Cœ-  
nobium liberalitas est consignata. Salis-  
burgensis Ecclesia ex Salinarum proven-  
tu talenta annua duodecim repræsentavit :  
Ratisponensis ex vinearum fundo-  
rumque redditu olei tantum, quantum  
equi clitellarij duo lagenis deferrent :  
piscē insuper, insigni magnitudine, Eso-  
cem, proprium Danubij spoliū. Eadem  
munera Batavensis Episcopus Vivilus  
cum fide misit; sed eo vita functo, poste-  
ros suæ pietatis pœnituit. Casci in alpi-  
bus pressi Erimberti Frisingensium Epi-  
scopi donum fuere : Wilibaldus verò  
Eistettensis Præsul omnem villæ vnius  
vsum fructum Fuldensibus transcripsit.  
Jam prædiorum villarumque, à reliqua  
plebe Fuldensibus adjectorum, vix iniri  
numerus possit : certè ex sola Alemannia  
sive Suevia, & BOICA, aliquot millium  
donatio recensita, tam felicitis glebæ &  
soli, vt fundus vnicus indomitos equos  
octoginta, quinquaginta boves, porcos

nona-

nonaginta subinde mitteret. Sed hæc tanta ad Cœnobij opes accessio, Bonifacio pro Christi fide cæso, facta est: proinde nos ad reliqua illius acta, cùm in humanis ageret, revertamur. Virgilius per hæc tempora novum BOIARIÆ columnen accessit, vt quando fata Bonifacium aliò vocabant, respublica Christiana interim non in impares humeros incuberet. In Hibernia, nobili genere natus, in Francia deinceps, apud Pipinum primum gratiæ locum obtinuit. ad BOIOS cùm insignium virorum comitatu profectum turbellæ & nubila exceperunt. Sacerdos illic insigni inscitiâ, quòd literas vix à limine salutasset, in Sacrorum administratione miserè alucinabatur, neque solennis quidem formulæ gnarus, quæ Baptismi Fonte tingendis adhibetur, quam ille fædè deartuatam corruptamque balbutiebat. Bonifacius neminem ritè lustratum credebat, quem barbarus hic Mystra fonti admovisset; contranitentibus Virgilio & Sidonio, causamque ad Romani Pont. tribunal deferentibus; vbi Zacharias secundum Virgilium sententiam tulit, Literis super ea lite ad

D. VIRGILIUS IN BOICAM DELATVS. S. Eberhardi discip. in vita tom. 2. antiq. lect.

In nomine Patris & Filii & Spiritus sancti.

Tom. 5. Con. & tom. 2. Epist. Decret.

A. CH.  
CCXLVII.  
CAROLO-  
MANNVS  
REGNO AB-  
DICATO  
MONACHVM  
NDVIT.

egino in  
bron.  
n. 746.  
ce Ostiens.  
bron. l. x. c. 7.

te ad Bonifaciū datis, ipso anno DCCLIV.  
Post triennium deinceps Caroloman-  
nus, florentissimis rebus, cū neque de  
sua, neque Pipini fratris, cum quo con-  
iunctissimus vixit, Fortuna cōqueri pos-  
set, hac ipsa illius nimia indulgentia of-  
fensus, prior blandientem deseruit, & in-  
securiorem arcem, quò pertingere illa  
non posset, perfugit, obstupescēte orbe  
terrarum Monachum professus. Illo illo  
seculo (verba Æmilij repeto) quo Cœ-  
nobium lacrymis pœnitentiæ rigabatur,  
laceratāque voluntarijs verberibus terga  
mox cilicio tegebantur. In Soracte pri-  
mū monte confederat; sed salutantium  
frequentiā interpellari otium suum non  
ferens, in Cassinatis Cœnobij latebris om-  
nem pristinæ gloriæ pompam sepelivit;  
infra mediaſtinorum sortem abiectus,  
coquinaria vasa, quæ eluebat, reveren-  
tius, quàm Imperij Insignia tractabat;  
pulchrior sibi in sordibus & fuligine,  
quàm sub purpura visus; os etiam irretor-  
tum ebrio verberandum coquo præbuit,  
quoties minùs scitè focum adornarat. Ex  
culina in ovile detrusus, sereniore ibi  
vultu, quàm in palatio fuit; hinc ille olim

tot

tot Gentibus imperans, prodijt ad pascua  
 opilio, Regiâsque curas pecori impendit;  
 & neque tunc quidem, cùm sublata in-  
 tergum ovis suis cum sordibus perfunde-  
 ret, fœdatum se credidit, non indignatu-  
 rus, etiamsi illud homo fecisset; adeò i-  
 psam contumelijs omnibus ignominiam  
 detraxerat. Poterit tamen Boica, cùm  
 Principum suorum victorias celebrabit,  
 hunc Carolomanni sub ovicula de fastu  
 & seipso actum triumphum ostentare  
 inter primos; certè salubrioris exempli  
 nullus ynquam fuit: quod tamen apud  
 Griphonem, Carolomanni, vti diximus,  
 fratrem, tantum efficere non potuit, vt  
 sorte sua contentus, Fortunam, quama-  
 deò iniquam nuper expertus fuerat, la-  
 cessere desineret. enimvero, neque post  
 abdicationem Carolomanni quidem, sui  
 rationem haberi indignatus, elapsus è  
 custodia, ad Saxones se contulit, auxilia  
 illic contra fratrem quæsiturus; & inve-  
 nit certè, vt in Gente Francis nunquam  
 æquâ, & quemcunque adversus illos Du-  
 cem secuturâ. Sed repentinus Pipini ad-  
 ventus turbida consilia discussit; quem  
 cùm Saxones vt fortiozem metuerent,  
 placâ-

GRIPHONIS  
 NOVUS  
 MOTVS.

Adelmus in  
 annalibus.

Regino & Fr-  
 sperg.

placare per legatos, quàm irritare maluerunt, positâ jam Griphonis curâ, postquam in cliētela illa plus periculi, quàm lucri apparuit. Extat Bonifacij ad Griphonem epistola, sacros coetus viro-  
 rum virginumque illi commendantis, eo tempore scripta, quo Gripho ambitiosas in Saxonia spes secutus est; quas everfas prostratasque novo iterum scelere suffulcire & erigere contendit, impotens animi, & ultimæ infamiæ ratus, Caroli Martelli sobolem ingloriam intra privatæ vitæ angustias sine Imperio vivere: Tumultuarias ergo copias cum auxilijs, quæ Lantfridus & Svvirgerus adduxerant, in BOIARIAM rapit, nihilo meliore in Hiltrudem sororem animo, quàm in fratres fuerat; eamque imparatissimam, maximè adversus fratrem, inexpectati impiique belli turbine oppressam, cum Thassilone filio in deditiorem accipit, nulloque resistente, tyrannidem occupat. neque defuere provincialium studia, amore an metu conciliata, incertum: multis sub novo Imperio novæ spes, eoque promptiora obsequia, aut in illorum vicem, æquè valida simulatio. De Vtilone inte-

rima

*Est 26. inter  
 editas à Nicol.  
 Serario.*

GRIPHO  
 IN BOICAM  
 CVM EXER-  
 CITV IR-  
 RVMPIIT.

A. CH.  
 DCCXLVIII.

rim apud Scriptores veteres verbum nul-  
 lum; eoque recentiorum turba, quæ cuique  
 visum, discessere, abfuisse domo fortui-  
 tō, aut profugisse metu, etsi vtrumvis  
 egregiè credibile est, autores tamen tan-  
 tūm divinantes habet. quidam longius  
 progressi, fastidio rerum humanarum,  
 Fortunæ suæ nuncium remisisse, atton-  
 sumque Monasticen professum esse, spe-  
 ciosius fortasse, quàm veriùs fabulantur:  
 rem pulcherrimam Scriptorem olim,  
 non reperisse, vix est vt credam; cūm Ca-  
 rolomanni factum tot præcones habue-  
 rit, cui hoc Vtilonis, similitudinē exem-  
 pli, & ætate conjunctum, quàm aptè po-  
 terat subnecti? Proximum erat, illum in-  
 ter mortuos censere; neque vllus ad ex-  
 cusandum Scriptorum silentium melior  
 color, si omnino hariolari luberet, neque  
 tutior multò esset, in re tam obscura,  
 ignorationis confessio. Illa tamen veris-  
 sima Vtilonis laus est, Principē fuisse Rei  
 Christianæ amplificandæ cupidissimum.  
 Documento sunt, præter alia, quæ dixi-  
 mus, Monasteria complura, quæ illo au-  
 ctore gloriantur. Mentem illi ad ea tantis  
 impendijs molienda Pirminius potissi-  
 mum

DE VTILONIS  
 NE VARIÆ  
 SENTEN-  
 TIÆ.

Vtrum Eber-  
 spurg.

VTILONIS  
 LAUS.

S. PIRMI-  
NIUS PLV-  
RIVM IN  
BOICA MO-  
NASTERIO-  
RVM AV-  
STOR.

PLVRIVM  
BOICA MO-  
NASTERIO-  
RVM ORI-  
GINES.

mum iniecit, vir vitæ sanctitate, & admi-  
randis operibus ingens nomen adeptus;  
qui Episcopi dignitate insignis, ex Gallia  
ad Alemannos profectus, insulā Acronij  
lacus inaccessam hominibus, & serpen-  
tum illic stabulantium colluvione infamem,  
fugata peste, humanis, imò divinis  
vſibus consecravit, nobili Monasterio  
condito, quod ab opibus, quæ ingentes  
illi loco accessere, Augiæ Divitis nomen  
invenit. Idem decus cū provincijs plu-  
ribus intulisset, in BOICA, ejusdem consi-  
lio, Altaichum Inferius & Superius Vtilo  
erexit: utrique à quercu nomen, neque  
temerè, utifama vult, inditum. Stetisse  
enim utrinque annosas arbores etiam  
hodie creditur, quibus vetus superstitio  
majestatem affinxerit, quasi conscijs Di-  
vinitatis, & plenis Numine. Mannsee  
præterea, Niderburgum, Pfaffenmünster,  
Osterhova, origines suas Vtilonis opi-  
bus, pietatq; Pirminij debent. Josephus  
etiam Frisingensis Episcopus, Erimberti  
successor, ad Iseniscum annum, Vtilone  
sumptus suppeditante, Monasterium  
condidit. At enim quando Divini cultus  
incrementa narrando attigimus, quæ  
nullo



nullo seculo maiora fuere, quàm Vtilone, ejusque filio Thasllilone rerum in Boica potentibus; etiam illorum vindicanda ab oblivione fama est, qui dignitate infra Principes, religionis studio, & optimè collocatis opibus, illorum gloriam exæquarunt. Insignes in primis eo in genere Landfridus, Waldramus, & Etilandus fratres, sive ij Walteri Bliantij Comitum filij, domo Galli fuere, sive indigenæ Boii Antorffæ & Loysæ Comites; utrumque enim traditur: ij Monasteria octo à fundamentis erexere, opus vix Regibus hodie tentandum; supersunt ex ijs Benedictoburanum, Schlechdorfense, Wessobrunnense, Pollinganum; quatuor reliqua temporum hominumque injuriâ perierunt, nomina extant; Siverstatense, Sandavense, & deniq; duo ad Cochelium & Stafelium lacus sita, vnde etiam appellationes traxerant; etsi ex his quædam, origines suas alijs auctõribus transcribunt, quod in rebus tam antiquis solene est: Fuisse cordi Deo tam munificam pietatem Cælestibus prodigijs ostensum; quale in primi Cœnobij molitione obtigisse, annales domestici referunt: nam

TRES FRATRES BOII OCTO MONASTERIORVM FUNDATORES.



*Arenbek.*

materiarum ad rivum Colomanbachium  
silvam cedere aggressi, exerrante ferro, &  
velut imperium detrectante, luculenta  
ipsi vulnera accepere; cruentatas assulas  
columbæ raptim sublatas cum in locum,  
vbi hodie Benedicto-Buranæ Ædis prin-  
ceps ara visitur, deposuere; neque dubita-  
runt fratres auspiciū sequi, designa-  
tāque à bonis avibus aream ingenti o-  
pere circumscripserunt. In hunc modum  
pia prodigalitate effusis opibus, ne quid  
sibi reliqui facerent, se ipsos Deo devo-  
verunt, conditāsque regijs sumptibus  
ædes multò liberaliùs suis virtutibus  
exornârunt. Imitati nobile exemplum  
sunt, seu fortasse faciem his tribus fratri-  
bus, duo alij, summo itidem genere nati,  
præluxere, Adalbertus & Otkarius Tegeren-  
ses dynastæ; de quorum natalibus,  
quod in rebus tam antiquis perpetuum,  
non vna narratio; quos cum augustiores  
quidam reddere cuperent, fabulis multò  
veriùs inquinaverunt. Id constat, Comi-  
tes fuisse, & ad Tegerensem lacum, am-  
plissimum Cœnobium ædificasse. Viri  
ipsi militares, & defensæ in summis peri-  
culis Romanæ Urbis titulo gloriosi, o-  
mnia

TEGEREN-  
SIS COENO-  
BII AVCTO-  
RES.

Otto 2. &  
Henricus 6.  
Comites in di-  
plomatis vo-  
cant.

omnia domi forisq; parta decora post virtutem habuerūt. Periere, magno Historie damno, Zachariæ pontificis literæ ad D. Bonifacium Archiepiscopum scriptæ, quibus heroës isti magnificè laudati, eorumque fideli operæ publicum testimonium tributum. nam quod Scriptores quidam serò nati, nulla temporum habitatione, Romanam fratrum horum militiam in Zachariæ annos coniiciunt, inscitia imputandum; cùm constet, quæta omnia Romæ tum fuisse; aut, si quid glisceret tristius, periculum intra metum stetisse. Illud certum, sub Gregorio III. qui Zachariam proximè antecessit, Langobardorum furore vexatam Romam, & sanctissimum D. Petri templum sacrilegè expilatum fuisse; quo tempore verosimilius est, Tegerenses Comites, cùm religionis causâ Romam profecti in ipsum tumultum incidissent, laboranti Ecclesiæ pias fortésque suppetias tulisse. Abcuntibus Pontifex nobile stipendium solvit, S. Quirini corpore petentibus cōcesso; quod illi omni thesauro charius, condito à se Monasterio, vt perpetuam tutelam intulere; ipsi denique eodem ab-

*Literarum  
mentionem  
Metellus Poë-  
ta Quirinalib.  
facit od. 20.*

AN. CH.  
ECCXXXIX.

diti, novæ militiæ Christo sacramentum dixerunt, de seipsis deinceps triumphaturi. Adalbertus Abbas electus, accepto in centum quinquaginta viros Imperio, regiâ eisdem viâ ad Christianæ virtutis

MONASTE-  
RII ILMEN-  
SIS, INITIA.

fastigium duxit. Vto fratrum horum socore natus, accensus exemplo, etiam ipse ad Iltum amnem, Religiosorum collegium instituit, quod cum D. Arfacij corpore, aliquot seculis post, Monachium, translatum est. Illustrasse locum illum B.

B.B. LULLVS  
ET ALTO  
BOICAMIL-  
LVS TRANT.

*Ex fragmento  
Chron. Scor.  
tom. 4. lect.  
antiqu. Canis.*

Lullus S. Virgilij affecula dicitur: sed celebrius etiam Altonis, ex eiusdem comitatu, nomen est, qui cælesti voce in Boica iussus subsistere, vastum nemus, succis arboribus, habitabile reddidit; locus hodièque Altonis Monasterium dicitur; Alto ipse insigni virtute Cælestes post mortem honores meruit. Has tot tantisque, Civium, Principumque suorum conspirantibus animis, intra annos paucos, Boica Religionis arces accepit, Bonifacij, cæterorumque, quos nominavi, Illustrium virorum æterna monumenta; singulis tamen ætatem suam & annos præfigi posse, etsi cura supersit, spes tamen non est; quod ipsas Monasteriorum tabulas,

las, quantamcunque vetustatem redo-  
 leant, vacillantes dubiæque fidei depre-  
 henderimus; Illud præstabimus, intra an-  
 num quadragesimum & sexagesimum o-  
 ctavi seculi, hæc pietatis domicilia, quot-  
 quot numeravimus, omnia surrexisse;  
 neque facile alios viginti, pari felicitate,  
 annos, secuturi Annales his opponendos  
 reperient. verum vnde digressi sumus re-  
 vertamur. Pipinus, occupatæ à Griphone  
 Boiæ nuncio accepto, continuo arma  
 in fratrem resumpsit, quibus tamen im-  
 pietatis notam causæ æquitas absterge-  
 ret; cuius quidem ea vis fuit, etiam apud  
 hostē, ut Gripho quātumvis valido exer-  
 citu instructus, pedem conferre non au-  
 sus, fuga & fluminum objectu se tutari in-  
 stiterit, quasi sequi Pipinus non posset,  
 quā ipse præcessisset. Vbi ventum ad  
 Ocenum est, Pipinus, quod pontis copia  
 non esset, totum littus navibus complet,  
 exercitum ad vltiora transportaturus:  
 Ingens apparatus, & comperta Ducis feli-  
 citas, & Francus ipse miles jam in oculis,  
 virtutis conscientiam non tam ad bellum,  
 quā certam victoriā properans, Boiis  
 poenitentiam prioris consilij, & raptorum

AN. CH.

DCCIL.

PIPINVS

GRIPHO-

NIFR. BOI-

CAMERI-

PIT.

Ann. Fuld.

Herman.

Aimoin. &amp;

alij.

rum pro Incubatore provinciæ armorum iniecere; quâ enim spe tot fortes viros & ingenuos in pericula rueret? neque victoriæ quidem aliam mercedem fore, quàm ut spurio Principi pareant, legitimis expulsis; cuius etsi ipsos nunc non pudeat, id tamen cavendum, ne aliquando pigeat; neminem enim, qui proculcato jure ad Imperium venerit, facillè juris in Imperio meminisse: Potentiam vi & scelere quæsitam, non solere virtute exerceri; tutissimas cuique illas artes videri, quibus felicior evaserit. Ita ratiocinantibus optimum visum, cum Pipino in gratiam redire; ad quem legati cum amplis muneribus missi omnia ex sententia confecerunt, minime crudeliter in illos consultum; obsides duntaxat imperati, sacramentumque renovatum est: neque Griffo quidem pro merito suo habitus, jam tertium rebellis, & sæper victus; non modò vitâ illi, sed Dynastiam Dentelicensem insuper, cui inter Sequanam & Isaram duodecim Neustriæ Comitatus tribuebantur, Pipinus donavit; ut si subesse fratri durum putaret, patrem illum in hoc animo tantisq; beneficijs agnosceret;

sed

GRIPHONIS  
IMPROBI  
AVVS.

sed neutrum nomen apud insanabile ingenium valuit. mox ut hostem Pipino vel inveniret, vel faceret, ad Aquitanos abiit, & Vaisario inquieto homini, & omnia secū ausuro se conjunxit; sed tūm adversantibus fatis, neque illic exsaturare odia sua posset, Galliam Germaniāque, ut infelices terras detestatus, extremāque omnia tentaturus, in Italiam abiit; sed in alpiū transitu à vallis Mauriennæ præfectis deprehensus occisusq; , anno illius sæculi quinquagesimo tertio, fratrem, & patriam, & nostram etiam Boicam metu liberavit, cui, post exactum nuper Griphonem, THASSILO Vtilonis Filius, nondum pueritiam egressus, à Pipino præfectus est. neque, quod jam antea monui, Vtilonis deinceps nomē vetustiores Annales habent; cū tamen domestici Scriptores, vitam illi ad annum vsque sexagesimum quintum propagent.

*Ex Annal.  
Franc. P. Pi-  
thoi.*

THASSILO  
BOICÆ  
PRINCEPS  
INAVG-  
RATUS.  
AN. CH.  
DCCXLIX.

EXARSERAT sub initium motuum à Griphone concitatorum, etiam inter divinos viros Bonifacium & Virgilium simulas, pravorum hominum maledicentiā conflata; qui tantam virtutem, cū palam exscindere non possent, su-

XI.

BONIFACIUS ET  
VIRGILIUS  
INTER SE  
COLLISI.

ruere per cuniculos meditabantur; concinnatis aliquot iniquæ accusationis capitibus, quâ Virgilium Bonifacio exosum redderent; Arguebatur in primis, Vtilonem Principem à Bonifacio aver-  
tisse, jactare insuper Pontificis privile-  
gium, & jus successionis, si quis quatuor  
Boica Episcoporum decessisset; tum  
denique manifesto delirio impiam fabu-  
lam procudere, & novum mundum, no-  
va sidera, aliósque homines effingere,  
ejúsque commenti stultitiâ vnicum Dei  
opus, & pulcherrimum Naturæ ordinem  
dissolvere; & prima quidem capita duo,  
mera calumniandi libidine excogitata;  
terrium insigni inscitia & stupore confi-  
ctum; quod, vt plurimum opinio fert, Vir-  
gilius subtilissimum eo tempore philo-  
sophorum arcanum, quod hodie pueri  
etiam sciunt, palàm proferret, nempe  
terram specie globosam esse, neque gra-  
tis orbem dici, vtpote in eam formam  
Dei manibus velut torno rotundatam;  
habitari autem totam, hominésque ad-  
versis cōtra nos vestigijs niti, ex eo Anti-  
podes dictos, qui vicissim nobiscum dies  
noctésque, lunam & solem partiantur:

quæ



quæ scita tunc ignorata vulgo, imò etiam à felicioribus ingenijs derisa, & ab iniquis in invidiam tracta sunt clamantibus alterum Democritum exortum esse, cui vnus orbis non sufficeret. Bonifacius delatoribus, quàm Virgilio æquior, iudicio tamen abstinuit, causâ integrâ ad summum Pontificem Zachariam rejectâ; qui animo graviter commotus, nihil mediocre videbatur in Virgilium & Sidorium, vt participem consiliorum, & culpæ innexum decreturus, quod ex literis ab eodem ad Bonifacium perscriptis colligere est; quid decretum omnino sit, non constat: existimem, calumniam patrefacta veritate, in fumum abiisse; facilis fuerit apud æquissimos Iudices innocentiae defensio, integratioq; convulsi non nihil amoris. sanè sopitam sepultamque optima fide offensusunculam, sequentis temporis silentio ostenditur; cùm Bonifacio, qui septennio integro provixit, vox super ea re nulla, de qua constet, exciderit; sed & gesti deinceps à Virgilio honores vitæque integritas, quæ illum Divis accensuit, neq; suspicioni quidem lævę latebram relinquunt.

*Extant inter  
Epistolas S. Bonifacij, n. 140.*

R V R S V S  
C O N C I L I A  
T I.



*Annales ple-  
rique omnes.*  
PIPINVS  
REX FRAN-  
CORVM.

QVINQVAGESIMVS secundus annus  
in signi rerum in Gallia conversione no-  
bilis fuit; cùm Childericus ex Merovea-  
stirpe vltimus, in quo præter Regium no-  
men solio dignum nihil plerique agno-  
vere, ex auctoratus, & in Monasterium de-  
trusus est; Pipinúsque Caroli Magni pa-  
ter, de quo nobis sermo jam sæpius fuit,  
à Magisterio equitum ad Regnum ascen-  
dit, à Bonifacio vinctus. Childerici etiam  
reliqua vita obscura fuit; neque de Mo-  
nasterio, in quod relegatus est, satis li-  
quet; pluribus hoc qualecunque decus  
impunè ad se rapientibus; inter quæ et-  
iam Reginoburgense S. Emmerammi  
hunc sibi exilem vendicat; adeò ignavus  
ille nullum neque Regno, neque Mona-  
sterio insigne uestigium impressit, solâ  
infamiâ magnum potius, quàm clarum  
nomen adeptus: Vxorem illius in Boica  
ad Cochelium lacum in Religioso coetu,  
vitæ reliquum exegisse æquè incertos au-  
tores habet; neque pro obscuris his Re-  
gibus laborem sumere animus est, cùm  
clariora & comperta decora in promptu  
sint; nam per hæc ipsa tempora, Erardus  
& Albertus magnis Boicam virtutibus  
irra-

irradiarunt; fratres fuisse, & in Hibernia  
 natos accepimus, etsi de utroque alijs aliter  
 visum. Id constat, illum Episcopatus  
 Ardahadensis, hunc Cassellensis honore  
 & onere spontè posito, peregrinari insti-  
 tisse. Roma primùm Religionis nostræ  
 arx adita. Treviros indè digressi apud  
 Hyldolphum fratrem suum, ejusdem ur-  
 bis Episcopum tandiu hæsere, donec eo  
 fatis functo, vel Monasticen amplexo  
 (vtrumque enim traditur) omnium ani-  
 mos oculosque in se converfos animad-  
 verterunt. Ergo iterum ad suas artes, &  
 prima consilia versi, imminentes capiti  
 suo mitras, & exosos honores fugâ decli-  
 narunt; & Erardus quidem Reginoburgi  
 substitit, Albertus longiùs abreptus; loca  
 nascentis Dei lacrymis, & morientis san-  
 guine sparsa venerabundus obiit septem  
 socijs comitatus; ex quibus Guillipatri-  
 cium in Palestina sepelivit: Salisburgum  
 reverso mors Ioannem etiam abstulit;  
 Reginoburgi deniq; etiam de Erardi fato  
 cognoscit: quo nuncio vehementer  
 commotus, inundare tumulum lacrymis  
 non desijt, donec, pro magno munere,  
 è vita missionem impetravit, exiguo ab  
 Erar-

B.B. ERAR-  
 DVS ET AL-  
 BERTVS  
 BOICAM VI-  
 SVNT ET IL-  
 LVSTRANT.  
*Hund. in Me-  
 tro. Vita MSS.  
 apud Selende-  
 rum.*

OMNINO  
 EITAT.

Erardo intervallo conditus. Erardi famæ  
 tum admirandis rebus plurimis, tum ma-  
 ximè Otiliæ, quam cæcam natam tolli  
 educariq; pater vetuerat, lucis aspicien-  
 dæ facultate impetratâ, inclaruit.

AN. CH.

DCCLV.

S. BONIFA-

CII MORIS

LAVREATA.

Vita S. Bonif.

Ysserg.

Chron. Otto

Frising.

QVINQVAGESIMVS quintus annus  
 supra septingentesimū Bonifacij trium-  
 pho nobilitatus est, quem vt pulcherri-  
 mum ageret, supra vetera merita etiam  
 sanguinem impendit, latronum ferro a-  
 pud Frisios haustum; Multum viro illi  
 BOICA, multum Hassia, Thuringi, pro-  
 vinciaëque plures debent, vt Christianæ  
 Libertatis auctori, & optimo Magistro;  
 neque immeritò, quod amplissimum a-  
 pud nos nomen est, Germaniæ Apostolus  
 est appellatus. Corpus illius Sturmio, ex  
 nobili BOICO primus, vt dictum est, Ful-  
 densium Abbas, suo Coenobio intulit,  
 quo ipse non diu pòst malevolorum infi-  
 dijs calumnijsque appetitus, cùm Pipini  
 regis gratiâ excidisset, pulsus, biennium  
 exulavit, donec victrix Innocentia, co-  
 dem revocante, qui eiecerat, suis illum  
 sedibus reddidit, nihil imminutâ majesta-  
 te, cui nusquam certius, quàm ex injurijs  
 incrementum. At enim quando huc

STURMIO

EXULAT.

ven-

ventum est, filieri non debet novi decoris ex BOICA in Fuldense Mōnasteriū immigratio. Ægil nobilitate generis Sturmioni suppar, eidēque sanguine junctus, necdum pueritiæ annos emensus, ab ipsis parentibus in illius sinum datus est educandus. Agnovit Sturmio in tam renello corpore elementa maximi animi, virtutisque ad summum culmen evasuræ gustum, non vno experimento, præcepit; vnde non aliter, quàm Cælo lapsum munus, reverenter juxtà, atque amanter habuit: neque ita occultare potuit gestientis animi affectus grauissimū vir, quin palàm erumperent. Sic enim candidè de illo propemodum repuerascente scripsit vetus Fuldensium Poëta Candidus:

———blandoquo Stürmi quem munere visum  
suscepit, lætisque suis complectitur vlnis,  
Ac luveni consanguineo dat basia pastor.

Verū non fefellisse spem, sed superasse potius, suis Annis ostendemus.

Proximo post Bonifacij mortem anno, Pipinus Astulphum Langobardorum Regem contra fœdera agentem, & Romanæ vrbi infestum repressurus, exercitum iterum in Italiam duxit. Thassilo ve  
sub

ÆGIL NO-  
BILIS BOIVS  
FULDAM  
MIGRAT.  
Candidus in  
vita apud  
BROPPERUM.

AN. CR.  
DCCLVI.  
Annal. Fuld.  
Fredcg. Chron.

THASSILO sub felici Rege & forti, in optima causa,  
 PIPINICA- tirocinium militiæ poneret, castra secu-  
 STRA SE- tus est; quo minùs suspicari possum, quid  
 QUITVR. Paulo Æmilio Scriptori elegantissimo  
 in mentem venerit, Thassilonem & Boi-  
 CA arma cum Saxonibus miscere, quos  
 per hæc tempora contra Francos, irritò  
 conatu pugnasse, Annales veteres, nullâ  
 BOIORVM factâ mentione, tradiderunt;  
 nam quod solus Sigebertus de reconci-  
 liata inter Pipinum Thassilonemquè gra-  
 tia scripsit, fidem non invenit, & ætate  
 ipsa Thassilonis, qui tertium lustrum  
 nondum exegerat, refellitur. Neque du-  
 bito, sequentis anni gesta, quæ mox datu-  
 ri sumus, parum propria voce à Sigeber-  
 to perperâ esse perstricta; ea sic se habent.  
 Pipino Francorum Comitum Compendij  
 celebrâte, Thassilo cum nobilitatis Boi-  
 CA flore eodem profectus, Sacramentum  
 Regi dixit, conceptisque verbis & solen-  
 ni formula fidem ei suam, filiisque ob-  
 strinxit. Juramentum interpositum est,  
 plenum religione; tactæ aræ, & ipsis SS.  
 Dionysij, Rustici, Eleutherij, Martini &  
 Germani sacris pignoribus manus admo-  
 tæ; qui, ut Franciæ tutelares Divi, testes  
 invo-

A. CH.  
 DCCLVII.  
 THASSILO  
 COMPEN-  
 DII PIPI-  
 NO SACRA-  
 MENTVM  
 DICIT.

invocati, ijdémque, si sciens volénsque  
 olim falleret, vindices & ultores futuri.  
 In eadem verba etiam nobilitas adacta,  
 ex animi sui sententia Jusjurandum con-  
 cepit. Sed hæc tam sancta fœdera sexen-  
 nio non ampliùs culta cum fide, palàm  
 deinceps rupta sunt; causæ à Scriptorum  
 nemine produntur; ne coniecturis qui-  
 dem via aperta. id modò consensu tradi-  
 tur, Thassilonem, cùm aliquot contra  
 Vaifarum Aquitanum bellis fidelem o-  
 peram præstitisset, tandem anno sexagesi-  
 mo tertio, cùm nova in eundem hostem  
 pararetur expeditio, ab exercitu se sub-  
 duxisse, & colorandæ perfidiæ, valetudi-  
 nem excusasse. Fines suos ubi attigit, po-  
 pularibus sensum animi aperit, sibi qui-  
 dem cum Pipino rei posthac nihil fore;  
 nemini mortalium obnoxium, libera ju-  
 ra Patriæ daturum, neque commissurum,  
 ut quem BOICA Principem veneretur,  
 Francus inter servitia numeret; neque se  
 illi ad contumeliam os præbiturum, aut  
 suo suorumque sanguine victorias nihil  
 sibi profuturas empturum. Pipinus ex re-  
 pentina abitione turbidísque consilijs pa-  
 làm passimque jaçtatis, facilè intellige-  
 bat,

AN. CH.  
 DCCLXIII.  
 THASSILO  
 A FRANCO-  
 RVMFIDE  
 ET LIEN-  
 TELA SE  
 SVBDVCIT.

AN. CH.  
DCCLXIV.  
THASSILO  
PERDVEL-  
LIONIS  
REVS PERA-  
GITVR.

bat, novum Francicæ gloriæ æmulum, & penè hostem excitatum; ea enim dicebat faciebátque Thassilo, quæ argumento esse poterant, si bello lacefferetur, neque voluntatem, neque vim resistendi ei defuturam. Digna res visa est, de qua Franci in Comitijis publicis sententiam ferrent, quæ sequenti mox anno Wormatię habitata sunt. Vna omnium vox fuit **BOI VM** transfugam bello petendum, prodendumq; etiam posteris exemplum, datam Francis fidem à nemine impunè violatam; quos qui amicos ferre non potuerit, multò ægriùs hostes passurum. Verùm, ingruente Aquitanico bello, vnde plus periculi imminebat, **BOI CVM** in præfès, quamquam stimulare ira, omittendum necessariò fuit: neque Pipino, donec vixit, tantum otij fuit, vt Thassilonem hostem iudicatum armis persequi posset. Sexagesimo octavo anno moriens, perfidiæ illius ultionem Superis, filiisque Carolo, & Carolomanno reliquit.

## XII.

*Ex vita S.  
Virgilij t. 6.  
Caus. f. 1142.*

Vno alteròve ante Pipini mortem anno, Virgilius S. Ruperti solium, Joannis Episcopi obitu vacuum, diu multumque reluctatus conscendit; biennio integro Dobda-



Dobdagrei cuiusdam operâ vsus, quem  
Episcopum domo secum abduxerat; ho-  
noratiora quæque munia, gloriæ ipse fu-  
gitans, in eum studiosè devolvebat, do-  
nec provincialium studijs votisque vi-  
ctus, palàm pro Episcopo gerere se cœ-  
pit; neque maiestatem modò nominis il-  
lius implevit, sed maximis patratis operi-  
bus, proximè ad Ruperti famam accessit.  
Præcipua fuere, ingentis Basilicæ, D. Ru-  
perti memoriæ sacrandæ, molitio, quam  
anno septingentesimo sexagesimo septi-  
mo cœptam, septuagesimo tertio dedi-  
cavit. Carantanorum deinde, qui Carin-  
thij vulgò dicuntur, à superstitionibus ad  
Christiana Sacra traductio; quæ quia Vir-  
gilij auspicijs laboribusque tota debetur,  
rem suprà repetendam duximus. Dago-  
berti Regis ævo, illius qui B o t t s Leges  
scripsit, Carantanis Hunni fœdissimæ ser-  
vitutis iugum imposuerant, vt fortunis  
opibusque avaritiæ crudelium domino-  
rum expositis, intima etiam penetralia li-  
bido impune pervaderet; vt jam nemo ex  
bonis carisque omnibus quidquam iure  
dicere posset suum. Mussitabatur tamen  
etiam hæc injuria, neque vlli vel extre-

D. RUPERT-  
TO BASILICA  
CAM CON-  
DIT.

CARANTIA-  
NOS CHRIS-  
TO SVBIL-  
CIT.

Simoin. l. 4.  
c. 8. § 25.

Fredeg. c. 48.  
§ Vita S. Vir-  
gil. s. 6. Canis.



SAMO EX  
MERCATO-  
RE REX.

BOII CA-  
RANTANIS  
AVXILIAN-  
TVR.

ma indignitas honestum consilium expressit, donec Samo quidam Gente Francus, mercaturæ studio ad Slavos commearere solitus, ducem delendæ tyrannidi se præbuit, & egregiæ operæ pretium maximum tulit, à mercatura ad Regnum translatus, quod per annos triginta sex gloriosè administravit. Verùm eo mortuo, brevi relapsæ res cursum suum non tenuerunt, ut, Pipino in Francia regnante, prope desperationem ventum sit. Præerat tum Carantanis Boruthus, qui Hunnis imminentibus imparem se professus, auxilia à Boiis petijt, quæ submissa in tempore periclitantibus saluti fuerunt. Eâ re Boiis ingens gloria parta; Carantani ijs obnoxij vivere, ut servatoribus patriæ; neque modò felicia illorum arma, sed & dicta adorare, cumque ijs de Repub. in medium consulere. Boii occasione vsi suadere Carantanis, ne brevi præsentis victoriæ fructu ebrij, futuri temporis cogitationem dimitterent: victos scilicet, fugatosque nuper Hunnos esse, erepta ijs signa, arma, multis etiam vitam; ne tamen crederent, unâ victoriâ debellatum; superesse etiam victis virorum & virium, satis;

-fatis; irarum verò nimium quantum: illa  
 ipsa itinera, quæ nuper ijs ad fugam pa-  
 tuerint, non esse clausa redituris; & redi-  
 tuos profectò, locoque suis cædibus in-  
 fami ignominiam detracturos. quod si  
 eveniat, notas esse Carantanis vires suas;  
 neque spem quidem victoriæ posse eos in  
 aciem educere. porrò nihil esse miserius  
 exercitu ante pugnam desperante: seque-  
 rentur igitur tutissimum consilium, &  
 fortunas suas, quas proprijs non possent,  
 alienis viribus tuerentur. Francorum fi-  
 dei se, suæque permitterent; crederent-  
 que, aut nullā in humanis auxilijs spem,  
 aut certè in Francis sitam; vnum illum  
 populum æternis triumphis tantum exi-  
 stimationis collegisse, vt jam vulgò fera-  
 tur, cum Francis non nisi perituros pu-  
 gnare; sub horum scuto & ipsa nominis  
 umbra si velint delitescere, neminem in-  
 ultum ausurum in illos telum mittere. Id  
 se eò confidentiùs promittere, quòd do-  
 mesticum in hac causa exemplū habéant;  
 Boios certè, quàm diu in fide & cliente-  
 la Francorum fuerint, neque de patro-  
 nis, neque de Fortuna sua jure potuisse  
 conqueri. His rationibus permoti Ca-

CARANT.  
IN FRANC.  
CLIENTE-  
LAM CON-  
CEDUNT.

rantani Francorum amicitiam fidemque  
vltro amplexi sunt, obſides ſanciendo  
foederi Carastus Boruthi filius, & Cheti-  
marus fratre eiusdem genitus, Boiis in-  
patriam deducendi & Chriſtianâ pietate  
imbuendi dati. Ij deinceps ambo apud  
Carantanos imperarunt: nam Borutho  
Carastus, huic poſt triennium mortuo  
Chetimarus ſucceſſit, vir inſigniter pius,  
& annuo munere Salisburgenſem Eccle-  
ſiam velut incunabula felicioris vite pro-  
ſequi ſolitus; id ſe Minerval magiſtris, qui-  
bus in pietatis ſchola uſus fuerat, debere  
profeſſus. Lupus illum Sacerdos, in ſulæ,  
quam Chimæſis lacus facit, incola, de Sa-  
cro fonte ſuſceptum Chriſtiana Sacra-  
docuerat, qui abeunti etiam Maioranum  
ſanguine ſibi junctum, & à Virgilio Sa-  
cris initiatum, comitem monitorémque  
domesticum addidit. Chetimarus nihi-  
lominus Chriſtianæ rei intereſſe putabat,  
Virgilium velut magni operis archite-  
ctum aſpici, audiri que præſentem, quòd  
plenus ipſe Deo, admirandâ inſtructus  
eloquētiâ, vel invitis videbatur impieta-  
tem extorturus. At enim Virgilius ut ma-  
ximè vellet, impedimentis alijs ſuper alia

VIRGILII  
ERGA CA-  
RANTANOS  
PIA STU-  
DIA.

cna-

scētibus, obsequi pio Principis voto non potuit. In vicē tamen viros eximios, quilibus Salisburgensis Ecclesia abundabat, magno numero submisit, Watonem, Reginbertum, Gozarium, Latinum Presbyteros, Ekardum Diaconum, plurēque alios, quibus omnibus Modestum Episcopum ducem dedit. ij munere suo gnave functi, brevi meliorem provinciæ faciem, incolisq̃ mentem induerunt. & Modestus quidem egregijs laboribus est immortalis, Ædibus sacris passim pluribus positus, quas inter augustiores Dei Matri sacratæ. Repetitus tantò ardentius Virgilius, cū iter expedire non posset, Latinum Presbyterum Legatum ire iterum ac tertium iussit. additi Collegæ Madelohus, & Warmannus Presbyteri; quorum conatibus intempestiva Chetimari mors, & recrudescencia ab illius morte bella violentam manum injecerunt: inter armorum strepitus Sacra siluerunt, eiectisq̃, qui ea tuerentur, etiam pietas eviluit, minorque scelerum verēcundia, quàm nuper virtutum fuit. Sedatis tumultibus, cū Valtuncus solium occupasset, iterum erigere caput ausa est Reli-

CARANTANISMAGISTRIPLETATIS EXBOICA SVBMISSA.

VIRGILIUS  
CARANTA-  
NOS ADIT.

gio, missique à Virgilio, qui eam susten-  
tarent, Heimo, Reginobaldus, Majora-  
nus, Gozarius, Erchenbertus, Reinhar-  
dus, Augustinus, & Guntarius Mystæ om-  
nes; quorum laboribus subactâ penè vni-  
versâ provinciâ, ultimæ Virgilio admo-  
tæ preces evicerunt, ut ipse in Caranta-  
nos profectus, bene coëptis supremam  
manum imponeret. Incredibile dictum est,  
Rei Christianæ adhuc inter initia sua la-  
boranti eius præsentia quid contulerit;  
nunquam pulchrior visa est virtus, quàm  
illius ore laudata, & expressa moribus;  
nunquam bona causa in meliorem inci-  
dit patronum; pro Cælo & Deo nemo  
fortius, nemo facundius dixit, nulli adeò  
bene cum virijs suis convenit, ut non o-  
disse inciperet etiam familiariter rece-  
pta, post Virgilij censuram: Profana por-  
rò Sacra, cum patrijs Dijs, sicubi fortas-  
se hæserât, nullo intercedente, æternum  
proscripta, casta Religio templis animis-  
que recepta; ex quo deinceps tempore  
maximum unicumque Numen Caranta-  
nis Christus fuit, sub cuius signa traducti,  
doctique melioribus armis pugnare, in  
spem æterni triumphi, semper Virgilium

ut

vt auctorem felicitatis suæ, & Christianæ militiæ antesignanum coluere, & consentiens posteritas patriæ suæ Apostolum appellavit.

CAROLVS interim & Caroloman-  
nus provincias sortiti, Regium vterque  
nomen assumpserunt: & Carolus qui-  
dem ingentes victorias à seipso auspica-  
tus, Magni cognomētum cœpit clemen-  
tia animique moderatione mereri. Non-  
dum redierat Thassilo ad bonam men-  
tem, immodicus ipse animi, & penè tur-  
pius existimans flecti, quàm vinci; blanda  
insuper pro veris audire solitus, & exadu-  
lantium mendacijs mensus magnitudi-  
nem suam, bellum adeò non metuebat,  
vt penè provocaret. Carolo contrà inge-  
nium mite, & animus sui potens, neque  
vnquam ferrum stricturus, nisi molliori-  
bus remedijs consumptis. Erga Thassilo-  
nem verò etiam reverentiâ cognati san-  
guinis, iras multo languidiores gerebat,  
vt satis pependisse pœnarum crederet, si  
illum facti sui pœnituisset, & ultio intra  
verecundiam stetisset, quam vt illi expri-  
meret, prior Legatum de oblitterandis in-  
jurijs, & redintegrandâ gratia ad Thassi-

## XIII.

CAROLVS  
M. CONA-  
TUR THAS-  
SILONEM  
AD OFFI-  
CIUM REDV-  
CERE STVR-  
MIONE LE-  
GATO VSVS.

lonem mittere statuit, ei que muneri, ut  
 aptissimum, Sturmionem Abbatem  
 Fuldensem præfecit, gnarus, quanta illius  
 moribus suavitas, & orationi Suada in-  
 esset; Gente præterea Boi vs, & nobili a-  
 pud suos loco natus, pro concilianda  
 amicitia vtilissimâ patriæ, honestissimâ  
 Principi suo, summa fide, & diligentia,  
 credebatur laboraturus. Neque fefellit  
 conceptam de se spem Sturmio; magnis  
 itineribus in Boicam profectus, ubi in  
 Thassilonis conspectum venit, cordatè  
 & eloquenter ad constantiam colendi  
 fœderis illum est adhortatus, & à belli,  
 quod parturire videbatur, cogitationi-  
 bus tali ferè oratione illum deterruit.  
 ‘ Parvulum me, Thassilo Princeps, Boni-  
 ‘ facius Boicæ nostræ Apostolus è sinu  
 ‘ parentum abductum, suis propè mani-  
 ‘ bus è patriâ extulit; credo, quòd divinus  
 ‘ vir Ingenium meum Reipub. nihil pro-  
 ‘ futurum, jam tum censuit hoc exilio da-  
 ‘ mnandum. Ex illo quidem die civis offi-  
 ‘ cia vel omisi, vel amisi; atque utinam vel  
 ‘ hominis impleverim! ne patriâ neglectâ,  
 ‘ etiam de me ipso malè meruerim. Tibi  
 ‘ certè, Princeps, nullum jactare obsequij  
 genus

genus possum; nunquam in acie latus tuū  
 texi, nihil sanguinis tibi impendi; &, si  
 pro vulneribus stipendium numeratur,   
 nulli mortalium minus debes, quàm mi-  
 hi; neque patria, si milites tantum amat,   
 gratulabitur adventum Civi suo, adhuc  
 post tot annos inermi. Equidem non dis-  
 sitebor tibi imbelliam meam, Princeps,   
 nunquam amavi pugnas, sed ne trium-  
 phos quidem sanguine emptos; miseram  
 credidi cruentam felicitatem, ad quam  
 per gladios venit: & vide, quàm nihil  
 dissimulem; hanc vnicam reditus mei  
 causam habui, ut exarmarem te, & Patriæ  
 meæ gladios extorquerem; aut si hoc tur-  
 pe putas viris, certè non patiar tam for-  
 tes esse vos, ut bellum quærat prius,  
 quàm hostem repereritis. nam cui mi-  
 nantur hi tot truces vultus? in cuius jugu-  
 lum exacuitur ferrum? quis quietem  
 suam BOICÆ invidit, aut modestiam ex-  
 cussit? Francos hîc mihi & Carolum no-  
 minabis, qui si hostis nomen meretur,  
 tum quidem tibi amicus nec nasci, nec  
 fieri potest. natura, & sanguis ita vos jun-  
 xit, ut penè fratrem cogaris dicere; ani-  
 mum inspicere si liceat, aliquid etiam su-



‘pra fratrem agnosceres; odisse certè in il-  
‘lo nihil potes, nisi quod Pipino natus est;  
‘quem si inimicissimum expertus fuisses,  
‘dicerem tamen nuper morte tibi satisfe-  
‘cisse; nisi immortalibus odijs putes esse  
‘cum larvis luctandum. quamquam mihi  
‘promptum plura illius in te beneficia,  
‘quàm tibi maleficia per censere. Princi-  
‘patum, cuius nunc viribus oppugnare il-  
‘lius sanguinem paras, armata tibi manu  
‘peperit; & vt regnare posses, bellum cum  
‘Griphone fratre gessit; apud eundem ca-  
‘ptivo tibi, & vltima exempla metuenti,  
‘vitam, libertatem, & Imperium reddidit;  
‘impueri, & injurijs opportuno pro pa-  
‘rente fuit; tironem in castris habuit, &  
‘belli artes docuit, haud certè eo consilio,  
‘vt ijs adversum se, suosq; aliquando vte-  
‘rere. Potuit, credo, post tot argumenta  
‘animi sui, Pipinus etiam de tuo cōfidere,  
‘neque alia bella timere, quàm te officijs  
‘per omnem secum vitam certaturum; et-  
‘si satis caverat, vt neq; hoc duello vnquā  
‘à te vinci posset. Tu cū maiorem ab illo  
‘injuriā non accepisses, quàm quòd te  
‘grandibus debitis onerârat, quæ te vive-  
‘re & mori obnoxium illi cogerent; hanc  
ipsam

ipsam idoneam causam credidisti inimi-  
 citiarum; cūque erubesceres Pipino  
 fateri te obstrictum, tot benevolentiae  
 vincula etiam Jurejurando & devotioni-  
 bus firmata cogitasti gladio discindere,  
 & nomina quæ expedire non posses, san-  
 guine obruere. Pipinus cū te opprime-  
 re inter principia, & precarium Imperium  
 tam facilè eripere posset, quàm olim de-  
 derat, annos tamen tibi indulsit, longam  
 vel sanis, vel turbidis consilijs moram;  
 quorum alterum mitis animi, alterum  
 confidentis fuit, & bonitate causæ nixi;  
 quam, si cætera auxilia omnia conquisi-  
 visses, sciebat partibus tuis defuturam.  
 Interim ille, vocatibus fati, decessit, læ-  
 tus vel sic necessitate tristis se belli susci-  
 piendi defungi; adeò ex te triumphum  
 sibi quærendum non censuit, ut illum et-  
 iam morte mallet subterfugere. Carolus  
 filius, cui cum reliqua hæreditate etiam  
 imperfecta Patris bella obvenere, cū  
 ad nullum trepidet, ad hoc tamen invi-  
 tus oculos torquet; in quo nec fortem,  
 nec felicem, nisi cum jactura pietatis, se  
 videt futurum: crede mihi, & gladius illi  
 & animus ad memoriam cognati sangui-  
 nis

ic. 4. ep. ad  
m. ep. 9.

'nis hebetantur; neque, nisi tu cogas, tam  
 'triste seculo suo exemplum proditurus  
 'est, ut penè fraternæ acies, quas in mu-  
 'tuos amplexus venire multò æquius fue-  
 'rat, in cadēs & vulnera ruisse, duce Caro-  
 'lo, dicantur. Tuum invicem erit cogita-  
 're, Princeps, quomodo & præsentem fa-  
 'cti huius invidiam, & infamiam in poste-  
 'rum sis laturus; quibus, sive vincare, sive  
 'vincas, ex æquo es conflagraturus; ut pro-  
 'inde neq; vates de consilij tui exitu con-  
 'sulendi sint, quādo jam olim pronuncia-  
 'tum est, velut oraculo, omnia in bellis e-  
 'jusmodi misera, nihil tamen ipsā victoriā  
 'miserius esse: nam quantumcunq; victis  
 'sanguinis, tantundē victoribus lacryma-  
 'rum esse fundendū. Impugnare privatim  
 'spes tuas animus non est, præfidentes esse  
 'video, quæ Francum hostem audent con-  
 'temnere: enimvero si primus cōtra Gen-  
 'tem hucusque invictam satis munitum te  
 'credis, quale Cælitibus scutum obijcies?  
 'nam & contra hos pugnandū est. Diony-  
 'sius, German<sup>9</sup>, Martinus, magna nomina,  
 'quos ipse in caput tuū vindices excitasti,  
 'in prima acie ante signa occurrēt; per hos  
 'via facienda ad hostem est, quos vereor,

Opti-

Optime Princeps, ut de gradu locove di-  
 moveas. te quidem à sententia discedere  
 multò pulchrius est, quàm irato Cœlo  
 constantem velle videri; certè Divos non  
 vinces; à Carolo autem jam nobili exem-  
 plo victus, vincere nisi teipsum non po-  
 tes; eoque triumpho contentus, nisi con-  
 vellere felicitatem publicam, noménque  
 Patris Patriæ prodigere cogites, malis in-  
 ermum Caroli dextram, quàm armatam  
 experiri. Valuit apud Thassilonem San-  
 cti Viri oratio; quòdque ex eventu colli-  
 gere est, ad officium redijt, Caroloque  
 satisfecit. Porro cùm ex vitæ Sturmionis  
 Scriptore constet, antè Saxonicum bel-  
 lum, quod quarto Regni anno Carolus  
 suscepit, Sturmionem hac Legatione  
 functum, falli eos manifestum est, qui  
 post Langobardicum demum bellum,  
 Sturmionem in Boicam deducunt. Ne-  
 que si eousque animorum offensiones  
 protractæ fuissent, Bertam Caroli ma-  
 trem pedem in Boica posituram fuisse,  
 mihi persuadeam; quam tamen anno  
 septuagesimo supra septingentesimum,  
 cùm in Italiam ad conciliandas Filio nu-  
 ptias proficisceretur, illac iter habuisse cõ-  
 stat.

THASSILO  
 FOEDVS RV-  
 PTVM IN-  
 TEGRAT.

*Agil in vita  
 S. Sturm. In-  
 ter Carolum  
 Regem Franc.  
 & Thassilonẽ  
 Norica pro-  
 vincia Ducẽ,  
 per plures an-  
 nos, inter ipsos  
 amicitiam sta-  
 tuit.*

AN. CH.  
 DCCLXX.  
 BERTA CA-  
 ROLI M.  
 MATER PER  
 BOICAM IN  
 ITALIAM  
 INGRES-  
 TUR.

*Regino in  
Chron.  
Egolism. in vi-  
ta Caroli M.*

THASSILO-  
NIS EX  
LVITBVR-  
GALIBERI.  
AN. CH.  
DCCLXXII.

THASSILO-  
NIS DE CA-  
RANT. VI-  
CTORIA.  
*staindelin  
Chron.*

*MAI 11  
-IGERONT  
-271*

stat. Petebatur in conjugium Desiderij Langobardorum Regis filia, cum alteram, Luitpurgam nomine jam Thassilone elocasset, ut novum id amicitiae perpetuandae vinculum futurum fuerit, nisi secuto Caroli cum Langobarda divortio dissiluisse. Thassilo ex Luitpurga Guntherum, & septuagesimo secundo anno, Theodonem sustulit, quem ab Adriano Pont. salutaribus aquis ablutum domestici Annales referunt. Religione tactus, an qua alia causa Romam accesserit, incompertum; Illud ex tabulatione Ecclesiae Frisingensis constat, vigesimo secundo initi Principatus anno, ex Italia revertentem, cum Bauzani substitisset, Attoni Abbati magnum terrae tractum Ecclesiae S. Petri contributum sua manu confirmasse: verum iter illud anno integro Theodonis natalem, & Hadriani Pontificatum praevertit. Idem annus, eorundem Annalium testimonio, victoriam de Carantanis reportatam insignis fuit; Violata foedera, descitumque a fide, quaeque alia ferro vindicantur, bello ansam dedisse, etiam tacentibus literis, intelligitur. Eodem anno, Dingolyingae Boicae oppido, Concilium

cilium celebratum. Sex Episcopi, Abba-  
 tes tredecim interfuere. Primum inter  
 Episcopos locum Mauno Nuenburgen-  
 sis tenuit, quem vnum vnicumque ejus  
 Urbis Episcopum scimus. Almus sive  
 Alimus Sabionâ adfuit, Virgilius Salis-  
 burgo, Visericus Batavis, quod Passavium  
 hodie est, Reginoburgo Simpertus, Fri-  
 singa denique Hæres, qui idem vernacu-  
 lo nomine Aribio, vel vt in membranis  
 Frisingensibus frequentius scribitur, Ar-  
 bio dictus, tertium etiam sibi Cyrini ado-  
 ptavit, nempe quòd Hebraicum id existi-  
 maret. Abbatibus tredecim suas assigna-  
 re sedes, nullo vetustatis superstite suffra-  
 gio, divinantium est; cùm certum sit, plu-  
 ra jam id ætatis per BOICAM sparsa Mo-  
 nasteria fuisse. Acta Concilij, vel summa  
 certè capita, pridem vulgata in manibus  
 sunt, neq; necesse fuit eà huc transcribi.  
 Sequenti anno Virgilius Basilicam, quam  
 D. Ruperto voverat, VIII. Kal. Octobr.  
 dedicavit; ejusdemque ossa, vti & comi-  
 tum illius DD. Kunialdi & Gisilarij eo-  
 dem intulit. Biennio pòst, Batavensem  
 sedem, Viserici Episcopi morte vacuam,  
 Waldericus nactus est. Septuagesimo se-  
 ptimo

AN. CH.

DCCLXXII.

THASSILO

DINGOL-

VINGÆ CO-

MITIA CE-

LEBRAT.

DEDICA-

TUR BASI-

LICA S. RV-

PERTI.

STURMIO  
BOIVS SA-  
XONES  
CHRISTO  
INITIAT.

primo Carolus cum Saxonibus anniver-  
sarijs propè hostibus, nunquam tamen  
satis victis, feliciter congressus, domitis  
servitutis confessionem expressit; quod-  
que triumpho ipso speciosius fuit, per-  
tinaciam efferæ Gentis ad Christianæ Le-  
gis mansuetudinem inflexit, & sub Chri-  
sti iugum misit. Inter pietatis Magistros,  
qui Saxonibus dati sunt, princeps fuit  
Sturmio Abbas, ita providente Deo, ut  
eodem penè tempore, duæ ferocissimæ  
Gentes Slavi & Saxones, jura Cœli, inter-  
pretibus Boiis, addiscerent; nam de Sla-  
vis Carantanis Sacra è Boica petenti-  
bus paulò antè retuli; & Sturmionem  
hunc Gente & domo Boivm fuisse, sæ-  
pius jam monui: non potuit tamen vnius  
anni culturâ eousque committigari Saxo-  
num ingenium, quin, rectudescentibus  
iris, bellum, quàm pacem obnoxiam  
Francis mallent; qui Hispanico tum bel-  
lo impliciti, longèque à patria abducti,  
domesticum otium sanctitate foederum  
se satis credebant constabilisse, quorum  
tamen non ea apud Saxones fuit reve-  
rentia, ut occasionem tam bellam, tot  
suas solandi clades, prætermitterent. Igitur,

tur, Widekindo concitatore & Duce, ad Rhenum usque diris populationibus omnia infesta habuere, Fuldæ etiam ultima minati; quæ Sturmioni causa fuit, D. Bonifacii ossa, vnicum Thesaurum, illorum furori subducendi, ipse in Wederaviam excurrit; præsidio illi futurus, nonnulla etiam spe Saxonum leniendorum, quorum fastum brevemque ex dulcedine prædæ lætitiā, Francorum manus extinxit, vetere fortuna sua, & recenti in perfidos irā feliciter vsa. Carolus re-  
dux exempla in perfidiam luculenta edidit, semper tamen clementiā temperata; nec destitit Religionis nostræ obiectā majestate, captare feroces animos: Sturmionis tamen senium huic labori iterum obijciendum non putavit; sed Eresburgi, velut post principia locatum summo in honore habuit, donec ætate fatiscentem Cœnobio suo reddidit, custode salutis Wintero nobili Medico, quo ipse utebatur, addito; verum is haud scio an ignoratione morbi falsus, an victus gravitate, dum potionem medicatam haud satis scitè dilutam propinat, ægro mortem acceleravit. xvi. Kal. Jan. anni DCCLXXIX.

STURMIONIS MORS.  
A. DCCLXXIX.



illi vitæ ultimus fuit. mortuo Cælestes honores decreti; sed extra patriam memoria illius clarior fuit, quam tamen Thassilonis Principis turbidis consilijs inclinatum solus manu sua erexit, sustentavitque: Nostro demum ævo Guillelmo Pio V. Boica Duce flagitante, in suo tumultu inspectus, corporis vilitatem molem egressi reliquias admirantibus, ingentis spiritus, qui in illo olim inclusus habitavit, recordationem desideriumque renovavit. At enim bellum Hispaniense, quod, ut Sturmionis res reliquas semel in conspectum darem, supra nominavi tantum, collectis plurium Gentium, interque eas Boica quoque viribus gestum, maximam semper famam fuit. Porro præfidenter nonnulli Boiorum in ea expeditione Duci Naamano nomen faciunt, obscuris quibusdam Scriptoribus nixi, quibus Historiam inquinare fabulis religio non fuit. Per eadem tempora, pietas in Boica insigniter culta: Thassilo exemplo præluxit, optimo quoque studia Principis æmulante laudatissimi sine dubio, nisi pulcherrima decora flagrantior ambitio obscurasset. Innumera pro-

pè

AN. CH.  
MDCXIII.

*Regine. Engolismensis. in Vita Caroli.*

BOII CVM  
CAROLO M.  
IN HISPAN.  
BELLVM  
PROFECTI.  
*Turpin. c. 30.  
ex illo Vincent. in Speculo l. 25:*

THASSILO-  
NIS PIE-  
TAS.

pè sunt, quæ Religioni quotidie caput altius efferenti, vel ipse per se contulit, vel ab alijs conferri passus est, autoritate sua, & remisso Jure, si quod illi in hæc talia esset. Veteres Ecclesiarum tabulæ id loquuntur, quæ nullius nomen Principis, quàm Thassilonis frequentius gerunt. Et hoc quidem anno, Cœnobium nobile, quod à Chremsa flumine nomen traxit, Valdericus, Virgilius, & Simpertus Episcopi dedicarunt, Thassilonis opus, Guntheri Filij Manibus propitiandis positum, quem in ipso flore ævi feras sectantem, cùm juvenilis ardor, & prædæ amor longiùs à comitum grege avulsisset, ingens aper imparem occupavit; excepit tamen irruentem Regius juvenis, & totis connixus viribus venabulum intorsit; quod ubi fatale sensit bellua, ultimas moritura iras collegit, suòq; interfectori vicem rependit; canum deinde indicioambo exanimis in suo sanguine reperti, triste spectaculum, Patri præsertim; qui multa de fati acerbitate questus, lacrymas tandem pietate vel extinxit vel sopivit, & in templo, quod dixi, immaturas Filio exequias duxit, & Mausoleo intulit. A-

*Extant Salisburg. Eccl. apud Camis. t. d. antiq. lect. Frising MS. asservantur.*

AN. CH.  
DCCLXXVIII.  
THASSILO-  
NIS F. GUN-  
THERVS AB  
APROLA-  
CERATVS.  
*EX MS. Monast. Crembsmonast.*

THASSILO-  
NISOPIEVVS  
COENOBIA  
PLVRA  
CONDITA.

drianus deinde Pontifex divinius pignus,  
S. Agapiti M. ossa submisit : Eiusdem  
Principis magnificentiam testantur et-  
iam Mattseense, Thierhauptese, Münchs-  
münsteriense viris, itémque alterum,  
in Chimensi lacu virginibus erectum ;  
Alia instauravit, ditavitque, tam prolixè  
quidem, vt alicubi fundatorum memo-  
riam penè extinxerit ; id quod in Wessen-  
brunnensi Monasterio accidit, cui à Thas-  
silonis venatore Wessone nomen factum  
perhibent, quòd prodigiosam Fontis sca-  
turiginem, in quatuor siphones decussa-  
tam, primus eo loci deprehendisset.  
Thassiloni ipsi scalarum gradus inter nu-  
bila se condentium visi, quo ostento il-  
lius liberalitas mirificè est excitata, vtiq;  
in eum locum, ex quo illū via rectà ad pa-  
tentes cæli portas ferret. Nihilo minora  
alterius Venationis miracula sunt, in qua  
Cerva Thassilonis canibus citata, peti-  
tāque in prædam, nobiliore sese pignore  
redemit. Ea in fugâ Pollingum abrepta,  
haud sanè ex ingenio suo, repentè substi-  
tit, insidiarum secuta, velut in Libertatis  
Asylo, Canibus procul nequicquam al-  
latran-

latrantibus, & diviniore vi prohibitis vltra furere, vt Cerua interim ignoratas incam usque diem mortalibus opes suo indicio proderet. Thassilo enim strenue terrâ pede fodientis assiduitate animaversâ, humum altiùs molitus, tres Grucce, incertum quo tempore defossas eruit, agnitòque favore Numinis, immortalem thesaurum pro dignitate ornare institit, Cœnobio vel adjecto, vel aucto, in quo felicissimæ Venationis spoliū, hodièque adoratur. Et detectum est, nobis hæc lucubrantibus, hypogæum conditorium, quale ferè Servatoris nostri in Palæstina visitur, in quo ipso humanissimus juxtà atq; Religiosissimus Vir Chilianus loci Antistes divini Ligni simulachra latuisse plausibili conjecturâ opinatur. Annum indubitatum his prodigijs adscribere, in tanto Auctorum dissensu, difficile, vti & illis, quæ Thassilone rerum potente, aliorum industriâ sumptibusq; crevere. Schlierseense Adaluncus, Hiltipaldus, Kerpaldus, Antonius & Ottakerus posuerunt colueruntque; Aribo Frisingensis Episcopus dedicavit: Scheffla-

OETIN-  
GENSE Mo-  
NASTE-  
RIUM.

*Tom. 6. antiq.  
lect. Canis.*

S. VALEN-  
TINVS PAS-  
SAVIUM,  
S. CORBIN.  
FRISING.  
TRANSLA-  
TI.

riense Walcherico, Garsense Bosoni, Avvense Balduino & Roberto presbyteris initia sua debent, quæ ipsa etiam Thassilo beneficentiæ suæ noluit esse expertia. Antiquius aliquantò his Oetingense Monasterium, vivo etiamnum Pipino Rege, à Gunthario Comite & Hadeburga erectum, & memoriæ D. Stephani à Virgilio Salisburgensi Antistite consecratum. Nominat Arno Episcopus, cujus diligentia hæc accepta referimus, etiam Caoffstainensem cellam, quam pridem, interijssè suspicamur, nunquam deinceps restitutam. Eiusdem Thassilonis studio Valentinus Passaviensium, Corbinianus Frisingensium, Episcopi, sedibus suis redditæ, ingenti populorum plausu, & pietatis incremento. Nam Valentini corpore, Tridento, quò illud Langobardi Maijs exhumatum deportarant, Passavium relato, nihil jam causæ superesse Aribio Episcopus censuit, cur desideria patriæ optimum parentem jam diu suspirio repetentis longius protraheret; Corbinianum patriâ excessisse mortuum, ut cum Valentino contumularetur; verum eo contubernio pridem soluto, fortasse ipsum patriâ

patriâ non velle, patriam certè ipso care-  
re non debere. Concilio coacto senten-  
tiæ perquisitæ, vnâque omnium vox fuit,  
Sanctissimi Viri corpus cum triumpho  
in patriam reportandum: publicum vo-  
tum Deus ratum habuit. Ita ordinis Ec-  
clesiastici proceribus provincia manda-  
ta; quibus ad tumulum Corbiniani per-  
vigilantibus, claro Cælo tonuit; id eò in-  
terpretati sunt, Deo cordi esse, quod mo-  
lirentur. Egesta deinde terra Corbiniani  
corpus aperuit, idque etiam tunc sine vl-  
la tabis nota, aut vestigio mortalitatis:  
Orta ex eo non modò ingens admiratio,  
sed pium certamen sacri ferculi gestatio-  
nem exambientium; cùm præsertim suc-  
collantes ferri ipsi viderentur, ad eò onus  
vel nullum fuit, vel nullus sensit, vt in-  
genti passu prævolantes vix eques asse-  
queretur. Sparsa toto itinere divina be-  
neficia; passim morbis ægri levati; eximiū  
hoc vestigal pendente Diuo. Mirissimum  
illud, quòd interquiescente pompa, cùm  
signifer crucem, quam sublimem conto  
præfixam gerebat depāgere humi vellet,  
ampullam restaccam, hastili altius impa-  
cto, ruperit, quam illam ipsam esse tabulæ

adjectæ indicio compertum est, quæ sanguinantis olim Corbiniani cadaveris cruorem exceperat, qui ipse nondum suo corruptus ævo, attonitis omnibus, integerrimus fluxit. cuius prodigij memoria ne intercideret, monumentum perpetuum, templo superstructo, positum est. Corpus ipsum Frisingæ Thassilo & sacerdo obviam effusus, & promiscuum denique vulgus, quanto licuit maximo cultu, acceperunt, & ad D. Virginis tumularunt. mirificè exinde mortalium omnium studia excitata, hæredem sibi D. Corbinianum deposcentium, totaque illi patrimonia, aut potiozem eorundem partem transcribentium; quorum tabulæ seculi illius pietatem testantes, nostrumque in ruborem daturæ, hodièque supersunt.

## XIV.

LVITPVR-  
GA THASSI-  
LONI RE-  
BELLIONIS  
FACES SVB-  
DIT.

VNA interim felicitati publicæ Luitpurga invidens, Thassiloni marito admoveere faces non destitit, quibus tota deinceps Boica conflagravit. Desiderii ipsa Langobardorum nuper florentissimi Regis, nunc exulis filia & captivi, patris miseras misericordiâ suas fecerat; neque contenta muliebri luctu, & con-

cess-



cessis pietati querimonijs, arma & iustam  
 ultionem suspirabat, certa, vel collapsam  
 patris fortunam erigere, vel excipere rui-  
 nas, quocunque eventu, cuius, vti & fa-  
 mæ impotens ira non meminit. Thassilo  
 causam iniquam & consilium præceps  
 probavit, vxorijs blanditijs ad rem nimis  
 quàm seriam adactus; Caroloque, anno  
 octogesimo, Romam profecto, iterum,  
 aperta rebellione foedera rupit. neque sic  
 tamen Carolus ferrum strinxit, sed re  
 cum Pontifice deliberata, honestissima  
 Legatione expugnare animum Thassilo-  
 nis maluit. Ierunt Pontificis nomine For-  
 mosus, & Damasus Episcopi; Carolus  
 Richulfum Diaconum, & Eberhardum  
 Magistrum pincernarum addidit, qui o-  
 ptimam causam tam disertè egerunt, vt  
 Thassilo sine cunctatione in Caroli se-  
 potestate futurum promitteret, & si pe-  
 riculum abesset, suæq; incolumitati, fide  
 publica, & per obsides caveretur, vltro  
 se, renovandi foederis causâ, Carolû con-  
 venturum. Dato comineatu Wormatiam  
 accessit, sacramentum dixit, illique fir-  
 mando obsides duodecim addidit, quos  
 Simpertus Reginoburgensis Episcopus

AN. CH.  
 DCCLXXX.  
*Annal. Fuld.*  
*Franc. Annal.*  
*Sigebert.*  
 THASSILO  
 CAROLOM.  
 REBELLIS.

AN. CH.  
 DCCLXXXI.

NOVVM  
 FOEDVS  
 SANCIT.



AN. CH. paulò post Carisiaci representavit. Eodē  
 DCCLXXXI. anno Wilibaldus Eistettensis Pontifex  
 VVILIBAL- Cælum maximis virtutibus jam olim  
 DVS EPISC. debitum adiit, Gerochum successore  
 MORITVR. rem nactus; proximo, Atto Frisingensem Mitram ab Aribone positam,

*In MS. Traditione, Frising. Eccles. f. 68.*  
 induit, cuius ingenij monumenta

AN. CH. Res ab Emmerammo & Corbiniano Episcopis gestæ extant; vir fuit recti rigidissimus custos, nullius vnquam consilij, nisi publicè profuturi autor; ambitioni Principum constanter obniscus, eoque suspectior, tanquam Franco emancipatus; at ille in victo adversus gratiam & odium animo, lacerari nomen suum, vexari etiam Ecclesiæ opes, quàm accusari fidem suam maluit. Proximo anno Hildegardis Caroli vxor vivere desijt, nobilissimo Suevorum sanguine nata, cuius matrem BOICAM ex Andecensium Comitum stirpe, Regardam recentiores quidā

AN. CH. Scriptores nominant. Extant Alberti IV. DCCLXXXII. BOICORVM Principis literæ, anno LXXXIII. MCDLXXXII. scriptæ, quibus tutelam Campidonensis Cœnobij ab Hildegarde structi ultro oblatam recipere se testatur; ubi tanquàm indubitatum sumitur, Hildegard-

*Munster l. 3. Hund in Geneal. Brusch. de Monast.*  
 degar-

degarde[m] BOIORVM sanguini innexam  
 fuisse. Eo ipso anno, Divo Emmerammo  
 positam Reginoburgi nobilem Ædem  
 Simpertus dedicavit, idemque proximo  
 è vivis abiit: duplicavit mœstitiam etiam  
 Virgilij obitus, sanctissimi viri, Salisbur-  
 gensis Antistitis, quem vnum elugere  
 BOICA nunquã potuisset, si cum illo ejus  
 in humanũ genus beneficia expirassent.  
 At enim illa immortalia fuerunt; nun-  
 quam Virgilius etiam ex tumulo de mi-  
 seris desijt bene mereri, ad quem velut ad  
 aram salutis concursus est, donec vul-  
 garã beneficentiæ famã cælestes illi ho-  
 nores decreti, quod suo loco exequemur.  
 Bertrico, qui successit, vita non lon-  
 gior anno fuit; Eum Arno excepit, maxi-  
 mæ vir Famæ, & sæpius nominandus.  
 Interim Thassilo ad ingenium redierat,  
 domestico flabello malè sopitos ignes  
 resuscitante: neq; enim dubitandum exi-  
 stimo, initium omnia turbandi iterum à  
 Luitpurga ortum; ea virum muliebribus  
 instinctum furijs, ad destinata fati præci-  
 pitia agebat; resumpta igitur vana sine vi-  
 ribus odia, & classicum cantante foemi-  
 nã, bellum reparatũ, cuius tamen Thas-  
 flo-

OIRIAN

AN. CH.

DCCCLXXXIV.

Vita Scriptor.

Chron. Magn.

presb.

Staindel in

Chron.

D. VIRGI-

LIVS MORI-

TVR.

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

TITUL

THASSILO  
ARMA RE-  
SYMIT.

PONIT.

LEGATOS  
AD PONTIF.  
MITTIT.

*Regino Annal.  
Franc. Adel-  
mi. Aren-  
peck. Steindel.*

AN. CR.  
DCC  
LXXXVII.

filonem ipsum mox vel piguit, vel pu-  
duit; sive enim lustranti copias, virésque  
suas contendenti cum Caroli exercitu  
domitore terrarum, iniquè comparata  
apparuit certatio, sive citiùs, quàm vel-  
let, séque ad tantam rem paratum crede-  
ret, erupisse consilia sua animadvertit,  
leoninæ, quod dicitur, vulpinam assuit,  
& Legatione parum bonâ fide in Italiam  
missâ, Pontifici, & si posset, Carolo fu-  
cum facere, persuaderéque institit, nihil  
esse sibi pace potius, nihil fœderibus san-  
ctius, nihil amicitia Caroli optatius, si mo-  
dò illam, nullo suo vitio, labâtem, aucto-  
ritate sua Pontifex optimus conciliator  
stabiliret, æternâque redderet. Legati  
Arno Episcopus, & Henricus Manscen-  
sis Abbas fuere. Adrianus Pontifex co-  
nuncio exhilaratus, Carolum adoritur,  
commodum Romæ tunc voti exolvendi  
causâ commorantem; quamquam apud  
illum longa oratione opus non fuit: ad  
primam pacis mentionem palàm prote-  
status est, mortalium nulli in illa colen-  
da se concessurum; certam se pacem non  
modò incertis victorijs, sed dubiâ etiam  
iadubitatis triumphis antetulisse; minùs  
stu-

studiosè Thassilonem cavisse, ne vinceretur, quàm ipse fugerit, ne vinceret: eam in rem oratores se misisse priorè, pacem suavisse, & ægre exorasse, magis hosti vtilè, imò necessariam, quàm honestam sibi; præoptasse se timidum, quàm nimis fortem videri: inter hæc Thassiloni ex modestia sua ferociam crevisse; & quia illum debellare supersederit, quoties jam ausum rebellare; nimirum post Vaifarū, & Aquitanos, post Desiderium & Langobardos, post Saxones & Widekindum subjugatos, vires Thassilonis & BOIORVM Francis formidini esse? malle se tamen hanc Francicæ gloriæ notam inultam pati, quàm tristi etiam victoribus bello Thassiloni ostendere, quo iudicio, quæve fiducia Carolum lacefferit; quòd si sapere nisi ictus nolit, & invitos in arma Francos trudad, sensurum profectò, haud paulò maioris negotij esse, illorum gladios excipere, quàm fœdera rumpere; quibus ab ipso proculcatis, nulla se religione, sed ne verècundiâ quidè Thassiloni obstrictum, quò minùs rebus suis consulat. Interim in vtrumque paratum, ex summi Pontificis sinu & arbitrio pacem, vel

LEGATIO-  
NIS FVCVS  
DEPRE-  
HENDITVR.

THASSILO  
DIRIS DE-  
VOTVS.

vel bellum sumpturum. Pontifex collaudatâ Caroli moderatione, pacis conditiones dicere parabat inter præsentes: Hic verò Legati neque voce, neque animo sibi satis constare, diverticula quærere, ambages necere, palam professi, non id sui juris esse, sponsionem injussu Principis sui vti facerent, qua ille tenebatur. Eo responso & Legationis vanitas aperta, & Thassilonis fallaciæ nudatæ justam Pontifici sententiam expresserunt, qua Thassilonem cuiusque asseclas Diris devovit; Carolum & Francos, tot & tam insignitas injurias, legitimis auspicijs, puro pioque bello persecuturos, pronuntiavit. Thassilonem vnum vnicumque, facem patriæ subdidisse; quæcunque bellum fortuna sequatur, apud posteritatem, facti sui infamiam conflagraturum. Ita Legati dimissi; quos Carolus subsequutus, Vormatiæ fraudulenta Legationis acta in Concilio recitat; cuius indignitate cum omnes moverentur, bellumque deposcerent; Legatos tamen, vel ex supervacuò, in BOICAM destinat, qui Thassilonem hoc vltimum moneant, consideret etiam atque etiam, irato Cælo, protrita

Juris-

Jurisjurandi religione, devoto diris capite, quid sperare, quid metuere ipsum æquius sit. Humanissima Legatio nil nisi ferocia responsa domum retulit; etiam ignavis bilem motura, quibus tandem Caroli expugnata patientia est. Decretum ergo bellum, visumque totis Franciæ viribus Thassilonem esse obruendum. Tripartito agmine in BOIOCA MITUM. Carolus in vastis Lycatium cæpis ad Augusta Vindeliciæ suburbia castra posuit; Thuringi, Saxones, quique Franci orientem respiciunt, Pferingæ ad Danubij ripam substitere: Pipinus Caroli filius à meridie imminens copiâs Italicas Bauzanò admovit. Ad tanti apparatus famam Thassilonis tumidæ spes, & imbellis furor concidere; cùm simul in frontem, & latera pugnandum videret; tres pro vno se hostes accepisse, cùm ne vni quidem par esset. Ibi demum serò animadvertit, bellum incipere etiam ignavo licere; sed non nisi à fortibus geri, & ne finiri quidem, nisi cùm victor velit. Damnatis igitur malefanis consilijs, vires Caroli experiri ne ausus quidem, Clementiæ illius ultimas admove-re machinas statuit,

CAROLVS  
IN THASSI-  
LONEM MO-  
VET.

THASSILO  
BELLVM  
DEPRECA-  
TVR.

tuit, Inermis, & supplicis habitu in castra venit, veniam pervicaciæ suæ oravit, insanisse se fassus, neque illustrius documentum dementiæ suæ extare potuisse, quàm fastiditam à se Francorum amicitiam, quorum vim nemo vnquam tulit: inter blanditias fortunæ, mentem se primùm, deinde etiam oculos amisisse; cò nec alienas vires æstimare, nec perspicere suas quivisse, erroréque illo in alienam, suamque injuriam abusum: habere saltem has calamitati suæ gratias, quòd illius magisterio seipsum nosse cœperit, & vltima exempla meritis, tristitia omnia sibi; quidquid mitius eveniat, didicerit. Carolo imputandum: posse tamen se, quantumvis afflictis rebus suis, ejus famæ prodesse; si, cùm invicti nomen ex reliquis hostibus tulerit, titulum clementiæ à se petat, cujus exercendæ nobilior adhuc occasio nulla fuerit, cùm illi impendatur, qui se agnoscat nullam meruisse. Carolum & oratio viri, & pristina fortuna collata præsentì, & respectus cognati sanguinis, supérque omnia innata humanitas emolliit, ne quid in eum gravius consuleret, ratus & vincendo, & parcen-



do victis, Imperium æqualiter augeri: sacramentum tantum eadem ceremoniâ, iisdemque Divis testibus, quos tam infectos senserat fœdera violanti, renovare iussit; obsides ex familiaribus duodecim, quôq; vno continendum in officio Thasilonem putabat, etiam Theodonem filium postulavit; facta omnia obedienter. Carolus innoxia & incruentâ victoriâ haud paulò, quàm prioribus latior, exercitum è Boica deportavit; quæ tanto perfuncta periculo, respirare velut à funere visa est: sed lætitiâ diuturna non fuit; proximo mox anno, iisdem malis conflictata, minime minùs ab ultimo exitio affuit. Nam Luitpurga postquam eò recidisse consilia sua, vanisque apparatibus id duntaxat factum lucri vidit, vt nova marito clientelæ, id est, Regiæ servitutis confessio exprimeretur; sordidato illi, ad reorum artes confugiendum, misericordiam, penè lacrymis, è Caroligenibus, exsculpendam fuisse; filium è sinu suo, avulsim; illâ miserabili impensâ precarium à Carolo spiritum orbis parentibus redemptum; animi impotens, & amens dolore, totam questibus Regiam implevit;

-OMNIVM

-A MVM

-A MVM

ANN. DCC.

LXXXVIII.

LVITPVR-

GA NOVVM

BELLVM

EXCITAT.



malè natam, & peius nuptam se incla-  
mans; ab infelici patre imbelli elocatum  
viro, eâ tantùm gratiâ, vt in calamitates  
suas fœcunda, Apro & Carceri liberos  
gigneret: vnum ad hæc probra maritum  
non expergisci; & quia vivere illi per Ca-  
rolum liceat, nec orbitatis mala persenti-  
scere, verè nec Imperio, nec Parentis no-  
mine dignum. His vocibus cùm Thassi-  
lonis animum identidem incantaret, tur-  
piter obsequētem ad nefarium consiliū,  
nobilissimæ tādē Gentis ruinâ plexum,  
impulit: domesticis auxilijs diffusus, Hun-  
nos natā in Boica, perniciem Gentē, in-  
fami sibi fœdere iūctos, obijcere Francis  
statuit; monitus à fido ex amicis, Theo-  
donem filium respiceret; eā cōsilia per il-  
lius jugulum iturā. vocem indignam ho-  
mine, nedum patre reddidit, Tanti tu, in-  
quit, vnum caput putas, etiam filij? equi-  
dem si victima quæritur, patiar ex Theo-  
donibus hecatombem fieri, vt vel sic li-  
tem, & Francos vlciscar. Cetera illius di-  
cta factaque nihilo mitiora exulceratis-  
simum animum & vltima ausurum ar-  
guebant; neque ea Carolo clām fuere,  
qui furori occurrendum in tempore ra-  
tus

HVNNO-  
RVM AVXI-  
LIA THAS-  
SILO EVO-  
CAT.

tus, concilium subditarum Gentium Ingelheimium indixit: Franci, Boii, Langobardi, Saxones frequentes adfuerunt; evocatus etiam Thassilo, cum subterfugere iudicium non posset, desperato causa suæ patrociniò, velut in fatalem arenam descendit. Nullius ibi neque vuln-  
tum ferre, neque liberam diluere vocem potuit: BOIORVM potissimum testimonijs confossus est, salvo Principe illo, salvam esse posse Rempub. negantium: nec patriæ, neque filij affectu moveri; neque si illa vnam cervicem, aut filius centum capita habeat, ab ullius jugulo gladium aversum; per civium suorum cadavera, per filiorum sanguinem, ad Francorum ultionem properaturum. Alere ipsum Circen domi, quæ bonam illi mentem, omnemque humanitatis sensum, velut insanix poculo propinato, eripuerit: Nunc, cum ambo ad exitium properent, id duntaxat agere, quomodo quam splendidissimè pereant; id arbitrari consecuturos se, si vnà secum ruentem patriam videant, nullo Civium, aut omnino hominū superstite: ad hanc miserabilem sui funeris pompam exercitum car-

THASSILO  
CAUSAM  
DICIT, BOIIS  
ACCUSAN-  
TIBVS.

nificum, ex Hunnis, stipendio conductū,  
illis belluis propinatum esse sanguinem  
suum; neque enim aliam esse sub Sole  
Gentem, quæ illum avidius sitiāt. Nova,  
deinceps crimina veteribus cumulata; il-  
lud præsertim militaris perfidiæ nondum  
obliteratum, quod Pipini olim exerci-  
tum turpis transfuga in ipso belli ardore,  
deservisset (quod Franci vernacula voce  
Herischliz appellant, quasi scissionem,  
exercitus dicas) eius, etsi cætera abessent,  
pœna expendēda capite fuerat; quæ pro-  
inde conspirantibus sententijs in illum,  
lata est. Thassilo quamquam pro se lo-  
quendi facta potestas esset, causæ iniqui-  
tate oppressus obmutuit: genua tantum  
Caroli prehensans, ore confuso, & squa-  
lido à lacrymis, vitam fortunāsque suas,  
& infelicem fastum Clementiæ illius sub-  
stravit. Spectaculi insolentia, & mœstum  
silentium qualicunque oratione poten-  
tius, duram miserandi Principis causam,  
multoq; magis Caroli animum permol-  
livere, ut qui Judex assederat, tantum pa-  
trem se meminisset: certè, quod patris  
proprium est, vitam illi iterum donavit,  
Et tu videris, inquit, Thassilo, quomodo  
hoc

hoc meo beneficio in posterum sis vsurus; me si neque nunc amicum pati potes, saltem hostem ne laceſſe, cuius non modò arma, sed nec patientiam quidem tam pertinacibus odijs expugnasti; incipe tandem, quia Carolum non potes, te ipsum vincere. Thassilo vbi primùm vocem recepit, Carolum obtestatus est, mortem, cuius sibi gratiam fecerit, in Monasterio sibi liceret persequi; ibi se insanix suæ sepulchrum quæsiturum, intèrque Monachorum greges attonſū, pro Regia, quam malè assumpserit, modestiorem coronam laturum, & voluntarijs supplicijs de seipso exactis, Carolo toties impunè læso, & fortasse etiam Deo satisfacturum.

Omnia impetravit, & in Laurishaimense Cœnobium, quod in Rhenēsi pago Cancor Comes non ita pridem erexerat, abditus, cum Theodone filio, quod vitæ reliquum fuit, inter officia pietatis exegit, quam prodigijs divinis comprobata, recentiores quidam Scriptores affirmāt, non tamē sine prodigijs fabularum, quas interlinunt; qualis illa est, qua vtroque orbatum lumine ignitarum pelvium obiectu Thassilonem Angeli deinceps con-

ULTROMO-  
NASTICES  
AMPLE-  
CTENDÆ  
SIBI CO-  
PIAM FIE-  
RI POSTV-  
LAT.

IN LAVRIS-  
HAIMENSE  
MONAST.  
SECEdit.

Ex literis Mo-  
nasterij  
Chiemscensis,  
Virgin.

tubernio præquam familiariter vsum, il-  
loque duce de nocte aras obeuntem, ab  
ipsomet Carolo deprehensum scripsere,  
manifesti vanitatis, cuius in cæcitate  
confinēda perspecta impudentia etiam  
reliquæ narrationi caliginem offundit.  
Vitam in eodem monasterio posuisse,  
carmen epitaphium loquitur horridum,  
neque ad aures nostri seculi factum:

*Conditur hac fovea, quem pie Christe bea,  
Thasso Dux primum, post Rex, Monachus sed ad imū:  
Idibus in ternis decesserat ille Decembris.*

Sepultum cum eo pariter & Theodone,  
filio Agilolfingorum Imperium, quod  
indè à Theodone annis ducentis & octo-  
ginta inter Boios tenuerant; Thassilonis  
illud fastus evertit, vetus Regum assecla,  
pessimoque errore, velut in satellitium,  
tutandis rebus assumptus, cū pernicies  
certior quantævis potentiæ nulla sit: ne-  
que enim cur Romæ Reges esse desierint,  
quærendum quisquam putat, qui vlti-  
mum ex ijs cognomentum habuisse Su-  
perbi intelligit. Sanè quod in Thassilone  
præterea reprehendas, nihil est; Religio-  
nis studijs nulli Principum secundus, mu-  
nificentia incredibili, fortitudine in bel-  
lis,

li., quæ quidem iusta suscepisset, eximia;  
 etiam, quamdiu in ordinē redactus pri-  
 vatus vixit, maior privato visus, & omni-  
 no dignus Imperio, nisi imperasset. Quæ  
 Luitpurgæ deinceps Fortuna fuerit;  
 Scriptorum veteres dicere supersederūt:  
 & facilis iactura est; ita de Gente Boi-  
 ca, Langobarda illa merita est, ut ipsius  
 etiam nomen tenebris & alto silentio  
 par fieri sepeliri. Ex Boiis pauci, qui  
 Thasilonis perfidiam turbidis consilijs  
 aluerunt, proscripti patriā caruerunt. Ita  
 Carous, sine ferro & sanguine, Boica,  
 sedendo parcendūque, potitus, motus  
 omne, qui conversiones Imperiorum  
 ferē consequi solent, solā clementiæ fa-  
 mām prævertit; Civibus haud vanē ex tam  
 lætis intijs augurantibus, impotenti Do-  
 mino Optimum Principem, & Patriæ Pa-  
 trem successisse.

# INDEX CHRONOLOGICVS

## In primam Annalium BOIORVM

### Partem.

ANN. AN-  
TE CHRI-  
STVM NA-  
TVM DC

**T** Arquinio Prisco Romæ regnante, BOIO-  
RVM nomen in Italia primum auditum  
est; eodémque tempore dux TRANS-  
MIGRATIONES è Gallia Celtica, primavã  
BOIORVM Patriã suscepit:

Primam BOIORVM Coloniam SIGOVE-  
SVS in Germaniam & incinctos Herciniæ sil-  
væ saltus duxit, quibus deinceps, de BOIO-  
RVM nomine, BOIOHAEMI appellatio ad-  
hæsit. fol. 22. 23. & seq.

Secunda Colonia BOIORVM in Italiam  
deducta ultra Padum flumen, ubi Hetruscis  
Vmbrique expulsis, amplum deinde eorum  
imperium fuit. fol. 16. 17. & seq.

CCCXCIV

Boii Italici cum Insubribus & Senonibus  
Melpum oppidum expugnant, & non procul  
indè insignem vicum, qui Laus Pompeja po-  
stea dictus est, condunt. fol. 30. 31.

CCC.  
LXXXVIII

Boii cum Socijs, Brenno Duce, Clusium  
Hetruriæ urbem obsident. Romanum inde pro-  
gressi, Romanum exercitum ad Alliam suadunt.  
Urbem ipsam primi omnium mortalium ca-  
piunt, diripiunt, incendunt. Capitolium se-  
ptem mensibus obsident, & mille auri pondo  
pacti, nobilem victoriam & Romanæ urbis  
pretium in patriam referunt. Capta est Urbs  
4. kal. Sextiles. deserta à Victoribus Idib. Feb:  
ut Plutarch. annotavit. 37. & seq.

AN.  
POSTVR-  
BEM IO-  
MAM CON-  
DITAM  
CLII.

CCL  
VIII.

CCL  
XIII.

AB HOC TEMPORE QVIA ALIQUOVSVSVE IN-  
TER POLYBIVM ET LIVIVM NON CONVENIT,  
VTRIVSQVE CHRONOLOGIAM SEPARATIM  
VISVM SVBIIICERE.

Aaa 5

POLI.

# P O L Y B I A N A

<i>An. ant.</i> <i>Chr. Nat.</i> CCC LXXXVII.	Veneti in Gallorum Italicorum fines ingressi cladium illatarum magnitudine eos à Capitolij obsidione abstrahunt; eaque occasione Roma liberatur. f. 43.	ANN.VRB. COND. CCC LXV.
	Motus Venetos intestinum bellum inter Gallos ipsosmet excipit. f. 47.	
	Eo sopito, Inalpine Populi felicibus Gallorum successibus invidentes, contra illos armantur. f. 48. & seq.	
CCCLVII.	Boii Sociique Galli Secundam in Romanos fines expeditionem suscipiunt; & Albanusque progressi, nemine obviam prodire auso, prædas agunt. f. 52. 53.	CCCXCÿ
CCCXL IV	Tertiam contra Romanos expeditionem adornant, sine successu; Panico metu, & intestinis discordijs domum retracti. f. 57.	CD VIII.
CCCXXX	Fœdus cum Romanis faciunt. f. 58.	CCXXII.
CCC	Galli Transalpine Gallos Italicos bello petunt; eos hi in agrum Romanum divertunt; sed præda cum ex æquo dividi non posset, bellum intestinum exardescit. f. 58. 59.	CD LII.
<b>L I V I A N A</b>		
CCCLXV.	Galli in Albano Monte à Camillo cæduntur. f. 60. 61.	CCCLXXX VII.
CCCLIX	Galli ad Pontem Anienis castra locant; & cum T. Manlius Torquatus nobilem Gallum duello occidisset, pedem trepidi inde referunt. fol. 61.	CCCXCIII
CCCLVIII	Gallos ad Portam usque Collinam progressos Petilius Consul Tybure affecutus insigni clade afficit. f. 63.	CCCXCIV.
CCCLVI.	Boii à C. Sulpitio Petico Dictatore circa Pedum memorabili prælio vincuntur. fol. 64. & seq.	CCCXCVI

Galli



<i>An. ant.</i>	Galli in agro Latino à M. Popilio Lenate	<i>An. Urb.</i>
<i>Chr. Nat.</i>	conciduntur. f. 68.	<i>Cond.</i>
CCCCXL	Iterum à L. Furio Camillo in agro Pom-	CCCCIV
VIII	ptino vincuntur : eoque bello M. Valerius	CDV
CCCCXLVII	Gallum secum congressum, Corvo suppetias	
	ferente, obtruncat. 68. 69.	
CCCCXX	Tumultus Gallici causâ M. Papirius Cras-	CDXXII
	sus Dictator dictus hoste nusquam reperit. 69.	
	Circa hæc tempora Boii Alexandro Macedo-	
	ni fœdere junguntur f. 69. & seq.	
CCXCVI.	Galli in Hetruscorum fines delati pacem ijs	CDLVI
	auro vendunt : ad Romanos impugnandos in-	
	vitati nova stipendia exposcunt, quæ cum ne-	
	garentur, domum revertuntur. f. 73. 74. 75.	
CCXCIII.	Bellum Sociale Gallorum, Hetruscorum	CDLIX
	& Samnitum, in quo Galli, quorum id secun-	
	dum Polybium Quintum ; juxta Livium, O-	
	ctavum (quem numerando in posterum se-	
	quemur) cum Romanis bellum est, Propræ-	
	toris Legionem internecione delent. Duos	
	etiam Consulares Exercitus in fugam conij-	
	ciunt, ut Polyb. scripsit. etsi Livius P. Decij	
	Devotione aversum fuscumque Gallorum so-	
	ciorumque exercitum tradat. f. 75. & seq.	
CCCLXXXII.	Galli Arretium Urbem obsident ; cui	CDLXX
	cum Cæcilius Cos. auxilio venisset, à Gallis	
	cum tredecim hominum millibus occisus est.	
	isque congressus Gallorum cum Romanis	
	Novus est. f. 82.	
CCCLXXXI.	Senonibus Italiâ ejectis, & Senâ in illorum	CDLXXI
	Agrum Coloniâ deducta, Boii ad Lacum Va-	
	dimonis cum Romanis congressi vincuntur. Id	
	illorum bellum cum Rom. Decimum fuit. At-	
	que hoc demum anno Sigonius existimat, Li-	
	vium Drusum, aurum, quod Gallis Roma ca-	
	ptiva appendit, in Patriam retulisse. f. 84. 85.	
CCXXC	Boii undecimo cum Romanis prælio	CDLXXII
	congressi	

*Ant. ant.*  
*Chr. Nat.*

congressi iterumque victi, pacem petunt & impetrant. f 85

*Ant. Urb.*  
*Cond.*

Interim dum **BOIIS** Italicis sub Romanis Armis sua qualiscunque Fortuna peragitur; **BOII** Germanici, qui in Herciniam silvam demigrarunt, nobiles etiam ipsi expeditiones tres suscipiunt; in quas qui descripti sunt, aucto nomine, **TOLISTOBOII** dicti:

Prima Duce Cambaule in Thraciam suscepta.

Secunda, quæ in hæc ipsa tempora incidit, tripartita fuit:

1. In Thracas & Triballos

2. In Pannonos

3. In Illyricos & Macedones: quæ Ptolemaus Ceraunus Maced. Rex victus occisusque est f. 92. 93. &c.

**CCCLXXIX**

Brennus Tertiam Expeditionem in Macedoniam suscipit; Sosthenem Regem Maced. bello vincit, tamdiu felix, donec impius esse cepit; nam Delphicum templum spoliare aggressus, quod tertio abhinc anno factum est, ingentes clades passus in gladii incubuit. fol. 92. vsque ad 108.

**CDLXXIX**

**CCCLXXVI**

Bojodurum circa hæc tempora ad Oeni & Danubij confluentes à **BOIIS** conditum. f. 110

**CDLXXVI**

**TOLISTOBOII** cum socijs ad viginti milia, qui à Brenni scelere secesserant, in Asiam migrant. estque hæc **TERTIA BOIORVM** in tertiam orbis Partem famosissima **TRANS-MIGRATIO**, quam totam sibi vestigalem fecere, omnium Regum Patroni. In Bithynia locatis sedibus & constitutâ Rep. Provincie nomen Galatiæ indidere. f. 116 & seq.

Pro Nicomede Bithyniæ Rege, pro Zeila ejusdem filio, contra Bithynos, Heraclienses, Mithridatem Ariobarzanis Filium bella gerunt. f. 124 & seq.

Anti-

<i>An. ant.</i> <i>Chr. Nat.</i> CCLXXII	Antigono Goneta & Rege Pyrrho inter se bellantibus, vtrinque Galli inter Auxilia censentur. f. 128. Pyrrho Spartam & Argos oppugnanti operam navant. f. 130. 131	<i>An. Urb.</i> <i>Cond.</i> CDLXXX.
CCXLIV	Circa hunc annum, cum Seleucus Callinicus, Antiochi, qui Deus dictus est F. Syriæ Rex Berenicem Novercam suam Ptolemæi Evergetis Ægypti Regis sororem cum parvulo fratre interemisset, eaq; propter à Ptolemæo bello appetitus esset fususque; implorato Antiochi Hieracis Fr. auxilio, sub quo Galli militabant, à Ptolemæo inducias impetrat; sed à fratre Gallicis viribus ferociente insigni clade afficitur; qui tamen mox à Gallis, quorum opera victor evaserat, nihilo mitiora patitur. fol. 134 & seq.	DVIIIL
CCXXXVI.	Attalus tandem Pergami Rex Gallorum spiritus contudit, primusque Regum vestigal ijs negare ausus, bello illos vicit, circa annum, vti nonnulli existimant V. Cond. DXIII. Ante Christum Natum CCXXXIX. f. 138 & seq.	DXVL
CCXXXV	ATES ET GALATVS BOIORVM in Italia Reges, quadragesimo quinto post pacem initam Anno, Romanis iterum bellum movent, quod Duodecimū est cū illa gente: & primo quidem congressu feliciter, secundo improspere pugnant. f. 152 & seq.	DXVIL
CCXXXIV.	BOII contra vtrumque Romanum Consulem pugnant: alterum etiam in suis castris obsident. Estque id Decimum tertium cum Romanis bellum. Eodem tempore Reges BOIORVM Transalpina auxilia adducunt. f. 154.	DXVIII.
CCXXX.	BOII à Romanis Agrum Ariminensem repetunt; sed nihil impetrant: In suos Reges & Transalpina auxilia ferro grassantur. 156. & seq.	DXXII.

Italia

An. ant.  
Chr. Nat.

Italia, & Gæfatis Transalpinis in ejus societatem adscitis. f. 158 & seq.

An. Urb.  
Cond.

CCXXVIII

Serpente famâ Boiorum apparatus in bellum, Romæ opidò trepidatum: impia sacra instructa; octingenta armatorum millia contracta. f. 163 & seq.

DXXIV.

CCXXIII

Bellum Decimum quartum Boiorum cum Romanis erumpit. Pugnatum primò feliciter: deinde tribus Romanorum exercitibus conjunctis, Gæfatis ordines turbantibus, Boii cæduntur: Britomarus regulus captus discingitur. f. 164 vsque ad 174

DXXIX.

CCXXII

Boii in fidem Populi Romani concedunt fol. 174.

DXXX

CCXXI

A Romanis contra Insubres pugnatum, secundum Silium etiam contra Boios, qui Gargenvm Boiorum Regem; eo prælio, quod Decimū quintum est, cecidisse canit. 176

DXXXI

Sequenti anno Insubribus iterum fufis, & Gæfatorum Rege interfecto, Mediolano capto, pax Boiis Gallisque omnibus necessario allubescere cæpit. Eodem etiam Cleomenes Spartæ Rex, ab Antigono Tutore Philippi, operâ Gallorum vincitur. f. 176 & seq.

CCXVIII

Cavarvs Gallorum Asiaticorum Rex bellum inter Rhodios & Byzantinos, honorarius arbiter dirimit. Eodem anno, ab Attalo Rege Pergami Galli è Thracia in Asiam evocati, egregiam illi operam præstant: In Abydena deinde regione, ubi sedes fixerant, à Rege Prusia internecione delentur. f. 179. & seq.

DXXXIV.

CCXVI

Boii Italici à Romanis deficiunt, & cum Insubribus bellum Decimum sextum Romanis movent; Placentiam vexant, Mutinam obsident, Triumviros contra jus gentium comprehendunt. Prætorem Romanum bis ex insidijs magna clade afficiunt. Eodem anno MATA-

DXXXVI

An. ant.  
Chr. Nat.

1 v s Bojorum Regulus, transiens Alpibus, ad Annibalem profectus, illum in Italiam invitat, & ducem se Pœnis præbet. Annibal primo ad Ticinum prælio Bojorum maximè operâ Romanos vincit: Eâ etiam ad Trebiam vitur. Vnde bella Boico-Romana numerantibus hoc Decimum septimum erit duplici hujus anni pugna felix, & tertiâ sequentis. 194. & seq.

An. Urb.  
Cond.

CCXV.

Tertiâ Annibalis ad Thrasymenum, cum Romanis pugna D V C A R I V S Bojus C. Flaminium Consulem veterem B O R O R V M hostem obtruncat. f. 209.

DXXXVII

CCXIV.

Boii Posthumium Prætorem cum viginti quinque millium exercitu Litanâ sylvâ obruunt; idque bellorum cum Romanis gestorum Decimum octavum fuit. f. 212 & seq.

DXXXVIII

CCV.

Asdrubal Boijs gratificaturus Placentiam obsidet; sed cum iisdem contra duos consules infeliciter pugnans occiditur. Id bellum Boijs Decimum nonum fuit. f. 217.

DXLVI

CCIV.

Boii Placentinam & Cremonensem Colonias vexant, vt coloni maximam partem dila-berentur. f. 218.

DXLIII

CCIII.

Magonem Annibalis Fr. in Italiam transgressum Boij sociique comiteatu juvant. f. 219

DXLIX

CCII.

Magone superato C. Servilius Consul patrem suum, & C. Lucretium patrum, post decimum sextum Captivitatis annum, e Bojorum manibus & servitute liberat. Boij Annibalem ex Italia discedentem in Africam sequuntur. f. 221 & seq.

DLL

CIC.

Boii Vigesium cum Romanis congressi C. Appium cum septem millibus occidunt. f. 224

DLIIL

CXCVIII.

Boii cum cæteris Gallis Amilcari Pœno se-  
jungunt, & Vigesium primum Romanis bel-  
lam movent: Placentiam expugnant, Cremo-

DLIIV.

*Ann. ant.  
Chr. Nat.*

nam obsident, sed tandem à L. Furio Purpureone ingenti prælio vincuntur. f. 225 & seq

*Ann. Vr. b.  
Cord.  
DLVI & VL*

CXCVI & V.

Boii in novam spem Romæ potiundi assurgunt, & ingens bellum parant, ordine Vigésimum secundum, quod altero anno, quàm apparatus erat, gestum est: in quo Boij à socijs tandem deserti, cum Minutio consule aliquot levibus prælijs decernunt. f. 234 & seq.

CXCIV.

BOIORUM Vigésimum tertium bellum cum Romanis, duplici prælio, variâ fortunâ geritur: Priore COROLAMVS Bojorum Rex M. CL. Marcellum vicit. Sed L. Furius Purpureo Felsinæ Bojos imparatos nactus ad deditionem cogit; postquam cum iterum in Romanos irruissent, ingenti cæde mutantur. f. 240. & seq.

DLVIN

CXCIII.

Vigésimo quarto bello Boij ad Litanam silvam cum Val. Flacco Cos. congressi octo hominum millia desiderant. f. 242

DLIX.

CXCII.

Boii duplex bellum cum Romanis gerunt: priore quod Vigésimum quintum fuit, DORVLA CVS Bojorum Regulus cum eod. Val. Flacco congressus decem millia hominum amittit: Vigésimo sexto, quod BOIORIX concitavit, penè partam victoriam Boij ex manibus dimittunt. Quinq; millia Romæ Bojorum vndecim millia cadunt. f. 247 & seq.

DLX

CXCL

Bellum Vigésimum septimum cum Cornelio Merula gestum, lætis initijs, luctuoso exitu; quatuordecim millium hominum jactura facta. f. 248 & seq.

DLXI

CXC & CLXX  
XIX.

Boios quiescentes, Flaminij Consulis crudelitas ad Vigésimum octavum bellum impellit, quod sequenti anno illis fatale fuit. nam ad viginti octo millia cæsa; tria millia & quadringenti capti. f. 253 & seq.

DLXII & DL  
XIII

CLXXXVIII.

TOLISTO Boii Antiocho in Asia regnanti

DLXIV

jungun-

<i>An. ant.</i> <i>Chr. Nat.</i>	<p> <i>CLXXXVII.</i> junguntur, &amp; infelici, vnà cum illo; bello involvuntur, quod Boicæ Gentis cum Romanis Vigefimum nonum fuit. 272 vsque ad 281. </p> <p> <i>CLXXXVI.</i> <b>TOLISTO BOII</b> Trigefimum Romanis bello collisi in Olympo monte à Manlio Volfone vincuntur: <b>ORTIAGONTE</b> Gentis Rege elapfo, <b>CHIOMARA</b> ejus vxor captiva ceptam vi pudicitiam, insigni fortitudine, vindicat. f. 282 &amp; seq. </p> <p> <i>CLXIX.</i> <b>BOII</b> Italici Romanis armis Fortunaq; subacti ex Italia ad Taurifcos in Noricum migrât: Estque hæc Quarta illius gentis Transmigrationis. f. 265. </p> <p> <i>CLXII.</i> Bello Macedonico, quod cum Perseo Rege gestum est, Galli inter Eumenis Regis auxilia Rom. partes iuvant, parùm feliciter: quæ illis causa deinceps fuit ipsum Eumenem bello appetendi. f. 293 &amp; seq. </p> <p> <i>CLXIII.</i> Circa hunc annum Bojorum manus <b>BOIORIGE</b> duce se Cimbris Italiam petentibus iungit; cum ij aliquanto ante à Boijs Bojohæmum incolentibus rejeçti pulsiq; fuissent, vsque ad illam diem semper inuicti. 310. &amp; seq. Ita Boijs bello Cimbrico inmixtis, illud ipsum Trigefimum primum eorum, quæ cum Romanis gessere, numerandum. f. 311. &amp; seq. </p> <p> <i>CLXIV.</i> <b>BOIORIX</b> ad <b>Athesin</b> flumen <b>Marium Cōsulē</b> Romanum ad singulare certamen provocat; qui cū sui copiam non faceret, <b>BOIORIX</b> strenuē in acie dimicans occubuit. f. 324 &amp; seq. </p> <p> <i>CLXV.</i> Circa initia belli Mithridatici sexaginta Galatarum Principes à Mithridate mōrti, per summam iniquitatem, addicti sunt; ex quibus <b>DEIOTARVS</b> Tolisto Bojorum tetrarcha evasit, totòque illo bello, Romanis Ducibus, <b>Sullæ</b>, <b>Murenæ</b>, <b>Lucullo</b>, <b>Pompejo</b>, fidelem operam præstitit. f. 331. &amp; seq. </p>	<p><i>An. Urb.</i> <i>Cond.</i></p> <p><i>DLXV.</i></p> <p><i>DLXVI.</i></p> <p><i>DLXXXV.</i></p> <p><i>DCXL.</i></p> <p><i>DCLIII.</i></p> <p><i>DCLXV.</i></p>
-------------------------------------	---	---

ANNO ANT.  
Chr. Nat.  
LV L

In hunc annum incidit Quinta Bojorum Transmigration; nam pars illorum Bojohæmo egressa, Noreiâ in Norico oppugnata, cum Helvetijs iter in Galliâ instituit. f. 348 & seq.

Eam expeditionem cum Julius Cæsar non probaret, bello illos appetijt, idque Trigésimum secundum est Bojorum cum Romanis, Bojos victos Aedui in suis finibus collocari à Cæsare petunt. f. 353 & seq.

Boij Gergobinæ obfessi, à Julio Cæsare liberantur. Paullò post tamen in communi totius Galliæ motu, etiam illi pro libertate arma corripunt, & contra Cæsarem bellum gerunt, idque Trigésimum tertium est à Boijs contra Rom. gestum, nullo successu. f. 358. & seq.

XLIX.

Cicero in Ciliciam venit, DEIOTARO Tolisto Bojo familiarissimè usus, illius auxilijs nobiles victorias parat f. 363 & seq.

XLVI.

Civili bello DEIOTARVS Pompejo auxilia mittit, Pharsalico prælio interest, Pompeij in fuga socius. f. 365. & seq.

XIV.

Julius Cæsar DEIOTARVM de Pharnace ultus, regium illi nomen honorémque supplicii reddit; paulò post tamen parte provinciarum multat. f. 369. & seq.

XLIII.

Insidiarum Cæsari structarum accusatus DEIOTARVS à Cicerone defenditur. Cæsare sequenti anno interfecto, amissa recuperat. f. 372. & seq.

XI.

Bello Philippico DEIOTARVS Bruto auxilia mittit. biennio post mortuus: successores duos habuit Castorem & Amyntam, post quos circa annum ante Christum N. XXIII Galatia in formam provinciæ redacta est. f. 377 & seq.

VIII.

Circa hunc annum, Boica res prope exitium venit: namq, qui Noricum incolebant cum

B b b

Rege

Ann. Urb.  
Cond.  
DCXCVL

DCCII

DCCIII

DCCVI

DCCVII

DCCIX

DCCXII

DCCXIV



Rege CRITASIRO à Dacis funditus deleti.  
 Qui in BOJOHÆMO per annos sexcentos habi-  
 tauerant, à Marcomannis inde exacti sunt ad  
 Nariscos, eaque Sexta est BOJorum Transmi-  
 gratio. f. 385 ; vbi illorum per annos quingen-  
 tos & amplius sepulta memoria est : nisi quod  
 A. CH. c LXXI bello Marcomannico, in quo  
 etiam Narisci censi sunt, illos pro patria arma  
 tulisse necessariò convincitur. Præterea Atila  
 Hunno CREINHILDEM BOJorum Re-  
 guli filiam nuptam fuisse, novitijs quorundam  
 annalibus perscribitur. f. 390. & seq.

## AN. POST CHRISTVM NATVM.

LXXI. **M**aricus è BOijs Gallicis divinitatis affectator in oculis  
 Vitellij Imp. occiditur. f. 399.

DVIII. Auspiciatissimus vniverso Boico Nomini annus, & feli-  
 cissima Gentis in Vindeliciam & Noricum Transmigratio-  
 ne, quæ Septima ordine est, sacer. THEODO Agilolfingus  
 Coloniae deducendæ princeps autor, eo vno facto, nani re-  
 liqua interciderunt, famæ æternitatem meruit. f. 507. 512.

DXVI. Theodoricus Rex Italiæ, quo favente & approbante Bo-  
 jorum in Vindeliciam deducta Colonia est, quique Leges  
 Ediçti nomine publicatas ijs dederat, moritur: Ab eo tem-  
 pore BOIJ à Gothis ad Francos transire, jura Legesque ab  
 ijs acceperere, quibus initium Theodoricus Clodovæi F. de-  
 dit, qui A. DXXXL obiit. 523. & seq.

XXXVIII. THEODO Princeps clarissimus moritur. Succedit VTIL-  
 LO. 527.

DLXV. Vtilo moritur Successor incertus: 529.

DLXVIII. Langobardi multis BOIORVM comitantibus, ex Panno-  
 nia in Italiam migrant. Langobardorum sedes Hunni oc-  
 cupant pessimi BOIORVM vicini. 531.

DLXXV. Evinus Langobardus Tridentinus Dux GARIBALDI

*Ann. Post  
Chr. Nat.*

BOIORVM Principis, five, vt à Paulo Diac. appellatur Regis  
filiam sibi copulat. 534.

D LXXXV.

Autharis Langobard. Rex salutatur, cui Garibaldus  
BOICÆ Dux alteram filiam Theodelindam despondet. 535.

DXC.

Childebertus offensus affinitatibus, quibus Garibaldus  
bojus Langobardis iunctus fuerat, illum bello perit, Theo-  
delindā iam in Italiam à Gundoaldo fratre deductā. 538.

Garibaldo Rex Francus THASSILONEM subrogat. 539.

DXCII.

Theodelinda viduata marito, Langobardis volentibus  
Maritum sibi, & genti Regem adiscit Agilulphum Tau-  
rinatē. 542.

Eundem cum Gente vniversa ab Arrio ad Catholicam  
Pietatem traducit. 543.

DXCV.

Evinus Garibaldi Gener moritur. Thassilo Slavos bello  
vincit. 548.

DXCVI.

Childebertus Francus, qui Legibus BOICIS secundus ma-  
num adinovit, moritur. 548.

DC.

Duo millia BOIORVM in Slavos ducta, Hunnorum im-  
provise adventu, obruuntur. 550.

DCVII.

Circa hunc annum Thassiloni mortuo GARIBALDVS  
II. succedit. Vxorem habuit Gisulphi ForoJulienſis Du-  
cis filiam memorabilis castimonie. 556. Garibaldus armis  
contra Slavos motis primum victus est: sed resumptis a-  
nimis viribusque hosti Victoriam & Prædam excussit. 558.

DCXIV.

Hoc aut sequente anno Gundoaldus Theodelindæ fra-  
ter Dux Astensis occisus est. 559.

DCXVI.

D. RUPERTVS Fidem Christianam in BOJARIAM impor-  
tat, THEODONE III apud BOJOS principatum gerente. 573.  
& seq. Quo item tempore D. Eustasius BOICAM excoluit.  
586. Theodoni THEODERERTVS, incertum quo anno,  
successit 581.

DCXXVIII

D. Rupertus ad Cælum abit. Vitale in Salisburgensi  
Cathedra, successore designato. 585.

DCXXVI

Adalualdo Theodelindæ Filio delirij & Tyrannidis cau-  
sâ exauthorato Arioaldus in Langob. Regno succedit: cuius

<i>Ann. Post Chr. Nat.</i>	conjug Gundeburga Theodelindæ F. Aupri falsò infimulata, duelli iudicio innocens probatur. 585. Pp. A secundo marito Rothare nihilo mitiora passa, Franci Regis patrocinio in integrum restituitur. 593.
DCXLI	Bulgari à Dagoberto in Bojaria hybernare iussi, ibidem illius imperio occiduntur. 591. HVGIBERTO apud Bojos imperante, à Dagoberto Boicæ leges absolutæ vulgatæque sunt. 592.
DCXLVI	S. Vitalis Salisburg. Episc. miraculis clarus moritur. 596.
DCXLIX.	THEODONE Quarto apud Bojos imperante, D. Emmerammus in Bojariam venit. 597.
DCLI	Aripertus Gundoldi Filius, Garibaldi Bojaræ Principis nepos, Langobard. Rex salutatur. 610.
DCLII	D. Emmerammus Helffendorfi crudeli laniena excarnificatur. 602.
DCLX.	Patri mortuo Partharitus & Gundebertus, æquali jure succedunt. Gundebertus fratrem evertere cogitans, sequenti mox anno, solio & vita exuitur : Partharitus post novenalem fugam, & varia exilia, dignitatem recuperat. 610. & seq.
DCLXX VII	Partharitus regnum cum Cuniberto F. communicat. Alahis Tridentinus Dux Bojos bello petit. 623.
DCLXXX VII	Partharitus moritur : Alahis Cunibertum regno pellit : sed paullò post eodem excidit. 625.
DCXCVII	Theodo D. Emmeranymi monasterium condit. 631. quo tempore apud Bojos DD. Marinus & Anianus claruerunt. 631. & seq.
DCIC	Cunibertus moritur. Ansprandum Luitberti F. Tutorem Ragumbertus anno proximo acie fundit, regnumque occupat. Ansprandus D C I I iterum victus in Boicam fugit. 635. & seq.
DCCXII	THEODIBERTVS Boicæ Princeps Ansprandum copijs Bojorum auctum in Italiam remittit, quibus Aripertus Ragumberti Filius victus est. 639.
DCCXVI	THEODO V. Boicæ Dux Romam voti causa proficiscitur.

*Ann. Post  
Chr. Nat.*

Eo imperante, Corbinianus novum Boicæ Sidus illuxit. Idæ  
Boicam in quatuor partes divisam æquali cuni tribus filij  
imperio rexit. Patre mortuo, Corbinianus ad GRIMOAL-  
DVM F. Frisingæ divertit. 643. & seq.

DCCXXII.  
&  
DCCXXIII.

Carolus Martellus Boicam bello donat. Pilitrudem  
Grimoaldi uxorem D. Corbiniano infestam abducit. 655.

DCCXXX.

D. Corbinianus ab HVGIBERTO Principe revocatus  
moritur; quo tempore Ratharius Reginoburgi Episcopus  
fuit. 656.

DCCXXXII.  
vel III.

Bonifacius secundo in Boicam venit; Erenvolffum pri-  
mum in hac Gente hæreticū diris devovet. Sub idem tem-  
pus, etiam VVunibaldus & VVillibaldus & Sebaldus, VVal-  
burga & Chunitruda in Boicam migrarunt. 659.

DCCXXXVIII.

Bonifacius comitantibus Boijs Romam redit. 661.

DCCXXXIX.

Hugiberto VTILO succedit; Bonifacius Boicam in IV  
diœceses tribuit & Episcopos illis imponit. 663.

DCCXL.

Carolo Martello in Francia mortuo, Gripho F. Suanhil-  
de Bojâ natus, in cernenda hæreditate præteritus tumultuatur: Hiltrudem Caroli Filiam Vtilo sibi despondet; ex  
quo matrimonio, altero anno, Thassilo natus. 664. & seq.

DCCXLIII.

Vtilo à Francis bello appetitus ad Lycum, exercitum a-  
misit. Regis nomine, quod assumpserat, proximo anno, po-  
sito, cum Pipino & Carolomanno in gratiam redijt. 667.

DCCXLV.

B. Sturmio Bojus, Carolomanni auspicijs, Fuldense cœ-  
nobium molitur: eodem tempore VVillibaldus Vtilone fa-  
vente Aichstetensem Episcopatum erigit: & Virgilius cum  
Sidonio Boicam excolit. 670. 672.

DCCXLVIII.

Gripho Bojariam invadit: quam sequenti anno Pipinu  
illi iterum extorsit. THASSILONEMQUE Ducem ap-  
pellavit. 678. & seq.

DCCLI.

DD. Erhardus & Albertus in Bojaria inclarescunt. 693.

DCCLV.

D. Bonifacium Mart. B. Sturmio Fuldæ sepelit. 692.

DCCCLV.

Thassilo Pipinum ad Ticinensem obsidionem sequitur  
Sequenti anno, Compendij se suæque in Pipini clientela  
dedit: fidemque sexennio coluit. 693. & seq.

<i>Ann. Post Chr. Nat. DCC LXIII.</i>	Thassilo Pipini exercitum deferit, & obsequium palam exuit, eaque propter sequenti anno VVormatæ in illum bellum decretum. 695. 696.
<i>DCC LXVII.</i>	D. Virgilius Salisburg. Episcopus D. Ruperti templum molitur. Quo tempore Carantani Bojorum auxilio Hunnos vicere, eorundemque consilio Francorum amicitiam & Christiana sacra amplexi sunt, Virgilij potissimum operâ. 696. seq.
<i>DCC LXX.</i>	Circa hunc annum Carolus M. Pipini F. Thassilonem, legato Sturmione Bojo missò, ad renovandum sædus invit. 730. seq.
<i>DCC XXXII.</i>	Thassiloni Theodo filius nascitur. Carantanos bello domat. Comitia Dingolvingæ celebrat, 710. seq.
<i>DCC LXXVI.</i>	Saxonibus devictis B. Sturnio Christi legē explicat. 712
<i>DCC LXXVIII.</i>	Thassilo, Manibus Filij Guntheri ab apro occisi placandis, ad Chreimbsam nobile monasterium condit. Eodem imperante plura per Boicam passim surrexere. 715. seq.
<i>DCC LXXX.</i>	Thassilo nuper instauratum sædus rumpit; quod conciliatore summo Pontif. sequenti anno iterum coalescit. Tres proximi summis Religionis antistitibus pluribus per Boicam fatales fuere. 721.
<i>DCC LXXXVII.</i>	Thassilo legatos Romam mittit, per speciem fœderis integrandi; fraude compertâ Diris devotus, & tripartito exercitu appetitus, ultimum exitium supplicabundus à se & patria avertit. 724. seq.
<i>DCC LXXXVIII.</i>	Thassilo ad ingenium redit. Hunnorum auxilia stipendio in novum bellum conducit; sed Caroli celeritate præventus, in Ingelheimensibus comitijs exauthoratus, in Monasterium cum Theodone filio detruditur. In illo Agilolfingorum sanguis extinctus est. Boica deinceps Carolo M. paruit.

NB.

*Ob posteriores numeros quatuor pagellarum, Folij 00, sequenti Folio P p. vitiose repetitos, in utroque Indice numeris ijs nota Folij adiecta est.*

INDEX

# INDEX RERVM

## MEMORABILIVM

### PRIMA PARTE ANNALIVM

### BOICORVM CONTENTARVM.

#### A

**A** Dalbertus & Otkarius FF. Tigrensis Monasterij Con-  
ditores. 682.

Adalgerus fictitijs Bojorum  
Princeps, & domestica de illo fa-  
bula. 404.

Adalulphus homo nefarius in-  
nocentis Gundeberge criminator  
in duello occiditur. 586. 588.

Adalualdo Theodelinda Fil.  
Greg. M. munera transmittit.  
554. Rex salutatur. 555. Ejus mi-  
serabilis obitus. 592. 00.

Adjatorix Galatia Tetrarcha  
in triumpho ductus 380. ejus filij  
certamen inauditum fraterni a-  
moris edunt. 381. & seq.

D. Aegil. nobilis Bojus Fulda  
monachus. 693.

Aetolia vastata à Gallis, ite-  
rumque vindicata 102.

D. Afra cum sodalibus mar-  
tyr. 449.

Agil-

Agilulpho Theodelinda Conju-  
gium praedictum 539. eo potitur.  
542. à Theodelinda ad veram pie-  
tatem fidemque traducitur. 543.

Agrestini Pseudomonachi in  
Boicam adventus 589. vanitas, mo-  
res, mors. 590. 591. 00.

Alahis Bojos impugnat. 623.  
item Partharitum regem. 624.  
Cuniberto regnum eripit. 625. illo  
iterum pellitur. 626. occiditur  
memorabili praelio 628.

Alarici Gothi res ad Noricum  
pertinentes. 460. & seq.

BB. Albertus & Erardus FF. 691

Alboinus Langob. rex Boijs  
decanatus. 531.

Aldo & Grauso FFr. regis sui  
proditores 525. corrigunt scelus  
suum 625. structas sibi insidias mi-  
ro indicio deprehendunt. 629.

B. Alto Boica incola. 684.

AMBIGATVS Galliae ~~Galliae~~  
Rex prima BOIORVM emigra-  
tio-

tionis è Gallia autor. 11. & seq.

Ambronum uxores praelium  
instaurant. 320.

Amynas Deiotari scriba &  
Dux copiarum 377. Galatia te-  
trarcha. 378. bonus pecuarius. ib.  
ejus opes 379. à femina occiditur.  
ibid.

S. Aniani innocens vita &  
mors. 631. & seq.

Annibalà BOIORVM regulo  
in Italiam ductus. 196. Bojorum o-  
pera primo ad Ticinum praelio vi-  
ctor. 199. Galli capita hostium illi  
offerunt 200. fœdus cum Gallis  
fancit. ibid. ejus pugna ad Trebiam.  
203. Gallorum insidias quomodo  
evitaverit. 205. sit luscus. 206. pu-  
gnat ad Thrashmenum 208. vox il-  
lius. Parce ferro. 211. voluptatibus  
vincitur. 216. redeuntem in A-  
fricam BOII sequuntur. 222.

Ansprandus Luitberti R. Tu-  
tor cum Ragumberto & Ariperto  
infelicitèr pugnat. 636. In Baica  
copias colligit, & Aripertum no-  
vo praelio profligat. 639.

Antiochi Magni bellum con-  
tra Rom. auxiliantibus Tolisto-  
Boijs. 275.

B. Antonij innocentissimi mo-  
res. 501.

Aquilio aurum à Mithridate  
in os infusum. 330.

Aria-

Ariamnis inaudita liberalitas.  
305.

Ariarathis regis prodiga stulti-  
tia. 302.

Aribonis Episcopi Frising. vir-  
tus. 722.

Arioaldus Rex Langob. Gun-  
debergam conjugem falso supra  
accusatam custodia tradit. 586.

Aripertus R. Langob. duobus  
FF. regnum dividit. 610.

Ariperti II. crudelitas. 636.  
In Principatu Virtutes. 638. Pri-  
vati habitu provinciam lustrat  
incognitus. 636. Legatos pruden-  
ter excipit. 639. Regno excidit. ib.

Asdrubalis fortuna 217. Caput  
illius in Annibalis Fr. castra pro-  
jectum. ibid.

ATESE & GALATVS Bojorum  
Reges non necessarium bellum con-  
citant. 153. occiduntur à suis. 157.

Atila Kreinhildem Bojam u-  
xorem ducit. 408. ejus initia, titu-  
li, fatalis gladius, bella, omen mor-  
tis, obitus, arcus fractus. 471. filio-  
rum illius cruentum praelium. 408

Attalus Rex stipendium Gallis  
negat. 138. miro stratagemate Gal-  
los superat. 139. Attali, Achæi,  
Seleuci varia fortuna. 184.

Atto Frising. Episc. 722.

Autharis Rex Langob. Theo-  
delinda sponsa videnda desiderio

in

in Boicam clam proficiscitur. 536.  
B.

Barebista Rex Dacie vites ex-  
scindit 387. 389. Bojos in Norico in-  
ternecino bello extinguit. 390.

Belgij seu Bolgij Ducis res in Il-  
lyrico & Macedonia. 92.

BELLOVESVS Gallorum in I-  
taliā dux 15.

Benedictoburani Cœnobij origi-  
nes 681

Bepolitani Galata ab ultimo  
supplicio retracti mira fortuna. 336

BOLARLAE fines, situs, opes.  
421. Veteres incole Reti, Vindelici,  
Norici, 424 & seq. Illius, ante-  
quam Boij immigrarunt, status &  
forma sub Augusto Cæs. 427. 433.  
Colonie eò deductæ 430. & seq.  
forma Reipub. 433. sub Tiberio,  
Galba, Othone, Vitellio, Vespasiano.  
434. 436. sub Hadriano, Antoni-  
no, Commodo, Severo, & cæteris  
Aug. 438. 442. sub Diocl. &  
Maxim. 448. sub Constantino &  
FF. 451. sub Iuliano & Valenti-  
niano, Arcad. & Honorio. 452.  
usque 460. Ab Alarico & Atila  
quid cladium inuictum. 460. &  
seq. 471. & seq. Severinus provin-  
ciam ultima passam recreat. 474.  
usque ad 504. Variæ Barbarorum  
irruptiones ibid.

D. Bonifacy in Boicam adven-

tus 659. iterum ab Vilonē advoca-  
tur 663. ejus in Boicam merita 669.  
cum D. Virgilio lites 687. Lau-  
reata mors. 692

Boii origine Galli 10. Privati  
auspicijs in Italiā migrant. 16.  
Vmbrijs & Hetruscis patriam eri-  
piunt. ibid. centum & duodecim  
tribus numerant. 17. frugalitatis  
nomine commendantur. 18. seq.  
fidei & amicitia tenaces. 20. 21. 29.  
cum SIGOVESO in Herciniam sil-  
vam migrant. 23. 24. Bojoham  
nomen dant. 23. Melpum in Italiā  
expugnant. 31. vicum nobilem cō-  
dunt. ibid. cum Romanis collidunt-  
tur. 33. Clusium oppugnant. 34.  
Romam capiunt. 38. Capitolium  
VII menses obsident. 39. expedi-  
tionis Romanæ comites aut etian-  
duces fuerunt. 44. seq. unde sin-  
insignia habeant. 47. Id tantum  
metuunt, NE CAELVM R'VAT  
71. Alexandro M. fœdere jun-  
guntur. 70. seq.

BOIORVM XXXIII BELLUM  
cum ROMANIS in Indico  
CHRONOLOGICO numeratur

Boii è Bojohamo egressi TO-  
LISTOBOII dicti 89. 115. Bojodu-  
rum edificant. 110. duos Reges suos  
occidunt 157. Romanis Colonijs of-  
fenduntur 189. Romanis odia com-  
flant. 190. Posthumum cum tot



exercitus silva Litana obruunt 213.  
 Amilcarem Pœnum iuvant 225.  
 CC annis Romam continuus bellis  
 vexarunt. 257. unde illis tantum  
 militum. 259. ex Italia ad Tauri-  
 fcos migrant. 265. Cimbro Bojohæ-  
 mo arcent. 321. Noreiam urbem  
 Norici oppugnant. 348. Helvetijs  
 in Galliam migrantibus se jun-  
 gunt. 351. à Iulio Cæsare victi inter  
 Aduos collocantur. 355. 356. Gergo-  
 bina obseffi à Cæsare liberantur.  
 359. Bojorum cum Retis bella. 385.  
 Boj in Taurifcis funditus à Dacus  
 delentur. 390. Bojohæmo à Mar-  
 comannis pelluntur. 393. ad Na-  
 rificos migrant. 396. in Vindeliciâ  
 Theodone duce migrant. 507. 513.  
 518. 523. Bojorum nomen in Boja-  
 riorum & Baioariorum, denique  
 in Bavarorum migrat. 520. Boj à  
 Buris alieni 520. Initio Gothi, de-  
 inde Francis obnoxij, 523. Bojorum  
 fictitij heroës. 9. 404. 528. Lango-  
 bardos in Italiam sequuntur. 532.  
 Slavos vincunt. 548. ab iisdem ca-  
 duntur. 551. Christiana sacra su-  
 sciipiunt 575. Bonifacium Romam  
 secuti. 661. Carolo Martello mili-  
 tant. 664. à Carolomanno & Pi-  
 pino ad Lycum vincuntur. 667.  
 Bojorum in Fuld. Cœnobium libe-  
 ralitas. 673. Boj THASSILO-  
 NEM accusant. 732.

Bo-

BOIORIX regulus BOIO-  
 RVM Rom. castra oppugnat. 243.

BOIORIX II. Cimbris se jun-  
 git 313. Marium ad singulare cer-  
 ramen provocat. 324. in acie oc-  
 cumbit. 326.

Bonosus Imp. quantus Helluo.  
 444.

BORBONII BOIORVM pro-  
 pago. 361.

Boruthus Caratan. Rex Hun-  
 nos Bojorum auxilio vincit. 698.

BRENNVS I. Romana expe-  
 ditionis auctor 35. 36. &c. urbis  
 capta pretium ad iniquam libram  
 exigit, & VAE VICTIS Roma oc-  
 cinit. 40.

BRENNVS II. Gallos in Pan-  
 noniam ducit 92. ejus socij. ibid.  
 astu milites suos confirmat. 94.  
 Trimarcisiam seu triplicem equi-  
 tatum instituit. 96. Sosthenē Ma-  
 ced. Regem superat. 96. ejus ava-  
 ritia & impietas. 97. 101. per  
 Thermopylas aditum in Græciam  
 quærit. 97. & seq. invenit. 103.  
 ejus clades ad Templum Delphi-  
 cum & mors. 106.

BRENNVS III. in Asia. 107.  
 BRITOMARI BOIORVM  
 Ducis votum. 165. interversum  
 173.

Bulgeri ab hospitibus suis Bojs  
 una nocte jugulantur. 592.

Caca }

C.

*Cacani Hunnorum Regis opera*  
Boj victi. 551. *Romilda intempe-*  
*rantem amorem ulciscitur.* 556.

I. *Cesar Bojos superat.* 355. ob-  
fessos *Gergobina Bojos liberat.* 359.  
iterum a Bojs impugnatur. 360.  
*Pharnacem vincit.* 369. *Dejota-*  
*rum ob insensum erga se animum*  
*accusat.* 371. *parte provinciarum*  
*exiit.* 372.

*Cambaules primæ expeditionis*  
*à Bojohamo susceptæ dux* 91.

*Camma matronæ GalloGræcæ*  
*insignis castitas, & heroicæ ani-*  
*mus.* 141.

*Carantanos Hunnis obnoxios*  
*Samo in libertatē asserit.* 698. co-  
rundem jugum Bojs auxiliantibus  
excipiunt & Francis se addi-  
cūt. 699. *Boruthus, Carastus, Che-*  
*timarus Carant. duces.* 700. *Ca-*  
*rantani à Bojs, Christi legem di-*  
*scunt, Virgilio interprete.* 702.

*Carolemannus Vitiloni bellum*  
*movet.* 667. *Fuldensis monasterij*  
*condendi autor.* 670. 672. *regnum*  
*deserit & monachum induit.* 677.  
*illius admiranda animi submissio.*  
*ibid.*

*Carolus M. Thassilonem ad re-*  
*novandū fœdus invitat.* 703. *Sa-*  
*xone debellat, & Sturmionem*  
*ijs pietatis magistrum submit-*  
*tit.*

*tit.* 712. *Illius erga Thassilonē ali-*  
*quoties fœdisfragi clemētia.* 721.  
*Triplici exercitu Boicā petit.* 727.  
*Thassilone in monasterium detru-*  
*so Boicæ imperium capessit.* 735.

*Carolus Martellus Bojos bello*  
*vincit.* 655. *Pilidrudem abducit.*  
*ibid.* *Saracenos duobus prælijs do-*  
*mat.* 664. *moritur ibid.*

*D. Cassiani episcopi Sabionen-*  
*sis martyrium.* 454.

*Castor Dejotarum Arum fal-*  
*sò cædis meditata apud Casarem*  
*accusat.* 373. *Castor Dejotaro in*  
*tetrarchia succedit.* 377.

*Catonis cum Dejotaro congres-*  
*sus & continentia.* 341.

*Cavarus Gallorum Rex pacifi-*  
*cator.* 182.

*Centaretus ab equo occisus.* 305.  
*Childebertus II. Bojorum legis-*  
*lator.* 548.

**CHIOMARA** *Tolistobojorum*  
*Regina pudicitiam vindicat.* 288.

**CHRIXVS BOIORVM**  
*Regulus pugnans occiditur.* 199.

*Chrodoaldi Boij impotentia in*  
*Dagoberti aula: indeque odium*  
*& misera mors* 589.

*Cicero Romanos triumphos ir-*  
*ridet.* 57. *Historiam Romanam*  
*mendosam fatetur.* 80. *Dejotaro*  
*Tolistobojo familiarissimè utitur*  
*363. ejusdem auxilijs adjutus res*

maximas gerit. 365. Deiotari innocentiam defendit. 374.

Cimbri à BOIIS Bojohemopulsi 322. illorum origines & migratio ibid. Bojorum quedam manus se illis jungit. 323. illorum praelia. 324. Galea Cimbrorum. 325. Antefignani praeligati catenis pugnāt. 325. Marij cū illis pugna. 325. Cimbricarum feminarum & Canum praelium & mors. 326.

Clotharius Franc. Rex Gundeburgi innocentis patrocinium suscipit. 586. Pp. Boicis legibus tertius operam impendit. 589. Pp.

D. Columbanus Dei jussu in Italiam migrat. 587. Oo.

Comontorius Gallos in Thraciam ducit. 708.

S. Corbiniani res gesta sub Theodone V. 644. sub Grimoaldo, 647. ab Hugiberto in Boicam revocatus moritur, 657. mira ante & post mortem patrat, 652. 657. Frisingam refertur. 718.

COROLAMVS BOIORVM regulus Romanis eladem infert. 240.

M. Crasso aurum in os infusum, 362. illius cum Deiotaro congressus & festivi utriusq. cavilli. ibid.

CRITASIRVS Rex Bojorum 386. sub eo Boj in Norico funditus à Dacia deleti, 390.

Cunibertus Parthariti Filius Langob. Rex 623. in hostem magnificus, 624. ab eodem solio deturbatur 625. Illud recuperat, 626. memorabile illius cum Alabi praelio 626. cadis consilium ab eo meditata miro indicio emulgatum. 632.

D.

Daci Bojorum hostes, 386. Dacorum ignavia quomodo castigata 387. temperantiā ad militiam accuuntur 387. Dacorum vates, 388. 389. Bojos in Norico funditus delect 390.

Dagobertus Bulgaros suum patrocinium amplexos jugulari à Boijs jubet. 592. Pp. ultimam Boicis legibus manum imponit. 593.

Decenaeus Dacorum vates, consilium dat vitium è Dacia tollendarum. 389.

DEIOTARVS Rex Tolisto- bojorum Mithridatis carnificinam effugit, 336. Romanos duces bello Mithridatico juvat. 338. & seq. 343. Catoni munera destinat. 342 à Pompejo provincijs augetur. 346 In Crassi ambitionem scite jocatur. 362. Cicerone familiarissimè utitur. 363. eidem auxilia adducit. 365. Civili bello Pompeij partes sequitur. 366. auspiciatō omnia agit. ibid. Casari pro se supplicat. 370. à nepote accusatus Ciceronis oratio-

Cuni-

20

ne defenditur. 373. erepta à Cæsare recuperat. 375. filios suos jugulat. 377.

Delphi oppugnati, defensusque cum ingenti Gallorum clade. 106.  
Diaphanis egregia & heroica facta. 276.

Dionysius Syracusanus Boiis scissusque scindere jungitur. 51.

DORVLACVS regulus BOIORVM infelicitè pugnatur. 244.

DVCARIVS BOIVS Flaminium Cos. obruncat. 209.

Duellum Manlij Torquaticum Gallo. 62. Valerij Corvini cum Gallo. 68. Adalulphi cum Carello. 588.

## E.

D. Emmerammus BOICAM triennio excolit. 598. innocens crudelissimè laniatur. 602. 603.

Et seq. divinitus vindicatur. 604.  
Equus domini sui ulcor. 305.

DD. Erardus & Albertus BOICÆ sidera. 691.

Erentrudis S. Ruperti neptis sanctissima virgo 582.

Erenvolfus hæreticus primus in BOICA à S. Bonifacio piorum cœtus motus 661.

Etaçeta ingenij novercalis exemplar. 124.

Eusebius homo Græcus Adalbaldu Langob. regem evertit. 592. 00.

D. Eu-

D. Eustasij in BOICAM adventus, ejus occasio; pij labores &c. 586. 00.

## E X E M P L A

### ILLVSTRIA.

Ambitionis 388. 399. 442. 464. 589. 665. 677. Amoris conjugalis & pudicitie 141. 288. 323. 364. Amoris improbi 141. 556. 253. Astutia 92. 301. 625. Avaritia vindicata. 330. 362. 477. 489. 496. Audacie felix. 117. 276. 339.

Boni Ducis 465.

Charitatis fraternæ 380.

Christiana fortitudinis 446.

447. 454. 594. 602. Contemptus mundi. 441. 458. 475. 637. 645. 660. 676. Continentiæ 341. Corruptelarum aulicarum 592. 585. 589. 592. Crudelitatis 253. 332. 386. 443. 480. 502. 591. Pp. 602. 636.

Fastus regij 92. 301. Factionum. 357. 347. 365. 377. 591. Felicitatis. 121. 330. 515. Fidei cultæ 367. 616. 617. Et seq. 626. Fortune memorabilis. 334. 539. 542. 610. Et seq. Fratrum odiorum 452. 136. 610. Frugalitatis. 18. Furoris popularis 156. 157.

Hospitalitatis inaudita 305.

Hic.

*Humanitatis in mortuum.* 334.

*Ignavia castigata* 387. *Impietas* 97. 372. *Impietatis* & *Injustitie vindicatae* 106. 209. 483. 484. 492. 655. *Imprudenciae correctae* 111. 112. 113. *Imprudentie militaris.* 285. *Infidelitatis* 615. *Ingrati animi* 624. *Inhumanitatis* 206. 317. *Innocentia* 501. 588. 596. 637. 660. *Insaniconatus.* 324. 332. 333. *Intemperantia proscripta* 387. *Ira efferata* 428. 651. 654. *Juvenilis consilij* 536.

*Liberæ orationis* 318. 490. 494. 649. *Liberalium jocorum* 362.

*Magnanimitatis* 69. 234. 291.

*Ody Novercalis* 123.

*Patrociniæ aquitatis* 123. *Perfidia vindicata.* 133. 242. *Pietatis remunerata.* 551. 644. *Pietatis simulata* 589. *Proditionis vindicata.* 107. 611. 613. *Prudentie* 207. 211. 391. 638.

*Religionis promota.* 545. 578. 581. & seq.

*Simplicis superstitionis* 308. *Stratagematis.* 139. 212. 325. 339. *Submissionis animi* 651. 676. *Violentie* 444. *Virtutis muliebri.* 543. 141. 288. 323. 334. 558.

F.

F.

*Fava Flaccitheï F. alio nomine Feletheus dictus, D. Severino familiaris: deque illo plusscula.* 480. 492. 493.

*Flacciteus Rex Rugorum, S. Severinum in visis.* 479.

*C. Flaminius Trib. Pleb. BOIIS infensus lege Agraria bellum concitat.* 158. à *DVCARIO BOIO* occiditur. 209.

*L. Flaminius Cos. nobilem BOIVM animi causa super mensam jugulat, eaque ré novum bellum concitat.* 254.

*D. Florianus Trib. mil. martyr in Norico* 447.

*Franci in Noricum irrumpunt.* 502.

*Francis obnoxij BOII* 523.

*Friderici Rugorum regis fratris avaritia vindicata.* 496.

G.

*Gasati stipendio à BOIIS conducti* 160. eorum reges *Aneroëstes* & *Concolitanus* 161. nudi præliantur. 170. *Vrdomarorege* illorum occiso, spolia opima relata. 277.

*GALLORVM in Italia sedes.* 15. & seq. *Oraculum de illorum in Roman. Urbem irruptione* 33. eorum res ad *Clusium* gesta. 34. bellum cum populis in alpinis. 48. *Gallica virtus* 56. & seq. *fæderis*

ruperi

rupti dant pœnas. 58. capita Romanorum, equorum pectoribus suspendunt. 77. Ius gentium violant. 82. Romanos ad seriam militiam exercent. 86. scuta sua thyr appellant. 98. pacem vendunt regibus 73. 93. 111. ab Antigono astu vincuntur. 114. Pyrrhum iuvant. 128. & seq. sepulchra violant. 130. Gallus & Galla vivi Romæ defossi; & cur? 162. Gallorum gladij quales? 172. Gallorum ex Thracia in Asiam, vocante Attalo, migrantium luctuosa fortuna. 185. Eclipsi Lunæ turbati bellum de-  
testantur. 186. à Prusia interne-  
cione delentur. 188. Romanam le-  
gationem irrident. 191. Gallorum  
uxoribus cur iudicia permessa 202.  
De Roma iterum capienda delibe-  
rant. 234. eorum corpora quotan-  
nis ad Cinguli modum dimensa.  
261. Quomodo erucas à satis ar-  
ceant. 309.

**GARGENVX REX BOIORVM**  
in pugna cadit. 176.

**GARIBALDVS I.** Evino Du-  
ci Langob. filiam elocat. Alteram  
Theodelindam nomine Authari  
Regi Langob. 533. & seq. à Fran-  
cis bello appetitur. 538.

**GARIBALDVS II.** Gislelphi  
Foroluliensis Ducis filiam insignis  
pudicitia ducit. 556. Bis cum  
sla-

lavis acie congressus, primum vi-  
ctus, altero praelio superior fuit.  
558. Garibaldus Taurinas insignis  
proditor. 612.

Generidus Ratiæ præfectus Ba-  
ni Ducis Exemplar. 465.

GibulduS Aleman. R. S. Seve-  
rinum invisit. 490.

Gisa Rugorum regina à S. Seve-  
rino sapius castigata. 481. 495.

Grimoaldus Beneventanus Gun-  
debertum occidit. Partharitum  
fratrem fugat; recipit, occidere  
meditatur. 611.

**GRIMOALDVS BOICÆ Dux**  
Corbinianum ad se invitat. 647.  
Theodibaldi Fr. uxorem sibi copu-  
lat. 649. Corbin: monita quanti  
facere solitus. 649. infelix obitus.  
655.

Gripho Caroli Martelli F. here-  
ditatis causâ tumultuatur in Fran-  
cia 665. novi ab illo motus, & ir-  
ruptio in BOICAM. 678. Pipini  
viribus succubito. 685. perit. 687.

Gregorius M. Pont. Theodelin-  
da libros Dialogorum mittit. 546.  
eam in fide confirmat. 547. ob pa-  
cem conciliatam illi gratias agit.  
549. filium illi gratulatur. 553.

Gundeberga Theodel. F. Regina  
Langob. falso accusata custodia tra-  
ditur & duello innocens probatur.  
586. Pp. ejus in altero conjugio

ermone repetita; inque ijs constancia. 594.

Gundeberti Langob. regis cum fratre simulas, & impia consilia infelici exitu & morte finita 610. & seq.

Gundoaldus Theodelinda Fr. eam in Italiam ducit. 538. Astensem apud Ligures Ducatum obtinet. 559. sagitta interimitur. ibid.

Guntherus Thassil. Fil. ab apro laceratus. 715.

H.

Helffendorffij D. Emmerammus innocens excarnificatur. 600.

Helico Helvetius Faber Gallis Italia petenda cupiditate iniecit. 23.

Helvetij cum BOIIS ad Herciniam silvam migrant. 23. 24. BOII illos in interiorem Galliam migrantes comitantur. 351. cum Jul. Cesare pugnant 355.

Hercinia silva descriptio 22. SIGOVESVS BOIOS, Tectosages, Helvetios eo inducit. 23. 24.

Hiltrudis Caroli Mart. F. Viloni jungitur 667. à Griphone Fr. capitur. 678.

HVGIBERTVS BOICÆ Dux 592.

HVGIBERTVS II. D. Corbin. in BOICAM revocat. 656.

Humorum vicinitas pernicio-  
sa BOIIS 532.

Hu-

Hunulphus domino suo fidissimus. 620.

Ingenuinus Episcopus Sabionensis. 541.

D. Ioan. Baptista Theodelinda Langob: deuotæ, magno Gentis totius bono 551. Gundeberga illi templum sruuit, Theodelinda matri exemplum imitata 585.

Iudaorum de D. Emmerammo fabula. 605.

Iuvavia Salisburgum hodie Rom. Colonia. 432.

Iuvavienses LV. martyres 488. D. Ruperti opera Iuvavia instauratur & sede Pontif. exornatur 578.

L.

Landfridus, Valdramus, Eliandus FFr. octo Monasteriorum in BOICA fundatores 681.

Langobardi in Italiam BOIIS comitantibus migrant. 530.

Lantbertus D. Emmerammum excarnificari imperat. 600. & seq. divina in illum vindicta 604.

Laureacum Romana in Norico Colonia 430.

Laureacenses MM. XL. 447. B. Laurentius Primus Norici Apostolus. 438.

Livy narratio de Camillo aurum Gallis exter iuente rejecta. 40. altera de M. Antio Capitolino ex. mi-

MAIAT



nata. 53. & seq. cause discordiarum Livij & Polyby. 78. Livius defensus 79. laudatus. 81.

Lomnorijs Tolisto Boiorum dux. 108. dissidet à Lutario. 117. in Asiam migrat. 119.

D. Lucani episcopi Brixin. res gestæ. 465. Lucillus B. Severinum exhumat. 499.

D. Lucius Rex Britannie in Vindel. & Norico Christi fidem prædicat. in Retia moritur. 440.

Luitburga, Thasib. vxor fax BOI CÆ, mariti concitatrix. 720. seq.

B. Lullus Ilmense monast. illustrat. 684.

Lutarius Gallorum Dux. 108. Gallos quinque navibus in Asiam transportat. 119.

M.

Magonis Annib. Fr. res gestæ. 219.

Marcomannorum bello BOII militant. 400. Leones Romanos sudibus Marcomanni excipiunt. 402.

Maricus BOIUS divinitatis affectator confoditur. 399.

S. Marini sanctissima vita & martyrium 631. & seq.

Maroboduus Marcomann. Rex 390. BOIOS Bojohamo pellit. 393.

Massilienses ad summam mille anni-

auripondo, quod Roma Gallis pendit, symbolam conferunt. 41. 42.

MATALVS seu Magilus BOIORVM Regulus Annibali auxilior & dux Italie petenda. 195.

D. Maximilianum martyrium 446. edes illi à D. Ruperto struitur. 580.

Maximinus urso duce via ad S. Severinum pervenit. 500.

D. Michael in bello visus 628.

Mithridatis initia & progressus. 328. ejus crudele contra Rom. edictum. 329. bella cum Romanis.

330. ejus in LX. Galatarum tractas crudelitas. 331. à Sertorio iterum ad rebellandum excitatur. 338. qua arte prælio sit elapsus. 339 nocturno prælio ad Lit-

nam victus. 344. venenum innoxie haurit. 345. à Gallo occiditur. ibid.

ibid.

MONASTERIORVM  
ORIGINES.

D. Petri salisburgi 579. D. Maximilianum 580. Montis Non-

narum. 583. Vveltenburg: 584. S. Emmerammi 631. Altschiff inferioris & superioris. 680.

Mansce ibid. Niderburgi. ibid. Pfaffenmünster. ibid. Osterhove. ibid. Isenensis. ibid. Benedicto B-

rapi 681. VVessobrunnensis. 681.

Gcc 716.



716. Pollingani 681. 716.  
Schlehdorffensis 681. Siverstatt.  
ibid. Sandau. ibid. Cocheliensis.  
ibid. Stafeliensis. ibid. Tegerensis.  
682. Ilmenfis. 684. S. Altonis.  
ibid. Chrembsani. 715. Thierhau-  
ptensis. 716. Mattseensis ibid.  
Monasteriensis. ibid. Chimensis. ibi.  
Schlierseensis. 717. Schefflarien-  
fis. 718. Garfensis. ibid. Auen-  
fis. ibid. Oetingensis. ibid. Caoffstei-  
nensis. ibid.

N.

Narfetis in Italia res gesta. 530.  
Nymphis historicus Heraclien-  
sum ad Tolsto Boios legatus. 126.

O.

Odoacer Herulorum rex S. Se-  
verinum invisit. vaticinium re-  
gni ab illo accipit. ejus in Salibur-  
gensem Ecclesiam crudelitas. bel-  
lum contra Rugos & c. 486. 497.  
pugna ejus cum Theodorico & obi-  
tus. 504.  
Oettingæ D. V. Aedis antiquitas.  
584.

Olor Dacorum rex gentis sue i-  
gnaviam ignominia multat. 387.

ORTIAGON Tolsto Boiorum  
rex à Manlio Volsone bello vincit-  
tur. 283. 288.

P.

Partharitus R. Langob. regno  
excidit, idemque tragicis casibus  
&

& mutatis saepe exilijs jactatus re-  
cuperat. 610. usque ad 622. Cu-  
nibertum in Societatem regni ad-  
sciscit. 623.

Paulin. Tiburnia episcopus. 500.  
Petri Ticinensis episcopi fortu-  
na & virtus 637.

Phænnidis de Gallorum in A-  
siam migratione oraculum 118.

Pilitrudis malè Grimoaldo Prin-  
cipi nupta. 649. D. Corbiniano in-  
fensi. 651. & seq. illi insidias  
struit. 654. illius arumna 655.

Pipini contra Griphonem Boi-  
cæ incubantem expeditio. 685.  
regnum Franciæ capessit. 690.  
Bellum in Thassilonem ut fœdifra-  
gum decernit. 696.

Pirminij episcopi in BOICA  
res gesta. 680.

Plectrudis D. Stephano Passavij  
Aedem condit. 692. Pp.

Posthumius cum toto exercitu  
à BOIIS silva Litana obrutus.  
213. ex ipsius Calva poculum fa-  
ctum 213.

Prusias Gallorum copias delet.  
188. illius affectata & sordida  
adulatio. 298.

Ptolemai Cerauni stoliditas &  
mors 92.

Ptolemai Evergetis cum Seleuco  
Callinico res. 134. & seq.

Pugnarum nobilium descriptio-  
nes.

nes. 66. 76. 77. 100. 103. 166.  
193. 208. 211. 213. 223. 228.  
248. 250. 280. 286. 320. 344.  
354. 408. 628. 667.

Pyrrhi res in Gracia gesta Gal-  
lorum operâ 128. & seq. Spartam  
& Argos oppugnat. 130. 131.

Q.

S. Quirinus Laureacensis epi-  
scopus martyr 449. Alterius Qui-  
rini Corpus Monast. Tegerensi il-  
latum. 683.

R.

Retorum cum BOIIS bella,  
385. eorundem crudelitas. 386.  
Retorum origo 425. à Romanis  
sebaſti. 427. Retia in formam pro-  
vincia redacta 430. Pars illius à  
BOIIS occupata in nomen BOIA-  
RIÆ transit. 421.

Reginotrudis Theodonis III. uxor  
Christiane fidei viam sternit. 574.

D. Rhemedij Comitris Tauriensis  
res gesta 458.

ROMÆ à Gallis capta facies. 38.  
Roma auro redimitur. 40. Roma-  
norum de robore Gallorum sensus,  
& bellici contra eosdem appara-  
tus. 53. 56. 57. 163.

Romani triumphi à Cicerone ir-  
rifi 57. Romani annales cur men-  
dosi. 80. Senones Italiâ eijciunt.  
83. fœdus cum BOIIS sanciunt.  
85. Gallia Romanos milites fecit.  
86.

Roma

Roma sub Alarico status mise-  
rabilis. 463. & seq. 468.

Romilda Gisulphi Foro Iulienſis  
Ducus vidua impotens amor, &  
infelix exitus 556. filiarum ejus  
inſignis caſtitas inaudito artificio  
deſenſa. 557.

D. Rupertus VVormat. epiſc. qua  
occasione & tempore in BOICAM,  
fidem Chriſti intulerit 573. 576.  
eandem propagat 578. in uavia  
ſeu Salisburgi epiſcopalem Cathe-  
dram ponit. ibid. D. Maximiliano  
adem conſecrat. 580. Socios laboris  
in BOICAM adducit. 582. totam  
BOICAM obit, templa condit.  
583. funus ejus calites celebrant.  
585.

S.

Samo ex mercatore rex Caran-  
tanorum. 698.

Saxones Norico inſeſti. 502. à  
D. Sturmione BOIO ad Chriſtum  
adducti: 722. Scipio BOIOS in-  
genti praelio vincit 256. ſcuta Gal-  
lica Thyri dicta 98.

D. Sebaldis uita & virtutes 660.

S. Severini Noricorum Apoſto-  
li patria, res miranda & diuine  
virtutes. ab 474. uſque ad 504.

SIGOVESVS I. BOICÆ GEN-  
TIS DVX BOIOS in Hercyniam  
ſilvam ducit. 21.

Silvinus ſacerdos ad vicam re-  
vocatus. 485. Ccc 2 St.

Sinatus & Sinorix reguli Gala-  
tarum. 141.

Sinati mortem vxor Camma  
vleiscitur. 142.

Slavi à Boiis victi. 548. hos  
vicissim Slavi, opera Hunnorum  
vincunt. 550. Iterum vincunt  
& vincuntur. 558. D. Maximili-  
iani ad eam vastant. 582. D. Mari-  
num interimunt. 633.

Solvetius Dux Gallorum Lega-  
tionem Rom. spernit. 297.

Sosthenes Macedones consterna-  
tos confirmat. 94. victus à Bren-  
no. 96.

Stiliconis laudata & illaudata  
facinora. 461. & seq.

Stratonices Deiotari vxoris in  
maritum rara benevolentia. 364.

D. Sturmionis Boii, Fuldensis  
cenobij conditoris res gesta. 672.  
ejus ad Thassilonem nobilis legatio.  
702. Saxonibus legem divinam  
explicat. 712. moritur. 713.

Suanhildis Griphonis mater.  
665.

Suevi Narico infesti. 491. Sue-  
vorum Rex Chunimundus 492.

Suiggerus Comes Hirsberg. S.  
Vvilibaldi suasu episcopat. Eistete-  
sem datat. 670. ejus insignia ibid.

T.

Tectosages Boiorum socij in  
fluviam Herciniam. 27.

Ten-

Teutones & Ambrones Cim-  
brorum socij. 320.

Teutobocchi statura & agilitas.  
322.

Teutonicarum fœminarum pro  
pudicitia studium 323. earum  
memorabilis mors. 323.

THASSILO I. à Childëberta  
Franc. rege Boiis dux datus 539.  
slavos bello vincit. 548. iterum  
ijsdem congressus vincit & vinci-  
tur. 550.

THASSILO II. à Pipino Boi-  
ce Dux datur. 687. tirocinium  
militie sub Pipino ponit. 694. eidẽ  
sacramentum dicit. ibi. contra Vai-  
farium militat. 695. à Franco de-  
sciscit. ibid. D. Sturmionis legatione  
motus sacramentum renovat 709.  
Romam adit. 710. Carantanos bello  
domat. ibid. Dingolvinge Comitum  
celebrat. 711.

Ad Chrembsam monasterium  
struit. 715. itemq. alia 718. ab vxoro  
corruptus fœdus aliquoties rumpit  
720. seq. Diris devoretur. 726. tri-  
plici bello appetitur. 727. Hunnos  
stipendio conducit. 730.

Pro capite suo supplicat Carolo;  
& vita impetrata monachum in-  
duit. 731. & seqq.

THEODEBERTVS I. Boice  
Dux D. Maximiliani Aedẽ mu-  
nificẽ donat. 851.

THEO-

**THEODEBERTVS II.** An-  
sprandum hospitio excipit & copijs  
juvat. 636. 639. Luitprando si-  
liam elocat. 643.

**THEODELINDA GARIBAL-**  
**DI I. F.** Authari Langob. Regi de-  
fensa 535. ejus visendæ studio  
Autharis in BOIARIAM profici-  
scitur. 536. Agilulphum secun-  
dum maritum ad fidem Catholi-  
cam cum tota gente Langob. perdu-  
cit. 543. Greg. M. illi suos dialogos  
mittit. 546. In fide confirmatur  
ab eodem 547. pacem inter Rom.  
& Langob. sancit. 549. regiam  
& templum molitur. 551. D. Ba-  
ptista Langobardos devincit. ibid.  
S. Columbanum honorificè excipit.  
587. Oo. D. Eustasio ingressum  
BOICÆ suadet. 588. Oo. cum A-  
dalvaldo F. imperat. 591. Oo.

**THEODO I.** migrationis in Vind.  
& Noricum BOIIS auctor. 507.  
513. & c. Diversa de illius expe-  
ditione narrationes 508. & seq.  
ejus filius Theodo II. 528.

**THEODO III.** D. Rupertum  
in BOICAM accersit & Christiana  
sacra suscipit. 575. moriens Theo-  
deberto F. pietatem commendat.  
581.

**THEODO IV.** BOICÆ Dux  
D. Emmerammum in BOIARIA  
detinet. 597. Innocenter caso exe-  
quias ducit. 604. **THEO-**

**THEODO V.** Romam vocatus  
sacit. 643. sub illo Corbinianus  
BOICAM ingressus. 643. cum  
tribus filijs BOICÆ imperat. 646.

**THEODO VI.** Thasyl. F. 710.  
obses Carolo datus 729. cum patre  
actonfus. 733.

Theodorici Veronensis in Italiam  
ingressus, res gestæ, Ius in Noricum  
& Vindeliciam. 504. felicitas.  
515.

Theodoricus Clodovei F. primus  
BOIORVM Legislator 526.

Thermopyla à Græcis contra  
Gallorum irruptiones defensæ 97.  
& seq.

Thessalonus Brenni socius. 105.  
**TOLISTOBOII** unde dicti 89.  
115. Leonorius & Lutaricus illo-  
rum duces. 108. Brennum ad tem-  
pli Delphici expoliationem non se-  
quuntur. 108. Asiam subjugant,  
& stipendiariam faciunt. 116.  
117. 119. 121. 123. Zeilam Ni-  
comedis F. in regnum reducere la-  
borant. 124. Heraclenses oppu-  
gnant. 125. Bithyniam occupant.  
& Rempub. ibi constituunt 126.  
Antiocha Magna contra Romanos  
auxiliantur 275. Pugnaturi in O-  
lympum montem migrant 285. Nu-  
di preliantur & vincuntur ibid.  
Illorum inter vincula generosus a-  
nimus. 291. Romanis bello Mace-

domico auxiliantur. 293. Roma-  
norum erga illos benevolentia. 299.  
¶ seq. Primi ex Boiis Christum  
agnoscunt. 399.

Toredorix Galata in Mithrida-  
te mortem cum socijs conspirat.  
332. ultime illius iræ ibid. suppli-  
cium & memorabilis sepultura. 334

Turingi Noricum invadunt.  
493. V.

D. Valentini in Vindelicia res  
gestæ. 462. corpus ejus Passavium  
Thaßilonis opera relictum. 718.

Veneti agrum Gallicum vastan-  
tes, causa solutæ obsidionis Capitoli-  
næ. 43.

Vindelicorum origo. 426. bella,  
quibus à Romanis victi. 427. Vin-  
delicia provincia Romana, illiusq.  
sub Augustis Rom. forma. 430. &  
¶ seq. vide etiam verb. BOIARIA.

Vindelicia BOIORVM juris  
facta. 507. & alibi.

D. Virgilius BOICAM ingre-  
ditur. 675. à D. Bonifacio dissen-  
sit. ibid. Salisb. episcopus fit. 696.

D. Ruperto basilicam struit. 697.  
Caratanos ad fidem Christi eraducit.  
ibid. mortuus mira patrat. 723.

D. Vitali Salisb. episcopo post mor-

tem lilium e corde excrescit. 596.  
Voccio rex Norici. 426.

VTILO BOIORVM Dux. 527.

VTILO II. S. Bonif. in BOI-  
CAM accersit. 663. Car. Martello  
bello Saracenicò militat. 664. Hil-  
trudem sibi despondet & nomen  
regium assumit. 667. cum Francis  
infelicitè pugnât. 667. nomen  
regium ponit. 669. Vtilo plurimum  
monasteriorum auctor. 679.

Vra Theodonis IV. filia D. Em-  
merammum falso accusat. 400. in  
exilio Italico perit. 400.

Vro Ilmensis Monasterij auctor.  
684. VV.

VVilibaldus VVunebaldus &  
VValdburga in BOICAM mi-  
grant. 652.

VVilibaldus episcopat. Eisteten-  
sem erigit. 670.

VVunebaldus & VValdburga  
Haidenbaimij cænobia condunt.  
671. VVilibaldi mors. 722.

Z.

Zamolxis Pythagoreus Daco-  
rum vates, postea Deus. 388.

Zeila Nicomedis F. iniqua fa-  
ta ex odio Noverca. 124. à Tolisto-  
Boijs fovetur. ibid.

## EMENDANDA.

Pag. 35. in Marg. POTNA. L. PUGNA. p. 79. Marg. EXPEDITIONIS. L. EXPEDITIONIS. p. 92. &  
alibi. Ptolemæus. L. Ptolemæus. ibid. in Marg. 471. L. 472. p. 181. coinvasse. L. conjurasse. p. 229. v. 2. ani-  
madverit. L. animadvertit. p. 282. in Marg. L. CLXXXVII. A. V. C. 565. p. 283. v. 10. à fin. præteritum regi-  
adde. Boethienus. p. 258. Naim. L. Nam. ibid. Carthagne. L. Carthagine. p. 297. in Marg. 581. L. 585. p. 298.  
in Marg. lege. CLXIV. V. C. 582. p. 338. v. 18. Quarto & Sexto. p. 340. v. L. suscipio. L. suspicio. p. 731. v.  
ponit. donviq. de nay.

MONACHII.  
SVMP TV ET FORMIS HÆ.  
REDVM IOANNIS HERSTROY ET  
CORNELII LEYSSERII.



Anno M. DC. XXVI.



MONARCHIA

ET REGNI

FRANCIE

LIBERTAS

ET

JUSTITIA

ET

VERITAS

ET

LIBERTAS

ET

JUSTITIA

ET

VERITAS

ET

LIBERTAS

ET

JUSTITIA

ET

VERITAS

ET





